



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

GRAD

PN

32-44

P5

C16

Bulm

Claudio, Sofia

Patriarcat quem profetas


C

486,498

UNIVERSITY OF MICHIGAN



3 9015 03606 8262











# PATRIARCAS

## QUEN PROFETAS

### PASION

oenno panagbiag ingana idi yooli  
sadi lañgit ni Apo tayo á Jesucristo  
quen panangyoli daguiti Angeles  
sadi lañgit quen apo tay á Santa  
Maria Virgen.

INURNOS NI

*Sofia Claudio.*



Año —1907.

Imp. del P.<sup>e</sup> Justo Claudio.

Calasiao, Pangasinan.

STOP

PN

3299

-P5

C16

*Endor*



## Patriarcas quen Profetas.

---

¡Oh naayat á Dios Espíritu Santo!  
umaymo silaoan toy panunot co  
tapno masurotac ti panañgibalicasco  
cadagti gayagayec á panañgipalaoagco  
cadaguiti agcacapateg unay á saó.

Sica nga pudno á naicaycaysa  
iti Mannacabalinamin á Dios Ama  
quen iti met Dios Anac á nañgina  
ipalubosmo ti panangsaritac comá  
iti daydayaoen á Historia Santa.



Raguiac ita ti panañgibalicasco  
ñga idi damoen ti mamarsua ti Dios Apo  
immona á pinaaddana ti lañgit á nañgato  
quen toy dagá ñga piman yan tayo  
agraman linas-odda uray ditay ammo.

Toy lubong nacumotan idi iti sipñget na  
ñgem idi quinona ti Dios: aglaoag ca  
naisacnap ti laoag inguet sayaat na  
ta saan á napudot, saan á nabara  
ta saan pay á init daydi mañgioará.

Iso metten daydi panangruguí  
á nagsina ti aldao quen rabi-i,  
iti maicadua ñga aldao, firmamento á nasudi  
ti naaramid iti pannacabalin á mangnibinibi  
ti Apo tayo ñga Dios á managñgaasi.

Nailasin met daguiti taao,  
iti met dagá rimmusing limtuñgao  
daguiti roroot, caycayo qñ dadduma pay  
á itataudda amin ti nacascasdaao  
iti daydi maicatlo ñga aldao.

Idi maicapat ñga aldao pinarsuana  
ti init, bulan, bituen quen planeta  
tapno daguiti aldao qñ rabi-i ipatoda  
castamet á daguiti pannagnada

ti pagbilañgan iti tiempo ñga cona.

Idi maicalima ñga aldao quinonana:  
tumaod daguiti agayayám iti dagá  
agraman banos, animales nadumaduma;  
iti met tañgatang dagti tumatayab agparangda  
quet iti danum ican qñ amin á lames da.

Idi maicanem ñga aldao imbilinna  
ñga amin á roro-ot, caycayo nadumaduma,  
castamet dagti tumatayab qñ banos á cona  
pataudendan dagti sabsabong qñ bungbuña  
agraman annac ñga putotenda.

Quet idi malpas á maaramid daguitan  
á ti dagá, danum quen tañgatang  
naparamenanda amin á naarcosan  
iso met daydi panamarsua, panamaaddanan  
iti tao á inaramidna á ladaoanna piman.

Binuquela ti baguí ti tao iti dagá  
quet iti rupa ti tao cas impuyotna  
ti espíritu á naganentay iti cararua . . . ( 1 )  
quet nanipod idin adda biag na  
á mamaggunay cadagniti ricna na.

Misterio daytoy á ditay maaoatan,  
ñgem utang tay la unay á pacasdaaoan  
ta iti panagtipon ti baguí qñ cararua, di pangduaan,  
ni laeng Apo Dios á maymaysa ti aquingapoan  
quet itoy panagtipon: biag ti pangnaganaan.

Ni Apo Dios iti paraiso insaadna  
ti naingasatan á tao á pinarsuana  
tapno iso ti aglac-ám iti sagudayna  
daydi naalinonganong unay á dagá  
á nacamtiponan daguiti nam-áy qñ guin-áoa.

Iti daydi paraiso addada á naisaad  
amin daguiti maquita á macaparagsac,  
castamet daguiti cacanen á macapasalu-át,  
quencuana saan á naricna ti bannog qñ rigat  
oenno aniaman á macaalimuteng iti biag.

Iti tengña toy paraiso tumpoar tumboac  
ti maysa ñga ubbog á nacaay-ayát  
quet manipod dita agbinglay ñga agcapat  
cadagniti carayan á mangsay-ác  
cadagniti mulmula tapno inda nasayacsac.

---

(1) Inspirabit in faciem ejus spiraculum vitae,  
Genesis-cap. 2.v.7.

Carayan Phison ti nagan daydi maysa  
á mangliemot iti Hevilath á dagá  
iso ti taudan ti balitoc á carammaysa  
castamet ti carbunclo quen cornerina,  
batbató daguitoy á inguet pateg da.

Gehón met daydi nagan  
ti maicadua cadaguiti carayan  
quet iso ti mangsibog manalioanoan  
iti amín á dagá á masacopan  
ti Ethiopia nga inggana ita mañgegan.

Ti nagan daydi maicatlo cadacuada  
iso ti carayan Tigris á masarsarita  
nga agturong cadaguiti Assyrios á cona  
tapno ipaayna ti sagneb cadacuada  
quet iti nacaro á ticag dida agsagaba.

Ti maicapat cadagtoy carayan á sarsaritaec  
iso ti agdindinamag á Euphrates  
á ti danum na adayo á macaited  
iti aniaman la coma nga sagub Janet  
ta nacaparsuaanna nga saguday met.

Iti las-od daytoy paraiso á nacatiponan  
daguittoy guin-áoa á ditoy dagá malacám  
iso ti quinayat ti Dios á iti tao nañgisaadan  
tapno taripatoenna quen pangnanaman  
iti sam-it ditoy á pagbiagan.

Quinona ti Dios iti tao: sioaoayaca  
á mañgan iti cayatmo nga buña  
cadaguiti adda ditoy á inca maquita,  
ngem maiparit quenca ti maysa  
á dimo pañgalaan laeng iti buña na.

No labsingem toy á iparitco  
dinto bunurong á ni patay lac-amemto,  
castamet ti ipapanaomonto itoy disso  
ta dusa ti suquir mo iti bilinco  
á mangted quenca iti parabor nga ado.

Iti saclang ni Adan inna pinadatag  
amin daguiti banos quen tumatayab  
tapno maiparañarang maibatad  
ti panagturay na nga sicacanatad  
cadaguiti parsua, aoan quet labas.

Quet idi nga malpas amin daguita  
quinona ti Dios: di nalaing no ti tao maymaysa,  
maipaay nga yaramidan iti cadua na



nga umasasping met la quencuana  
tapno adda piman catactacunaynayna.

Pinaturog dita ti Dios ni Adan  
sana innala ti maysa á paragpagnan  
quet pinagbalinna daydi nga tulang  
á bagui ti baba-i á capipintasan  
quet sana inted á cadua na piman.

Idi macari-ing ni Adan maquitana  
daytoy baba-i á inted ti Dios quencuana,  
dagos laeng met á nabigbigua  
á nagtaod idi naaoan á tulangna  
iti macatiguid piman á bacrang na.

Ti batog ti puso ni Adan nga ama  
ti nangalaan ti Dios iti inaramidna  
nga bagui daydi asaoa nga intedna  
tapno nalaoag á ti lalaqui utangna  
nga ayayaten, dungduñgoen ti asaoa na.

Saan nga iti olo ti inna nangalaan  
iti inaramidna nga asaoa ni Adan  
ta ti baba-i saanna á carbeñgan  
á iso ti nangnangrona á pagraeman  
dagniti agasaoa nga manacman.

Ti Dios dina met pinarsua ni Eva  
iti saca ni Adan á nangalaanna comá  
tapno ti lalaqui dina ipapan á tagabona  
ti innala oenno inaoatna nga asaoa  
no dina dungduñgoen á catacunaynayna  
• Dagniti agasaoa no nagcasardan  
utañgda ti agtimpuyog, agcaycaysan  
ta dua da nga in nagcamañg,  
ngem maymaysa á bagui ti cayarigan  
ti panagbiagda, manipod iti daytan.

Gapona nga iti Santo á Libro mabasa:  
“ti lalaqui bay-annanto da ama qñ ina na (‘)  
tapno maquitiponto qñ asaoa na  
qt maymaysanto ti panagbiagda”  
ta maymaysa da ngaruden á dua.

Casta daydi panagbiag á siurnos  
daguidi inmona cadatay á nagputot  
á iso da amatay nga Adan á naanos

(‘) Relinquet homo patrem suum, et matrem,  
et adhaerebit uxorisuae - Genesis-cap-2. 0-v. 24.

qh ni mt inatay á Eva á silicmot  
cadagnidi guináoa á inted ti Dios.

Lacámenda ti nam-ay á nasam-it  
nga polos di nalaocan iti pait,  
ngem quiltayen ti sairo á nulpit  
gapo iti apalna á sigagayebgueb  
cadaguiti parabor ti Dios á nasalindeg.

Ti naapal á sairo limmugan iti uleg  
qt iti arpad ni Eva immasideg  
naquisao iti naanat, naulimec  
tapno maal-lilaona ti macañgeg  
iti panañgiculbona á nacaal-alinguec.

Idi maquitana ni Eva idi paraiso  
nga agbuybuya cadagdi nacaayayo  
á mulmula á narua agtatabono  
qt macadanon iti daydi maiparit á cayo  
immadani daydi nadaoel á sairo.

Quinonana quen ina tay á Eva:  
zapaya á dica pumuros á mañgala  
iti daytoy nasam-it unay á buña  
tapno lacamen ti imasna  
á macapennec cadaguiti ricna?

Ni Eva dagos á simmungbat met:  
dayta á buña cadacam maiparit  
quet ti Dios Apo nga napateg  
imbinna unay, unay iti naiñget  
á dimi canen iti uray apagbassit.

Iti pay unay nangrona  
á itedna cadacamto á dusa  
no mañgancam iti dayta á buña  
lacamenminto aoan ibuburongna  
ni patay cano á inguet cana.

Simmungbat manen daydi demonio  
jay Eva! dica pay aya ammo  
ti pañgiparitanna piman cadacayo  
iti pannañgan iti buña toy cayo?  
agsipod iti paidam na á napalalo.

Ipaidamna cadacay ti talugading  
ta saanna ñgarod á duaduaen  
á no mañgancay itoy buña á sasaoen  
dagus nga agbalincay á diosen  
nga macaammo met iti isoamin.

--9--

Diyo patpatien ti imbagana  
á matay cay ñga aoan sama  
no macapañgan cay iti buñga  
daytoy cayo á narangpaya  
ta pañgululbodna cadacay dayta.

Ni Eva á nacamod itoy saó  
á nasicap unay á pañgayayo  
nagmayeng á mumingming idi cayo  
ta nacaayayat unay ñga agpayso  
daguidi buñga na á macapaalino.

Agsipod iti di pumanao ni Eva  
naaoatan daydi demonio á masulisogna  
quet iti casdi pabilguenna  
daydi panamaessemna á mañgala  
iti daydi macasabidong á buñga.

Ni nalapit á Eva dina naturayan  
ti di pimuros iti daydi buñgan  
quet dinagosna met á quinnan,  
sana met inyalaan á initdan  
daydi asaoa na, casimpunñgalan.

Apagcaanda daguidi buñga  
á imparit ti Dios cadacuada  
nagluaten daguiti mata da  
qt iso met daydi pannacaquitada  
á lamolamo daguiti baguida.

Simrec ti bain cadacuada  
iti casdi á quinalamolamoda  
gapo na ñga nañgalada't pinagbidangda  
cadaguidi bolbolong ti higuera  
ñga dadacquel nasaracanda.

Quet idinto ta madlaodan  
ñga ni Apo Dios agparang  
dinagos da Eva quen Adan  
ti in na ñlemmeng idi casamecan  
daguidi cayo ñga samusam.

Ni Apo Dios ta naayat ñga Ama  
ni Adan piman inayabanna:  
¡apaya ñga iti saclangco umadayoca?  
simmungbat ni Adan: bain co't naiduma  
ta silalamoac ñga agcadata.

Quinona ti Dios quen Adan:  
¡asino ti nañgibaga qñ nacaammoam  
á silalamoca no dica coma nañgan

--10--

iti buña ti cayo á naigunamgunam  
ti dica panangsaguid apagapaman?

Ni ama tay ñga Adan simmungbat:  
ti baba-i á intedmo á caduac  
iti buña toy cayo pinacan nac  
diac met nagquitaquit á immaoat  
ta inalasco met no pabainac.

Ni Apo Dios simmaño quen Eva  
quinonana japaya pay met á casta?  
ni Eva simmungbat a di nagamaña:  
oen ta dayta uleg inulbodnac itay cua  
quet nañganac ñga agpayso iti bunga.

Quinona ni Apo Dios idi uleg:  
gapo iti casta á inca inaramid,  
mailunodca á naiduma't daques  
cadaguiti agayayam á naruguit,  
supapac ta nacaro ñga gulib.

Daytoy baba-i quen sica  
cancanayoncayto ñga agguranggura  
daguitinto putputot mo qñ putputot na  
castanto met ti surotenda  
ta dusa dayta ulpit á nacana.

Isono met ti mañgibaddec  
ita olom á nacaararieo  
ta dayta aramidmo ti mabales,  
manañgiculbo ca á mañgirebreb  
iti di agannad qca á dumñgeg.

Sica, baba-i, á nasaluñgasing,  
dusa met á inca lacamen  
ti naruay á tooc á sagabaem  
no agsicogca quen pasñgayem  
daguiti annac mo á parnuayem.

Sica met, Adan, gapo iti suquir mo  
iti cacaiona la ñga bilin co,  
gapo quenca, ti dagá mailunodto  
taraon quen guinaoam dina itedto  
no dica teggueden iti ling-et mo.

Ti paguel quen rigat á nadaguinsen  
cancanayonto ditoy dagá á sagabaem  
ingana iti matayca ñga agsubli mt lñg  
iti naggapuam á dagá dica duaduaen  
quet dinto maibabaoi toy á queddeng.

Idi maisaó ti Dios ti casta

initdanna ida iti lalat á túnica  
iso á pinagcaoes, pinagpaganauayda  
dagniti immona unay ñga amma  
dagniti tattao ditoy rabao ti dagá.

Quet idinto ta casta dan  
idi paraiso pinaruarna idan  
ta gapo idi basolda dida caicarian  
ti agtaéng pay la ñga aglacam  
iti sam-it daydi disso á naisagudayan.

Tapno idi paraiso dida macasublin  
pinagbantay ti Dios ti maysa á Querubin,  
á iti espada ñga apoy si-igguem,  
quet macasugat iti nacabutbuteng  
iti umaridacdac á umadani laeng.

Nagpatingga ditan á naquiltay  
daydi aoan pada't sam-itna ñga nam-ay,  
da Adan quen Eva á di lñg guimaoay  
iti daydi panañgulbod á naulpit unay  
ti sairo á nangted tooc á di agsarday.



Idi adda dan iti ruar daydi paraiso  
da Adan quen Eva ñga amma tayo  
iso ti sipodnan á nainao qñ timmao  
daguidi annac da á pinatubo  
quet lal-laqui daguidi nagsasaruno.

--12--

Cain ti nagan daydi inaona  
quet daytoy idi mayanacda  
nagayaman daydi ama quen ina  
iti Dios Apo á namarsua  
ta adda piman liolioa da.

Abel ti nagan daydi maicadua  
cadaguidi annac da Adan quen Eva  
nasingpet, nagaguet, natalna  
quet agayoan cadaguidi diñgoenda  
ta ni Cain agmulmula iti dagá.

Casta ti aramid quen talaan  
daguidi inaona nga annac ni Adan  
ta iti ruar daydi paraiso piman aoan  
daydi nasam-it á nam-ay á sangsañgitan  
daguidi nacapucáo á naitebbang.

Quet idi aldaoen á mabaybayag  
ta nasuroc á sañgagasot taoenen ti napalabas  
adda naaramid á datdatlag  
á mabasa iti Sagrada á Surat  
á iso daytoy ita sumaridat:

Ni Cain nañgidaton iti Dios  
cadaguidi inapitna quen pinuros  
ta cadaoyan piman á naicascasigod  
ti panagayaman ti tao iti Namarsua, namataod  
tanda ti panagraem á siannugot.

Ni Abel indatonna met iti Namarsua  
ti casasayaatan cadaguidi taraquenna,  
quet ti Apo tay á Dios á siquiquita  
iti dalos ti puso ti tunggal maysa  
daton ni Abel ti siayat á inaoatna.

Cona ti nasantoan á Surat  
á ti Dios dina impangpañgag  
daydi indaton ni Cain á pagayat  
gaponá á sililiday toy, cas nasugat  
iti pannacabain á dina maisacad.

Sirurubrob ti pungtot qn lucsaona  
iti daydi naaramid quencuana,  
gaponá á ti Dios binabalaona  
quinonana: no nadalos ti gapoanam coma  
mauraymo met ti gunguna.

Ngem, no daques ti aramid mo,  
dinto macatalna ta naquem mo,  
sica met laeng ti ocom á mañgipato

no maicari á lacamemto  
ti pannacaipateg oenno pannacapáidmo.

Ngem uray aniaman ti sumquen  
daques man oenno nalaing  
umanayto met la ta naquem  
nga agpili iti cayatem  
quet iti sabali dica pabasolen.

Ni Cain nupay casta't nañgeguna  
á impalaoag ti Dios quencuana  
saan la á napunas ti lucsaona  
ngem rimmusing quet ti apal na  
iti daydi pannaguday ni cabsat na.

Quet tapno aoan macaquita  
iti nadangques á gaguem na  
idi pagtatalonan inaoisna  
ni Abel nga apalan guraenna  
tapno dita ti pañguloynana.

Casta á pudno ti inaramid  
ni Cain á naiduma't ulpit  
pinatayna'n cabsat na nga agsangsañgit  
nga ti dara na nga umumquis  
dumanon iti nañgato á lañgit.

Idi saludsuden ti Dios quencuana  
no adino ti yan ni cabsatna  
simmungbat: diac ammo ita,  
jsiac ngamin ti agayoan aya  
tá dacquelen, adda naquem na?  
Quinona ti Dios jania't inaramidmo?  
ti icquis ti dara ni cabsat mo  
manipod dagá umasog iti linteg co  
quet daytoy á linteg ti mañgipato  
iti dusa nga pilit sagabaemto.

Mailunod ti biagmo ditoy dagá,  
daguiti pagnamayamto adayoanda ca  
iti pagbannogam aoan inca magunguna,  
castamet á dicanto laeng agtalna  
aoanto ti paguintecam á paglaiñgam coma.

Ni Cain quinonana ti nagsao:  
dacquel unay ti basol co  
aoan namnamac á masaracco  
ti pannacapacaoan ti inaramideo  
quet umadayoac ditoy arpad mo.

Pumanaoac ditoy á dagá

quet agtaoaeñgac á di agtalna  
ditoy lubong á inguet laoa  
bareng macasarac iti persua  
á biagconto coma ti iccatenna.

Simmungbat ti Dios, quet conana:  
saanto ñga maaramid ti casta  
ta ti agtured á mangpatayto quenca  
dinto bumurong laeng á sagabaenna  
ti nacaro iti iñget na ñga dusa.

Ti Apo tay á Dios á Mannacabalin  
nangted iti pacaammoan qñ Cain  
tapno daguiti macasarac inda mailasin  
iti panagpayegpeg ti baguina á buyoguen  
ti rupa á nacaapaprang, nacabutbuteng.

Iti daya daydi nagasat á paraiso  
ti naturong pimanen á disso  
ni Cain naranggas unay á tao  
quet icuycuyogna laeng iti adino  
daydi dusa á inted ti Dios Apo.

Ni Cain, nupay casdi ñga itugtugotna  
ti pacaquitaan iti pannacadusa na  
adda met la daguidi naputotna,  
ñgem caadoan unay cadacuada  
daguidi managdadaques á cona.

Daydi maicatlo ñga anac ni Adan  
Seth daydi pangnaganaan  
manaquem, nasingpet, manacman  
maicari á suno ni Abel piman  
á nacaited inda nacalioliaoan.

Saṅgagasot qt tal-lo polo ti taoen  
ni Adan idi ni Seth mayanaquen,  
sa simmaruno quencuana met laeng  
daguidi dadduma á narwayen,  
lal-laqui quen babba-i metten.

Siam á gasot qt tal-lo polo ti taoennan  
daydi immona á nagputot á si Adan  
idi á matay á in sinangsangitan  
daguidi tattaon á di mabilang  
ta pudno ñga idin narwaydan.

Ni Seth agtaoen saṅgagasot qt lima  
idi ñga ni Enós pinutotna  
narway pay daguidi dadduma,  
quet ti dagop dagdi taoenna



siam á gasot, sañgapolo quet dua.

Ni Enós siam á polo ti taoenna  
idi nga ni Cainan putotenna,  
quet iti daytoy ado't simmaridat qña  
sa natay fdi siam á gasot quet lima  
ti taoen ni Enós nga amada.

Pito polo ti taoen ni Cainan  
sa ni Malaleel ti pinutotnan  
sabali pay met daguidi dadduman  
qt idi matay ni Cainan aoan curang  
siam á gasot quet sañgapolo ti taoennan.

Ni Malaleel agtaoen innem á polo qt lima  
idi nga ni Jared putotenna  
qt idi matay oalo gasot ti taoenna  
siam á polo qt lima pay di surocna,  
ado pay met ti inyanacda.

Sañgasot innem á polo quet dua  
ti taoen ni Jared idi putotenna  
ni Henoc quen dadduma  
qt idi matay no ti dagup ti taoenna  
siam á gasot innem á polo qt dua.

Innem á polo qt innem ti taoen  
ni Henoc idi putotenna ni Matusalem  
qñ dadduma pay nga annac na á manaquem  
qt idi agtaoenen á sitatacneng  
iti tal-lo gasot innem á polo qt lima, nagaoanen.

Daguiti mamasirib á Padres conada  
á ni Henoc sibibiag pay laeng agpapan ita  
quet inton canibusanan ti aldao ditoy dagá  
umayto can agparang mamagbagá  
cadaguiti itneg quen aoan pammati da.

Idi sañgasot oalo polo qt pito ti taoen  
ni napaot unay unay á Matusalem,  
ni Lamec daydi inna pinutoten  
casta met dagdi dadduma payen,  
nagbiag iti canicaoalo gasot pay lñg.

Quet ti nagdagupan taoenna  
ni Matusalem idi naurayna't patay na  
siam á gasot innem á polo qt siam conana  
ti napateg unay á Sagrada Escritura  
iti Genesis, iti paset á maicalima. . . . (1)

(1)—Versiculo 27.

Sañgagasot oalo polo quet dua  
ti taoen ni Lamec idi á ni Noe putotenna  
iti daytoy simmaruno dagdi cacabsatna  
quet idi matay iti dagop ti taoenna  
pito gasot, pito polo qt pito aoan curangna.

Ni Noe idi agtaoen lima gasot  
iso daydi inna pinangputot  
cada Sem, Cam qñ Jafet á masnoc  
manaquem quen puso da't sidadalos  
iti saclang ni Apo tay á Dios.

Pacapnecan singpet dagnitoy á masasaó  
isoda la ti napili ti Dios Apo  
nga aoan basolda nga agpayso  
qñ nabona idi layos á nacaro  
á pannacapucao amin dagniti tattao.

Ta iti caruay qñ dagsen dan.  
dagniti basbasol dagdi putot ni Adan  
napilit ni Apo Dios á nañgdusan  
iti layos nga aoan pañgipadpadan  
ta daytoy luboñg nalaponos aoan curañg.

Qt idi umasideg á umasideg  
daydi dnasa á nacaalalinguec  
binilin ti Dios ni Noé á nasiñgpet  
tapno iruguina ti mañgaramid  
iti lugananda á di maarinebneb.

Quinona ti Dios: mañgaramidca  
iti dacquel á daoñg oenno arca  
á tal-lo gasot á codo ti caatiddogna,  
lima polo codo ti caacabana  
qt tal-lo polo mt ti lusobna.

Iccamto iti taoa á sercan ti laoag  
ti rabaóna agbaccoco á nasayad  
tapno di agtaya iti danum nga agtinnag,  
ti ruañganna itinto bacrañgna maisaad  
qt tal-lo dagti cadsaaranna, agsasaganad

Umayto ti layos á pacapucaoanda  
amin dagniti adda ti rabao ti dagá  
qt dacayto la á macalugan iti arca  
qñ dagniti ican ti mabonbona  
agraman caycayo qñ mulmula.

Cadagniti banos qñ tumatayab  
á umaydanto quenca umarayat  
tuñggal caquita incanto umaot


iti pito pagasaoan á nalaoag  
ta pangganacandanto á uomadoad.

Ngem cadagti umayto nga animales  
á naganen ida iti narnguit  
sañgapagasaoan la ti rumbeng met  
á iluganmo á di maariéc  
tapno caputotanda ti di maguped.

Iluganmonto mt iti daong  
amin daguiti masapolyo á taraon  
tapno iti pagbiag dicayto agtaccon  
ta ditayonto ngad á malacon  
inganat iti aguebbas ti danum.

Pagudiananna qca ibilenco  
á dacay nga agasaoa lumugancayo  
castamet daguita tal-lo nga anacyo  
qñ asaoada á manugañgyo  
lumugancay met á oalo.

Cadaguiti tattao á umarioecoec  
dacadacay la á oalo ti pinilic  
á maysalacanto maillicic  
iti layos, á dusa, nacaarariéc  
daguiti tattao á managdañgues



Daytoy daong ni Noé oenno arca  
iso ti cayarigan ti Sta Iglesia  
á daguiti adda iti sidoñgna  
isodanto la ti macaala  
iti gamgamamen á Gloria.

Tinuñgal ni Noé ti bilin ti Dios  
qt agtaoen idin iti innem á gasot  
idi nañgrugui ti todo daydi layos  
qt daguitoy oalo á pusoda't sidadalos  
limmugandan idi arca á nalibnos.

Idi uppat á polo ñga aldao qñ rabi-i  
á ti todo canayonen sipod nañgrugui  
nalaponos iti danum toy daga á nacacaasi  
qt iti patáy aoan la ti nacalisi  
no di dagdi adda iti daoñg ni Noé.

Sañgapolo qt lima á codo ti naglaposan  
daydi naisapasap á danum á nacalayosan  
dagdi bambantay á catatayagan,  
sañgagasot qt lima polo ñga aldao á casdinan  
á di naguebbas ti danum apagepaman.

Qt idi nalabes dagita ñga aldaoen  
ti Apo tayo á Dios mannacabalinamin  
inaramidna ñga immay ti añgin  
qt daydi mt danum nañgrugin  
á imbas á cas idi puñganay nagsublin.

Maicapito á bulanen idi naisacda  
daydi nagasat unay ñga arca  
iti rabao ti bantay sadi Armenia  
qt idi maicapollo á bulanen naquita  
daguiti toctoc dagti bantay á dadduma.

Qt idinton ta nacalabas  
ti uppat á polo á nagsasaganad  
inibbatan ni Noé daydi oác  
qt daytoy saan á nagpaquitan á dimmupag  
ingana idi danumen ti imñaat.

Agsipod iti ni oác di laeñg nagsubli  
pilit á ti inaramid ni Noé  
inibbatanna mt daydi calapati  
tapno iso ti mañgted macaipapati  
iti casasaad ti dagá no cas agbati.

Ngm gapó iti aoan pagdissoanna  
ta silalaponos payla't danum ti dagá  
nagsubli mt la iti ruañgan daydi arca  
qt ni Noé inoacdayna di imana  
ta inaoat inserrecna mt la idi silidna

Idi nalabes ti pito ñga aldaoen  
dinupagna á inibbatan man di calapatin  
qt daytoy nagsubli iti malem

adda nalañgto á boloñg ti oliva á inna indateñg  
nacapnencan ni Noé á ti danum aoaner.

Nupay casdi ñga aon danumen  
nagurayda iti pito ñga aldao pay laeñg  
tapno ti dagá agmagá á nalañg  
sa inibbatan man ni Noé daydi calapatin  
qt daytoy saan ñga idi arca nagsublin.

Idi casta liuoctan ni Noé daydi arca  
tapno pennequenna á quitaen ti dagá  
no nasayaat met laeñg á namagá  
á cas mt la idi cagagapona  
qt agpayso aoanen pilaoenna.

Iso metten daydi panañgibagá  
ti Dios qñ Noé iti iruruarda  
idi daoñg á nagtaeñganda  
iso agraman amin á quinaluganna  
tapno agpulañgda ñga agbiag iti dagá.

Qt idi macaruarda idi daoñg  
inaaamid ni Noé ti maysa á daton  
iti Dios á namarsua itoy luboñg  
ta yaman ti inda ibuñgaboñg  
idi inaoatda ñga parabor.

Ti Dios á nagponiponan imbag  
daydi á daton inna mt inaoat  
ta naggapo iti nadalos ñga ayat  
ni Noé ñga inguet gasat  
olidan ti natacneñg ñga agbiag.

Iso met daydi panañgicarin  
ti Dios Apo á mannacabalin:  
toy dagá diacto dusaen iti layosen  
qt toy á cari innacto laglaguipen  
no bul-lalayao ti incay mamiñgming.

Maypalubos mt cadacayo  
á maipaay iti pacaaruatanyo  
amin ñga ayep qñ caycayo  
ta naisaganada amin iti tao  
no ammona ti manaripato.

Panuñgpalanna innac ibaga  
á umadocayto ditoy dagá  
ta dacayto ti pagtaudanda  
daguiti agoaras qnencuana  
ñga agsagrap qñ mañgilalá.

Agpayso ta idi natay ni Noén  
agtaoén siàm á gasot limapolo na metten,  
daguidi annacna á duñgduñgoen  
isoda't nagtaodan á sitatacneñg  
daguiti tattao, saan á duaduaen.

Isoda ti nagoaras ditoy daga  
qt maymaysa idi ti pagsasaóda  
ñga iso pay la daydi tinaoidda  
cada Adán qñ Noé ñga amada  
qt nalabit á saó ti Hebreo ñgata.

Agsipod iti naggapoda iti daya  
qt dagá ti Sennaar ti nagteñgda,  
dita ti nagsardeñgan nagtaeñganda  
ta nasayaat unay á naquitada  
qt panagbiag qña ti nasimpa.

Tuñggal maysa cadacuada  
quinonana idi caduana  
agaramidtay ladrillo á dagá  
ta lutoen iti apoy á nabara  
ta agaramidtay Torre á maysa.

Tapno narigat á margaay  
daytoy Torre ñga ibuañgay  
aruatentay daguiti naruay  
á betun ditoy á naysibay  
tapno ti aramiden nalagda unay.

Iti daytoy Torre á masarita  
quinonada pay á nayonanda  
iti ciudad á bacudanda  
iti cavite ñga nalagda  
á pacalaglaguipan iti naganda. (1)

Ngem ti mannacabalin á Dios  
saanna laeñg á impalubos  
daydi panguap á napanunut  
daguidi tattao ta dida nasurot  
ti panagsasaóda ñga naurnos.

Inaramid ti Dios á nagsisinaan  
daydi saó da á cadaanan  
qt saanda ñga aguinnaoatan  
tapno matuñgday, inda bayán  
daydi iganoatda á dina pagayatan.

Iti casta capnecan ñga agpayso  
á ti aramiden laeñg ti tao

(1)—Babel ó Babilonia,

no di ipalubos ti Dios Apo  
saan la nga ageurañg ti macaigapo  
iti pacatubñgan á mañgtuloyto. (1)

Gapo iti casdi napilitdan  
á di sicutda inda binayán  
qt castamet á nagsisinadan,  
tuñggal 'maysa naquipanapan  
iti boñggoy á inna quinaaoatan.

Ita utañg tay unay nga ammuen  
á cadaguidi capututan ni Sem  
ni Arfajad daydi nayanaquen  
idi calpasan ti dua nga taoén  
idi layos á sapasap, nacabutbeteñg.

Ni Arfajad agtaoen tal-lo polo qt lima  
idi nga ni Salé pinutotna  
sa nagbiag pay á sitatalna  
iti tal-lo gasot qt tal-lo á taoen na  
naruay pay met daguidi annacna.

Ni Salé agtaoen iti tal-lo polo  
idi nga ni Heber timmao  
sa uppat á gasot pay qt tal-lo  
daydi panagbiagua á masasao  
castamet á nagputut pay iti ado.

Ni Heber agtaoen tal-lo polo qt uppat  
idi pinutotna ni Faleg á nayanac  
sabali pay dagdi naoadoad,  
idi uppat á gasot qt tal-lo polo pay ti napalabas  
sa natay metten á sigagasat.

Ni Faleg tal-lo polo ti taoenna  
idi nga ni Ren pinutot na  
dua gasot qt siam pay ti pinalabasna  
sa natay, castamet á naruayda  
daguidi dadduma pay nga annac na.

Tal-lo polo qt dua ti taoen ni Ren  
idi ni anac na á Sarug timmáo  
sa nagbiag pay dua gasot qt pito  
castamet á mabasa iti Libro  
á nacaputot pay la iti ado.

Ni Sarug tal-lo polo di taoenna  
idi nga ni Nacor pinutotna

---

(1) - Nisi Dominus edificaverit domum in vanum labo-  
rabunt qui edificant eam,

sa dua gasot á taoen pay pinalabasna  
idi natayen, castamet ñga adoda  
dagiti annacna á dadduma

Ni Nacor dua polo qt siam  
ti taoenna idi pntotennan  
ni Tharé á naysagsagudayan  
sa iso mt ti nagtaudan  
daguiti annac na á dadduman.

Qt ti nagdagupan ti taoén na  
ni Nacor idi maiccat ti biag na  
saña gasot qt uppat á polo qt oalo, cona  
ti napateg á Sagrada Escritura  
iti Genesis, paset á maicapól-lo qt maysa. (1)

Ni Taré pito polo ti taoen na  
idi mañgragui á pototen na  
daguidi tal lo ñga annac na  
á Nacor ti nagan daydi inaona,  
ni naysagudayan ñga Abram ti maycadua  
qt ni Arán daydi catlo da.

Ni Aran inna pinutot  
ni nasingpet unay á Lot,  
ñgem biagna ti saan ñga atiddog  
ta ni ama na á Tharé napapaot,  
qt naipompon sadi Ur de los Caldeos.

Ni Nacor naquiasaoa  
quen manacman unay á Melca  
quet maaoatan á nagtaengda  
iti daydi met la ñga dagá  
á pangpanaoanto ni ama da.

Ni Abram ti met asaoa na  
Sarai ñga ti caipapananna  
princesa'c cano, reina,  
nupay daydi ari sadi Gerara  
daytoy á nagan binalioanna.

Ni Tharé innalana ni Abrám  
quen ni Lot ñga anac ni Arán  
agraman quen Sarai á nasgang  
nagturongda sadi Canaán,  
nacagtengda't dagá ñga Carran.

Dita daydi nagtaenganda  
quen iso met ti nacatayanna

(1)—Versiculos 24 y 25.-Gen-cap-XI.—



ni Tharé idi adda taoen na  
á dua gasoten quen lima,  
sadi Harán ti nacaitabonanna.

Ngm ni Apo Dios nagparang  
quen nagasat nga Abrám  
quinonana: toy á dagá panaoam  
ta ipaquítacto ti pagnaedam  
á mangted pacairangáyam.

Pagbalinencanto nga pagtaudanda  
daguiti tattao inguet ruayda  
nagan monto ti daydayaoenda  
castamet á mairamandanto qca  
iti pammagasat co á nasadia.

Dagti mangdayao qca innacto pagasaten,  
quet daguiti naulpit quen nadaoel  
á mangranggas qca, mangdadael  
caniac indanto met aoaten  
ti pannacadusada á rumbeng.

Ni Abrám aoan quitaquitna  
bilin ti Dios ti tinungpalna,  
nupay dina ammo daydi dagá  
ta nabileg unay ti pammati na  
iti Dios Apo á nañgibagá qña.

Gapona nga pagararigan  
ti pammati ni Abraam  
agsipod iti dina nagduaduaan  
ti naimbag laeng á pagtungpalan  
no ni Apo Dios ti mañgidalan.

Pimmanao ñgad iti Haran á dagá  
quinacuyogna ni Sarai nga asaoa na  
quen ni met Lot á caanacanna  
agraman ubbing quen dingñoenda  
quet sadi Canaán ti tinurongda.

Nagnada quet inda nacagteng  
iti disso á Sicár oenno Siquém,  
castamet iti Moreh qñ ti nacabutbteng  
á tay-ác ti Vision quen ti naganen  
iti "valle de la Muestra" á daydayaoen.

Ditoy nagparang ti Dios qñ Abram  
qt quinonana nga imparañgarang:  
daytoy á dagá nga maquitam  
itdecto cadaguiti caputotam  
tapno agbiagdanto iti caguinaoan.

Nagyaman unay iti Apo tay á Dios  
ni Abram á olidan iti dalos  
qt saan á nagicacá nga pulos  
iti daydi disso daguidi nadangcoc  
nga adipen ti idolatria qñ demonios.

Idi á nalpas di panagyamanna  
napan idi bantay nga adda iti daya  
ti Bethel, disso á naipangrona  
ngem idi á tiempo agnagan Luza  
qt ni Abram nagcararag manen dita.

Ngem dita saan pay á nagtaeng  
ta nagna á nagpabagatan pay laeng  
ta iso daydi inna isisipen  
á maipaay cadacuada amin  
cadaguidi caduana á siriribin.

Qnet idi tiempo ti mabayag  
simquen ti bisin idi nga saad  
quet ni Abram in nagrubuat  
á mapan Egipto mangpalabas  
iti daydi sagabaen á rigat.

Quet idi nganngani sumrecda  
idiay Egipto á papananda  
quinona ni Abram idi asaoa na:  
ammoc unay diac agduadua  
ita pintas mo á naipadpaduma.

Dagniti egipcios inton maquitada ca  
asaoa na conadanto caniac ngata,  
biagconto dita ti iccatenda  
quet sicanto ti itiddada  
nga agbiag ta alaendaca.

Anansata daoatec unay qca  
nga ibagamto la nga agcabsatta  
tapno dayao mo ti maicanaoa  
castamet á mailisiac iti peggadna  
daytoy biagco ditoy á iccatenda.

Agpayso apagserrecda sadi Egipto  
nasirpat piman daguidi tattao  
á sayaat ni Sarai ti napalalo  
quet daguidi agcacatanóc inda inyammo  
idi ari da nga Faraon á nañgato.

Daytoy ari apaman á natimodna  
ti panangdaydayaoda't laing á naiduma  
daydi baba-i nga impadamagda

dinagosna á pinadatag iti saclangna  
tapno mapnec idi panañgibagáda.

Idi maquitana á naiparang  
ni Sarai á nagpunipunan  
iti sayaat nga apapalan  
imbinna nga inda qña ruguian  
daguiti panañgisagana á cadaoyan.

Ugali sadi Egipto á dagá  
á ti maquiasaoa iti ari da  
mabayag nga aldao saganaenda  
á ramenán quen digdigosenda  
cadagniti bangbanglo á naiduma.

Maipoon iti raem qñ pammadayaoda  
quen Sarai nga itanóda  
nalaos daydi ayat quen dungñgoda  
qñ Abram á cabsat daydi ag-reina,  
insagotanda't narua y nga ayep qñ cucua.

Bayat aldao á panañgisagsagana da  
quen Sarai nga asaoen ti ari comá  
intel ti Dios ti nacabutbuteng á dusa  
qñ ari Faraon á nacaupay qña  
iti daydi sigpenna á pannaquiasaoa.

Casta ti pamuspusan á nabileg  
á panangtubeng ti Dios, panañgiliclic  
iti daydi ur-uray coma á maaramid  
cada Abram qñ Sarai á nasingpet  
ta mannacabalin ngad unay á Lañgit.

Ni Faraon inayabanna ni Abrám  
quinonana: japaya á dica imparañgarang  
á ni Sarai pudno nga asaoam  
tapno diac coma pinanguep apagapaman  
nga alaec comá nga paquiasaoan?

Quet yantañgayen ta casta  
á pudno cay gayam nga agasaoa,  
alaem laeng ala ta pumanaoca  
tapno dicam met ditoy agsagaba  
iti itden cadacam ti Dios á dusa.

Sa binilin di ari dagdi iturayanna  
á da Abram cuyoguenda ida  
agraman tattao quen cucuada  
tapno aoan mangranggas cadacuada  
idi dalanenda nga magna.

Sadi Egipto nagluas á pimmanaoda  
da Abrám quen Sarai nga agasaoa  
agraman qñ Lot quen tattao da  
di mabilang ti diñgoen quea cucua  
á inyaoiddan idiay ili da.

Nagdisso á nagtaeng da Abrám  
iti saad nga adda iti nagbaetan  
dagti ciudades á ti pangnaganaan  
Bethél quen Hai ti nangbañgonan  
iti altar á iti Dios nagdatonan.

Daytoy daton á inaramidda  
nalaoag á nañgiparañganga  
iti dacquel unay á yamanda  
cadaguiti parabor á nadumaduma  
á impaay ti Dios cadacuada.

Ni Lot á catipon ni Abrám  
naruay met á di mabilang  
daguidi taraquenna á pagturayan  
vacvaca quen dadduma pay  
castamet dagti calapao á pagyanan.

Quet agsipod iti casdi á caado da  
daguiti pagturayan quen cucua  
da Abram qñ Lot á caanacan na  
dida mabalinen ti agtipon á cona  
iti sangsangcadisso laeng á dagi.

Gapo iti casta masansan idi cua  
nga adda panagsususic dagdi tao da  
qt da Abrám qñ Lot ta nasingpet da  
dida cayat ti aramiden coma  
daguidi naruay piman á ubbing da.

Anansata quinona ni Abram:  
Lot, daoatec á iguaamgunam  
nga aoan coma't daques aniaman  
á maaramid á pagsussusican  
quet agtulagta no ania ti conam.

Maysa pay nga alasec  
ti mabañgon á panagsususic  
cababain cadaguiti macañgeg  
aglalo carroba nga asideg  
dagti Cananeo qñ Fereceo nga itneg.

Naimbag coma no agsinata  
quet iti pagayatam agpilica  
no aguianca iti catiguid sioaoayaca,

no cayatmo ti canaoan met pada na  
ta bilangna pay la iti ageabsatta.

Ni Lot inoarasna ti matana  
amin ti iguid ti Jordan quinita na  
iti dalan á Segor ti turodgeana  
qt nalmatañganna á narnayda  
dagti paayas á paglanuman na.

Ta ti Sodoma qñ Gomorra, agpayso  
no idi saan pay á dinusa ti Dios Apo,  
naalinoñganoñg á cas idi parayso,  
nabuñga á cas idia y Egipto  
ti pagbiagan á nacasay-ayo.

Gapo iti casta di nagpanapan  
ni Lot pinilina ti iguid ti Jordan  
nagpalaod á simnina qñ Abram  
qt Sodoma ti inna pinusgan  
á pagtaeñgan, pagyanan.

Ngem iti la pagdaesan na  
daydi disso á pinilina  
nadañgques dagnidi nadanonna  
ta iti saclañg ti Dios naidumada  
iti quinamanagbasol ta naruguit da.

Idi ta ni Lot naisinan  
iti dinua ni Abram  
á nabati iti dagá ñga Canaán  
daytoy manen napagasatan  
ti pannaquisao ti Dios qñan:

Ioacdaymo daguita mata  
ta amin ti maquitam á dagá  
manipod ditoy yanmo ita  
itedconto amin quencia  
á daguiti putputotmo taoidenda.

Daguitoy umadodanto unay  
á cas cadaguiti darat ti baybay  
qt magnaca ta quitaem pay  
ti calaoana quen oacday  
toy dagá á itdec itay.

Ni Abram inyalisna ti calapao na  
qt sadi Mambre ti nagtaeñgan na  
iti abay ti ciudad á Hebron á cona  
qt nagaramid iti altar á pagdatonan na  
iti Dios Apo á nagyamanan na.

Cadagnidi á tiempo saan á nabayag  
nagbabacal daguiti ar-ari á nagsusupiat  
iti adani unay iti daydi saad  
á tinuroñg ni Lot á in agbiag  
qt daydi ari á maysa cadagnidi naabac.

Dagnidi nañgabac iti pagbabacalan  
innalada amin á sinamsam  
daguiti cucua dagnidi inabacdan  
castamet á inda quinayaoan  
daguiti tattao á natuñgpoñgan.

Cadagnidi cayao nairaman  
da Lot á caanacan ni Abran  
qt maysa á nacataray di nagtantan  
sadi Mambre ti napanannan  
ta indamagna di naaramid piman.

Ni Abram idi maammuanna  
á ni Lot quinayaoanda  
pimmili cadagnidi tattao na  
iti tal-lo gasot sañgapolo qt oalo cadacuada  
á nagnigam iti nabalinda.

Dagnidi cabusor sinurotna ida  
qt sadi Dan á nagsisinaanda  
dagnidi pañgen á nasayyasayya  
iso ti nacaabutan cadacuada  
ni Abram qñ buyot na.

Dinubsacna ida iti rabi-i  
qt iti bacal nagbal-ligui  
sinurotna ti cabusor pay quetdi  
inggana iti inda nacaadani  
sadi Hoba ti Damasco, sisasadiri.

Ni Abram qñ buyotna  
nagbaoiñgdan sadi Sodoma  
agraman qñ Lot qñ caduada  
castamet daguiti sanicua da  
á sinamsam dagnidi cabusorda.

Idi tayác á Save ti yandan  
simmabat cadacuada á si-iyaman  
ti ari ti Sodoma ta naragsacan  
idi pannacaparucma iti pagbabacalan  
ni ari Codorlahomor qñ caduanan.

Ti ari sadi Salem á ni Malquisedec  
insaclañgna qñ Abram á inted  
ti arac qñ tinapay á pagpaquired

sana impaay inyaot met  
ti bendicion sacerdotal á napateg.

Oh Abram, quinonana  
ti nañgato á Dios ti lañgit qñ dagá  
itdenna qca ti pammagasatna,  
iso á gapo iti tuloñgna qca  
ti cabuor inca ida pinarucma.

Ni Abram nagDios ti agñgina  
idi nalaiñg á isasaraboda  
qt idi sacerdote iniaotna  
ti apagcapol-lo daydi intogotna  
pirác, gameng qñ dadduma.

Sa daydi ari ti Sodoma nagsaó:  
Abram, itedmo caniac dagti tao  
ta sacop ida ti turayco  
qt daguiti dadduman biañg mo  
ti pacabatianda á cayatco.

Ni Abram simmungbat dita:  
saan diac cayat ti mañgala  
iti sañgcabassitan ti bassit coma  
tapno dicayto conaén iti nd-udina,  
pinabacnañgeo ni Abram iti cucua

Isona laeñg coma ñga itedyo  
ti quinnan daguitoy tattao  
á nagbannog quinacnyogco  
qñ ti apagda met á mainumo  
da Aner, Escol qñ Mambre á maquitayo.

Idi nalpas á naaramid dagtan  
tunggal maysa nagaoid balay nan  
quet ni nagasat unay ñga Abram  
iti aldao manen á naminsan  
naquitana ni Apo Dios á catan-ócan.

Quinona ni Apo Dios quencuana:  
Abram, dica agdanag apaganamá  
ta siac ti manaclin quencia  
aoanto met capadpadna  
ti iparabor co á naiduma.

Simmungbat ni Abram: ¡oh Diosco!  
¡anianto aya caniac ti itedmo?  
matayacton ñga acoan anaco  
quet dagniti cucuac ñga ado  
taoiento ti anac toy ubing co.

Quinona ti Dios quen Abram:  
saanto á ubingmo't agtaoid cucuam  
no dinto qt anac mo met la piman  
nga agtaodto cadaguita daram  
ti incanto met la pangtedan.

Sana inruar idi balayna:  
quitaem ti lañgit, quinonana  
no mabañinmo, bilañgem dagti bituenna  
ta castanto met ti ruayda  
dagti putputotmo á conac quenca.

Pinati ni Abram ti saó ti Dios  
ta ammona nga saan nga agulbod  
ta masirib, mannacabalin ngarod  
á caanoman dinto mañgikood  
ta nagponiponan imbag qñ dalos.

Sanapay quinona quencuana:  
siac ti Apo'm á nañgala qca  
sadi Ur de los Caldeos, malaguipmo ita,  
tapno bíañgmo ti pacayaoatanna  
ti panaguicot iti daytoy á dagá.

Simmoñgbat ditoy ni Abram:  
oh Dios co á pagruebaban,  
zanianto aya ti pamigbigan  
á cucuacto nga pagturayan.  
daytoy dagá nga ibagbagam?

Quinona ti Dios pumilica  
iti vaca á tal-lo ti taoen na  
caldiñg qñ carnero ti caduana  
iti maysa met á pagao mañgalaca  
casta met ti calapati á nayonda.

Nañgala nga agpayso ni Abram  
qt inucapna ida á padapadan  
sana indisso á pinagsidormang  
ti gudua quen gudua, agabaydan,  
ngem agsisinada á nacayaan.

Dagti tumatayab á managsippayot  
bimmabada á cas mangsipot,  
ngem dida naitured ti dimmuclos  
cadaguidi maidaton iti Dios  
ta immaripapada á siquiquigtot.

Castada á sipsiputan ni Abram  
qt daytoy idi lumnec ti init ditan  
immapay ti nasam-it á turog qñan



quen buteñg met á napalaloan  
ta sipñget di aon pañgipadpadan.

Iso daydi pannacaisaó qña  
dagtoy sumaridat á sarita:  
ammoemon manipud ita  
á daguiti putputot monto mapanda  
iti sabali á disso á pacaadipnan da.

Bayatto ti uppat á gasot á taoen  
agbiagdanto dita ñga paadipen,  
ñgem saan á diacto met dusaen  
dagta in cadacuada mañgirurumen  
sadanto pumanao ditan á babacnañgen.

Quet inton sica met ti matayen  
iti calpasan ti ado pay á taoen  
incanto tumipon met laeng  
cadaguidi sitatalna á napanen  
iti naisagana cadaguiti natacneng.

Dagti maadipento á putputot mo  
agsublidanto met la ditoy á disso  
no mano gasot á taoen ti macalabasto  
ta inggana ita di pay met napno  
ti quinadangques dagti Amorreo.

Idi limbec ti init nalaos di sipñget nan  
qt maysa ñga horno á dumardarang  
qñ silao ñga apoy ti naimatañgan  
a limmasat idi nagbabaetan  
daguidi naucap ñga animal.

Iti daydi ñga aldao intulag ti Dios  
quen Abram á olidan iti dalos  
á daguiti dagá ñga masacop  
ti nagbaetan ti Nilo qñ Eufrates maisagot  
cadaguiti annac nanto á pinutot.

Qt idi agtaoen siam á polo qt siam  
ni nasingpet á patriarca Abram  
ni Apo Dios qña manen nagparang  
qt daydi nagan na inna binalioan  
iti nasudsudi ti inna caipapanan.

Ti nagan ñga Abraham cayulogapna  
ti naidaclan unay ñga ama  
ta iso naruayto dagti putotna  
adonto ti ari ñga agtaod quencuana  
qt agnanayonto á tacunaynayen ti Dios ida.

Quinona pay ti Dios qñ Abraham:  
no ni met Sarai ñga asaoam  
manipod ita incanto panaganan  
iti Sara á caipapananna ti nasgang  
á princesa, ina dagti arari á masachayan.

Iso ñga asaoam pagasatec met  
quet innac quencuana ited  
ti anac nanto á dungduñoec,  
quencuana agtaodto dagti umarioecoec  
á tattao quen arari á napateg.

Panaganamto iti Isaac  
á caipapananna ti ragsac  
ta iso ñgarod ti mañgipalgac  
cadaguiti naruy á pammagasat  
ti Dios cadacay á mañgaluad.

#### TAL-LO NGA ANGELES.

Nagna ti aldao, qt ni Abraham  
iti aldao cano á naminsan  
á nacaro ti pudot qñ dagaang  
situtugao iti yan ti ruañgan  
daydi calapao na á pagtaeñgan.

Qt idi ñgaton bassit dagti matana  
adda tal-lo á lal-laqui á naquitana  
ñga asideg á cas lumabas qña  
qt nagtaray á immadani idi yanda,  
nagrucbab á umaoat cadacuada.

Quinonana: señor, no indac padayaoan  
iti idadagasyo itoy paglinoñgan  
dagta saccacayo innacto bugoan  
qt inton malpascay á mañgan  
agtuloycayto met la iti papanan.

Dagdi gangannaet immannugotda  
qt ni Abraham quinonana qñ Sara:  
iti tal-lo á nasayaat á tinapay mañgaramidca,  
qt sa nañgala iti bassit cadagdì vaca  
á intedna iti ubing tapno lutoenna.

Nañgala pay cadaguiti sabsabali  
á nayon ti inna pinagsañgaili  
quet idi á mangmañgan daguidi  
nagdulot cadacuada, cas maicari,  
ta pinadayaoanna ida á sisusudi.

Idi nalpasda á nañganen quinona  
daydi nangnangrona cadagdi sañgailina:  
¿adino ti yan ni asaoam á Sara?  
simmungbat ni Abraham di nagtungcua:  
adda dita calapao oenno tienda..

Quinona di sañgaili: ita umay á taoen  
ta agsubliacto ditoy met laeng,  
no maipalubos ta incayto pay magteng  
ni Sara ñga asaoam ñga ayayatem  
addanto anac nan á dungduñgoen.

Ni Sara idi casta ti matimodnan  
nagcataoa iti licod daydi ruañgan  
ta quinonana: baquetacon ñga di agcadaoyan  
qt aganacacto quet ti conadan?  
cas la di nacapappapati daytan.

No ni Apo Dios ti aquinnaquem  
aoan ti saan á mabalin  
cas napatuloy ñga agpayso daydin  
ta ni Sara saan á nabayaguen  
ni Isaac inna piman insicuguen.

Dagdi sañgaili idi timmacderda  
ñga agturong dalan ti Sodoma  
ni Abraham quinuyogna bassit ida  
á cas pammalubos cadacuada  
qt ti Dios nagsaó quencuana:

Ti quinadangques dagti tattao  
iti Sodoma, Gomorrha qñ ciudad pay á tal-lo  
rimmaba unayen quet napalalo  
gaponan ñga iti dusa ñga nacaro  
inda sagabaenen á itedco.

Ni Abraham simmungbat met:  
Apo, no dusaem ida iti nainget  
¿padapadanto aya á di mailliclic  
daguiti tattao ñga nasingpet  
á cas cadagti managdangques?

No cas adda limapolo á tao  
á nasingpet cadaguidiay á disso  
dicanto la pacaoanen ida aya Apo?  
simmungbat ti Dios: oen, pacaoanecto  
no adda la quet nasingpet á limapolo.

Inulitulitan dita ni Abraham  
ti dimmaoat á nacurañgan

iti saglilima quet inna naginggaan  
ti sangsañgapolo laeng iti bilang  
dagti nasingpet á macaisalacan.

Quinona quen Abraham ti Dios Apo:  
daguidiay á ciudades pacaanecto  
á maipoon cadagti nasingpet á sañgapolo  
ta casta ñgad ita ti idaodaoatmo  
gapo iti ayatmo cadagti tattao.

Idi maisaó ti Dios ti castan  
nagpucao idi yan ni Abraham  
qt daytoy met in nagpulang  
iti saad á inda pagtaengan  
qñ asaoa na á casimpunngalan.

Daydi pannaquisarita ni Abraham  
mangted cadatay iti pacapnecan  
á ti nasingpet inna iti Dios magun-odan  
ti caasi á maipalacam  
no unnoyen á ganetguetan.

Castamet á iti nasingpet  
Dios quencuana ti manalacnib  
iti peggad inna laeng ilicliclic  
cas maquita tay manen á naaramid  
qñ Lot ta icaluya ti Lañgit.

#### SODOMA QUEN GOMORRHA.

Daguidi Angeles á duan  
á immona pimmanao quen Abraham  
nagturongda sadi Sodoma á napan  
qt ni Lot ñga adda iti ignid ti paguilian  
iseserreceda iti malemen ti inna nasiputan.

Agsipod iti ayat á nasursurona  
quen Abraham ñga ulitegna  
cadaguidi ganggannaet dinaoatna  
ñga agdagosda coma iti balay na  
into qt no adda daques á mapagtengda.

Dagdi Angeles á tao ti lañgada  
daydi quiddao ni Lot inannugotda  
qt iti daydi á rabi-i sinañgailina ida  
quet iso met daydi pannacaammo da  
iti quinamanagbasol dagdi ciudad á limá.

Gapo iti casta iti parbañgon pay lñg  
dagdi Angeles sinaritada qñ Lot'en  
daydi dusa ñga nacabutbuteng

á inggagarada aoan macatubeng  
cadaguidi ciudades á caruruguitanen.

Anansata inda ingunamgunam  
á ni Lot, asaoa quen annac nan  
singdatenda ti pumanao di agtantan  
ta tapno didanto mairaman  
iti dusa nga nacaapaprang.

Ni Lot asaoa quen annacda  
dinagosdan ti agganaganá,  
dagdi Angeles ni Lot iniggamanda  
á guyodenen tapno pumanaoda  
ta agtinnaguen ti unay á dusa

Bayat pannagnada á sipapardas  
imbilinda á dida tumaliao iti ciudad  
uray ania't madlaoda mael-lingag  
ania la quet ta maicanonongda't rigat  
cadaguidi madusa iti nacaamamac.

Quet idinto ta nacaadayodan  
natimod ti daranodor iti nalicodan  
qt daydi asaoa ni Lot timmaliao  
qt dagos á nagbalin laeng ditan  
á sinin-tao nga asin á inda pinanaoan....



Sumarañgising ti init iti daga  
idi sumreo da Lot quen annac na  
iti ciudad á Segor á quinamangda

idi mangrugni ti pannacauramda  
daguidi ciudades á nadusa.

Ni nasingpet á patriarcha Abraham  
nasapa unay á napan  
iti daydi disso á inna naquisaritaan  
iti Dios Apo, qt inna tinannaoagan  
ti batog ti Sodoma qñ Gomorrha piman

Naquitana nga agpangpañgato  
daguiti naruay á dalipato  
ta simgued amin nga agpayso  
daguidi il-ili á dinusa ti Dios Apo  
iti apoy á ranggas na ti napalalo.

Ni Lot quen daguidi annac na  
nagbutengda idi quinamañganda  
anialaquet ta mairaman iti dusa  
quet daydi ili á Segor pinanaoanda  
quet idi bantay ti napananda.

#### PANNACAYANAC NI ISAAC.

Daydi incari ti Dios quen Sara  
á di bumurong panaganacna  
natungpal aoan curangna  
idi madanon ti imbagana  
á nacataoenen pinalabasna.

Ni Isaac sipod napasñgay  
dagdi aquinanac dinungdungñgoda unay  
qt nupay sanicua da't naruay  
ni inana ti namasoso, cas maipaay,  
iti panagtaguibi á nadarisay.

Nalaos daydi dungñgo da,  
cadagti naimbag sinursuroanda  
sipod pay ubing á maladaga  
cas bilin ti Namarsua  
iti asino man nga adda anac na

Gapona nga sipod pay ubing  
ni Isaac manaquemen  
ti met tudio na nalaing  
inggana idi nga lacayen  
á pagolidanan met iti tacneng.

Quet idi agtaoen duapolo qt lima  
ni Isaac nga anac da Abraham qñ Sara,  
pinadas ti Dios ti tudio ni ama na

quet agpayso naiñget aoan pada  
daydi imbagana nga aramidenna.

Quinona ti Dios quen Abraham:  
alaem ni Isaac á cailalaam  
ta iti bantay Moriah inca ipan  
ta isonto qña ti pañgidatonam  
ta iti dungñgom toy panggapoan.

Ni Abraham á situtudio siulimec  
iti ibaga ti Dios saan á nagquitaquit  
iti agsapa unayen sisasalioitoit  
iti dua nga ubbingna inna imbisio:  
cayo á tuñgó incay iti jumento ipaaot.

Sana inayaban daydi anac na  
á bugbugtong dungduñgoen na  
nagturongdan iti disso á imbagá  
ti Dios Apo á nagbilin quencuana  
nga inna patayen daydi idatonna.

Quet idi tal-lo nga aldao dan  
á magmagna sipod idi balay dan  
nasaripatpatan ni Abraham  
daydi bantay á inda papanan  
nagsardengda sana quinonan:

Urayenda cam ditoy á disso  
agraman met itoy jumento  
ta siac quen toy anac co  
incam agdaton quen aglualo,  
sadacayto sublian ditoy á disso.

Ni Abraham sitatalec  
idi saó ti Dios á impatalgued  
maipoon quen Isaac á nasingpet  
quet quinonana: tungpalec  
ta iso paguñgarennanto met.

Daguidi tuñgó ti daton innalana  
á impabaclay quen anac na  
quet iso met iniggamanna  
ti apoy quen buneng nga aruatenna  
nga agdaton iti Dios á Namarsua.

Quet idi nga magmagna da  
ni Isaac nagsaó dita:  
ama, apoy quen tuñgo incuyogta  
qt ti idaton jadino ti yanna  
ta aoan man á maquita?

Simmungbat met ni Abraham:  
anac co, dimo dayta pacadanagau  
ta ti Dios itdennanto di agcurang  
ti idaton Qña idiay papanan  
ta Mannacabalin, di pagduaduaap.

Intnloyda á dua ti nagua  
quet idin nga macadanonda  
ni Abraham altar ti inaramidna  
sana imparabao quencuana  
daydi tuño á imbalonda.

Idinto á casta ti naisaganan  
pinuñgona á binalod di anac nan,  
ni Isaac di la nagsuquir apagapaman  
ta tuloc quen tudio na't pagsarmiñgan  
daguiti annac quen paiturturayan.

Idi ta iti altar maiparabaona  
ti bagui daydi anac á cacaiona  
qt linayatannan á patayen, comá  
Angel ti Dios ti dagos nagcona:  
Abraham, dica iccaten ti biagna.

Dayta anac mo dimo ananoen  
iti uray no apagbassit laeng  
ta itan capnecac unayen  
ti tudiom caniac á denguem;  
gapo caniac, ta anac mo dimo pacaoaren.

Timmaliao ni Abraham idi licod na  
quet maysa á carnero ti naquitana  
á naisulat iti lanot daguidi sara na  
isó ti innala nga indaton na  
á sandi ni Isaac á patayenna comá.

Sa quinona di Angel quen Abraham:  
ni Apo Dios inna ca bendicionan,  
ti carina quenca inna pasingquedan  
á daguiti putputotmo diinto mabilang,  
nasanicua danto nga nabacnang.

Maipuonto iti putotmo á maysa  
nagasatto dagti pagpagarian ditoy dagá  
á gapó laeng iti ayat co quenca  
ta ragsac co toy naiduma  
iti tudiom caniac á maquita.





Quet idi malpas amin daguitan  
nagsubli met la da Abraham  
iti daydi inda nangpanaoan  
cadaguidi ubbing da, sada napan  
sadi Bersabé á pagtaeñgan.

Ni met Abraham naammoanna  
á ti asaoa ni Nacor á cabsat na  
naruay metten ti nayanacna  
á ti nagan daguidi dua:

Hus quen Batuel ñga ama ni Rebeca.

#### IPAPATAY NI SARA QN PANANGASAOA NI ISAAC.

Sañgagasot duapolo qt pito ti taoenna  
ni Sara idi madanon ti patay na  
iti ciudad ñga Arbee oenno Hebron á cona  
iti sacop met la ti Canaan á dagá  
qt impomponda sadi Hét á guinatangda

Quet ni Abraham idi á lumocayen  
pinañgasaoana daydi anac na metten  
quet daydi ubingna unay á talquen  
iso ti inayaban na á pinagcarin  
á bilin na daydi inna tungpalen:

Inca sadi Mesopotamia  
tapno cadagtay cacabaguiac idia y á dagá  
cumita, pumilica cada cuada

iti rumbeng unay nga asaoa  
ni Isaac ta diac cayat ti Cananea.

Ni Eliezer simmungbat:

oen, señor, iti bilinmo agtungpalac  
quet dinagosnan ti nañgirubuat  
sañgapolo á camello á naimbag  
qñ gameng pay nga agcacasayaat.

Nagturong sadi Mesopotamia  
qt ciudad nga Haran ti tinurongna  
iso á pagnaedan nga ammona  
ni Nacor á cabsat ni apo na  
quet iti ruar ti ili naguinana.

Lumnec ti init iti malem  
idi macadanon dita macagteng,  
horas unay daydi á rumbeng  
á panagsacdo da iti inumen  
daguiti babba-i sadiay á taeng.

Iti Dios Apo nagcararag  
daydi tao nga naimbag:  
caasian nac, Apo, ta isuronac  
á pumili iti asaoaen á nasayaat  
tay anac ni apoc á nagtalec caniac.

Iti sibay toy bubon addaac  
qt umayto sumacdo, pamayac;  
dagti babbalasang ditoy ciudad  
qt ipalubosmo, Apo, caniac  
a ti saraquec matungpongac.

Itinto coma cadacuada pagconaac:  
iccannac ita danum ta uminomac  
quet iso no conana á sumungbat:  
uminomca castamet á iccac  
dagta camellos mo, daytanto ti pusgac.

Apaman á castoy ti naconana  
iti naquem na la á maymaysa  
iso metten daydi isusuñgadna  
ni nañgayed, nasingpet á Rebeca  
anac ni Batuel, apocó ni Nacor qñ Melca.

Balasang á napintas quen nasanicua  
napan la sumacdo ta piman cadaoyanda  
quet idi nacaalan ta agaoïd coma  
iso daydi yaasideg met quencuana  
ni Eliezer nga agsapol asaoaen ni apo na.

Napan daytoy qñ Rebeca simmabat  
quinonana: pangñaasim ta uminomac  
ni met Rebeca dagos á simmangbat:  
oen, señor, mangtedac á siyat  
tapno uminumca cas daoaten caniac.

Dinagosna metten á imbabá  
daydi ñhalabi idi taquiagna  
ta daydi maqi-inum iniccanna  
quet idi ni Eliezer mapainumna  
insaganad ti Rebeca ti nageona:

Daguitoy camellos yo iccae met ida  
iti inumenda tapno caasida;  
iti danum pay innac mañgala,  
agpayso ta daydi danum inbochocna  
cadagdi pagpainuman á sisasagana.

Sana dinagos manen ti napan  
idi bubon tapno iti danum mañgalan,  
quet intedna ñga di laeng nagtantan  
cadaguidi camellos á cas naaoan  
iti danum piman á guinaoan.

Ni Eliezer agpalpalio á siulimeo  
tarigagayanna á maammón met  
no daydi á balasang ti cayat ti Dios á ited  
ña asaoan ni Isaac á nasingpet  
iso á ingunamgunam ni Abraham á nagtalec.

Idi macainom daguidi camellos na  
inruarna ñga insagot qñ Rebeca  
daguidi gameñg aruaten á intugotna  
sañgaparis ñga icao aritos a cona  
qñ brazaletes ñga dua.

Quet idinto ta mayaoatna ida  
sinaludsudna mt qñ Rebeca  
no asino daguiti naganac qña  
castamet no idiay balayda  
adda mabalin á sañgbayanna.

Ni Rebeca dagos simmangbat:  
Batuel ti nagan ni amac  
dadacquel na mt á namaltuad  
da Nacor qñ Melca á napatac  
nalaoa toy balay mi, taraon met ti naoadoad.

Ado pay mt ti garami  
á canen ti ayep á maycari

--42--

rumbeñg unay iti sañgaili  
qt no cayatyo umaycay quetdi  
aglalo castoyen á rumabi-i.

Ni Eliezer nagyaman unay  
iti casdi á inna piman nauray  
ta Dios quencuana't nañgtacunaynay  
iti daydi intugotna ñga tarigagay  
á panañgasaoa ni apo na iti nadarisay.

Daydi manaquem á balasañg  
immona á napan idi balay dan  
qt dinagosna á imbagá qñ ina nan  
daguidi intedda qña á pagyaman  
daguidi sañgsañgaili á inna nasaracan.

Ni Laban á cabsat ni Rebeca  
sinabetna mt dagdi sañgaili da  
qt intedna mt cadacuada  
amin daguiti maypaay qñ masapolda  
agraman pay cadagdi camellos da.

Inda met ida insaganaan  
iti canen á cas cadaoyan  
ñgm ni Eliezer conana: diac mañgan  
no saanco pay á maiparañgarañg  
ti inda caniac ditoy nagbaonan.

Ni Laban qña ti simmuñgbat  
quinonana: inca ala yebcas  
ti inayam ditoy á guinandat  
tapno di maigabay matactac  
ti pannacatimod á nalaoag.

Ni Eliezer inggapona't nagsarita  
á nañgipalaoag iti casasaad na  
á binaon á nagtalcan ni apo na  
á nañgidanon iti panañgasaoa  
ni Isaac qñ nañgayed á Rebeca.

Nanuñgpallanna, inna imbalicas  
señores, no itoy guinagarac  
ipaayyo coma á patgandac  
dacquelto unay á pagyamanac,  
aoanto ti ingga toy ragragsac

Qt no ti napait unay  
á panagadi ti incay ipaay  
suñgbat yo ti agumac mt itay  
tapno agturoñgac á sililiday  
iti sabali ñga disso qñ saad pay.

Da Batuel qñ Laban  
simmuñgbatda á di nagtantan  
cadaguiti pinalaoagmo maaóatan  
á ti Dios Apo á catanócan  
ti aguinnauquem itoy gagaram.

Saan mt itay á rumbenñg  
á ti cayat ti Dios incam suquiren  
anansata dimo ala amquen  
ti panagadimi ñga ag-oen  
ita yunayunaymo á quiddaoen.

Idi castoy ti maññgegan  
toy ubiñg á binaon ni Abraham  
nagpacleb piman iti dagán  
ta nagruchab á nagyaman  
iti Dios Apo á pagraeman.

Sana inruar á indatag  
dagdi alicamen á balitoc qñ pirac.  
qñ caoes pay ñga agcacasayaat  
á insagotna qñ Rebeca á nagasat,  
castamet qñ ina na qñ cacabsat.

Ti nagrarambac inruguida  
inañgayda met daguidi cacabagnianda  
qt idi bumañgondan iti agsapa,  
ni Eliezer piman agpacada  
ñga agbaofñg balay ni apo na.

Ni ina ni Rebeca qñ cacabsatna  
quinonada ñga agtutorda pay coma  
iti sañgapolo ñga aldao santo magna  
daydi balasañg ñga inasaoada  
tapno ipapasda pay ti agdidinna.

Ni Eliezer simmuñgbat:  
ni Apo Dios yata pinagasatnac  
iti panguap ditoy á guinagarac  
daoatec á di coma matactac  
ti panagsublic cadaguitay sumga caniac.

Nagtuñgpalan daguiti sarsarita  
ni Eliezer innalana ni Rebeca  
agraman mt quinacuyogna  
á iso daydi nagpaspasoso qña  
qñ babbalasañg á ubiñgna.

Dagdi namalubos nag-Dios ti cumuyogda,  
sapay iti lañgit ta pagasatenna ca

iti manayon á taoen coma agbiagca  
qt dagti putputotmonto paruemaenda  
daguiti ciudades daguiti cabusor da!

Nagluasdan á napan  
iti daydi ili da Abraham  
qt idi á malem nga isusuñgaddan  
nairauá á rimmuar iti paguilian  
ni Isaac á cas agpadpadaan.

Agpayso idi adayo nasirpatna  
daguidi camellos á sacayda  
qt idi á macaasidegda qña  
sinaludsod mt ni Rebeca  
no asino daydi masaracda.

Idi nga iti balay macagteñgda  
qt nalpasda bassiteu á nagsasarita  
ni Isaac inteina qñ Rebeca  
daydi siled ni Sara nga ina na,  
pacapnecan á iso ti aquinbalay á coná. (1)

#### IPAPATAY NI ABRAHAM.

Ni nagasat á patriarcha Abraham  
naquiasaoa pay iti sabali piman  
qt nagputot met á napagasatan,  
figem nupay inna ida pinataoidan,  
ni met la Isaac daydi naidumaan.

Idi matay nagdagupan ti taoenna  
sañgagasot pitopolo quet lima  
quet ti nadalos á cararna na  
napan naquitipon iti yan da  
dagdi nasingpet á natay á immonona.

Daydi bangcayna impomponda  
iti nagasat á doble cneva  
iti dagá ni Efron á guinatangna  
á nacaitabonan ni Sara  
nga ayayatenna tinay nga asaoa.

Ni met Ismael nga anac na  
idi matay adda met taoen na  
sañgagasot tal-lo polo qt pito da  
qt dagdi annac na á sañgapolo qt dua  
iso da't principes dagdi tribus da.

---

(1)—Uppat á polo ti taoen ni Isaac idi agasaoa.

Ni Isaac nagdaodaoat iti ado  
iti Mannacabalin amin á Dios Apo  
ta ni asaoana á Rebeca á nasungdo  
saan á naganac la nga agpayso  
iti lasod ti taoen á duapolo.

Idi impaay ti Dios á nagsicog ni Rebeca  
nacascasdaao daydi naaramid qña  
ta maricnana nga idi uneg ti tianna  
aggubal daguidi dua nga annac na  
quet nalaos daydi dandanag na.

Dinaoat na piman á sinaludsod  
iti manangngasi nga Apo tay á Dios  
quet naibaga qña: á maicasigod  
daguiti annac na piman á tumaod  
agsiosindanto iti panagpampanunot.

Dagtoy nga annac inton dumacquelda  
agsinnupadidanto iti cayatda  
quet itinto pagtungpalan da  
daytanto in-inaudi cadacuada  
ti mañgituray iti inaona.

Quet idin á mayanacda  
daguidi ubbing á dua  
ni Esau daydi immona  
á naraber daguidi dotdotna,  
quet Jacob daydi adi na.

Dagdi ubbing idi dadacquel dan  
daydi inaona naanep iti cabaquiran  
mangnganop á calalaiñgan  
quet daydi cabsat na agguiyan  
cadaguiti calapao á pagtaeñgan.

Ni Esau dungduñgoen ni ama na  
ta caayayona ti agsidá  
cadaguidi isangpet á maanopanna  
quet ni ina da á Rebeca  
ni met Jacob daydi ipangpangrona na.

Ni Jacob nagluto iti naminsan  
iti sida á naimas, nananam  
quet ni Esau dimteng á nabannugan  
bisin na pay daydi napalaloan  
qt quinonana ti dimmaoat piman:

Iccannac ala ita linutom  
ta nalaos dagtoy bisincon.  
ni Jacob conana: iccanca no ilacom

ti calintegan ti quinaprimogenito'm  
tapno siac qña ti aguimaton.

Ni Esaú simmungbat metten:  
no siac ta matayac iti bisin  
ti quinaprimogenito ¿pagananoc to payen?  
cona ni Jacob: sapataam ñgaroden  
tapno panañgilacom ti mapasinquedanen.

Ni Esaú idi naldas ti pannañgan na  
idi tinapay qñ naimas á sidá  
pimmanaoen á cas aoan pateg qña  
ti quinaprimogenito á inlacona  
ta iti saguday daytoy aoan ilalana.

Cadagti saguday á inna napncao  
iso ti panagtaod coma ilelengñgao  
cadaguiti caputotan na á nasinao  
ti Mesias á tumáo coma nacascasdaao  
á mañgisalacan iti sañgaluboñgan.

Ni Isaac idi ñga lacay ditan  
ta sañgagasot tal-lo polo qt pito ti taoénna  
qt daguiti mata na dida macaquitan  
ni anac na ñga Esaú inna inayaban  
qt quinonana ñga insaoañ:

Siammoca unay, anac co,  
itoy adda á quinalacay co  
á diac ammo ti ipapatayco,  
inca coma mañganop iti cayateo  
ta iti caayayoc á sidá ilutoannacto.

Innacto mt qca ipaay  
ti bendicion á nadarisay  
ita ta diac pay matay  
ta di met ammo't pannacauray  
no maladao oenno masacbay.

Ni Esaú napanen nañganop  
qt dagdi seó ni ama na á naanos  
nañgeg amin idá á natimod  
ni ina da mt á nañgipaamocod  
qñ doñgdoñgoenna ñga Jacob.

Conana: natimodco á nalaiñg  
daguiti sinaó ni amáyo ñga imbilin  
qt ti balacadco qca tuñgpalem  
tapno sica ti in pagasaten  
ni amayo no toy conac surutem.



Iti dua nga babassit á calding á nasayaat  
mañgalaca ta yegmo iti madarás  
ta aramidec idá á sidá nga naimas  
sacanto itel qñ amám, di matatac  
tapno bendicionna qca ti inna iyaoat.

Agpayso idi malutona daydi sida,  
ni Jacob metten quinaoesanna  
cadaguiti pagananay ni Esáú ditá,  
pinulipolanna ti teñgñged qñ ima  
iti lalat daguidi calding á pinatayda.

Daydi sidá qñ tinapay inserrec ni Jacob  
qt ni ama da idi inna matimod  
timec ni Jacob toy casasaóc  
ñgem naapiras na dagti dutdut  
ti ima qñ teñgñged nga atatiddog.

Ni Isaac pay dita nagsaludsod:  
;nagsublica man darás ayá, baroc?  
qt simmuñgbat met piman ni Jacob:  
oen, ama, naquem ti Apo tay á Dios  
addaacon á iti bendicion mo gumon-od.

Ni Isaac quinonana manen:  
;sica ni anac co nga Esáú mt laeñg?  
ni Jacob saan la dita nagarimadeñg  
ta bilin ni ina na daydi inna patien  
qt simmuñgbat qñ ama na iti oen.

Yasidegmo ñgad ta canen, cona ni Isaac,  
tapno bendicion qca toy yaoat,  
qt, agpayso, idi pannañganna ti nalpas  
anac co ala umadanica caniac  
ta uñg-ñgoen qñ agcan nac.

Naaramid nga agpayso ti casta  
qt ni Isaac idi nga masayopna  
ti ayamoom ti caoes daydi anac na  
añgot dagdi sabsaboñg qñ buñgbuñga  
toy indateñg ni Esáú á maricua.

Anac co ;sapay iti Dios coma  
ta itedna qca ti pammagasatna  
ipaayna mt coma á iparabor qca  
ti todo á masapol ti dagá  
tapno taraonyonto ti nadeffa!!

Daguiti ilili sicanto ti pagraemanda,  
daguitinto gangannaet agrucbabda  
mailunodto ti mañgilunod qca

qt daguitinto mañgted qca pammagasatda  
gasat to mt coma ti lacámenda!

Idi nalpas ni Isaac ti panañgbendicionna  
qt ni Jacob macapanao idi yan na,  
ni met Esaú sumrec dita  
ta idatagna piman qñ ama na  
ti canen qñ sidá á imbilinna.

Nasdaao unay dita ni Isaac  
quinonana: jasino tay immay caniac  
á iti quinnanco nañgidateg?  
bendicion co ti innac mt inyaoat  
tapno lac-amenna ti pammagasat!

Ni Esaú idi mañngegna ti casta  
nalaos daydi uñget qñ puñgtot na  
naguñgor á dina ammo't aramidenna,  
sana mt la dinaoat qñ ama na  
ti napateg mt la coma á bendicionna.

Quinona quencuana ni Isaac:  
ni Jacob inaramatna ti sicap  
iti panañgalana iti pammagasat  
á itden ni amá iti anac  
qt diac ammo tay inaramidna caniac.

Qt no inaoatnan ti bendicion co  
jania cad pay qca ti maitedco?  
nupay casta, intulitan laeñg ni Esaú  
tapno bendicionan ni amá na á nasuñgdo  
ta gasugasna piman daydi napalalo.

Quinaasian unay ni Isaac  
ni Esaú piman á nagdaodacat  
qt inna mt qña inyaoat  
daguiti nasam-it á balicas  
ti bendicion á pammagasat.

Nupay casta saan á napunas  
qñ Esaú ti gura á si guiguil-ayab  
iti daydi panañgagao, panañgiccat  
ni Jacob idi napateg á pammagasat  
qt pammales ti inna insicat.

Daydi gaguem ni Esaú imbagada  
qñ nasuñgdo unay á ina da,  
qt daytoy apaman á natimodna  
dagos metten á ni Jacob inayabanna  
qt castoy daydi imbilinna.

Ni Esau insicatna ca á patayen  
qt masapol á balacadco't surotem  
dica agtantan pumanao ca't ditoyen  
balay ni Laban á cabsat co't turoŋgem  
sadi Mesopotania iti Haran á taeŋ.

Dicanto umalis ta agnaedcanto sadiay  
ingana lti puŋgtut na ti umlay  
ni cabsatmo á macauŋget la unay  
qt sacanto la ditoy umay  
no paayaban ca á di magabay.

Iti casta ŋga aramiden maliclicanto  
ti dacdaques qŋ nacaro  
á macaited pagleddaaŋgacto  
iti panagguiddan á pannacapucao  
cadaguiti dua piman ŋga annac co.

Idin á maysaonan qŋ Jacob ti casta  
imbagana mt qŋ Isaac ŋga asaoana  
dagti nasquen á panaŋgpapanaona  
qŋ tapno sadi Haran ti paŋgasaoaanna  
ni Jacob, anac á duŋgduŋgoenda.

Quinonana pay qŋ Isaac:  
napalalon daytoy pannacaumac  
á maquiludonludon cadaguiti annac  
ni Het ditoy ta diac ida cayat  
iti cababalinda qŋ panagbiag.

#### NI JACOB MAPAN SADI MESOPOTAMIA.

' Idi casta ti maypalaoag ni Rebeca  
ni Isaac ni Jacob binilinna:  
saanca ditoy á maŋgasaoa  
ta dicamcayat ti cababalin da  
dagtoy taga-Canaan á dagá.

Sadi Mesopotamia ti papanam  
inca qŋ Batuel ŋga amá ni inám  
ta maŋgasaoaca iti anac ni Laban  
ta iti siŋgpet da qŋ nacman  
ni Apo Dios innacayto pagasatan.

Iso ŋga mannacabalin ŋga Apo  
pagasatennacayto cadaguiti putputotmo  
rumaŋ-áy cayto unay á umado,  
cadaguiti il-ili agturay cayto  
cas incarina qŋ Abraham ŋga amatayo.

Nagluas ni Jacob á napan  
sadi Mesopotamia á balay ni Laban  
tapno sadiay ti inna paŋgasaoan  
ta dida cayat ti baba-i á taga-Canaan  
ta napali-ioda idan á napadasan.

Qt idi ta dalan ti yan ni Jacob  
qt nacagteŋg iti dinna qñ sacop  
ti disso á Luza, naguinana iti bannog  
ta rabi-i payen qt macaturog,  
nagpuŋgan iti bató á inna pinidot.

Qt idi ŋga adda piman dita  
naquem ti Dios á nagqarparmatá  
qt maysa ŋga agdan ti naquitana  
á naidisso iti daydi dagá á yanna  
qt sadi laŋgit tucnuenna.



Iti daydi ŋga agdan naquitana met  
á umuli, umulog daguiti Angeles  
qt nagsadagan ni Apo Dios á nagtimec:  
Siac ti Dios Apo ni Abraham á nasingpet  
Dios nac mt ni Isaac á duŋgduŋgoec.

Daytoy dagá á naturugam  
sica qñ putputot mort innac paŋgtedan,  
daguitoy casdanto iti tapoc á di mabilaŋg  
agoarasdanto qt inda sacnapan  
ti laud, daya, amianan qñ abagatan.

Amin daguiti tattao ditoy dagá  
nagasatdanto maypoon qca  
adinontoman á papanam aluadanca

qt iti daytoyto mt la á disso isublica  
no madanonto't aldao á rebbeñgna.

Quet idi macariing iti turog na  
ni Jacob dagos quinonana:  
pudno ñga ti Dios ditoy á disso adda  
quet diac la impapan á casta  
á nacaal'alinguec aoan pada.

Pudno á daytoy macapaquigtot  
ta saan á sabali balay ti Dios  
nacaisaadan met á masinonooc  
ti ruañgan ti lañgit á nasilnog  
ta iso ti yan ti agdanna á balitoc.

Idi bumañgonen iti agsapa  
iniggamañna di bató á nagpuñganan na  
quet impasdec na iti daydi dagá  
á cas monumento oenno altar á cona  
quet sana binuyatan iti lana.

Daydi á disso inna pinanaganaan  
iti: Bethél á ti inna caipapanan:  
balay ti Dios á pagaripapaan  
ñga daydi nagan na á daan  
Luza ta disso á calogoan.

Quen Apo Dios incarina met  
á no tacunaynayenna sisasalindeg  
qt amin á masapolna inna ited  
conana: isonto ti Apo á daydayaoec  
á pannacabalin na't di malimed.

Quet daytoy bató á impasdecco,  
Balay ti Dios ti nagannanto  
quet iti biangna itedconto  
ti apagcapol-lo ti maaoatco  
á cucua quen gameng co.

Idi maisaó na daguita á carin  
nagluas á nagna met laeng  
nagturong Mesopotamia oenno Kedém  
bañgir ti Eufrates á sarsaritaen  
ta iso daydi inna panguepen.

Quet idi adda iti lañgalang  
ñga asideguen iti paguilian  
naquitana ñga nasaracan  
ti bubon á pagpapainuman  
qñ carneros á tal-lo ñga arban.

Idi sibay ti bubon adda da  
nga cas laeng aguin-inaná  
dagdi pastores quen arban da  
tapno panggapoan á pagurayanda  
cadaguiti agsangpet á caduada.

Iso di panagsaludsod cadacuada  
ni Jacob no adino ti ili da  
quet idi nga: sadi Haran quinonada,  
nagsaludsod manen: amammoyo ngata  
ni Laban á ni Nacor ti ama na?

Simmungbat daguidi pastores qña:  
oen, amammomi unay ida,  
quet naguimtood cadacuada  
no casano met, mag-an da,  
quen aoan la ti sagubanet da.

Quinonada: nacaradcad da laeng  
quet tay anac ni Laban addaydiayen  
ta idi adayo cadacuada sumungaden  
ni napintas unay á Raquel  
ta agpaarab met á dunteng.

Ditoy rebbeng tay á imatañgan  
ti aramid idi daguiti babacnang  
ta dida mabain nga agtalaan  
iti nalaing uray ania man  
á di macadadael iti nacman.

Ni Jacob quinonana manen:  
mabayag pay met la ti malem  
dagta ayoananyo ;diyo coma painumen  
sada man met la agaraben  
tapno mabsogda á nalaing?

Quinonada met á sinungbatan:  
dicam agpainum pay á cadaoyan  
no di omona á matipon daguiti arban  
tapno saminto met luctan  
dayta bubon á pagsacduan.

Madama pay la nga agsasarita da  
idi á ni Raquel macadinna  
quet ni Jacob immadani quencuana  
á nagsablaao, cas maicanada  
quen nagyaman iti pia da.

Qt idi saan nan á pagduaduaan  
á ni Raquel anac ni Laban  
daydi bubon inna linuctan

idi bató á calob na piman  
ta dagdi carnero inna ida insacdoan.

Idi nalpas á napainum na  
dagti acacayen ni casinsin na  
nacasangsañgit iti ragsac na  
ta piman qt natumpoñgan na  
daydi asideg pay á cabaguian na.

Impasinqued na unay dita  
ñga iso anac ni Rebeca  
á cabsat ni Laban ñga ama na,  
ni Raquel metten immona't balay da  
ta inyammona daydi cadacuada.

Idi maammoan ti casta ni Laban  
inna sinabat ni Jacob iti dalan  
ta ragsac na ti napalaloan  
ta naquitana ñga nasaracan  
ti anac piman ni cabsat nan.

Inarácop inag-agcanna  
ni Jacob á caanacanna  
qt impanna idi balayda  
ta isó ti pannacabagui itá  
daydi ay-ayatenna á cabsatna.

Qt idinto ta inna natimod  
ti panguép á nacapataud  
iti ipapan dita ni Jacob  
quinonana: aguianca ditoy ñgarod  
tapno mailisica't iti pannacaituggod.

Asidegta pay la ñga agcabaguian  
ta agcabsat ta pay la á maibilang,  
anansata inna itay 'carbeñgan  
á iliclicca mt iti pagdacsam  
tapno diacto qt mairamraman.

Nagbati dita ni Jacob á nagnaed  
qt tumuloñg mt á sigaganetguet  
cadaguiti aniaman ñga aramid;  
qt idi macabulanen ti malabes  
ni Laban qña nagtimec.

Quinonana quencuana:  
saan á gapo iti agcabaguianta  
diac cayat ñga aoan gunguna  
ti caaddam ditoy á catiponca,  
nalaiñg no ti tañgdanmo inca ibaga.

Daguidi dua nga annac ni Laban  
napintas da nga babbalasañg  
qt ni Jacob inna esman  
ni Raquel á naysagudayan  
qt castoy daydi insungbatnan.

Aguianac qca iti pito á taoen  
tapno panañgasaoac ti teggueden  
qñ nañgayed unay á Raquel  
ta ditoy aoan mabalenco á itden  
á isagot coma nga rumbeñg.

Simmuñgbat mt ni Laban:  
alá annugotec dayta conam  
ta nalalañg la no sican  
ti innac quencuana pañgtedan  
ñgm iti sabalinto á gumamgam.

Nasuñgpot dagdi pito á taoen  
á ni Jacob mt idi laeñg  
ti nañgitulag qñ nañgeddeñg  
gapona nga innan daoaten  
ni Raquel nga asaoaen.

Inaramid ni Laban ti dayá  
naruay daguidi inañgayna  
á naquiragragasac cadacuada  
ñgm sicap qñ Jacob ti gapoananda  
ta ni mt Lia daydi intedda qña.

Ngem iti daydi á naaramid  
ni Jacob aoan basolna uray bassit  
ta dina ammo qñ nabigbig  
daydi inda quencuana inaramid  
ta rabi-i idi qñ nasipñget.

Gapona nga iti agsapan  
sinalañgadna ni Laban  
qt daydi inna pacaringgoran  
sinurotda mt la á linanañg  
qt ni Jacob nagtalan.

Daytoy ditá nagtaeñg  
iti bayat ti duapolo á taoen  
qt napaaduna daguiti gameñg  
ni catugañganna á sitatacneñg  
ta ni Apo Dios qña ti nanacclin.

Qt idinto piman ta castan  
imbagana qña ti panagpacadanan  
tapno agsublin sadi Canaan



ta conana á daydi á cabayagnan  
napucao daydi gura ni cabsatnan.'

Agpayso, napatuloy ti ipapanaona  
intugotna dagdi annac qñ asaoana  
agraman ubbiñg qñ cucuada  
ta umalisdan iti pagtaeñganda  
á iso ti Canaan á dagá.

Qt idi addada iti dalan  
nagbaon qñ Esáu á cabsatnan  
ti in dumaoat qña iti pacaoan  
qt daytoy inna quetdin insaganan  
iti uppat á gasot á tao á quinoyognan.

Idi maamoan ni Jacob ti casta  
immay ti danag qñ buteñgna  
qt biniñglayna á pinagcadua  
dagup daguidi buyotna  
tapno dida marapon no maabacda.

Sa iti Dios Apo nagcararag  
conana: sica, Apo, incarim caniac  
á icaluyanac iti peggad  
qt itá urayec á caasiannac  
dinacam bayán ditoy á maabac.

Naturogda iti rabi-i iti daydi á tayác  
qt sana pinaipan iti bigat ;  
dagti isagotna qñ Esáu á naoadoad  
tapno uñgetna la daydi mapunas  
qt agcapiada coman ñga agcabsat.

Pinalasatna mt daguidi buyotna  
iti daydi carayan Jaboc á masuñgadda,  
qt ni Jacob nabati pay á maymaysa  
idi bañgir di carayan iso á nacasaracanna  
iti Angel, á tao daydi quita na.

Naggabboda itoy Angel á nasarac na  
iti daydi nagpatnag aoan nacabuya  
quet idi bumigaten ñga agsapa  
quinona di Angel: sumardeng ta  
ta aglaoaguen quet panaoan ca.

Ni Jacob sinungbatan na met:  
di ca palubosan no dimo ited  
ti bendicion mo á napateg  
ta masapolco á quired  
iti umapayto á peggadec.

Daydi Angel nagsaludsod quencuana:  
no ania ti adda á nagan na  
quet: Jacob ti nagan co quinonana  
ta casta caniac ti pañgayabda  
sipod ubing'ac pay á maladaga.

Quinona mt qña daydi Angel:  
manipod ita, ti nagan mo: Israel,  
á caipapanan na ti nabileg, maiñgel  
ta daguiti tattao á napuner  
saan danto quenca á macabael.

Sana insaruno á inted qña  
ti napateg á bendicion na  
ta daydi Angel á naquisarita  
iso ti pannacabagui ti Dios á Namarsua  
á mangyaoat pammagasat na.

Ditan nagpucao daydi Angel  
qt ni Jacob ninaganna iti Fanuél  
daydi á disso á naitalugading  
á ti cayuloganna: "rupa á daydayaoen  
ti Dios á Mannacabalin."

Quet idi itañgad ni Jacob ti mata na  
iso metten daydi pannacasirpat na  
á sumuñgad ni Esaú qñ cacuyogna  
á uppat á gasot á soldados na  
ta maquibacal daydi gaguem na.

Ni Jacob oenno Israel ditan  
pinagcadua paset na ti buyot nan,  
sa immona amin cadacuadan  
quet namimpito á nagrueño piman,  
pañgiparangna't emma quen pacurang.

Ni Esaú idi casta ti maquita na  
á panagraem quencuana ni cabsat na  
napunas daydi sirurobrob á pungtot na  
quet nagtaray á simmabat qña  
á immaracop quet naguín-nungñgoda.

Inapuñgolna dita ni cabsatna  
qt nagsañgsañgit iti ragsacna  
ta ilio nan daydi inna impecsa  
qt idi ingñgatoná daguiti mata na  
daguidi babba-i qñ ubbiñg naquitana.

Nagsaludsod qñ Jacob no asinoda  
quet ni Israel sinuñgbatanna:  
ti Dios intedna caniac ida

daguidi babba-i qñ ubbing ditan immasidegda  
ta nagrucnoy mt á nagecablaaoda.

Ni Esaú nagsaludsod met  
no ania daguidi pinaiyonada nga ayep  
qt quinonana ni Jacob: innac qca ited  
tapno mapunas coma nga maepep  
dayta lucsaomo qñ uñget.

Ni Esaú conana ti simmuñgbat:  
naruay dagti adda á cucuac  
umanayda unay iti pacasapulac,  
anansata dica mañgmañgted caniac,  
cucuam mt la ida á nalacag.

Ni Jacob quinonana metten:  
ti itedco qca dimo coma papaayen,  
pammaludas mo ala ti ioacsim,  
rupa ti Dios ti innac qca namiñgmñg  
á mañgipaay talna á sitataliñgenñgen.

Gapo iti panañgipapilit ni Jacob  
ni Esaú piman immannugot  
qt sana quinona insagunod:  
ala intay ngad agcucuyog  
iti dalanen pay la nga atiddog.

Cona ni Jacob: señor, saan  
ta daguitoy cacuyogco, cas maquitam  
ado't ubbiñg qñ ayep á tagtaguianacan  
urbon pay daguiti saan á mabilañg  
á mataydanto no pannagna ti ganatan.

'Anansata nalaiñg no umonacayo  
ta mañgininot cam itilicodanyo  
ta daguitay ubbiñg ti yagnireco  
inggana mt iti macagteñgcanto  
sadi Sair á pagtuñgpalanyo.

Cona ni Esaú: daoatec ngad itá  
á daguiti caduac á dadduma  
mabatida á cumuyog qca,  
simmuñgbat ni Jacob: diac masapol ida  
ta daguita ayatmon umanayda.

Ni Esaú qñ quinacuyogan  
sadi Sair nagsublidan,  
qt da Jacob nagsardeñgdan

iti disso nga adda iti nagbaetan (')  
ti Jaboc qñ carayan Jordan.

Dita ti naggappuanda  
idi nga Salem ti inalisanda  
ciudad daguidi Siquimitas dayta  
nga adda iti masacupanna  
ti Canaan á dagá.

Asideg ti ciudad ti nagtaeñganda  
ta dita ti nañggatañganna  
iti disso á nagbalbalayanda,  
qt sañgagasot á carnero ti intedna  
á sucat oenno bayad daydi á dagá.

Dita mt ti inna nañgbañgonan  
iti nañgayed unay nga altar  
á siraraem inda pagdatdatonan  
iti Dios Apo á cabilgan  
ni Israel á naiñggasatan.

#### DINA NGA ANAC NI LIA.

Iti daydi carrobada á ciudad  
á yan daguidi Siquimitas  
adda naaramid á rambac  
qt naruay daguiti immarayay  
nga agbuya qñ maquiragsac.

Ni Dina nga agtaoén idin  
iti sañgapolo qt lima ó sañgapolo qt innem  
naggasugas á napan metten  
idinto ta dina coma rebbeñg  
ta itneg daguidi á dida duadaen.

Ni Hemor Hevéo, principe daydi á dagá  
adda mt baró nga anac na  
á Siquem daydi naganna  
qt nasirpatna dita ni Dina  
á naytalugadiñg iti pintasna.

Nacayaoan iti imnas ni Dina;  
qt idi nga iti saó dina maala  
intarayna dita nga innala  
ta aramatenna ti pilit á mañgasaoa  
iti di umanamoñg qña.

---

(') Disso á managan Socoth, quet caipapananna  
ti tiendas.

Daytoy ti daques á maipacadaoyan  
cadagti babba-i aglalo no balasañg  
ta iti ipapanda iti pagrarambacan  
nalabit á peggad ti inda masaracan  
á macapataod nacaro á leddaañg.

Daydi nadamsac á gapoanan  
ni Siquem á nagamrang  
iso daydi pilit á nacaigapoan  
ti pannacairurumen ti paguilian  
qt saan la ñga isoda ñga agcacabaguian.

Ta nupay no impalubos mt la qña  
ni Jacob qñ cacabsat ni Dina  
daydi tarigagay ni Siquem á mañgasaoa  
da Simeon qñ Levi dida immingga (1)  
no dida binales ti naaramid qñ cabsat da.

ICCATEN NI JACOB DAGUITI BARENG-  
BARENG A DIOSES A INNALA DAGTI  
ANNAC NA.

Daydi á panañgpapatay qñ panañgsamsam  
dagdi annac ni Jacob á nadañgran  
nacaited danag qñ leddaañg  
daytoy amá ñga siñgpetna't olidan  
qt liniolioa ni Apo Dios piman.

Pinapalubosanna daguiti quinayaoanda,  
pinaipulañgna met dagdi sinamsamda  
ta quinonana: saan á maicanada  
ña alaen daguiti saan á cucua  
ta nadagsen á basol ti casta.

Ti Dios qñ Jacob quinonana  
aggunayca ta sadi Bethel mapanca  
iso ti pagtaeñgam qt iti altar mañgaramidca;  
qt ni Jacob inayabanna  
amin ñga annac qñ asaoana.

Agganagana agrubuat cayó  
ta sadi Bethel mapantayo  
ta intay agdaton iti Dios Apo  
qt amin á balitoc qñ icao yo  
itedyo caniac ta siac ti macaammo.

---

(1)—Pinapatayda amin á lal-laqui iti ciudad quer  
sinamsamda amin á cucua, annac quen babba-i.

Agpayso inyaoatda amin qña  
daguidi gameñg qñ diosesda  
isoda ñga incotcot ni Jacob ida  
idi poon ti cayo ñga maysa (1)  
ña aoan qt ti nacaquita.

Qt idin á magnada  
aoan ili á di nagbutenñg cadacuada  
qt iti casta aoan nacasiñgsiña  
iti bayat ti dinalanda  
á nagturoñg sadi Luza.

Dita ti inda nañgbañgonan  
iti altar á pagdatonan  
ta iso daydi nagparañgan  
ti Dios qñ Jacob piman  
idi ni Esaú ti inna itarayan.

Dita mt ti nacatayanna  
daydi nagpaspasoso qñ Rebeca  
qt impomponda ti bangcayna  
iti siroc ti cayo á maysa  
ña agnagan iti encina.

Idi naggapo ni Jacob Mesopotamia  
nagparang manen ti Dios quencuana  
ta dinupag binendicionan na  
quet daguitoy sumaridat á sarita  
daguidi nalaoag quimonana:

Saanto á Jacob iti masacbayanen  
ti nagan mo ñga balbalicsen,  
ñgem ninto quetdin Israel  
quet ita conac quenca manen  
daguitoy incanto laglagnipen:

Siac ti Dios á Mannacabalinamin  
umadocayo á sitataliñgenñgen  
il-ili, pagpagarian á natacneng  
ti iturayan to dagniti putotem  
ta agaridanto á daydayaoen.

Ti dagá á inted quen imbagac  
cada Abraham quen Isaac  
innac met quenca yaoat  
quet taoiden to á nabatad  
dagniti putputot mo á naoadoad.

Nagpucao á dina naquitan  
ni Apo Dios qña á nagparang

(1)—Cayo á terebinto oenno encina.

qt ni Israel dina intantan  
binañgonna ti maysa ñga altar  
á inna dita nagdatdatonan.

Quet idi á naggapoda dita  
nagturongda sadi Efrata  
quet idi dalan ti yanda  
ni met Raquel naricnana  
ti panagparubang ti panaganac na.

Naricot ti panagparubang na  
ñgem daydi mammaltot quinonana:  
dica agdanag ta diac agduadua  
incanto pay met la maquita  
daytoy ubing á tumaod qea.

Iti ut-ot ti panagpasñgay  
naquem ti Dios á immapay  
ti horas á inna ipapatay  
quet idi ñga adda biagna pay  
quinonana ñga sililiday:

Daytoy ubing á yanac co  
Benoni ti nagannanto  
á ti caipapanan toy á saó:  
anác daguiti rigatco  
ta áyag ñgaroden toy biagco.

Benoni ti nagan daydi ubing,  
ñgem binalioan bassit ni Israel  
ta quinonana: "Benjamin"  
anac na ñga inaudianen  
á idumduma na á dungdoñgoen.

Daydi bangcay ni Raquel  
intabonda ñga intanem  
idi dalan ñga agturong met laeng  
sadi Efrata á naganen,  
iti pannagna ti aldao: Belen.

Quet iti rabao daydi tanem na  
binañgon met ni Jacob quencuana  
ti maysa ñga nañgayed á columna,  
pacalaglaguipan inggana ita  
ta monumento ni Raquel ti nagan na.

Idi naggapoda dita á disso  
napanda iti deppaar á macaayayo  
á labes ti Torrente del ganado  
iti di met la unay adayo  
iti Belen á tinaoan ni Jesu-Cristo.

Ni Jacob inna met sinarungcaran  
ni Isaac, ama na á nagtaudan  
idi ciudad ti Arbée nga yan,  
iso á napanan met ni Abraham  
á cas gangannaet nagpalpalioaanan.

Quet idi adda taoennan  
á sañgagasot qt oalo polo á nabilang  
ni Isaac natay idi quinalacaynan  
qt impompon á sinangsañgitan  
da Esau, Jacob qñ annac dan.

#### JOSE (APALAN QÑ ILACO DA.)

Ni Jacob sadi Canaan nagtaeng  
iti disso á cas guinamitan laeng  
ni ama na iti aldao á nalabesen  
quet iti arpad na á sitatacneng  
adda daguidi annac na quen taraquen.

Sañgapolo qt dua dagdi annac na (1)  
quet ni José daydi naidumduma  
gapona á pinayaramidan na't caoes na  
á nataraqui nga aoan pumada  
qt inapalan dagdi cacabsat na.

Daydi apal da natacpalan  
iti gura da qñ José á napalaloan  
nangrona idi impulongna piman  
daydi aramidida á nacasang  
tapno didanto coman sunsunotan.

Quet idinto ta masaritana  
daguiti dua á tagtagainepna  
á maitanóc saad ti caipapananda  
ngimmenngen á rimmaba  
daydi siseseeggued á gura da.

Gapona nga idi addada  
iti pagpaaraban iti ayep da  
quet adayo da qñ ama da  
cadagti Ismaelitas inlacoda  
ni José inguet singpet na.

Quet idinto ta nalacoda  
impasaguepsepda daydi tunica na

---

(1)—Isoda Ruben, Simcon, Levi Judá, Isacar,  
Zabulon, José, Benjamin, Dan, Neftali, Gad qñ Aser,



iti dara ti calding á pinatayda  
sida pinaipan quen ama da:  
quitaem toy caoes ni José, pinaconada.

Ni Jacob nalaós ti ladingit na  
idi casdi piman á naquitana:  
nadaoel á banos, quinonana  
ti nanglamot qñ José aoan duadua  
jay-ayac pay ngarod nga ama na!

Daguidi guimmatang á Ismaelitas  
inlacoda met ni José, nabatad  
cadaguiti baniaga á Madianitas  
qt daguitoy insursurda di natactac  
cadaguiti taga Egipto á napirac.

Ni Putifar á nañgato ti saadna  
iti palacio ni Faraon nga arida  
iso ti guimmatang qñ José, nañgala  
quet insaadna á pagtalcanna  
nga agayoan idi balay na.

Daytoy metten ti nacaipoonanna  
á rimmang-ay amin dagti cucua  
ni Putifar á masarsarita  
gapo qñ José inguet singpet na  
ta Dios ti nanaclin quencuanna.

Ngem no ti adda ti balay mo  
ta nadamsac, managbasol á tao  
nalabit unay ti pannacairubo  
daguiti cucua quen iganoatmo  
ta dusaennaca iti Dios Apo.

Gapona á masapol á pilien  
daguiti cadiña quen talquen  
tapno ti Dios yadayona ca laeng  
iti pannacairubo, pannacairurumen,  
quet biag mo met ti inna pagasaten.

Ni José Vendido ti pagarigan  
ta saan laeng á binaybay-an  
ti dungngo á nailańgitan,  
nupay sinagabana, linac-am  
ti umiso nga pacaguguran.

Iti singpet quen talua na  
binuyogan daydi taer na  
qt maipoon itoy á rangcapna  
sinolisog daydi asaoa ni apo na,  
ngem ti basol inadayoanna.

Quet iti pannacabain piman  
daydi baba-i nga nagaramugam  
ni José daydi binal-licognan  
á pagpanguep iti nacas-ang  
quet pinaipupocda iti pagbalodan.

Ni Putifar saan á nagmalotmoten  
iti pudno á nacabasol met laeng,  
daydi asaoa na la ti inna pinatin;  
daydi naidarum dina nagsalodsodanen  
tapno calintegan na mt ti denguen.

Nupay casta idi ta pagbaludanen  
ti yan ni José á manaquem  
daydi agturay pinilina á talquen;  
daguiti ibagana quen iqueddeng  
isoda't amianda nga suroten.

Daytoy iso ti macapanecrec  
á ti Dios dina bayán ti nasingpet,  
ngem saranay laeng á nabileg  
ti inna quencuana piman ited  
tapno mayadayo iti pannacaidadanes.

Agpayso ta naaramid qñ José,  
idi pagbalodan nangrugui  
ti panagaddangnan á umoli  
iti natanóc á saad qñ nasudi  
ta mairagpat ton á maicadua iti ari.

Daguidi pinabalod ti ari da  
á natanóc ti saadda mt á qua,  
iti naminsan á rabi-i, nagtagtagainepda  
ni José ti nangibucsil caipapananda,  
qt saan á bimmurong natungpalda.

Iso ti gapon na nga idi acan asino  
á macaibagá iti caipapanan á pudno  
dagdi tagtagainep ti ari sadi Egipto  
imbaga qñ Faraon daydi Coperó . . . . (1)  
ti saguday ni José á nasungdo.

Ni ari Faraon dagos pinaalana  
idi pagbaludan ni José ta pagsaludsodanna  
iti bagas dagdi tinagtagainepna  
quet ni José, agpayso, imbágara  
iso á nacasdaaoan di ari qñ cosejeros na.

Gapon na ni Faraon imbatad na  
á iso ti dumna iti turay na

(1)—Coperó ti mangted qñ agayoan iti inumen ti ari.

quet amin daydi pagarian na  
utang unay á tungpalen da  
dagti ibaga ni José cadacuada.  
Pinagluga na iti carroza  
ti naarian á palacio na,  
pinailibot na cadagti calzada  
tapno daguiti tao maammoan da  
daydi natanóc á saad na.



Inyasaoa pay di napateg nga ari  
ni nagasat unay á José  
iti nañgayed, napintas á baba-i  
agnagan: Aseneth, anac ni Putifare,  
natanóc sadi Heliopolis á sacerdote.

Idi saan pay á simmangpet  
daguidi taoen á caquirang ti apit  
nagpasngay ni napintas nga Aseneth  
cadagti dua nga ubbing á nasaguitsiö  
á da Efrain quen Manasses.

Quet idi bisinen ti manegdeg  
uray pay provincias á caparañget  
sadi Egipto inda immasideg  
tapno mañgala gumatang da met  
iti taraon da á pagpaquired.

Ni Jacob imbaon na met dita  
daguidi sañgapolo nga annac na  
ta ni Benjamin á inoodian da  
imbati na idi sibay na  
á maipoon iti panañgigaga.

Daguidi agcacabsat dida nailasin  
á daydi agturay ni quet José'n  
daytoy saan na ida á duaduaen,  
ngm quinonana cadacuada laeng  
á napan da't Egipto agsisi-im.

Ti nagconaan ni José iti casta  
tapno panggapoanda nga agsarita  
iti casasaad da idia'y ili da  
qt masaludsodna met cadacuada  
no casano pay met ni ama na.

Agpayso dagos quinona da:  
jay, señor! adayo á casta  
nga agsi-im ti immay mi guinagara  
no di ti gumatang trigo coma  
ta rigat mi sadiay ti naiduma.

Quinona ni José manen ti nagsaó:  
oen, casta caniac ti conayo,  
ngem diac ammo ti napaypayso  
á casasaad ti panagbiag yo  
no nalaing oenno daques cay á tao.

Simmungbat da piman quencuana:  
dacam nga agcacabsat sañgapolo cam qt dua.  
tay inaudian mi nabati quen ama  
quet daydi cabsat mi á maysa  
natay pimanen á immonona.

Cona ni José: diac ammo  
ta di maiccat itoy naquem co  
ti ilem co unay cadacayo,  
anansata ditoy agbaticayo  
tapno penquec ti casasaad yo.

Dicay macapanao ditoy pagarian  
no di maysa la cadacay ti mapan  
á in mañgala itay adi yo á pamtian  
no pudno daguita incay insaoang  
tapno ilem conto ti maoan.

Quinonada: señor, no dayta conam  
dicam mahalin á ipamuspusan

ta daytay inaudian mi á tarigagayam  
ni ama mi dinanto palubusan  
ta panangyaguir na ti napalaloan.

Agsipod iti casta ti insungbat da  
ni José pinaibalodna amin ida  
qt iti maicatlo nga aldao dita  
sana met la pinairuar á casarita  
daguidi di macabigbig á cacabsat na.

Quinonana: no naimbag cay á tao  
maysa la cadacay ti ibalod co  
quet dacay á dadduma incayo  
ta incay isangpet sadi ili yo  
dagta guinatang yo ditoy á trigo.

Nagtutulag da á nagaannugotan  
quet iti biang da á sangaili á napan  
nagsasaó da iti sarita ti Canaan  
tapno dagdi macañgeg dida maaoatan  
ti saoénda la nga is-isodan:

Daytoy á maaramid cadatayo  
bales daydi intay panañgilaco  
iti daydi nagpaccacaasi á cabsat tayo  
ta ditay la inisip nga agpayso  
á di malibacan ti Dios Apo.

Nagbanag á ni Simeon ti innala  
ni José á imbati pinabalod na,  
sana imbilin cadagdi ubbing na  
á iccanda iti trigo dagdi supot da  
dagdi Hebreos ta guimmatang da.

Imbilinna met á ilasodda  
iti supot ti tunggal maysa  
ti pirac á inggang da  
castamet á pinabalonan na ida  
iti taraon da iti dalan da.

Iti dalan naquita da dagdi piracda  
iti uneg ti supot ti tunggal maysa  
ngm nagtuloyda á nagaoid ili da  
tapno di met unay sumsumga  
daguidi agururay cadacuada.

Idi macasangpet da iti ili da  
sinaritada amin quen ama da  
daguidi naaramid cadacuada  
quet ni Jacob quinonana:  
jiccatenyo man daguiti annacco ayá?

Ni daydi José aoanen,  
ni Simeon imbatiyo man sadiyen  
sayonto alaen manen ni Benjamin  
aoanto la ñgad matda ditoyen  
á liolioac itoy quinalacayen.

Idi maibos man ti canendan  
baonenna man daguidi annac nan  
qt ni Juda quínonana á sipapacurang  
no dicam itugot ni Benjamin dicam macapan  
sadi Egipto á pagarian.

Isoda quen Ruben nagcarida  
á ni Benjamin'to isublida  
iti arpad met la ni ama da  
quet no saan, into sioaoaya  
á mangpatáy cadaguidi annac da.

Ni Jacob, pilit á pinalubosanna  
ni Benjamin á quinacuyogda  
castamet á mañgalacayo, quínonana  
cadaguiti adda ditoy á bungbuña  
ta icablaaoyonto itay señor á nañgina.

Mañgala cay á mañgala met  
cadaguiti gapoanan ditoy á nalinis  
agraman cadaguiti nasam-it  
qñ bangbanglo ñga agcacapateg  
ta incayto amin quencuana ited.

Ti met pirac á balonenyo  
ducmalenyo daydi impanyo,  
castamet quencuana á ipulangyo  
daguidi pirac á nasarcanyo  
ta intoquet no nariro daydi tao.

Tandaananyo á ti saan á cucua  
di rumbeng á ti tao gamdenna  
ña alaen á taguicuaen comá  
ta saor quen tacao ti pada na  
á basol iti Dios á Namarsua.

Ti dica cucua no igaoïdmo  
nadagsen iti Dios á basolmo  
qt isonto pay quet ti mañgirubo  
cadagti cucuam ñgarod á pudno,  
oenno macaidadanes iti panagbiagmo.

Binendicionanna dagdi annac na  
á mapan agbiroc iti canenda  
qt idi á sadi Egipto macagtengda

quet iti saclang ni José agparangda,  
daytoy nagragsac ti naquem na.

Quet idi ni Benjamin maquitana  
nagsalodsod no iso daydi conada  
á inautlian á cabsat da  
quet idi nga: oen, quinonada,  
simmungbat: ¡Dios ti agaluad qea!

Idi madanon ti pamañgan  
quinayatna ida á quinalanglang  
qt indadumana á pinadayaoan  
ni Benjamin, nupay inautlian  
ta iso ti cabsatna á ca-ina piman.

Imbilin ni José idi mayordomo na  
punoem iti trigo daguidiay supot da  
ilasodmo mt ti pirac á pinagbayadda  
quet iti sopot daydiay inaudianda  
icabilmo pay ti paguin-inomac á copa.

Daguidi bilin ni José natungpalda  
quet iti agsapan nagluas da  
daguidi agaoiden á cacabsatna  
qt idi nga adayo bassiten ti yan da  
pinacamacamna idi mayordomo na.

Conam cadacuada á iquel-laot:  
ti linacamyó gayam á imbag  
daques man ti incay pagsupapac  
ta ¡innalayo laeng á linibas  
tay paguinoman ni apo á pirac?

Quimmamacam di mayordomo  
quet inna cadacuada insaó  
daydi imbilin ni José á pangsilo  
cadaguidi pagbaoingen na á taq  
tapno adda ammoda á macaigapo.

Quinamacam ida daydi mayordomo  
quet inna cadacuada insaó  
daydi aramid á panglibtó  
qt dida nagamañga nga agpayso  
quinonada: no dayta, señor, adayó.

Nupay casta nasaracanda ti copa  
iti supot ni Benjamin á inaudianda  
gapona naipapilit nagbaoingda  
idi balay ni José á naggapoanda  
tapno ipalaoagda ti calinteganda.

Idi inda qñ José macadatag  
daytoy binabalaona ida á nalaoag  
qt ni Judá daydi simmuñbat:  
señor, aoan mabalinmi á isupiat  
no dina cam adipenen á nabatad.

Ni José simmuñbat quinonana:  
isona la á cayatco á madusa  
ti nacasaracan iti napucáo á copa  
qt agaoidecay lñg á dadduma  
tapno ni amayo saan á sumga.

Ni Judá siraraem nagdaoat  
á bññgna coma ti maisucat  
ta ni Benjamin iso ti poon ti biag  
ni ama da á dacsanggasat  
ta idi panaoandan sidadanag.

Caycayatco ñga ditoy mabatiac  
á maisandi lñg ñga agrigrigat  
ñgm iti inac agsubli qñ amac  
ta di maibtoran dagtoy matac  
á buyaen ti biag na á maiccat.

Ni José idi mañgegnan ti casta  
pinatinan á sibibiag pay ni ama na  
qt dina naturayanen panagsañgitna  
qt nanipod ditan impadlaona  
á isó met la daydi cabsatda.

Inaracopna ida á nagsusublatan  
ta ilioda daydi ipecsadan  
sana quinona: dicay agtantan  
incay alaen ditoy ni ama'n  
tapno saad co toy inna capnecan.

Agpayso napatuloy á casta  
dagdi cacabsat na inda innala ni ama da  
qt ni mt ari Faraon impalubosna  
ñga sadi Gessen daydi nagtaeñganda  
ni Jacob qñ putputot na. (1)

Qt idi sañgapolo qt pito á taoenen  
ti caaddada dita á nagtaeñg  
naricna ni Jacob á matayen  
qt dagdi annac inna ida binilin  
iti rebbeñgda ñga tuñgpalen.

---

(1)—Ti historia ni José Vendido atatiddag ti panna-  
cailanadna itay libro á inurnos ni Rufina Pobres Claudio.



Quen José inna ingunamgunam  
á inda ipompon sadi Canaan  
ta isó daydi disso á nabendicionan  
qñ ammoda mt á nacaitabonan  
ti bangcay da Isaac qñ Abraham.

Saṅgagasot uppat á polo qt piton  
ti taoen ni Jacob ditoy lubong  
idi á matay quen impompon  
daguidi putputot na ṅga adon  
idiay disso á guinataṅ ni Abraham qñ Efron.

Inda impompon daydi bangcayna  
iti daydi saad á Doble-cueva,  
saṅgo met ii Mambre á dagá  
qt idi nalpas pannacaidulinna  
nagsubli't Egipto dagdi annac na.

Qt dagdi cacabsat ni José dita  
nalaguipda á pinaibaga qña:  
imbilin cadacam idi di ama  
á daguidi raṅggas á impaaymi qca  
lipatem á punasen amin coma.

Ni José quinonana mt ti simmuṅbat:  
daydi raṅggas á impaayyo caniac  
pinagbalin ti Dios á nacairagpatac,  
gapona ṅga bayányon dicay agdanag,  
daydi ulpityo itoy biaṅgecon napunas.

Iti qt unay igunamgunamco  
ṅadalos la coma ti panagbiag tayo  
tapno caasianna tay ti Dios Apo  
quet inna la coma iadayo  
daguiti umapay á pagdacsan tayo

Nanuṅpalanna, imbilin ni Josén  
cadagdi cacabsat na ṅga ay-ayaten  
á ti baṅgcayna inda taripatoen  
tapno alaendanto't Canaan no agsublin  
daguiti putputot da á naruayen.

Saṅgagasot saṅgapolo dagdi taoenna  
ni José idi á maiccat ti biagna  
qt sinaṅsaṅgitan dagdi cacabaguianna,  
tinaripatoda met daydi baṅgcayna  
cas imbilinna unay cadacuada.

Dagdi putut ni Jacob naruaydan  
idi á ni José matay mt piman

ngm iti pannagna ti aldao nanayonan  
daydi ado unayen á bilañg  
qt bileg da met daydi apapalan.

Qt idi nagari sadi Egipto  
ti maysa nga naulpit á tao  
castamet á dina ammo  
dagdi parabor ni José nga ado  
pinarigatna dagdi Hebreo.

Quinonana cadaguidi taga-Egipto  
daguiti Hebreos parigaten tayo  
tapno mapucaoda á umagaoto  
iti panagturay ditoy dagá tayo  
ta itan umadoda la nga umado.

Daydi ari inna pay imbilin  
nga amin á lal-laqui nga ubbing  
no mayanac dagos á papatayen  
dagdi mammaltot tapno matubeñg  
ti yaado dagti Hebreos idi ili'n.

Daguidi nabilin nagbutengda  
á mañgaramid iti casta  
quet idi ari nagpambarda  
gapona á daytoy napanunot na  
á sabali daydi inna ibagá.:

Amin á ubbing á lal-laqui á tumáo  
cadagti papasantay á Hebreo  
dagusenyo ida á yanodyo  
iti carayan nga agosna't nacaro,  
ngem no baba-i ti mayanac bayáño.

Casta nga agpayso ti naaramid  
ta iti bilin daydi ari á naiñget  
aoan laeng ti macaquitaquit  
cadagdi Hebreos á silaladingit  
á putot da Israel á nasingpet.

Quet idi madanon ti panaganac  
ni Jocabéd á naiduma't gasat  
naisipanna't pamuspusan á naimbag  
tapno mailiclic idi peggad  
daydi ubing á nasayaat.


Nagaramid coribot á nalagda  
á nalaing iti pannacagalagala na  
tapno di sumrec ti danum iti uneg na  
qt iso daydi nañgilas-odanna  
iti daydi ubing á maladaga.

Daydi curibot inda impan  
iti danum daydi carayan  
á maisaŋga cadaguidi caoayan  
tapno di mayanod, cas cadaoyan,  
dagti maipappao uray aniaman.

Iti iguid daydi carayan mt laeŋg  
iti di unay adayo á quitquitaen  
nagbantay á maŋgpalio idi ubiŋg  
daydi cabsat na ŋga agtaoen metten (1)  
iti saŋgapolo á sumuroc payen.

Iti daydi mt la ŋga horas nairana  
á immulog iti palacio daydi princesa  
á quinuyog mt daguidi damas na  
qt idi iguid ti carayan napanda  
ŋga agdigos oenno agpalpalioa.

Idi maquitana daydi curibot  
pinaalana á pinaguyod  
pinaluctanna met á dagos  
qt idi mabuyana daydi lasód  
quinonana: daytoy anac dagti Hebreos.



Daydi bilin ti ari ŋga ama na  
iso daydi naŋgatapanna  
ŋga daydi ubiŋg á nasaracna

(1)—Agnagan iti Maria.

anac daguiti Israelita

oenno Hebreo met á cona.

Daydi ubiñg á nalaos ñgayed

nasaracda ñga agsañgsañgit

qt asi qña piman ti simnec

daydi princesa ñga napateg

á madaydayao á Thermuthis. (1)

Ni Maria ñga adda mt idi yandan

idi madlaona ti caasi daydi princesan

quinonana: cayatmo á inca isapulan

iti Hebrea mt la ñga agayoan

qñ mamasoso itoy ubiñg á caasiam?

Simmuñgbat daydi princesa:

oen, inca umayab ala

qt ni Maria inna innala

ni Jocabéd mt la ñga ina na

iso á di nabaybayag dimminna.

Quinona di princesa: aoatem

daytoy yaoat co qca ñga ubing

ayoanam unay á taracnen

ta innacto met quenca itden

ti agas ti bannog mo á rumbeng.

Agpayso innala tinaraquen na

qt idi ta dacquelen toy maladaga

inna inyaoat iti daydi princesa

qt daytoy: Moises ti ispanaganna,—(2)

naisalacan iti danum ti caipapanan na.

Qt idi uppat á polo ti taoen nan

ni Moises á nainggasatan

amin á sirib ti Egipto á pagarian

padapada da á naammoan nan

ta rangcap na ti naisagudayan.

Nupay casta pimmanao idi palacio

ta dina cayat á catipon, agpayso,

daguiti itneg qñ nadangques á tao

á di sumurot iti Dios á pudno

á iso daydi pagraeman ti Hebreo.

Napan sadi Madian á dagá

á sacop met laeng ti Arabia

quet dita ti nañgasaoan na

iti baba-i ñga agnagan Sépora,

(1)—Cona dagti dadduma ñga agnagan iti Merris.

(2)—Moises quia de aqua tuli eum -Exodo-cap-2, v, 10.

anac ni Jetro, á sacerdote da.

Talaan na ti agayoan  
cadaguidi carnero ni Jetro piman  
ta ni Moises pagararigan  
iti singpet, emma qñ pacurang  
aoan buspag na apagapaman.

Iti naminsan á naguipaarab  
nacadanon iti maysa á saad  
nga Horeb ti nagan na á nabatad  
quet dita naquitana á nasarac . (1)  
ti cayo á sumsumguet, gumilguilayab.

Ni Moises napali-iona, naimatañgan  
á daydi cayo á dumardarang,  
nupay segguet na ti napalaloan,  
saan met la nga mauram  
qt iso daydi iuna pagsiddaaoan.

Anansata quinonana  
¿ania daydiay quet ngata?  
umasidegac man quencuana  
tapno capnecac ti casasaad na,  
quet nagnan á duminna.

Idi nga adayo pay la't bassit  
natimod unay ni Moises  
daydi natinggao, nalaoag á timec  
á nagcona: dica ditoy umasideg  
ta disso daytoy á napateg.

Iccatem dagta zapatos mo  
ta pacapnecan panagraem mo  
itoy napateg unay á disso  
á yan ti nadayag á Dios mo;  
sana insaganad daytoy á saó:

Siac ti Dios ni ama'm,  
Dios nac met ni Abraham,  
Dios nac ni Isaac á catutudioan,  
Dios nac ni Jacob á nacaputotam  
qñ Dios nac amin ti sañgaluboñgan. — (2)

Idi mañgeg ni Moises ti casta  
inabboñgan na daguidi mata na  
tanda ti dacquel á raem na  
tapno isona la nga timuden na  
ti ibagá ti Dios quencuana.

(1)—Zarza á cayo.

(2)—Amin á parsua.



Tinuloy ti Dios ti nagsaó:  
naquitac daguiti tooc á nacaro  
á sagabaen ti ili'e sadi Egipto  
qt sumnec ti asi'e á napalalo  
quet ispalec ida ti panguap co.

Cayatco á yadayo idan  
cadagti taga-Egipto á caranggasan  
quet ipanco ida sadi Canaan,  
disso á naed quen pagtaudan  
ti nam-ay qñ guinaoa á di mangotan.

Cayatco á ispalec dagti putot  
da Abraham, Isaac qñ Jacob  
cadagti agsasamusam á panotooc  
daguiti nadaoel unay á Egipcios  
tapno capnecan da ti dungngoc.

Quet umayca ta sica ti baonec  
iti saclang ni Faraon á nauñget  
tapno alaem quencuana ti ili'e  
ta caasiac nga agsasainnec  
iti pannacaadipen na á naiñget.

Ni Moises quinonana't simmungbat;  
¡ay! Apo, ¡asino ac aya, asino ac  
á mapan qñ Faraon dumatag,

--77--

á mangyaon met iti rigat  
daguiti cacabsat co á Israelitas?

Simmungbat ti Dios quencuana:  
dica agdanag ta tacunaynayen ca  
adayonto laeng á baybayanca  
qt pacapnecam itoy á saoc qca  
ti itdecto no matungpal mo dayta.

Inton mailacsidmo iti Egipto  
daydiay ili'e á dinungdurgngo  
itoy á bantay agdatoncanto  
iti Dios á pudno quen nangato,  
talali ti singpet quen tudio.

Ni Moises dita simmungbat:  
oen, Apo, iti bilinmo agtungpalac,  
ngem asinonto aya ti ibagac  
á nagbaon cadacuada caniac  
ta saludsudendanto laeng, pamayac.

Ti Dios quinonana qñ Moises dita:  
ibagamto á ti nagbaon quenca  
iso ti Dios á pudno maymaysa,  
Dios ni Abraham, Isaac nga anac na  
quen ni Jacob inguet gasat na.

Ni Moises quinonana manen:  
Apo, saan dacto ngata á patien,  
conadanto á di bundeng:  
ti Dios Apo á daydayaen  
saan á nagparang qca, cas sasaoem.

Quinona ti Dios: jania dayta  
ig-iggamam cadaguita ima?  
simmungbat ni Moises: maysa á vara,  
oenno sarucod ti pastor á cona  
ta agacacay carnero ni catugañgan na.

Pinaibbatan ti Dios daydi sarucod  
qt uleg ti nagbalinanna á dagos  
ni met Moises sinerrec ti quigtot  
qt ti Dios, pinapidut na idi ipos  
qt nagpulang idi inna casisigod.

Inted ti Dios qñ Moises ti sagudayna  
ngm quinonana pay la Quencuana:  
pacaoanennac, Apo, ta daytoy dila  
nabedbeddal manen nga agsarita  
ngm idi saanca pay á naquita.

Quinona ti Dios: saan á dayta ti tubeñgmo  
ta ni Aaron á cabsatmo  
isonto ti caduam nga agsao,  
castamet á dicay sinaento  
á tacunaynayen iti aramidenyo.

Dayta sarucod alaem met  
ta aruatemto no inca agaramid  
iti nacascasdaao á mamatalgned  
á ti Dios quenca ti nañgted  
cadaguiti bilbilin á napateg.

Nagtuñgpal ni Moises á situtudio  
nagsubli qñ catugañgan na á Jetro  
quinonana: innac sadi Egipto  
ta quitaec no sibibiag dagdi cacabsatco  
simmuñgbat ni Jetro: ala, oen, incayo.

Ngm idi saanna pay nga aramiden  
daguidi inted qña ti Dios á bilin,  
qñ catugañgan na insublina mt lñg  
ni asaoa na qñ annac da á ubbiñg  
tapno aoan qña't macatubtubeñg.

Ti Dios imbagana qñ Aaron ditan:  
rumuarca, inca ala iti lañgalañg  
tapno saraquem á di matantan  
ni Moises ta adda iti dalan  
qt idiay bantay Horeb matumpuñgam.

Quet idi nga nagsaracda  
sinao ni Moises quencuana  
dagti bilin ti Dios á Namarsua  
qt nagecuyog da á nápan á dua  
iti yan daguidi Israelita.

Impalaoag ni Aaron cadagti Hebreos  
amin daguidi imbilin ti Dios  
qt ni Moises inna pinataod  
dagti naruay á nacaquigquigtot  
tapno patien dagdi macasipot.

Agpayso, idi maquita dagdi tao  
dagti nacascasdaao nga ado  
á imparañg ni Moises á pndno,  
namatida á mañgñgaasi ti Dios Apo  
iti daydi casasaad da á pannacairubo.

Nagyaman dagdi Israelita  
qt iti Dios nagrucbabda,  
siraraem nagdaydayaoenda



ta daydi tooc á sagabaenda  
mauraydan nga agpatingga.

Idi calpasan amin daguitan  
ni Moises qñ Aaron nageuyogdan,  
napanda qñ Faraon simmacclañg  
impalaoagda qña, imparañgarañg  
á daguiti Israelitas palubosauna coma idan.

Ni Faraon simmuñgbat cadacuada  
á dina ammo ti Dios da  
castamet nga aoan pangguepna  
á mamalubos iti Israelita  
á pumanaoen iti pagturayanna.

Quinona manen dagdi agcabsat,  
ti Dios cadacam ti immayab  
tapuo incam Qña ageararag  
iti imbagana cadacami á saad  
tapno mailisicam cadaguiti rigat.

Simmuñgbat di ari cadacuada:  
Moises qñ Aaron, bay-anyo ala  
tapno daguiti tattao dida masiñgá  
cadaguiti aramid á tuñgpalenda  
ta casta't nalañg á mapapagna.

Imbilinna qt cadagdi agbantay  
á salucaganda á pairutan pay  
daguidi aramidenda á naruay  
nga cas mt la idi puñganay  
ta casta't rumbeñg qñ maipaay.

Nagasog daguidi Israelitas  
iti daydi inda lñg pannacaparigat,  
qt iti bialñg ni Moises inda imbatad,  
señor, maipoon iti incay iti ari dimmatag  
pinayadaddana manen toy rigat.

Daydi asog ti Ili qñ Moises,  
daytoy iti Dios imbagana met  
tapno iso ti mañgipaay bileg  
iti pannacatuñgpal ti aramid  
á iina quencuana intalec.

Agpayso quinona ti Dios Apo  
dicay agdanag ta maquitayonto  
á ni Faraon maipapilitto  
á pagtalaoenna ditoy Egipto  
daguiti igaogaidna nga tattao.

Maipapilit laeng á masurot  
daydi incaric iti nairo  
cada Abraham, Isaac qñ Jacob  
á ti ili ni Israel maisagot  
cadaguiti guinaoa á natalibagoc.

Anansata ibagam cadagti Israelitas  
á mauray dan iti madaras  
ti pannacayaonda iti rigat  
ditoy Egipto á naranggas,  
qt toy queddeng dinto mababás.

Sinarita ni-Moises toy cari  
ti Dios Apo á manangngaasi  
iti daydi matotooc á ili  
nga asilegdan á mailisi  
idi rigat á mauappitappi.

Sa ti Dios nga Apo toy lubong  
pinaglasna nga binaon  
iti saclang ni ari Faraon  
da Moises quen Aaron  
tapno bilinna't inda ibuñgabong.

Ni Moises oalo polo ti taen nan  
qt ni Aaron ta inaona piman  
tal-lo pay á taen ti iuna pañgatioan  
idi nga inda qñ Faraon sumacang  
nga agaramid ado á pacasdaon.

Agpayso idi á maipaloagda  
daguidi bilin ti Dios cadauada,  
quet ni Faraon tapno patienna  
pinagbalin ni Moises á uleg di sarocod na  
iti saclang di ari qñ iturayanna.

Ni Faraon simmangbat:  
dayta aramidmo siammoac  
á mabalin met dagti iturayac,  
quet dinagosna ti nagpaayab  
cadaguiti mamasirib na á masicap.

Ngem ti aramid daguidi Egipcio  
linamot met nga agpayso  
daydi vara á naiparungbo  
da Moises quen Aaron ta pudno  
á binendicionan ti Dios Apo.

Nupay casta ti naimatañgan  
ni Faraon á casusuquiran  
dina la cayat á palubosan

dagdi taga-Israel á pumanao coman  
sadi Egipto nga pagarian.



Idi imbaga ni Moises iti Dios  
ti suñgit ni Faraon á napalaos  
imbaon ti Langit á nagsasagunod  
dagdi saplit á nacaquiquigtot  
á pangdusa na cadagdi Egipcios.

Amin á danum daguiti carayan,  
bubon quen iti aniaman  
nagbalinda amin á daran  
quet aoan inda inuman  
qt ti oáo da napalaloan.

Maicadua á dusa: limgac  
daguiti naruay unay á tucac  
iti amin á disso inda nagsacnap  
balbalay, paguidnaan, aoan labas  
pañganan quen amin á saad.

Ti maicatlo á dusa ti pagarian  
ni Faraon á casuñgitan  
iso ti nacaro á pannacapuonan  
cadagti lamóc nga aoan pañgipadaan  
ti saquit daguiti macagatdan.

Ti maicapat cadaguidi dusa  
iso di panagruar á naquita  
daguiti ngilao á ti ranggasda

nacarcaro pay quet adadda  
ngm cadagnidi lamós á sinarunoda.

Maicalima cadagnidi saplit  
iso daydi añgol á nacaarariec  
dagniti amin á bawos quen ayep  
ta istay laeng nadaquep  
ti Egipto á nadangques.

Quet ti dusa á maicanem  
iso daydi nacabutbuteng  
á daguiti tattao capten  
daguiti letteg á bumrí metten  
á di cadacuada mamatacder payen.

Ti dusada á malcapito  
iso daydi inna panagtudo  
iti natangquen á cas bató  
á mangdadael iti trigo  
mulmula qñ buñga dagti cayo.

Ti dusa nga maicaoalon  
iso daydi naruay á dudon  
á isoda daguiti mañgipongpong  
cadaguiti nabona á bulbolong  
quen dadduma pay á di nabuslon.

Ti dusa nga maicasiam  
iso di sipñget á napalaloan  
ta ti agdinna dida pay agquitan  
ngem nupay casta saan á napabutñgan  
ni ari Faraon á cadangcocan.

Gapo iti casdi á suñgit  
ni Faraon nga agquitaquit  
iti pagayatan ti Lañgit  
binaon ti Dios á naipapilit  
ti Angel á mangsaplit.

Iti maymaysa la nga rabi-i  
pinatayna aoan quet nacalisi  
cadagnidi inaona nga anac á lalaqui  
daguidi Egipcios á di mamqui  
nanipod idi heredero ti ari.

Daguidi Hebreos dida naanano  
cadagnidi dusa á inguet caro  
qt iti pannacailisida no casano  
naquem laeng ti Dios Apo  
ta ti madusa dagti la taga-Egipto.

Ngem iti inda pannacailiclic  
iti daydi naudi á saplit  
iso ti inda iti ruañgan panangoaris  
iti dara ti carnero á bassit  
á pinatayda itoy á panguép.

Qt daytoy carnero á pinatay da  
siboboquel la ñga itono da,  
lalaém quen olo dida insina  
aoan met tulang á tinumec da  
sidaen da aoan itidda da.

No dida maibos á sidaen,  
iti caarroba da inda itden,  
qt no adda matda pay laeng  
pooranda ñga umuguing  
tapno di mabangles á madadael.

Sibabariques da á mañgan  
nacazapatos met dagti saca dan  
sarucod pay ti iggaman dan,  
qt no ti tinapay di met nalaocan  
iti levadura ñga cadaoyan.

Daydi casdi á pannañgan da  
naganen da iti Pascua  
pannagna daydi Angel á nangdusa  
cadaguidi annac á inaona  
daguidi Egipcios á salioaoá.

Daytoy Carnero Pascual  
iso ti pudno á caipapanan  
ti Cordero á nadiosan  
á iti pannacaidaton na intay maisalacan  
iti pannacatotoc á nacaapaprang.

Iti napateg á Santísimo Sacramento  
aoaten tay mt ti Baguí qñ Dara á pudno  
ni naayat ñga Apo tay á Jesucristo  
á immay nanubbot cadatayo  
iti pannacaadipen tay iti demonio.

Daydi ipapatay á nagguiguiddan  
daguidi annac ñga inaonaan  
daguidi Egipcios á tungñgang  
arimbañgao ti pinarnuaynan  
á di ammon ti aridenggan.

Narasay oenno aoan ñgata  
ti aoan laeng minatay na  
gapona á nalaos quigtot da

daguidi Egipcios á salioaó  
qt ni Faraon naidumduma.

Gapona nga rabi-i pay laeng  
pinaayaban na da Moises'en  
quinonana: pumanao cay ditoyen  
amin á cucua yo itugotyo metten  
tapno aoan cay ditoy á maquita min.

Amin á Egipcios conada met:  
pumanao cayon nga agal-al-leg  
tapno di dacay cadacam ti macaited  
iti pacapucaoan á nacaarariec  
oenno iti patay dicam macaliclic.

Daguidi Israelitas pimmanao da  
sadi Egipto á nagtaengan da  
iti uppat á gasot á taoen adda suroc na;  
innem á gasot á ribo ti bilang da  
malacsid dagdi babba-i qñ maladaga.

Innala da met á di imbati  
daguidi tultulang ni José  
cas imbilin na pay la idi  
qñ inannugotan met á incari  
daguidi Israelitas á naududi.

Nañgayed á luñgon ti nañgilasodan da  
cadaguidi tultulang á nañgina  
ni José Vendido á nacaipoonan na  
daydi ipapan da't Egipto á dagá  
daguitoy Hebreos oenno Israelita.

#### PANAGLASAT DAGUIDI ISRAELITAS ITI TAAO A MAR ROJO.

Ti Dios Apo, á poon ti imbag  
tinacunaynayna á di nagressat  
dagdi ayayatenna á Israelitas  
imbagnosna ida't dalan á naimbag  
idi nga ti Egipto inda nagluas.

Iti aldao linoñganna ida  
iti ulep inguet puscolna  
ta tapno dida lñg agsagaba  
iti pudot ti init á nabara  
á mamagricot pannagnada.

No iti mt rabi-i, silao da  
ti apoy nga ti laoagna

cas iti init no tumeñgñga  
ngm saanda qt á maricna  
ti pudot á pacaalimoteñganda.

Casta da ñga nacagteñg  
iti iguid ti taao á naganen  
iti Mar, Rojo á nacabutbuteñg  
naguinana da á nagsardeñg  
ta isisipenda ñga rumbeñg.

Ngm ammoen tay pay mt ita  
ña idin ta macaadadayó da  
sadi Egipto á pinanaoanda,  
ni Faraon qñ iturayanna  
babaoienda daydi pammalubos da.

Gapona á inda sinurot  
dagdi pinapanaoda ñga Hebreos  
quet innalada ñga intugot  
dagup daguidi ejércitos  
ti Egipto ñga naruñgsot.

Qt idi ta masaripatpatan ida  
daguidi Israelitas á sumurotda  
nalaos daydi danagda  
qt ni Apo Dios inaramidna  
ti nacascasdaao aoan ti pada.

Binilinna ni Moises á baotenna  
ti danum daydi taao á sañgsañoenna  
qt nagbisñgay á nagpañgate da  
á cas nagsinnuñgbañgir á muralla  
qt agparañg ti namagá ñga dagá.

Daytoy á dagá ti nagaan  
daguidi Israelitas á madanagan  
qt daydi Angel á nailañgitan  
iti mt licod da inna liniñgdan  
iti napuscol á ulep á casipñgetan.

Malem mt á sumipñgeten  
idi á ni Faraon sumuñgaden  
qt narigatda á mailasin  
ti dalanenda á nalaiñg  
ta daydi ulep ti macaabbeñg.

Rebbeñg tay ñga ammoen met  
á daguidi mt la ñga ulep  
iso ti silao ñga nasgued  
dagdi Israelitas ñga agalalég  
iti daydi dalan á nacaal-alinguec.

Qt iti 'bigat'en nga agsapa  
daguidi Egipcios nacalasodda  
iti daydi taao á namagá  
ngm dagdi Israelitas nalasatda  
ta impalubos ti Dios á casta.

Iso metten ti panañgioacday  
ni Moises á naysagsaguday  
idi sarucod á naiparparasay  
qt nagpulañg á cas idi puñganay  
daguidi danum mt<sup>la</sup> ti baybay.



Iti casta nalmes á nalaponos  
nga aoan laeñg ti nacalusolos  
cadagdi taga Egipto á simmurot  
iti daydi buñggoy dagdi Hebreos  
ta naquem ti Dios ngarod.

Iti iguid di baybay á nagsardeñgan  
daguidi Israelitas á nainggasatan  
iso met la ti nacaidapniran  
daguidi Egipcios tapno dagti cucua dan  
sagrapen daguidi Israelitas á icutan.

Idi pannacalasat dagti Israelitas iti mar Rojo  
nailisidan idi pannacaadipenda iti Egipto;  
castamet ti macaaoat iti Santo á Bautismo



mailliclic iti pannacaadipen na iti demonio  
qt mabalin ti tao ti mai-Gloria'nto

Nagyaman unay dagdi Israelitas  
cadagdi parabor ti Dios á naoadload  
quet ni Moises inna dita imbatad  
daguiti canta ti yaman qñ ragsac,  
olidan ti nasam-it á balicas..

Qt nanipod idi pannacalasan da  
iti daydi taao Rojo á coná,  
uppat ápolo á taoen daydi bayagda  
á nagna pay inggana't nacadanonda  
iti daydi incari ti Dios á papananda.

Nagbayagda iti uppat á polo á taoen  
iti daydi pannagnada á naiqueddeñg  
ta ni Apo Dios quinayatna á padasen  
ti anos da ñga agtudio, siraraem,  
cadaguidi inna cadacuada imbilin.

Daydi á panaganos qñ panagtudio  
inted met ti Dios á tuladen tayo  
iti rebbeng tay met á cristiano  
cadagti panguap qñ tooc á sagabaentayo  
á panggugor cadatay ti Dios Apo.

Ti Gloria ñga agnanayon qñ guináoa  
masapol á teggueden tay ditoy dagá  
cadaguiti rigat á nadumaduma  
satayto apan aoaten ti gunguná  
no biag tay ditoy ti in sumina.

Maysa pay á inda nacabayagan  
á naglasat iti daydi dalan  
dagdi Israelitas á mapan Canaan,  
dusa met daydi suquir da't sagpaminsan  
cadagdi annong da á pagrebbeñgan.

Naminadó da á nagquitaquit  
cadagdi bilin ti Dios á napateg  
á pinaibagbagá na qñ Moises  
ta dida pinampanunot inisip  
ti parabor dagdi milagros á nasam-it.

Iti aldao napuscol á ulep ti linongda  
qt no iti rabi-i iso met ti silao da;  
biniganbigat agtinnag daydi Maná  
á pidutenda laeng á taraonda  
á naimas á tinapay ti nanam na. . . . (1)

(1)—Panem de Coelo praestitisti eis . . .

Iti agsapa pidutenda daydi taraonda  
cayarigan met ti taraon ti cararua  
á iso ti panagcararag á sireregta  
iti Dios Apo á Namarsua  
apaman á iti agsapa macari-ingca.

Tapno pacalaglaguipan iti ucl-udina  
itoy intaraonna cadaguiti Israelita,  
imbilin ti Dios á mañgidulin da  
iti uneg ti tabernáculo oenno arca  
á pangdaydayaoanda Qña iti pateg na.

No aoan danum idi á inumenda  
ta naádat oenno aoan masaracda  
aramiden ni Moises á mapaadda  
ti nasam-it unay á taraonda  
uray bató daydi pagubboguen na.

Dagdi zapatos qñ pagananay da  
dida narunot oenno dumaan la comá . . . (2)  
ta ni Apo Dios casta ti impaayna  
cadagdi Israelitas á dinungdungñgona  
iti pudno á naipangpangrona.

Insalacanna met ida iti bileg  
dagdi cabusor da á nauñget  
ta inda la amin pinarmec  
iti panañgibagnos á situtured  
ni Josué á maiñgel qñ nasingpet.

Sipod panangrugui ti gubat  
ni met Moises in agcararag  
tapno badang ti Dios ti di agressat  
á manaclin quen umarayat  
cadagdi maquidañgadang á Israelitas

Casta ti annong ti tao á tuladen  
aglalo unay no adda sumquen  
á pacaducotan á macairi-ing  
iti nasalucag á panagtaclin  
iti Dios Apo á mannacabalin ámin.

Ti imbilin ti Dios á pagsupapac  
dagdi dungdoñgoen na nga Israelitas.  
cadaguidi naruay á parabor qñ ayat  
iso ti panagtungpal da á naimbag  
iti linteg á inna sadi Sinai inyaoat.

---

(2)—Non sunt attrita vestimenta vestra, neq cal-  
ceamenta pedum vestrorum.

Daytoy á linteg oenno Bilin na  
inted na cadaguidi Israelita  
idi maicalimapolo nga aldao idi ipapanaoda  
sadi Egipto piman á naggapoan da  
quet castoy daydi panañgibongabong na:

Rinuguian na ti naggurood  
iti pudno nga nacaquiquigtot  
castamet á tinimpuyog  
dagti quimat quen sal-it agsasarotsot,  
qt daydi bantay cas mauram á talipopos.

Iti uni qñ aoeng daguiti trompeta  
natipon amin daguidi Israelita  
iti babá daydi bantay á imbilinna  
aoan sumaguid tapno di madusa  
iti quel-laot á ipapatay na.

Iti calpasan dagdi nacabutbuteng  
simmublat ti ulimec á siraraém  
tapno matimodda á denguen  
daydi timec ti Dios nga agbilin  
cadaguitoy saó á sumaridaten:

“Siac ti Apo quen Dios yo  
á nangyaon iti nacaadipnanyo  
Aoanto ti sabali á Dios á pagraemanyo  
no di laeng si-Siac nga agpayso:  
dicayto agsapata’t barengbareng iti naganco.

Ngilinenyo ti aldao á sabado,  
dayaoenyo da amá quen inayo;  
dicay mangpapatay iti tao,  
dicay maquiabig ta iparitco,  
dicay agtacao, dicay agparsua’t pamadaquesyo.

Ti asaoa ti tao dicay tarigagayan  
ta nadangques dayta, nacasung:  
ti cucua ti tao dicay met aguman,  
dicay met irurumen quen apalan  
ti dayao na quen quinabacnang.

Dagtoy á Bilin á masarita  
Decálogo ti nagan da,  
saó ti griego á ti caipapanan da:  
sañgapolo á Bilin ti Dios ida,  
quet sada naisurat iti tabla.

Dagta á Bilin nañgeg dagdi Israelitas,  
ñgm gapo iti buteng da quen amác,

quiniddao da qñ Moises á dinaoat  
á iso la coman ti umamad  
cadagdi dadduma pay á maipaaot.

Agpayso, inayaban ti Dios ni Moises  
qt simmang-at idi bantay á nacaalalingnec,  
qñnumotan ti napuscol unay á ulep,  
uppat á polo ñga aldao na dita á nagnæd  
tapno amin á cayat ti Dios inna mañgeg.



Agsipod idi cabayag ni Moises dita  
impagarup dagdi Israelitas á binayan na ida  
qt iti casta ur-uray ti naisip da  
ña iso daydi panagaramid da  
iti “becerro de oro” á nagecararagan da.

Daytoy becerro de oro á masarita  
ladaoan á sinin rupa ti vaca  
á tinunao á balitoc ti sinucog da  
ta timmulad da iti idolatria - - (1)  
daguidi itneg á naquitquita da.

Idi umulog ni Moises idi bantay  
qt naquitana’n daydi ururay,  
pungtot na daydi casta unay,

(1)—Idolatria iso ti panagdaydayao ti aniaman á  
cas panagdayao qñ Apo Dios.

improacna dagdi tabla á nadarisay  
quet napispisi da nga nabingbinglay.

Daydi becerro de oro innala na,  
pinuoran na á pinatapoc dita,  
sana in'aoe iti danum á impainum na,  
quet iti biang ni Aaron imbagá na  
daydi basol á nadagsen á gapoanan da.

Quinonana cadagdi caputotan ni Levi'n:  
no iti Dios agservi cay pay mt laeng,  
ala dagti espadas yo incay ida alaen  
tapno dagti nacabasol iti Dios á daydayaoen  
quinadangques da ti intay balse.

Daguidi Levitas nagtungpal da,  
quet iti daydi nga aldao inuloyan da  
dagti duapolo qt tal-lo ribo ti bilang da  
á pinangbales da iti inaramidda  
á maisaluñgasing unay iti Namarsua.

Iti sumaruno nga aldao iti dayta  
napan ni Moises iti Dios naquisarita,  
indaodaoat na á nagpacpacaasi Qña  
tapno pacaoanenna coma ti ili na  
iti daydi nadagsen unay á basol na.

Natinnag ti caasi ti Dios  
idi panagdaodaoat á siasog  
ni Moises á puso na't sidadalos  
ta caasianna piman iti nalaos  
daguidi cacabsat na nga Hebreos.

Pinagaramid na iti dua á tabla  
á cas met la cadagdi immona  
isoda á nafigisuratan na iti letra  
daguiti na-Diosan á Bilin na  
tapno annuroten tungpalen ida....

Ni Moises idi bantay immuloguen  
cadagdi tabla ti Bilin si-igguem,  
daydi rupa na saan á maperreng  
ta inted qña ti Dios á talugading,  
qt dagdi Israelitas inda siraraem.

Inted ni Moises ti linteg á suroten da,  
dinutocan na mt ti disso á pagdatonan da  
agraman ramitramit nga aruaten da  
daguidi napusgan á sacerdotes da  
quen amin á maipaay cadacuada.

Macaparañgá iti dayag  
daydi pagdatonan á saad  
ta quencuana rumimatrimat  
daguiti balitoc, bató quen pirac,  
ngayed ti aramid quen ceremonias.

Imbilin met ti Dios cadacuada  
daguiti aldao á naipangrona  
á panagdaydayaoen unay Quencuana  
á iso ti napateg unay á Pascua,  
Pentecostes qñ fiesta't Tabernáculos á cona.

#### DAGDI NAPAN NAGOANAOAN.

Idi adda dua á taoen dan  
á pimmanao Egipto á pagarian  
dagdi Israelitas á putot ni Abraham  
immadayó da idi bantay Sináí ditan,  
quet intuloy da daydi pannagna dan.

Ni Moises nagbaon iti sañgapulo qt dua,  
maysa á tao tunggal Tribu ó caputotan da,  
tapno inda agoanaoan quet pali-ioenda  
no casano ti casanad quen quita  
daydi inda pagtungpalan á dagá.

Cadagnidi nabaon á sañgapolo qt dua  
adda da á nailaoc cadacuada  
da Josué qñ Caleb á manacman da,  
dida piman cas cadagdi dadduma  
á saan á nadalos ti panagnacnaquem da.

Napanda ñga agpayso sadi Canaan  
quet idi ñga sadiay aggapodan  
nañgala da cadagti pacaquitaan  
iti buñga ti dagá á pagsiddaaoan  
iti degga na á mangted pagbiagan.

Daguiti sañgapolo cadagdi napan  
quinonada: naquitami ti Canaan  
agpayso ado qña ti pagguinaoan,  
ñgem nabile; á tattao dagti aguian,  
ciudades na daguiti nabacodan.

Naquita mi cadacuada  
dagti dadacquel á gigantes da,  
castay la dudon iti ábay da,  
ditayto laeng madaeran ida  
qt pucacendatayto sadiay á dagá.

Daydi ili á casta ti inna mañgeg  
dagos á pabasolen da ni Moises:  
nalalaing no idia y tayác ditay coma inmalis  
oenno sa'li Egipto intay coma nagitured  
iti rigat oenno patay á naiñget.

Da Josué quen Caleb  
á quinacuyog dagdi met  
ipapatida ñga ipaquedqued  
ti napaypayso á quinañgayed  
dagdi ilili qñ ciudades.

Quinonada: dicay agdanag  
ta naimatañganmi á naimbag  
daguidiay á ilili qñ saad,  
dagiti tattao da ditay caamác  
ta Diosto cadatay ti mañgaluad.

Daydi ili adadda manen ti rurod na  
á macañgeg iti daydi casta  
á palaoag da Josué cadacuada  
qt cayatda coma á nboren ida  
ta ipapandan mañgituggod da.

Quinona ti Dios qñ Moises:  
¿caanonto ti pannacaguped  
ti cuspag toy ili á nasuñgit?  
¿caanonto ti panamatina iti incaric  
idinto ta ado't innec pamanecnec?

Sugatec ngarod, idanto,  
iti angol á pacapucuoandanto,  
qt aramiden canto á palungo  
ti dadacquel ngm daytoy á ilinto,  
nabilbileg qñ naiparparungbo.

Ngm ni Moises dinaoatna  
iti Dios iti pammacaoan na  
iti basol daguidi salioaá,  
cas maitucad iti dadacquel na  
iti panañgñaasi ti Dios á naiduma.

Ti Dios intedna ti pammacaoan na,  
cas dinaoat ni Moises quencuana,  
ñgm pinacunana cadacuada:  
iti daytoyto á tay-ac mabatida  
daguiti bañgcayyo á padapada.

Isunanto la á malacsid itoy queddeñg  
daguiti maladaga qñ ubbiñg;  
ñgm dagti agtaoen duapolo qñ nalabesen,

saandanto á macasrec, macagteñg  
iti dagá á namayeñgmeñg.

Cadaguiti napan nagoanaoan  
cadaguidiay ilili ti Canaan  
isonanto la á mapagasatan  
da Josué qñ Caleb á manacman  
ta nadalos ti puso da á di mañgitebbañg.

Agpayso ta daguidi sañgapolo  
á nañgririboc cadaguidi tattao  
nadusadan á naigniddato  
ta naurayda iti apagcanito  
ti patay da á nañgirubo. . . . .

Gapo iti apal da iti pateg  
daydi tanóc da Aaron qñ Moises  
daguidi tao ñga agum da,t namsec,  
simmaluñgasiñgda iti linteg  
á ni Apo Dios inna inted.

Dua gasot qt limapolo da  
qt dagdi nañgigol-lo cadacuada:  
Coré, Datán, Abirón ti nagan da  
qt iti nalaoag á sarita  
cada Moises qñ Aaron quinonada:

Amin daytoy buñggoy tayo  
á naggapo sadi Egipto  
capututan daguiti sasanto  
qt ñania aya ti macaigapo  
ña cayatyo á narimrimbao cayo?

Idi maññgeg ni Moises ti casta  
nagpacleb idi saclañg da;  
qt idi timmacder quinonana:  
oh dacay á nasaluñgasiñg, ñipatoyon sa  
á ur uray la ta saad yo ita?

Impalubos ti Dios cadacayo  
ña agayoancay iti tabernaculo,  
qt ñapaya pay la á gamdenyoy  
ti umagao iti quinasacerdocio  
ña adda iti nañgtedan ti Dios Apo?

Inton bigat iparañgarañgnanto  
daguiti pinusganna á napaypayso  
iti quinasacerdote á nañgato  
tapno saan cayto ñga agmocó  
iti inragpatna ñga pudno.



Tuñgal maysa cadacayo  
itugotnanto ti incensario  
castamet ni Aaron á cabsat co  
iti sacláng ti Dios Apo  
tapno c. pnecantayto ti pudno.

Iti cabigatan daydi natiponda  
iti ruañgan di tabernaculo á nañgina  
dagdi duagasot qt limapolo da,  
ngm aoan dagdi paluñgoen da  
ta nagbatida cadagdi calapao da.

Pinaayaban ni Moises ida,  
ngm ti simmuñgbat quinonada:  
“dicam cayat ti mapan dita,”  
iti castan, da Moises qñ Aaron napanda  
cadagdi tiendas dagdi salicaoá.

Quinona ni Moises idi ili:  
cadagti calapaoda dicay umadani  
iti aniaman á cucuada dicay mañgeuti  
inton mairaman cay quetdi  
iti basol da, á iti puñgtot macagargari.

Dagtoy mañgririboc iti talna  
no patay á cadaoyan ti malacámda  
di nac imbaon ti Namarsua  
á mañgibagnos iti ili na.  
á duñgduñgoen, ay-ayatenna.

Ngm ti Dios no mañgaramidto ita  
iti pagsiddaaoan á nacadidigra  
qt agbirri ti dagá á mañgalon-on cadacuada  
patiendanto á nacabasolda Qña  
á salioánanda ti naquem na.

Apagbalicas ni Moises dagta á saó  
nagbirri daydi dagá nga agpayso  
qt inalónónna dagdi tal-lo  
nga iti daydi ririboc nañgigol-lo  
agraman cucua da, iñggana't infierno.

Castamet á naiguiddan  
nga apoy daydi nañguram  
cadagdi duagasot qt lima polo á nagamrañg  
á simmuquir qñ sumalioán  
iti quina sacerdote á pagtamdan.

Tapno aoanto'n ti salsalioán  
á maararamid to iti casacbayan  
binilin ti Dios ui Moises ditan

á dagdi tattao inna ayaban  
ta toy sumaridat inda imatañgan:

Tunggal maysa á paluñgo  
dagti sañgapolo quet dua á Tribu  
sarucod na ti suratam to  
saca ilasód ida iti tabernaculo  
ta adda aramiden ti Dios Apo.

Ti agsabong sarucod na  
iso ti “sumo sacerdote” á pusgan na;  
quet, idinto ta tinungpal da  
daydi imbagá ti Dios cadacuada,  
naaramid aoan curang na.

Iti cabigatan daydi napan da  
idi yan ti tabernaculo á nañgina  
quet daydi sarucod ni Aaron naquita  
á limmasbang, nagsabong, nagbuñga  
quet binigbig da unay á casta.

Maysa qñ maysa quinitana met  
no daydi sarucod á inna inted  
iso met la daydi impulang ni Moises  
quet padapada da á napnec  
nga aoan ulbod iti daydi naaramid.

Ni Apo Dios quen Moises quinonana:  
dayta sarucod ni Aaron ita  
idulin mo met la iti arca  
tapno pacalaglaguipanto iti udina  
iti saluñgasing dagti Israelita.

Iti panaglabas ti aldao nagteng da  
ti adanin á panagpatingga  
daydi naoatioat á pannagna  
dagui i naruay á Israelita  
iti daydi tay-ac á nalaoa.

Quet agsipod iti nagquirang da  
iti danum á inumen da  
ado manen ti panangbalao da  
iti daydi á nauray da  
quet ni Apo Dios pabasolenda.

Pinapatitna quen Moises daydi bató  
cas inaramid nan á naminanó  
qt ni Moises nagtungpal, agpayso:  
innalana daydi vara idi tabernaculo  
qt inayaban na daguidi tattao.

- Nagduadua't bassit ni Moises dita  
qt cadagdi Israelitas quinonana:  
iti daytoy á bató inguet tangquen na  
mabalin tay ti mamaruar ngata  
ti danu n á masapol yo ita?

Inoacday na daydi ima na  
quet pinatitna iti namindua  
daydi bató idi saŋgo da  
quet idi maicadua'n sa naquita  
ti danum á inumenda.

Ni Moises agsipod idi bassit á duadua na  
saan á quinayat ti Dios, ta conana:  
gapo iti dinac pinati á nagsaó quenca  
dicanto macasree iti dagá  
á incaric á ited cadagti Israelita.

Nagna á nagna dagdi Israelitas  
quet agsipod iti dida macalasat  
cadagdi panglintegán da coma á ciudad  
pilit á manglicao da iti naoatioat  
quet dida macadanon la't daras.

Naalimuteng da iti casdin  
á panaglasat iti mabayaguen,  
gapona á cagura da ti Dios manen,  
qt ni Moises inda pabasolen  
idi utoy da á napalaluanen.

Iso ti gapona á capilitan  
é dinusa ti Dios man idan  
quet agpayso nga nagparang  
daguidi uleg á di mabilang  
á ti cagat da cas apuy á mañguram.

Naruay daguidi quinagat da  
á natnatay iti rigat da  
gapona á dagdi tattao binabaoi da  
daguidi daques á sinasaó da  
iti Dios quen Moises á pabasolen da.

Dinaoat da quen Moises  
á paituqueng na comá ti unget  
ti Dios Apo á nalinteg  
paadayoen na coma daguidi uleg  
tapno dida amin maidadan.

Gapo iti ayat ni Moises idi ili  
indaoat na iti Dios á manangngaasi

nga inna coma ida ilisi  
iti paguel unay á casli  
yata iti basol indan nagbabaoi.

Quinona ti Dios qñ Moises:  
agpaaramidca ngad bi-it  
iti bronce á sinin uleg  
ta iso ti tanda nga maited  
itoy nacascasclao nga maaramid.

Ti cagaten ti uleg á quitaenna  
dayta sinin-uleg á bronce ita  
dinto maiccat ti biagna  
ta dinto cumpet quencuana  
ti sabidoñg á pacairubuanna. . . . .

Agpayso casta ti naaramid  
qt asino man á cagaten ti uleg  
patay quencuana ti maillicic  
no quitaenna daydi naibayog met  
á sinin-uleg á bronce ni Moises.

Daytoy sinin-uleg á bronce á nacaatipá  
iti ipapatay dagdi cumita qña,  
ladaoan ni Jesus á naipadeppa  
iti cruz á nañgilanzaanda  
á ti mamati Qña isalacanna.

#### PADLES NI PROFETA BALAAAN.

Daguidi magnagna á Israelitas  
nacadanonda iti saad  
á taeng dagdi Moabitas  
qt dagtoy sinerrec ti danag  
ta naruay ti inda nadamdag.

Iti teñnga daydi nga ili  
adda met maysa á lalaqui  
á mapmadles, cas iti ugali,  
daguidi itneg mt piman idi,  
ngm ammona ti Dios á manañgngaasi.

Qt daydi ari dagti Moabitas  
á iso daydi agnagan iti Balac  
iti saclañgna inna pinadatag  
ni Balaan tapno inna ibatad  
daydi quitquitomanna á sicut.

Quinonana: asideg itoy sacopco  
daguiti naruay á tattao

á naggapo sadi Egipto  
qt ti panguep da diac ammo  
no toy pagaria'c rebquendanto.

Ananata umayca ala  
tapno inca ilunod ida  
tapno mapucaoda á siñgá  
ti icutan tayo nga talna  
dito pagarian á nañgina.

Iti rabi-i quinona ti Dios qñ Balaan:  
daguitoy bilin co imatañgam  
ta isonanto la dita á ibagam  
ti italucaticco inca isaoang,  
qt daguiti sabsabali bay-an.

Agpayso idi nga ti ari innalana  
ni Balaan á profeta  
ta cadagdi tal-lo á bantay impanna  
tapno ilunodna dagdi Israelita  
á matannaoganda idi yanda.

Quinona ni Balaan dita:  
casano ti panañgilunodeco aya  
iti saan met á cagura  
ti Dios Apo á namarsua  
á diac masaluñgasing ti cayatna?

Idi castan, naminado daras  
á inna piman binalbalicas  
dagti saó nga pamnagasat  
cadaguidi nabuyana nga Israelitas,  
impadlesna pay daguitoy sumaridat:

“Maquitac, ngm saan nga ita:  
buybuyaec, ngm adayó ti yan na:  
Qñ Jacob tumaud ti bituen á maysa:  
maysa á pagarian á narañgá  
ni Israel ti paggapoan na.

Idi mañgeg ni Balac dagtoy á saó  
quinonana: innala ca, intugotco  
topno ilunodmo dagti cabusor co  
qt sabali mt qt ti aramidmo:  
agaoidca la ngaroden idia balaymo.

Agpayso nagaoi ni Balaan  
nagsinada qñ Balac ditan  
ta dina quinayat á inabuloyan  
daydi bilin á maisupadi piman  
iti naquem ti turay á nailañgitan.

NAUDI A BALACAD NI MOISES QUEN IPA-  
PATAY NA MET.

Idi umasideg qñ Meises ti patay na  
quinona ni Apo Dios quencuana:  
pusgam ni Josué á sumuno qca  
quet ipátay mo qña daguita ima  
ta paluño toy ili á magmagna.—(1)

Ngem masapol nga ayabam  
daguiti tattao á sumaclang  
tapno iti saño da amin ibagam  
ti panangdutoc mo á calalaoagan  
tapno pagraeman da iti casacbayan.

Agpayso inaramid ni Moises ti casta  
qt iti daydi ili pay quinonana:  
patay caniacon ti cumna  
quet diac macapan iti bañgir na  
dayta carayan Jordan á cadinna.

Ngem dacayo malasat yo  
quet icutan pagtaengan yonto  
dayta nañgayed unay á disso  
á incari unay ti Dios Apo  
cada Abraham nga ama tayo.

Annadanyonto á di paglicodan  
ti incari yo á pinasinquedan  
á di panangsaluñgasing apaman  
iti Dios Apo á pagrucbaban  
á dungño na la ti di agcurang.

Ni Apo Dios ayaten pagraeman yo  
iti isoamin á puso quen cararua yo  
agraman met amin á mabalin yo  
ta calintegán na ti casta nga agpayso  
ta iso ti nangted iti adda cadacayo.

Laglaguipen yonto la unay  
ti inna cadacay panangtaconaynay  
iti panaglasat yo itoy tay-ác á naunday  
á mapan aglacám iti darisay  
dayta disso quen ili á naisaguday.

Iti bayat ti incay pinaglasat  
iti dinañan yo nga naoatioat

---

(1)—Moyses posuit super eum manus suas. Deuteronomio cap. 34. v. 9.

ta uppat á polo á taoen ti naglabas  
tinaraonan na cay laeng á sisasalucag  
ta cas ama á nangdungŋgo iti anac.

Imbagnos na cay iti dalan  
á rebbeng yo piman á nagna  
quet saan na cay laeng á binay-an  
á inggaga, inyaguir, insalacan  
cadaguiti peggad á inyo nasaracan.

Dicay to punasen ita puso yo  
daguiti bilbilin na cadacayo  
castamet á pampanunoten yo  
daguiti caasi na quen dungŋgo  
á di nagtel-laay inaoatyo.

Daguiti bilbilin na ŋga Apo  
quen parparabor á linac-amyo  
isuro yo ida cadaguiti amac yo  
uray adda cay cadagti balbalay yo,  
uray dalan, uray no aguidda cayo.

No macariing cay iti bigát  
dagusen yo iti Dios ti agcararag  
ta incay Quencuana ipaduyacyac  
ti panagyaman yo ŋga sisasalucag  
cadaguiti linacam yo ŋga imbag.

Quencuana daoaten yo met  
ti inna cadacay panaŋgiliclic  
cadaguiti umapay á nadangques  
á macairubo, macaidadanes,  
quen tapno iccanna cay mt iti quired.

Dagti Bilin ti Dios no tungpalenyo  
nagasat to daguiti balbalay yo,  
nagasat to ti dagá á pagmulaaŋyo,  
nagasat to met dagti diŋgoenyo  
nagasat cayto laeng iti panagbiag yo.

Ngem no saan yo á tungpalen  
daguiti nasantoan umay á Bilin,  
agdusoor to á incay sagabaen  
ti pannacailunod á nacabutbuteng  
ti panagbiag yo quen araramiden.

Ti quinapudno daguitoy á ibagá  
masacsian ti laŋgit quen dagá  
quet igunamgunam co á ipangrona  
á panunoten yo ti paguinbagan yo comá.  
qŋ paglaiŋganto dagti putpotot yo iti udi na.

Innayon pay á quinona ni Moises:  
“ni Apo Dios innanto cadacay ited  
ti maysa á Profeta á cas caniac met  
iso nga patien yonto á sigaganetguet  
daguiti ibagá na á sisasalindeg.

Quet idi calpasan daguita  
amin daydi ili binendicion na  
sa idi bantay Nebo ti inulianna  
iso ti nangipadaráon ti Dios qña  
iti daydi Canaan á dagá.

Quinona ti Dios quen Moises:  
dayta ti dagá nga incaric  
cada Abraham, Isaac, Jacob á nasingpet  
iti guíaoa qñ gameng namsec,  
ngem saancanto qña á sumrec.

Nagsiddaao ni Moises á nacabuya  
iti quinabacnang daydi á dagá  
quet nalaos daydi ragsacna,  
nagyaman iti Dios iti ayat na  
á nangisagot piman idi ili na.

Qñ Moises immapay'en ti patay na  
nga nasam-it unay quen natalna,  
iti sacop daydi Moab á dagá,  
aoan qt aniaman á sinaqútna,  
ngem naquem la ti Dios á casta.

Agtaoen sañgagasot qt duapolo  
idi matay ni Moises á nasungdo  
iti lasód ti bulan á Febrero  
quet naipompon iti daydi disso  
ti tay-ac ni Moab á masasaó.

Saño ti Fogor á dagá dayta  
iti asideg ti bantay Sináí á cona;  
daguidi Israelitas sinangsañgitanda  
ti ipapatay ni Moises á naiduma  
daguidi sagudayna á naparsua.

Ni Moises iso ti maysa á ladaoan  
ni JesuCristo, profeta á cangronaan  
agasping ti panagbiagda á nagsiddaaoan,  
cas maquita iti dumaraddan  
á mailanad ditoy á imatañgan:

Ni Moises imbatadna dagti Bilin ti Dios  
qt pinanecnecanna cadagti milagros,



pammadles qñ biag á nadalos,  
ti naitalec qña á panañgibagnos  
cadaguidi Israelitas á inyaonna iti tooc.

Castamet ni Apotay á Jesu-Cristo  
ta pinanecneamma iti naruaay á milagro  
daguidi immayna cadatay insuro  
á utañg unay á tuñgpalentayo  
tapno dinatay adipen ti sairo.

Idi ubbiñg da pay á maladaga  
nailisi ti maysa qñ maysa  
iti panamagpapatay á pañgdusa  
cadaguiti ubbiñg á Israelita  
ti maysa nga ari á nadamca.

#### ISESERREC DAGDI ISRAELITAS ITI ILI A NAICARI CADA ABRAHAM, ISAAC QN JACOB.

Idi nga natayen ni Moises  
napno ni Josué iti sirib  
á binuyogan mt ti bileg,  
cas incari qña ti Dios met  
tapno matuñgpal daydi panguep.

Dagdi mt Israelitas situtudio da  
cadagdi ibaga ni Josué cadacuada  
ta piman qt dida agduadua  
á iso daydi napusgan á paluñgo da,  
suno ni Moises á pagaammoda.

Ni Apo Dios binilinna ni Josué ditan:  
umiñgelca ta lasatenyo ti Jordan  
ibagnosmo ti ili, dicay agtantan,  
saan canto mt á baybayán,  
tacunaynayen canto á di agcunañg.

Nagtuñgpal ni Josué á siraraem  
qt dagdi tatta-o inna ida binilin  
balon tay ti intay saganaen,  
las-od tal-lo nga aldao serquen  
dayta masuñgad tayo nga ili'n.

Diyo lipaten, ngm laglaguipenyo  
dagdi imbilin ni Moises cadacayo  
á daytoy dagá á papanantayo  
inted ti Dios á icutantayo  
qt dicay agbutenñg iti cabusor yo,

Amin dagdi tattao simmungbat da:  
dagup ti ibagam matungpal da  
quet matay ti agquitaquit qea  
ta ti pudno á turay rebbeng na  
á suroten daguiti bilin na.

Ngem quetdi masapol met  
daguiti pudno á ingel quen tured  
ti paluŋgo á mamatalgued  
cadaguiti ibagnos á maŋgaramid  
cadaguiti iganoat á panguep.

Idi castan nagbaon ni Josué  
iti dua á natured á lal-laqui  
á mangoanaoan, cas maicari,  
iti daydi ciudad ŋga adani  
á iso ti Jericó á nataraqui.

Daguidi nabaon napanda  
qt ti naturóng á nagdagusan da  
balay ti baba-i á maysa  
ŋga Raháb daydi nagan na  
qt impato da'n aoan nacaquita.

Nupay casta di ageurang ti tao  
á nacasipot cadacuada ŋga agpayso  
qt dinagosda piman á inyammo  
iti daydi ari sadi Jericó  
ŋga adda gangannaet á dida amammo.

Daydi ari pinaibagana qñ Raháb:  
dagti saŋgaili inca yaoat  
ta umayda agsiim ditoy ciudad  
iti adda cadatay á casasaad  
tapno rebquenda tay á quel-laot.

Ngm ni Raháb apaman á naalimadamadna  
á naammoanda ŋga adda saŋgaili na  
daguitoy dagos á inlemmeŋna ida  
idi mapan dagdi agsapol cadacuada,  
daguitoy sumaridat á saó quinonana:

Ipudno'c ŋga adda immay ditoy balay co  
ŋgm saanco ŋga amammo ida á tao  
qt itay nasipŋgeten pimmanaoda agpayso,  
nimbag qt no ida camacamenyo  
ta dida pay la unay ita nacaadayo.

Maysa á dalan ti impatuldona  
qt dagdi agsapol napanda,  
pagbalioan Jordan daydi tinuroŋda

ta iso ngata ti impagaropda  
á nalablabit pagnaanda . . . . .

Idi nasibet dan dagos metten  
ni Rahab quinonana cadagdi naglemmeñg  
ammoc á ti Dios inna cadacay inteden  
daytoy dagá mi qt incam sibubuteñg  
ta ti pannacabalin na innacay tacunaynayen.

Naammuanmi á ti Dios Apo  
pinagmagana ti Mar Rejo  
á nagnaanyo idi aggapocayo  
iti daydiay pagarian á Egipto  
ta nalaos ti duñgũgo na cadacayo

Naammuanmi pay ti nacaquigquigtot  
á pinañgrebbeeyo cadagti Amorrheos  
qt pinaayyo daguidi naruñgsot  
ñga ar-ari á Sehen qñ Og  
ta bilez qñ iñgel yo ti sinurucbos.

Idi maammuanmi daguisay, pudno unay  
danag qñ buteñg mi ti inmapay  
ta isisipenmi á dicam macagaoay  
ita dacquel unay á saguday  
á inted cadacay ti Dios á inmapay.

Ti Dios á sroteño qñ pagrucaban  
pannacabalinna ti di maquedñgan  
lañgit qñ dagá inda pagruman  
iccatenna ti cucua, turay qñ quinabacnañg  
qt itedna iti cayatna á pangisagotan.

Daguita á sinaó daydi baba-i,  
idinto ta itneg pay la idi,  
balicas da unay á nataraqui  
á panañgipaduyacyac iti pammati  
iti pannacabalin ti Dios á manañgũgaasi

Tuloyen ni Rahab ti agsarita:  
sapataanyo iti Dios coma  
á toy innac cadacay panañgigaga  
castanto ti aramidenyo á di sumama  
cadacam amin ñga agaamá.

Iti pudno á tanda mañgtedcayo  
á daguitinto biagmi pacaoanenyo  
daguitinto met cucua mi baybay-anyo  
no dumañon ti iseserrecoyo  
á mangparucma itoy Jericó.

Dagdi Israelitas simuñgbatda:  
patiem unay ti cari mi qca  
á dida cay saguiden ñga agaama  
qñ aminto pay mt ñga adda  
iti uneg ti balaymo qñ alad na.

Qt inton sumree cami  
itoy ciudad á gaguem mi  
icabilyonto á pamigbiganmi  
itoy balaymo á pacaoanenmi  
daytoy uluganmi ita ñga tali.

Nagoyaoyda iti daydi taoa  
iti tali á quitana ti color-escarlata  
ta daydi balay naidinna iti muralla  
iso á bacsayen tapno macaruarda  
iti daydi ciudad á panaoanda. .

Idi macadanonda qñ Josué  
sinaritada amin qña daguidi  
quinonada pay: ti Dios á manañgñaasi  
iaoatna cadatay daytoy ili  
ta sibubuteñg iti di nacapappapati.

Idi maamoan ti casta ni Josue'n  
nagganaganada ñga agrubupaten,  
pinanaoanda daydi disso á Setim  
ta Jordan daydi inda lasaten  
ñgm nacascasdaao toy quitaen:

Cadagdi ñga aldao nairaná  
á ti carayan Jordan dacquel ti danum na  
qt ni Josué pinayonana daydi Arca  
sana imbilin cadagdi nagbaclay qña:  
apaman á mabaddecda ti danum sumardeñgda.

Agpayso, daydi bilin tinuñgpalda  
qt ti danum daydi carayan á lasatenda  
nagpañgato a cas bantay á maysa  
qt dagdi dannm mt iti bañgir na  
nagayosda mt la á nagpababá.

Qt, idinto ta namagá daydi carayanen  
nagná dagdi tattao á limmasaten,  
immayab ni Josué iti inna bilinen  
á sañgapolo qt dua á lal-laqui'n  
maysa iti tuñggal Tribú á naganen:

Quinonana cadaguitoy á tao:  
agsisinsincay iti alaen á bató  
tapno pacalaglaguipanto dagti annac yo

á nagmagá ti carayan á linasat yo  
idi umay serquen ti ciudad á Jericó.

Ibagayonto dayta cadagti annac yo  
castamet daydi naaaramid cadatayo  
idi lasaten tay ti taao á Bermejo—(1)  
tapno ammoda ti pannacabalin ti Dios Apo  
á utang á pagbutngan dagti tattao.

Dagti arari daguidi Amorrheos  
castamet daguidi Cananeos  
idi maammoan da natimod  
ti bileg daguidi Hebreos  
nalaos ti buteng da qñ quigtot.

Dagtoy Israelitas nagtaeng da  
iti daydi disso á Galgalá  
rinambacan da't maicatlo á pascua  
iti sacop ti Jericó á yan da  
ta iti Dios pagyaman da.

Idi adda da ditan á saad  
simmardeñgen nga agtinnag  
daydi Maná á di nagressat  
taraon da piman á naglasat  
idi naunday unay á tayác.

Nasucatan daydi á taraonda  
cadagdi nabáanal, naruay á bungbuñga  
daydi nalasodandan á dagá,  
trigo met ti nasayaat dita  
quen cacanen á dadduma.

Ni Josué idi ta láoac ti Jericó ti yan da  
adda naquitana á lalaqui idi saño na  
á siasut daydi espada á igam na  
qt inasitgan ni Josué á nagsaludsudan na:  
¿adda ca iti bonggoy mi oenno cabusor ca?

Simmungbat quencuana daydi tao:  
saan'ac á maysa cadagti cabnsor yo  
ngm principe ac dagti ejercito ti Apo  
á umay bumadang cadacayo  
itoy naiñget á pannaquibacal yo.

Dagti santos Padres conada  
á daydi quen Josué nagpaquita  
ni Arcangel S. Miguel saan á daduma  
ta principe dagti ejercitos quinonana  
á binaon ti Dios iti batalla.


(1)—Iso met la ti mar Rojo,

--108--

Ngem ti Jericó ciudad á napigsa  
siririquep, nabácudan iti nalagda  
aoan sumrec quen ramnar qña  
gapo idi nalaos á bu'eng da  
cadaguidi agpanaguem á Israelita.

Quinona qñ Josué ti Dios Apo:  
intedco ita ima'm toy Jericó,  
inaldao á maminsan liemoten yo  
cadagti innem nga aldao agsasaruno  
qt dagti soldados omonada á suroten yo.

Quet inton maicapito nga aldao'en  
mamimpito á incayto liemoten  
dayta ciudad quet sacay pagunien  
dagti trompetas á macatitileng;  
daguiti táo incanto mt ida paguicquisen.



Agpayso, idi maaramid daguita  
nagtuang laeng á nagguigiddan da  
daguiti bacod ti ciudad á muralla  
quet tunggal maysa nga Israelita  
simrequen idi met la batog na.

Nacascasdaao nga agpayso  
ti pannacatuang ti bacod ti Jericó  
ta naquem piman ti Dios Apo

ta no daydi pananglicmot da't naminanó  
adayó la umay á iso ti nacaigapo.

Quet daguitoy á naaramid  
isoda unay ti macaipanecnec  
á iti Dios Apo aoan nasulit  
no pagayatan na oenno inna ited  
ti pammalubos na iti panguap.

Idi ta macasrec dagdi Israelitas  
iti daydi nañgayed á ciudad  
pinatay da amin á sibibiag  
quet isona la piman á labas  
dagdi adda iti balay ni Raháb.

Cadaguidi dua nga Israelita  
á nagdagós, naglemmeng qña  
idi inda nagoanaoan iti ili da  
quinona ni Josué cadacuada:  
tungpalen yo di incari yo á panañgigaga.

Alaenyo mt ni Raháb qñ cacabaguian na  
agraman met amin á cucuada  
ta cadaguiti Israelitas agsursuroda  
cadaguiti annoñgen ti cumaysa  
iti Religion ti Namarsua.

Sinamsamda daguiti gameng  
balitoc, pirac, landoc á patguen,  
daydi ciudad sada pincoranen  
quet quinona ni Josué á inqueddeng  
á caanoman didanto patacderenen.

Iaqueddeng na met nga amin á gameng  
aoan la ti aguilbas nga aguilemmeng  
ta maited da amin nga arnaten  
iti maipaay iti Dios á daydayaoen,  
qt mailunod ti sumuquir itoy á bilin.

Ti nagan ni Josué nanipod idin  
nagoarnac á pagquigquigtotanen  
daguidi pagpagarian quen il-ilin  
ta agpayso, cas qñ Moises á naitalugading  
iti inted ti Dios qña á taclin.

Amin á pagarian á nadalapos da  
nadapadap á naparmec da  
ta iti bileg ni Josué á magna  
aoan quet asino á macasarapa  
ta naquem piman ti Dios á casta.

Idi nagtaray dagli Gabaonitas  
gapo iti butengda cadagti Israelitas  
qt sumalogda iti Bethoron á saad,  
dadacquel á batbató ti nagtinnag  
cadaguidi cabusor á di agrucbab.

Idi pannaquibacal da á naiñget  
cadagdi Amorrheos á nasuñgit  
ni Josué pinagtuquengna ti init  
iti tengnga ti aldao á manectec  
tapno maibos ti cabusor á mararit. . (1)

Iti casta daydi nga aldao nagbayag  
iti bayat tal-lopolo qt innem á horas  
ta idi bacalen ti imfigaat,  
nagsubli met la dagdi Israelitas  
sadi Gálgala á yan daguiti tiendas.

Quet idinto ta naparucmadan  
daguiti dagá ti Canaan  
inapagapag á nagbibinglayan  
daguidi Tribus á sañgapolo qt duan,  
cas incari ti Dios cada Abraham.

Daydi dagá á incari ti Dios  
qn rigat quencuana á pinanggonód  
daguidi Israelitas oenno Hebreos,  
ladaoan ida ti Gloria á natalibagoc  
á ragpaten iti singpet quen anos.

Daydi á dagá á nacaayayat  
saan á nagun-od dagdi Israelitas  
no di calpasan ti tooc á naoad-oad  
qn pannagna iti pudno naoatioat,  
castamet ti tao á iti langit rumagpat.

Quet idinto ta lacay ni Josué'n  
tiniponna daguidi annac ti Israel  
tapno inna cadacuada itden  
daguiti nasayaat unay á bilin  
á utangda á tungpalen.

Quinonana: dacay amin naquitayo  
dagti nasam-it unay á dungngo  
á imparabor ni Apo Dios cadacayo  
ta pinarucmana amin dagti cabusoryo  
nga simmuquir iti calintegan yo.

---

(1)—Sterit itaque sol in medio coeli, et non festina-  
vit occumbere spatium unius diei. Josue, cap. 10. v. 13.



Itan ta addacayon á sisisimpa  
cadagtoy inted ti Dios á dagdagá  
salucaganyo á tungpalen ti cayatna  
nangroca daguiti pinailanadna  
cadaguiti na Diosan nga Bilin na.

Caano man diyonto labsingen  
daguiti intedna nga bilbilin  
tapno biagyonto ti natalingenngen;  
dicayto sumurot iti barengbareng  
á pammati cadaguiti didiosen.

Dicayto lipaten nga annongyo  
nga ayaten iti amin á puso yo  
iti amin á mabalin qñ cararua yo  
ti Mannacabalin amin á Dios Apo  
ta iso ti nangted iti amin nga adda cadacayo.

Iso ti ti nangted iti guinaoa  
iso ti nangted laoag qñ toy dagá  
iso ti nanacunaynay iti parsua,  
isonto met ti mangted iti Gloria  
cadaguiti nadalos ti naquem da.

Aluadanyo ti dicay itutulad  
iti aramid daguiti nadamsac  
á dida ammo ti Dios á poon ti imbag  
qñ dida salucagan ti rumagpat  
iti guinaoa ti agnanayon á biag.

Diyo tuladen dagti incay maquita  
nga isona laeng nga ammoda  
dagti macaited namáy ditoy dagá  
á dida panunoten ti maicanada  
á paguimbagan mt ti cararua.

No sibubuteñgcay qñ Apo Dios  
nam-ay yonto ti inna isagot,  
dagti cabusor yo dida cayto mapatuloc  
iti pannaquidañgadaanryo á nairot  
gapo cadagti calinteganyo á nadalos.

Ngm no nasuquir cay Qña  
á diyo tungpalen ti Bilin na  
basol yonto ti dusaen na;  
aoanto mt ti incay magunguna  
cadagti pagbannuganyo uray ania.

Panuñgalanna, matnag cayto  
iti turay dagti nulpit á tattao  
á umagaoto cadagti cucua yo

ta dusanto dagta á sagabaen yo  
gapo iti mapagura yo ti Dios Apo.  
Quet ni Josué idi maiccat ti biagna  
sañgagasot qt sañgapolo ti taoenna,  
cas quen José Vendido á Patriarca  
quet impomponda daydi bangcay na  
sadi Tamnathsaré, rabao ti bantay á maysa.—(1)

#### PANNACAISAAD DAGUIDI JUECES.

Idi nga ni Josué natayen,  
dagdi Israelitas naimbag da laeng  
managtungpal da iti na-Diosan á bilin  
bayat sibibiag daguidi panglacayen  
á nacasipot cadagdi nacascasdaao qñ nacabutbuteng.

Ngem idi ta dagdi lal lacay aoan dan  
quet sabali á tattao la ti addan  
nanabali met ti aramidaddan,  
linipatan da daguidi balacad á nasantoan  
da Moises qñ Josué á manaceman.

Ado ti ururay á inararamid dan  
naquiasaoa da payen á naquicamang  
cadagdi itneg nga adda iti cabañgibang  
daydi disso á inda nagtaeñgan  
á tinaoidda qñ patriarcha Abraham.

Quet saan la á dagdaguita  
daguidi barengbareng á inaramid da  
ta timmuladda met iti pammati da  
daguidi itneg á naquiasasaoanda,  
Cananeas pay quen dadduma.

Dayta unay ti pagdaesan na  
no ti capulpolapol cadindinna  
saan á nalaing ti araramiden na  
ta ti tao narasi quen nalacá  
á maois met iti maquita na.

Casta daguidi Israelitas  
ta nailaoán da á timmultulad  
cadaguidi itneg á nagcarcararag  
iti saan á pudno á Dios ti imbag  
á nangted cararua quen biag.

Gapona á ni Apo Dios dinusa na  
daguidi Israelitas á nalipat Qña

(1)—Bantay Efrain, cadarapat ti bantay Gaas.

--113--

quet binayanna idan iti ima  
daguidi cabusor á nasaracan da  
á nañgadadipen cadacuada.

Daytoy á dusa á nadagsen  
maatipá met la á sumardeng  
no agbabaoi da iti basol mt laeng  
quen agpulang da nga siraraém  
quen Apo Dios á daydayeen.

Casta ti nagteng á panagbiag  
daguidi natda nga Israelitas  
pasaráy agraenda iti Dios á siayat,  
pasaray inda Quencuana malipat  
nga ado't araramiden da á di naimbag.

No umadayoda qñ Apo Dios idi cua  
cadaguidi gangannaet maadipen da;  
ngem no iti Dios á pudno agpulang da  
mayaonda met la idi tooc da  
gapo iti adda nabileg á paluño da.

Ni Apo Dios, cas nadungño á ina  
á mangdusa iti nacabasol nga anac na,  
ngem no agbabaoi daytoy iti libtao na  
ipulang na met la amin quencuana  
dagti nasam-it nga ayat qñ dungño na.

Dagdi Israelitas no agpulangda iti Dios  
adda cadacuada idi tumaod  
á rumbeng unay á mañgibagnos  
iti aramiden da unay á tumutop  
quet mayaon da manen iti tooc.

Naganenda idi iti Juez  
ti bagnos da, oenno turay á napateg  
nga agayoan cadacuada manerred,  
mañgipacat mt cadaguiti linteg,  
mangdusa, oenno manggunguna met.

Saan á balañgat oenno aniaman á ramén  
ti pangbigbigan da qña nga agraém,  
ngem dagti qt inda qña mamingming  
á panagbiag unay á natacneng,  
tured qñ emma á daydayaoen.

Ti disso nga inda pagtitiponan  
á pagbibinnalacadan, pañgocoman  
iso ti saad á nasantoan

tapno iti casta maiparañarang  
á ni Apo Dios cadacuada't mañgidalan.

Cadaguidi Jueces nga agturay da  
naipangpangrona á masarsarita  
da Otoniel qñ ni mañgel á Débora,  
nupay baba-i daytoy iso daydi casiriban da  
á nagtengñgel cadagdi ca-Nacionan da.

Nagturay uppat á polo á taen  
daytoy baba-i á naitaltalugading,  
quet gapo iti tured na qñ ingel  
inaonna iti nacaadipnan ni Israel  
cadaguidi Canancos á nadaoel.

Ngem daydi inna panañgabac  
cadagdi cabusor á naoadoad  
binuyog ti nasgued á cararag  
á inna iti Dios pinagdacoat  
bayat pannaquidañgadang dagti tropas.

Ni met Gedeon naisagsuday  
idi panag-juez na, panagturay  
ta nupay tao nga nanumo unay  
inted qña ti Dios á impay  
daguiti talugading á naiparasay.

Idi met la áoay á pagtañgan na  
agdaldalos iti trigo á canen da  
iso ti nañgibagaan ti Angel qña  
á pinili ti Dios á mañgicaluya  
cadagti Israelitas nga adipen ti Madianita.

Simmungbat ni Gedeon idi Angel  
á daydi ibagá na dina annugoten  
inggana iti saan á milagro't innā mamingming  
tapno saanna coma á duaduaen  
á ti Dios quencuana ti nagbilin.

Agpayso, daydi Angel pinaidisso na  
iti rabao ti bató dagdi tinapay dita,  
castamet daydi carnero á linuto na  
qt apaman á sinaguid na iti vara  
timpuar idi bató ti apoy á nacapooran da.

Daytan ti nagturdan ni Gedeon  
á nañgaramid, nañgibuñgabong  
iti ingel qñ bileg na á dimmanon  
ta rinebba na ti altar dagdi agdaton  
qñ Baal á carurod na casimron.

Idi nalpas daytan inna imbagá  
cadaguidi pada na nga Israelita  
daydi panañgdutoc ti Dios qña  
á iso daydi pinusganna  
á mañgyaon cadacuada iti tooc da.

Qt tapno dagtoy dida agduadua  
dinaoatna iti Dios á ipalubosna  
ti pannacaaramid pacasdaaoanda  
qt iso daydi pamatianda qña  
á dinutoc ti Dios á paluño da.

Agpayso naaramid ti milagro  
iti daydi nabbasa á lalat ti carnero,  
qt amin á dagá dida nanano;  
qt daydi naaramid iti rabi-i á sumaruno  
namagá daydi lalat qt iti dagá cas nagtudo.

Tal-lo polo quet dua á ribo  
dagdi simrec á soldado,  
ñgm pinaquissayan ti Dios Apo  
iñggana iti tal-lo gasot á tao  
dagdi inaruatna nga agpayso.

Tal-tal-lo gasot ti quinuyogna  
á impan pinañgparmec na  
cadagdi naruay á cabusor da  
á sañgasot qt duapolo ribo ti dagup da  
dagdi napabuteñg á Madianita.

Nañgabac dagdi tal-tal-lo gasot  
tapno ammoentay nga ni Apo Dios  
no naquem na ti mañgipalubos  
uray bassit abaquenna't rinibo á soldados  
ta iti pannacabalin na aoan macalusolos.

Dagdi Madianitas dida mt nacabalesen,  
bayat panagturay ni Gedeon iti uppat á polo á taoen;  
ñgm idi ta natay daytoy á lacayen,  
simminada man mt qñ Apo Dios'en  
dagdi managuindidiem mo á taga Israel.

Nabayag á taoen manen á naadipen da  
cadaguidi cabusor á cabañgibañg da  
inggana iti nadutoc nga agturay da  
ni Jepté, anac ni Galaad dayta  
á naisaguday iñgel qñ bileg na.

Daytoy ti namarucma á siruruñgsot  
cadagdi Ammonitas qñ Filisteos  
qñ nañgyaon idi pannacatotooc

dagdi Israelitas ta inda napanunot  
ti nagpulañg manen qñ Apo Dios.

Ni Jepté nagturay innem á taoen  
ta patayna ti nadanunanen  
qt simmuno quencuana manen  
ni Abesan á taga Betlehem  
á pito á taoen inturayan na ti Israel.

Idi natay ni Abesan, sandi na  
ni Ahialon á Zabulonita  
qt daytoy nagteñna't adadda  
ta sañgapolo á taoen inturayanna  
dagdi capoonan na á Israelita.

Nagturay met qñ Israel  
ni Abdon ñga anac ni Illel  
qt idi nalabes ti oalo á taoen  
nañtabon iti dagá ni Efraim  
idi bantay Amalec á naganen.

Idi natay dagtan á Juéces  
quimmaron ti quinadañgques  
dagdi Israelitas á nasuñgit  
ta simmaluñgasiñgda á nagcalis  
idi pammati da iti Dios á napateg.

Gapo iti daydi á basolda  
binay-an manen ti Dios ida  
iti panañgadipen cadacuada  
dagdi Filisteos á nadameca  
bayat uppat á polo á taoen aoan curanñg na.

#### SAMSON.

Cadaguidi aldao á pannacaadipen  
dagdi Israelitas iti uppat á polo á taoen  
cadagdi Filisteos á nañgirurumen  
adda timmaod man mt laeñgen  
á lalaqui naitaltalugadiñg.

Daytoy iso ni Samsón á dagti amma na  
nabayag ñga aoan inyanacda  
qt idi adanin ti itataó na  
Angel ti Dios ti nañgibagá  
á dida putputdan dagti booc na.

Daydi Angel inna mt impalaoag  
á didanto papainumen iti arac  
oenno aniaman á masarac

á macabartec iti agbiag  
tapno adayo la iti peggad.

Qt idi ta dacquel'en  
ni Samsón á naitalugadiñg  
pigsá na daydi nacabutbuteñg,  
umanay á pagquigtotan ti naquem  
daguiti aglal-lalaqui á tañggaden.

Daydi bileg na á pagdamandamagan  
naminado daras á napanecnecan  
ta nasansan ñgad á naquidañgadañg  
cadagdi Filisteos á naganrañg  
qt abaquen ida ni Samsón uray di aguigam .

Iti naminsan aoan gayang na  
quen uray no sarucod la comá  
nacasarac iti leon á maysa  
quet sinarañget iniggamanna  
quet inucap linasanglasangna.

Intulocna ti baguina á rineppetda  
cadaguiti caoar á nalagda  
quet iti bassit á panageuti na  
nagsat daguidi patapat na  
quet nalaos daydi siddaaoda.

Naquibacal cadaguiti Filisteo  
quet maysa la ñga pañgál ti jumento  
ti napidotna á pinagmalo  
cadaguidi cabusor na ñga ado  
quet nacapatay iti sañgaribo.

Maipoon mt la idi á pannaquibacalna  
naricnana iti nalaos á oáo na  
qt aoan danum á masaracanna,  
gapona ñga iti Dios dinaoatna  
á saranayenna comá idi paguel na.

Ni Apo Dios qña't dimñgeg  
qt timboac ti danum á nasam-it  
idi sañgi ti jumento á bassit;  
daydi oáo na inna pinedped  
qt dagos laeng á nacaquired.

Dagdi cabusor na impupocda  
iti uneg ti ciudad sadi Gaza  
qt daguidi riquep ti ciudad innalana  
á impan iti bantay á maysa,  
qt daguidi Filisteos aoan nabalinda.

Daydi nacascasdaao á bileg na  
á inted ni Apo Dios qña  
agtaod cadaguidi booc na  
qt ni la Samson á maymaysa  
ti macammo itoy á palimedna.

Ngm daydi á palimed ti saguday na  
impudnona qñ Dálila nga asaoa na,  
qt daytoy naggulib ta pinutedna  
idi matmaturog ni Samson sana imbagá  
cadaguidi Filisteos á cailian na.

Gapo iti casta sinublianda á binalod  
ni Samson dagdi cabusor na á Filisteos  
quet dita saannan á nagursot  
dagdi inda quencuana imparat  
ta napucao daydi bileg na ngarod.

Quet idinto pimanen ta casta  
sinuatda daguidi mata na  
sada pinagpuspusipos ti tahona . . (1)  
tapno pañgtooc, pamarigatda qña  
ta dida nabales idi sipipigsa.

Dagdi Filisteos inguet ulpitda  
napalalo daydi ragsac da  
iti pannacaturayda quencuana  
á nabileg unay á cabusorda  
á nabayag idin á isiesicatda.

Idi nabayag bassiten naisipda  
á iparang quen Dagon á diosenda  
daydi dacquel á yaman da  
qt maysa nga aldao quinednganda  
á panagtitipon, panagraragsacda.

Agpayso nagtitiponda iti yan  
daydi diosenda á pagcararagan  
á cas la quita ti simbaan  
qt ni Samson inda mt dita impan  
tapno adda dita á inda pagrarakaban.

Ni Samson narurod cadacuada  
iti casdi á panangrabrabaeda qña,  
nangrona cadaguidi aramidenda  
á maisaluñgasing quen ti maicanada  
iti dayag ni Apo Dios á maymaysa.

Nagcararag dita iti Dios Apo:  
caicariac ti dusa gapo cadagti basbasolco,

(1) --Paggiuñgan iti aramiden á bil-laay, harina,



ñgem turdac ti agdaoat badangmo  
tapno inda comá aguicaro  
dagti mañgirurumen iti Nagan mo.

Itedmo comá caniac pay laeng  
daydi bileg co tapno inda amñoen  
dayta dacquel á pannacabalin  
qt cacanonongda comá á mapucao amin  
dayta balimbalinenda á diosen.

Siyatac á mangted itoy biag co  
tapno mapatuloy toy sicut co  
qt dagti il-ili adda panggapoandanto  
á mangdaydayao ita Dayag mo  
á utang á pagraeman ti amin á tao.

Idi maisaóna aminen daguita  
sipapati quen siinanama,  
dagdi dua ñga adigai guinonggon na  
quet daydi simbaan narba  
quet daguidi tattao natayda.

Natay met dita ni Samson,  
ñgem biagda met ti naicanonong  
dagdi Filisteos á nacasimron  
á bilang da ti tal-lo ribon,  
nairaman daguidi agpuspusong.

Maipoon itoy á naaramid dita  
cadagdi Filisteos á nadamca  
cas la piman napabutñganda,  
dagdi Israelitas dida siningsiña  
bayat tal-lo polo á taoen nagsasarunoda.

#### NOEMI QUEN RUTH.

Cadaguidi aldao á nadáguinsen  
á panagturay dagti Jueces qñ Israel  
adda daydi inda pannacapagteng  
iti nacaro unay á bisin  
inggana iti daydi Betlehem.

Gapo iti casdi á paguel da  
maysa á lalaqui iti Tribu ni Juda  
ñga Elimelec ti nagan na  
napan iti sabali á dagá  
agraman asaoa qñ annac da.

Daydi asaoa na agnagan Noemi,  
nañgayed, naemma, nadarsi,

nasanicua, nabacñang met idi,  
dua dagdi annac da á lal-laqui  
qt Moab ti naturong da á ili.

Dita ti nagtaengan da á pilit  
qt idi ta natayen ni Elimelec  
nabati ni Noemi á nasingpet  
qñ daguidi annac na á bimmileg  
iti pannacunaynay ti Lañgit.

Mahalon ti nagan daydi maysa,  
Quelion met daydi maicadua  
quet cadagti Moabitas naquiasaoa da:  
Ruth daydi asaoa ti immona,  
qt daydi maicadua agnagan: Orfa.

Idi sañgapolo á taoen ti nalabes  
sipod idi ipapatay ni Elimelec  
dagdi annac na natay da met  
quet ni Noemi inna naisip  
ti pumanao ditan á umalis.

Agpayso nagluasen á magna  
nga agsubli met la idiay ili na  
quet quimmuyog met quencuana  
dagdi dua á manugang na  
ta naayat da qñ catugañgan da.

Quet idi ta dalan ti yanda  
quinona ni Noemi cadacuada:  
annac co, agsubli cay balay yo alá,  
quet ni Apo Dios caasianna cay coma  
ta dinanto ilisi cadacay ti tulong na.

Da Orfa dita quen Ruth  
sañgitda daydi napalaos  
ta yicquisda pay ti agogaog  
quinonada: umay cam cumuyog  
sadi ili yo, uray natooc.

Quinona man ni Noemi'n:  
ti panagsubli yo nalalaing  
ta adaddanto á innac tooquen  
ho iti rigat co maicanonong cay metten  
ta napanglaoac á di mailmeng.

Idi casta ti mañgeгда  
dagdi dua á manugang na  
adadda manen di sañgit da  
quet nagbaoing ili ni Orfa,  
nagpacada ditan á naquisina.

Ngem no maipapan qñ Ruth  
saan laeng á immannugot  
idi panañgublag. panamasanod  
ni catugañgan na quet nagpagos  
á in la quencuana quimmuyog.

Quinonana ti nagbalicas:  
iti papanam iso ti papanac,  
ti pagtaeñgamto iso ti pagtaeñgac,  
iti met Dios mo ti surotac,  
aoan sabali sica la ti canonongac.

Idi casta ti matimuden  
ni Noemi á manaquem  
dina sinupiat nray bassiten  
daydi icucuyog qña siñgeñgenñgen  
ni Ruth, baba-i á natacneng

Idi ta inda macagteng  
iti napananda á iso ti Belen  
isasangpet da ti nagoarnaquen  
cona dagti tattao: ¿daytoy daydi Noemi'n  
á intay idi ditoy daydayaoen?

Coná met ni Noemi ti simmungbat:  
Noemi diyo la conconá caniac  
ta dayta caipapananna ti ragsac,  
ta itan pait ti innac napasamac,  
aoan anac con, aoanen daydi asaoac.

Mara ti rebbeng co á nagan itan  
ta biag co ti pait quen leddaang,  
dagdi sanicua qñ liolioac aoandan  
idi pumanaoac ditoy á pagtaeñgan,  
qt napanglaoacon ñga agpulang.

Cadaguidi aldao á idadateng  
da Noemi qñ Ruth sadi Belen  
agdama met idi ti anin  
quet ni Ruth á manaquem  
quinonana qñ Noemi toy denguen:

No itedmo caniac ti palubos  
innac iti paganian agpidot  
cadaguiti rignas quen mapalasot  
dagti agani ta innac natimod  
ti cadaoyan ditoy á masursurot.

Agpayso ta sadiay adda linteg  
á cadagti balo qñ napanglao maited

ti pannacabalin á pumidot iti naregreg  
tapno casda paquipalamaan met  
cadaguiti addaan cucua á nasalindeg.

Simmungbat ni Noemi, quinonana:  
oen, anac co, inca leeng alá;  
napan ni Ruth qt natumpenganna  
ti paganian nga daydi maquinucua,  
cabaguiian ni Elimelec á catugañgan na.

Booz ti nagan daydi bacnang  
á maquinucua idi paganian  
qt idi á inna sinarungcaran  
nagcablaao cadagti tao, cas cadaoyan,  
qt dagtoy quinonada: ilayon ti Dios ta piam.

Quet idi maquitara dita ni Ruth  
inna cadaenada simlodsod  
no asino daydi baba-i á naenos  
á cadagdi naregreg agpidpidot  
quinonada: taga Moab á qñ Noemi naquicuyog  
Dinaoat na á ti naregreg pidotenna  
quet nanipod pay itay agsapa  
di pay la nagroid agpapan ita  
ta naanos, nag guet, naagaca,  
castamet á nasingpet qñ natalna.

Idi mañgeg ti casta ni Booz  
quinonana ditan quen Ruth:  
anac co, iti sabali dica mapan agpidot;  
cadagta babbalasing co inca cumnyog  
iti paganian da tapno dica mabannog.

Cadaguiti ubbing co innac imbilin  
á saanda ca nga alimutngen,  
no macao ca, damun ti inda qca itden  
no mañganda inda ca met pacanen,  
qt nagyaman ni Ruth á siraraem.

Sana pay qñ Booz quinona:  
ti ipaaymo, sor, á casta  
itoy gangannaet irguet lumona  
jania aya ti pacaipoonan na  
ta parabor dagtay á naiduma?

Ni Booz inna sinungbatan:  
naammoac ti inaramidmo qñ catugañgam  
idi á nalpas á natayen ni asaoam,  
castamet ti ili á pinaaoam  
naganac qca, qñ cacabaguiam.

Quinayatmo ti immay ditoy ili  
idinto nga dimo pay animo idi  
quet sapay iti Dios á manangngaasi  
ta dinanto la coma queaca ilisi  
ti pannacunaynay na, panangsadiri.

Quinona ni Ruth: señer, agyamanao  
iti panangliolioam itoy rigat  
quet sapay iti Lañgit á naimbag  
ta itaguinayonna ta salunát  
á mangsaranay iti dacsanggasat.

Idi madanon ti pannañgan  
dagdi tattao iti paganian  
pinatugao met ni Booz piman  
ni Ruth, baba-i á manacman  
quet indumduma na á insagotan.

Idi nalpas ti pannañgan da  
imbalin na cadagdi ubbing na  
gagaraen yo ti mangregreg adadda  
iti mabalin nga pidutenna  
tapno di mabain á mañgala.

Quet agpapan pay cayat na quetdi  
ti maquilaoc cadacay nga agani,  
bayáño lūg, dicay agununi  
tapno adda taraon da á maicari  
quen catugañgan na á Noemi.

Iti malemen nagaoid balay da  
qt insangpet na qñ catugañgan na  
daydi naoadoad á naalana,  
qt ni Noemi nagsaludsod qña  
no adino ti nagpidutan na.

Impudno na quen catugañgan na  
amin ti naaramid queneuana  
qt ni Noemi idi mañgeg na  
imbagana á ni Booz cabaguian na  
dagdi natayen nga assaoa da.

Inaldao á mapan ni Ruth  
cumuyog cadagdi babbalasang ni Booz  
inggana iti panagani ti nangpot  
qt nagtungpalan na naquem ti Dios  
ti inna pannaquiasaoa, pannaquisinggalot.

Iti pannagua ti tiempo naquiasaoa qñ Booz  
quet isoda piman ti namalbot  
qñ Obad, ama ni Isai á nangputot

qñ ari David, capoonan ni Jesus  
á immay cadatay ditoy lubong nanubbot.  
Daydi singpet ni Ruth ti nacaigapo  
iti panángasaoa qña á sisusungdo  
ti nalaing, nasanicua nga tao  
ta ti Naayat unay á Dios Apo  
gungunaan na laeng ti nadalos á puso.

### HELI, JUEZ QN SUMO SACERDOTE.

Iti Santo á Libro mabasa  
nga dagdi agturay idi onana  
masansan met á isoda  
ti ministro ti Dios á cona  
no itoy á saad caicarian da.

Casta ti naaramid quen Heli  
ta gapo iti saguday na á lalaqui  
iso ti agturay iti daydi ili  
á quinayat ti Dios á pinili  
ta idi singpet na maicari.

Juez ti Israel quet iso metten  
ti Sumo Sacerdote á daydayaoen  
nga aguidaton sitatacneng  
iti Dios Apo nga ammoen  
ti adda Qña á pannacabalinamin.

Ngem daydi naipatpattaoy  
á dayao ni Heli nga agturay  
iso met ti nacapadaques unay  
ta dagdi annac na inda impuñganay  
daguiti aramid á ur-uray.

Da Ofui queñ Finees  
á saadda met ti sacerdotes  
isoda ti nágamrang, natured  
nga agaramid iti nacaarariec  
iti saclang ti Dios qñ tao met.

Quet ni Heli nga ama da,  
nupay ammona ti aramid da,  
saanna la ida nga dinusa  
cas masapol unay comá  
tapno maguped ti damsac da.

Binabalaona la ida't bassit  
á di met immanay á nangterred  
idi panagpalalo da Ofni qñ Finees,

gapona á ti mannacabalin á Lañgit  
ti nangdusa ditan á pilit.

Quet bayat panangpalugod  
ni Heli cadagdi nadangcóc  
adda pinusganen ni Apo Dios  
á sumuno quen tumaod  
iti daydi saad ni Heli á natanóc.

Daytoy napusgan á suno na  
anac ti maysa ñga Levita  
iti tribú ni Efraim ti yan na,  
qt dagtáy á naganac agpadpada da  
á natudio da iti Dios, nasingpet da.

Daydi lalaqui agnagan Elcana,  
quet daydi baba-i met: Ana  
quet nabayag aoan anac da  
iso á macaigapo iti liday na  
daytoy baba-i á masarita.

Ni Elcana pagararigan da  
iti salucacag panagtungpal na  
cadaguíti amin á pagannoñgan na  
ta casta't nasingpet á cona,  
aoan pangbabalaoan qña.

Ni Ana agsipod tarigagay na  
ña adda met la comá anac na  
iti nasgued á cararag iti Dios dinaoatna  
ña limosanna la coma iti maysa  
tapno malacsid pacaibainan na.

Cadaoyan daguít Israelitas  
iti mañgababí mangrabrabac  
iti baba-i ñga aoanan anac  
no adda asaoanan á madamag  
ta naganenda ñga dacsanggasat.

Cadagdi cararag ni Ana  
impatalguedna iti Dios, incarina  
á ti anac á itedna quencuana  
manipod to pay ubing idatonna  
ña agservi iti Dios inggana't biag na.

Dinengñgeg ti Dios daydi cararag  
quet ni Ana sisasalucag  
á nagtungpal nangyaoat  
idi ubing á iuna inyanac  
idi aoan pay taoenna ñga uppat.

Samuel ti impanagan ni Ana  
iti daydi ubing á inyanac na:  
inted ti Dios, ti cayulogan dayta,  
gapo iti buñga daydi cararag na  
iti Dios Apo á Namarsua.

Daydi ubing nayaoat quen Heli  
ta iso ñgad ti Sumo Sacerdote.  
cas insigod ni Ana ñga incari  
iti Dios Apo á manangñaasi  
tapno iti templo agservi.

Tinaoentaoen á in sarungcaran  
dagdi aquinanac á manacman,  
iti caoes na inda met itulodan  
cas rumbeng, quen caitutupan  
ti agservi iti simbaan.

Bayat caadda toy ubing  
idi templo á daydayaoen  
rumaño-ay mt iti naquem,  
nasiñgpet unay á talquen  
iti adda á inna mabaelen

Gapo iti siñgpet qñ salucagna  
inragpat ti Dios á profeta  
idi sañgapolo pay la qt dua  
dagdi mabilang á taoen na  
sipod idi pannacayanac na.

Agpayso, idi naminsan á rabi-i  
matmaturog toy ubiñg á nadarsi  
iti di adayo iti yan ni Heli  
qt adda nañgegna ñga uni  
á ti conana castoy ni:

Samuel, Samuel, cona daydi timec,  
qt toy ubiñg dagos bimmañgon mt  
idi yan ni Heli immasideg  
ta impatona á iso daydi bimmisic  
simmuñgbat: bilin mo ti urayec.

Quinona ni Heli qña piman:  
saan ca, anac co, á inayaban,  
agsublica á maturog ita iddam  
qt aoan met ibagac quencan  
qt nagtungpal toy ubing á sinanacman.

Quet idinto ta madamdama  
nañgegna manen ti nagcona:  
Samuel, Samuel, bumañgon ca,



bimmaringcoas di ubing dita  
quet napan Heli dimminna.

Quinona: señor, addaytoyac  
ta nañgegeca ñga immayab,  
quet ni Heli simmungbat:  
saan, anac co, aoan quinonac  
agsublica ita paturogam á saad.

Nagtungpal daydi ubing  
naguidda á naturog met laeng,  
ñgem pitloen man daydi unin  
ti immaoag quen nagri-ing  
quet ni Samuel bumañgon manen.

Idi immasideg man quen Heli'n  
quinona daytoy á binilin:  
anac co, no paguniannaca pay lüg,  
conam: adtnyac, Apo, á siraraem  
sisasaganaac iti inca saoen.

Agpayso casta ti inaramid ni Samuel,  
idi á mañgeгна man daydi timequen  
qt natimod unay á nalaing  
daydi uni á casamitanen  
quinonana: sao'm. Apo, ti iunac urayen.

Quinonana: "anac co, Siac ti Dios  
ni Israel oenno Jacob,  
inayaban ca ta inca itanóc  
iti quina-profeta á nados  
quet tungpalem daguitoy isaoc:

Manipod ita italecco quenca  
ti incanto quen Heli ibagá  
ti innac cadacuada panangdusa  
ta nadangques aoan pada  
ti araramiden dagtay aunac na.

Dusaec ni Heli iti lioay na  
á mangtinggar cadagtay annac na:  
ti quina Sumo Sacerdote á saad na  
iso laeñgen ti pagpatinggaan na  
aoanto ti tumaoid á putot na.

Matay to daguiti putputot na  
iti cabannoagan ti taoen da;  
ti pagarian á Israel met madusa  
ña aglacam, agsagaba  
cadaguiti paguel nadumaduma."

Cadagtoy á saó á nacabutbuteng  
nauigtot ni Samuel á ubing,  
dina naitured á imbagá qñ Heli'n  
quet inturog na dita quetdin  
inggana iti agsapa á panagririing.

Iti bigaten nagsaludsod ni Heli  
no ania ti nañgeg ni Samuel iti rabi-i  
daytoy mt ubiñg saan á nagtiri  
sinaritana amin, amin daguidi,  
qt aoan iolibacna uray no pisi.

Idi mañgeg ni Heli dita  
dagdi sinaó ni Samuel á dusa,  
sipapacurañg laeñg á nalcuna:  
nacabasolcam nadagsen iti Namarsua  
qt calintegan ti Dios iti aramidna.

Iti naDiosan á pangddeng na  
aoan macasalungasiñg Qña,  
matungpal ti pagayatanna  
cadaguiti amin á parsua na  
sadi langit man qñ ditoy dagá.

Agpayso natungpal daguita  
ta ti Dios impalubosna  
á naabac dagti Israelita  
iti namindua á pannaquibacalda  
cadagti Filisteos á cabusorda.

Canicapat á polo ribo dagti nararit  
iti ima ni patay á naulpít  
cadaguidi bacal á naiñget  
qt nairaman cadaguitoy mt  
dagdi annac ni Heli, Ofni qñ Finees.

Ta ti mt nacapananda  
iti pagbabacalan dagtoy dua  
quinuyogda daydi Arca  
á quiniddao dagdi Israelita  
idi immona á pannacaabacda.

Impagarop dagdi Israelitas piman  
á ti Arca no adda cadacnadan  
mañgabacda iti pagbabacalan  
á cas sadi Jericó qñ Jordan  
á nagaramid nacascasdaaoan.

Dida la napanunot dita  
á daydi Arca dina icaluya  
dagti managbasol á cagura

dagti linteg á siluluganda

iti uneg daydi nacaidulinanda.

Dacdaques ngad ti nauraydan

ta dagdi Filisteos idi nañgabadan

daydi pay Arca inda sinamsam

qt inda inyabay iti diosen dan

ngem daytoy natnag idi mabigatan.

Binalioan da á insaad manen

iti daydi tugao na met laeng

ngem natnag man iti nabigatanen

qt nalasanglasang quet ngaruden,

ta ni Apo Dios ti aquinnaquem.

Qt bayat caadda daydi Arca

iti biang dagdi Filisteos á salioaoá

naruary ti daques á sinagabada

sacsacquit qñ ranggas á naiduma

á naaramid cadagdi mulmula da.

Gaponá á naipapilit met laeng

á daydi Arca inda insublin

quet naguian sadi Cariatiarin

inggana iti daydi panagarin

ni David á nañgala siraraem.

Qt ni Heli idi á nadamag na

á natay daguidi annac na

idi pagbabacalan á nacadidigra

quen sinamsam ti cabusor daydi Arca,

naliad idi tugao qt naburac di olo na.

Quet idi á natay ni Helin

agtaoen siam á polo qt oalo metten,

qt idi saad na ñga daydayaoen

simmuno quencuana á nagturayen

ni nasingpèt á profeta Samuel.

## PROFETA SAMUEL.

Daytoy uppat á polo ti taoen na

idi ñga napusgan ñga agturay da

iti ili daguiti Israelita

quet daguitoy inayabanna ida

quet castoy daydi imbagana:

No cayat yo iti lnmacsid iti tooc

á ipasagaba daguiti Filisteos

masapol nga agpulang cay iti Dios,  
ngem quetdi incay met agdalos  
cadaguiti basbasol yo á nabantot.

Masapol met á iccatenyo  
amin, amin daguiti di omcmno  
á dioses pagcarcararaganyo  
á da Baal, Astarot á sinurotyo  
á nangted cadacay pannacairubo.

Dagdi Israelitas tinungpalda  
dagti bilin ni Samuel cadacuada,  
iti Dios Apo nagpulangda  
binabaoi da daguidi basbasol da  
da Astarot quen Baal binayanda.

Sa quinona pay ni Samuel:  
dagup amin ti taga Israel  
ayabanyo ida nga urnoñgen  
ta sadi Masfat innac aramiden  
ti panañgidaoatco iti Dios á daydayaoen.

Agpayso, daguidi Israelitas  
napanda amin sadi Masfat  
danum pay ti inda imbuyat  
iti saclang ti Dios tapno maibatad  
ti panagbabaoi dan á di rabrabac.

Iti daydi nga aldao dida nañgan  
ta panguedda iti pannacapacaoan  
dagti basbasol da á babaoien dan  
ta iti Dios Apo inda agpulang  
quet amin á daques bayandan.

Maipoon iti panagbabaoida  
cadaguidi naruay á basol da  
inted ti Dios ti caasi na cadacuada,  
inabac da metten dagdi cabusor da  
ta bileg dan ti naidumduma.

Quet bayat panagtengñgel  
ni nasingpet á profeta Samuel  
iti pagarian ni Israel  
aoan nasagaba da á paguel  
ta aoan cabusor á bumael.

Ngem idi ta ni Samuel lacayen  
qt dagdi annac na dida tuladen - - (1)  
ti singpet na á namagraém

---

(1)—Joel qñ Abia ti nagan dagdi annac ni Samuel.

dinaoat qña dagdi Israelitas'en  
ñga ari coma cadacuada't agturayen.

Quinona dagdi Israelitas qña:  
yata castan á lacay ca  
cayatmi á iccanna cam coma  
iti ari mi ñga agcorona  
á cas cadagti pagarian á dadduma.

Ni Samuel dina comá cayat  
daydi á inda qña dinaoat,  
nupay casta inurayna ti balacad  
ti Dios á poon ti imbag  
tapno ammona ti inna isungbat.

Agpayso quinona ti Dios qña:  
ala annugotem ti daoatenda  
ñgem ibagam met cadacuada  
ti dacquel á turay ti ari da  
ñga dida masalungasing ti cayatna.

Cadaguidi ñga aldao adda met  
lalaqui ñga agnagan iti Cis  
quet adda anac na á nabileg  
iti taer na aoan umarñged  
cadagdi Israelitas á umarioceoc.

Ni Cis adda napucan ñga ayep na  
cadaguiti naganen iti pollina  
qt di anac na á Saul binaon na  
ñga in agbiroc cadacuada  
ta cailalaan na piman ida.

Quinona ni Cis qñ Saul ñga anac na:  
mañgalaca iti ubing tay á maysa  
ta inca sapulen dagtay pollina  
quet agpayso, nagtungpal da,  
ti bantay Efraim binacsayda.

Napanda met sadi Salisa,  
Salim pay tinurongda  
Jemini quen dadduma  
qt aoañ la á natumpoñganda  
dagdi ayep á birbiroquenda.

Quet idinto ta macagtengda  
iti disso á Suf ti nagan na  
asideg dayta sadi Ramata  
quinona ni Saul idi ubing na:  
intan tapno dina ta seggaan ni ama.

! Daydi ubing ni Saul simmungbat:  
iti daytoy adani á ciudad  
adda nasingpet á tao qñ naimbag  
quet amin á ibagana qñ ibatad  
pudno da ñga maileggac.

Anansata naimbag unay coma  
no inta dumaoás quencuana  
bareng adda maibagana cadata  
á panglacagan iti panguap ta  
á panagsápol iti biroquenta.

Simmungbat ni Saul qña:  
ala oen, ita conam anamofigan ca  
ñgem ;casano ti ipapan ita  
ta aoan metten ti uray ania  
á mabalinta á isarabo dita?

Daydi ubing ni Saul simmungbat:  
adda nairaná á cuarta caniac  
quet nupay saan á naoadoad  
itedtanto laeng á idatag  
itay paguimtoodan itoy sicut.

Agpayso, napanda á duan,  
ni Samuel inda nasaracan  
qt idi maisaóda ti gagara dan  
quinona ni Samuel: dicay madanagan  
ta dagtay biroquen yo addadan.

Imbati na pay la ida dita  
inggana iti sumaronó ñga agsapa  
quet idi á dida pay agsisina  
naruy daguidi imbaga cadacuada  
ni Samuel á Profeta.

Quinona pay qñ Saul ni Samuel  
á iso ti agari iti Israel,  
nupay Tribú na ti saan á dacquel  
iso ti napusgan á mangtengñgel  
tapno daydi pagarian di madadael.

Qt idinto ta dudua ditan  
da Saul qñ Samuel á simminan  
daytoy inna daydiay binuyatan  
iti Oleo santo á cadaoyan  
daguidi sacerdotes idi onanan.

Idi nalpas amin ti castan  
ni Saul qñ Samuel nagpacadan

ta agaoid balay ni ama nan  
qt idi adda pay la iti dalan  
naquitana dagdi imbagá ni Samuel qñan.

Sipod panañgibagá ni Samuel'en  
quen Saul nadutoc ñga agarin,  
ti puso na napabileg metten  
sirib na ti napasinquedaren  
ta ni Apo Dios qña't nanaclin.

Ngem nupay nalpas á napusgan  
ña ari ti Israel ni Saul ditan  
quinayat ni Samuel á imparang  
á iso ti lalaqui á napagasatan  
ña agari iti daydi pagarian.

Inurnongna amin ida  
daguidi tattao á Israelita  
tapno aoanto la ti pambar da  
iti pannacapili ti ari da  
no asino ti cayat ti Dios cadacuada.

Inaramid ni Samuel pacapnecanda  
iti cayat ti Dios á dutoquenna  
cadaguidi Tribus á Israelita  
ti tanda ti agari cadacuada  
qt Tribu ni Benjamin ti adda gasatna.

Cadagdi putputot ni Benjamin  
isoda ti nangquitaanda manen  
qt nagdisso iti balay ni Metri'n  
ti yan ti maysa ñga agari,  
qt nagtuñgpalan na, ni mt Saul-en.

Sinapolda ni Saul ñga anac  
ni Cis, apocó ni Metri á nagasat  
qt idinto ta inda nasarac  
naquitada ñga aoan qña mañgabac  
iti taer qñ quinatayag.

Iso di panagcona ni Samuel  
toy pinili ti Dios á maneñgñgel  
iti dagup toy ili ni Israel  
aoan quencuana ti macadaer  
iti quinatayagna qñ puner.

Dagdi Israelitas dita  
impuccao dan quinonada:  
¡Viva el rey, ti ari agbiag coma  
iti taoen á linacacsa  
á sibibileg quen sipipial

Dinagus met ni Samuel á imbagá  
daguiti linteg á tuñgpalenda  
nga iti pagarian maicanada  
tapno aoanto la ti pambarda  
cadaguiti aldao á ududina.

Daguidi á bilin insuratna iti libro  
iso á indulinda idi Tabernaculo  
tapno maammoan dagdi tattao  
ti pateg mt á napaypayso  
ti linteg á tuñgpalendanto.

Qt idi nalpas daguita  
pinagaoid ni Samuel ida  
tuñggal tao napan balay na  
tapno quitaenda't maicanada  
cadaguiti assaoa qñ annac da..

Ni Saul nalaiñg ti panagturay na  
idi damo qñ di pay nabayag nga ari da  
gapona á dinaydayao dagti Israelita  
ta amin dagdi aramidenna  
iumanna qñ Samuel á profeta.

Tal-lo ribo dagdi pinilina  
á soldados catacunaynayna,  
ta dua ribo dagdi adda qña,  
sañgaribo qñ Jonatás nga anac na  
nga adda idi sadi Gabaa.

Daytoy Jonatas naimatañgan  
ti tured na iti pagbabacalan  
idi quinel-laamna ti nagparañg  
cadagti Filisteos á inna inuloyan  
qt pinagtarayna dagti dadhuman.

Itoy nacascasdaao á inaramidna  
isona la piman á cadua na  
daydi escudero á pannacaubiñg na,  
quimmalay-at da á di nagamañga  
idi bantay á yan daguiti cabusor da.

Ngm maipoon itoy á pannaquigubat  
ni maiñgel á principe Jonatas  
istay pinapatay ni Saul á nadayag  
ta nasaluñgasing daydiay ti pinairacurac  
ni ama na nga ari á nacaamamac.

Ngm daydi á bilin ti ari  
saan nga ammo daydi principe  
gapona quinona daydi ili



á pannacatay na't di maicari,  
ngm agyamanda qñ Jonatas quetdi.

Cona ti ili ti nagsaó:

ni Jonatas dina utang ti aguicaro  
iti basol á dina mt ammo,  
maysa pay oinar-acna nga agpayso  
dagti naruay á cabusor tayo.

Gapo iti casdi á panañgidaotda  
pinacaoan ni Saul nga ari da  
ti biag ni Jonatas nga anac na  
qt daytoy principe intuloyna  
ti naquitacunaynay qñ ama na.

Ngm saan á nabayag idin  
nacabasol qñ Apo Dios ni Saul'en  
ta tinurdanna ti limmabsiñg  
iti utañgna la nga tuñgpalen  
tapno dagti aramid coma nalaiñg.

Idi adda ni Sálul qñ ejercito na  
iti tay-ac sadi Gálgala  
ta cadagti Filisteos maquibacalda,  
ni profeta Samuel aoan dita  
ta adda nasquen á gapona.

Insagana ti ari qñ Samuel  
nga agdaton iti Dios, cas rumbenñg,  
no ti bacal dida irugui pay laeñg,  
qt daydi profeta inna imbilin  
á iti lasód pito nga aldao inda urayen.

Ni Saul naguray nga agpayso  
iti innem nga aldao, qt idi maicapito  
nasapa á quinonana cadagdi tao:  
yegyo ditoy dagti idaton iti Dios Apo  
ta siac ti mañgaramid, macaammo.

Agpayso inaramidna ti cayatna  
ta napalalo daydi ganat na  
tinurdan na á sinalioanan daydi profeta  
iti pagrebbeñgan ti casasaad na  
gapo iti turay nga adda qña.

Qt idi taguileppasen ti aramid  
daydi profeta iso met á sumañgpet,  
binabalaona daydi ari á nagtured  
á nañgidaton iti Dios ti linteg  
idinto ta di mt sacerdote á napateg.

Ti maicadua á nacalabsiñgan  
ni ari Saul iti linteg á pagalagadan  
iso daydi panañgilasinna panañggamgam  
cadaguidi casasayaatan á samsam  
á innalada cadagdi naibuc pagbabacalan.

Castamet á pinacaoan na  
ti biag ni ari Agag á ebusorda  
idinto ta dina rebbeñg á pinacaoan coma  
ti biag amin dagdi Amalecita,  
cas nasantoan á bilin á inaoatna.

Impambar ni Saul á quinona:  
dagti casasayaatan á cucua ti Amalecita  
imbatic tapno itinto Dios maidatonda,  
qt simmuñgbat ni Samuel: nagingñgina  
ti tudio ñgm iti daton á idiaya. . . (1)

Qt agsipod iti suñgit á napalaos  
ni Saul á nagsubalit parabor ti Dios  
imbatañ qña ni Samuel á dinto agpaot  
daydi icutanna á quinatanóc  
ta sabali á tao ti inna isagot.

Camaudianna, nagsinada  
da ari Saul qñ Samuel á profeta  
daydiay, nagaoid sadi Gabaá  
qt daytoy nagsubli sadi Ramata  
qt dida nagdinnan ingga't ipapatay da.

Nupay casta nagturay pay mt laeñg  
iti lasód ti mano ñga taoen  
ni ari Saul ñgm binaybay-anen  
ti asi ti Dios á nataliñgenñgen  
qt ur-uray la't inna inararamiden.

Aoan mt asino man ñga anac na  
á nacataoid quinaari á nañgina  
ta ni Jonatas, Jesuí qñ Melquisua  
saan mt á pinusgan ti Dios ida  
á sumuno coma qñ ama da.

Qt ni Isboset, nupay inammoda  
ñga agturay dagti Tribus á dadduma,  
saan á naquem ti Dios á casta  
gapona ñga aoan mt intedna qña  
á tuloñg qñ tacunaynayna.

---

(1)—Melior est enim obedientia quam victimae. . . .

DAVID PASTOR.

Daydi parabor á sisasalindeg  
ti Dios Apo, napaypayso á linteg  
pimmanao quen Saul, limmacsid  
qt napan nagdisso á nagtalinaed  
quen manaquem unay á David.

Daytoy iso daydi caubiñgan da  
cadagdi annac ni Isai ñga ama da  
iti capoonan oenno Tribú ni Judá  
quet sadi Belen á dagá  
ti yan ti balay á pagtaeñgan da.

Binaon ti Dios ni profeta Samuel  
á inna gagaraen á danonen  
á in sapsapoan, cas rumbeng,  
ñga ari quen agturay iti Israel  
á di quet maammoan ni Saul pay lñg.

Agpayso napan ni Samuel á sisasayod  
sadi Belen á in agdaton iti Dios  
qt idi adda qñ Isai nagsaludsod  
no mano dagti annac na á pinutot  
tapno maquitana met ida coma ñgarod.

Ni Isai imparangna á nagsasaruno  
daguidi annac na piman á pito—(1)  
qt naguimtood ni Samuel iti Dios Apo  
ro adda cadagdi ti inna tinudó  
ti mapusgan ñga agarinto.

Ti Dios imbagana qñ Samuel dita.  
ñga aoan cadaguidi maquitana  
ti agari á pusgan pagayatan na  
ta ni Eliab, nupay napuner ti lañga na,  
saan á dayta ti pilien qñ sapulenna.

Gapona nagsaludsod ni Samuel qñ Isai  
no aoan anac nan á sabali  
simmungbat: daytay laeñgen inaudi,  
ñgem aoan ditoy balay ita quetdi  
ta napan naguipaarab ayep mi.

Quinona ni Samuel: paayabam  
ta, no aoan ditoy ditay mañgan,

(1)—Eliab, Abinadab, Samma ti nagan dagdi tal-lo á  
inaona.

qt ni Isai pinaalana á di nagtantan  
daydi anac na ñga paggagamgam  
daydi santo profeta á pagraeman.

Quet idi adda ditan ni David  
ti Dios inna qñ Samuel intalucatic:  
daytoy ubing ita á sangsangpet  
iso ti agarinto quen Israel á pinilic,  
sapsapoam iti santo oleo á napateg.

Timmacder ni Samuel ñga agpayso  
innalana daydi Oleo santo  
binucocanna piman daydi olo  
ni David, ubing ñga agtutubo  
ñga aoan pay taoenna idi á duapolo.

Ngem daydi inaramid ni Samuel qña  
dina imbagbagá ti caipapananna  
qt daguidi nacaquita impatoda  
á naimbag laeng ti pacaipnonanna  
daydi ñga naimatañganda.

Nanipod idin immapay  
quen David á naisagsaguday  
quet rangcap na ti pinarang-áy  
ti dacquel á tulong quen saranay  
ti Dios Espíritu Santo á narayray.

Quet idi nalpasen ti casta  
nagaoiden á nagpacada  
ni Samuel nagbaoing sadi Ramatá  
iso á yan daydi taengna  
ta ti nañgibaonan ti Dios natungpalna.

Ni David, nupay inaoatna metten  
ti saguday ti innanto panagarin  
inurayna la ti aldao á rumbeng  
á panaguicotnanto iti taquem  
qt daydi quinapastor na intuloyna mt lñg.

Ti nailañgitan á tulong pimmanaoen  
iti biang ni Saul á nangruguin  
á mairubo quen mairemrem  
cadagniti naruay á barengbareng  
á inaramidna inggana't natayen.

Impalubos mt ti Dios á sagabaenna  
ti panangtatuoc ti demonio qña . . . (1)  
ta masansan á sumiplo ita puso na

(1) — Spiritus Domini recessit á Saul et exagitabar...  
Reg. cap 16 — v. 14.

ti samuyeng qñ danag á naiduma  
á dina masurot nalaing ñga aramidenna.

Gapuna á imbalacad quencuana  
daguidi nadinna ñga iturayanna  
á naimbag no isapulanda comá  
iti nalaing ñga mangtocar iti arpa  
tapno mailiolioag ti samuyengna.

Inanamunãan ni Saul daydi balacad  
quinonana: oen, alá ibirucandac  
quet pilienyo ñga iyeg caniac  
daytay panagtocarna ti nasayaat  
tapno ti samuyeng mailiolioag.

Simmungbat ti maysa cadaguidin:  
adda naquitac sadi Bethlehem  
á managtocar iti arpa á nalaing,  
anac ni Isai daytoy ubing  
á sagudayna't itatugading.

Napigsa, mailngel qñ nasiglat  
mainumo cadagti panguep ti gubát,  
nadarsi, naemma ñga agbalbalicas  
nataer ti lañgána, rupana ti nasayaat  
nasingpet á dina ammo ti agranggas.

Rebbeng tay ñga ammoen met  
á ti caipapanan ti nagan á David  
iso ti: ayayaten ta nasingpet  
puso na ti nadalos á di mailngulpit  
iti asino man uray apagbassit.

Nagbaon ni Saul qt pinaibagána  
qñ Isai á ni David ibaonna,  
qt daytoy pinarubuatan ni ama na  
pinaitedna mt iti daydi ari da  
dagti arac, tinapay qñ caldiñg á maysa.

Qt idi ta ni David maisaclañgda  
idi ari ñga inguet pateg na  
daytoy nalaos di ayat na qña  
qt dinutocnapay quetdi á maysa  
á paje de armas, nañgato á saad dayta.

Pinaibaga ni Saul qñ Isai  
á ni David iti palacio agbati  
iti arpad ti natanóc ñga ari  
ta aoid na ti nataraqui  
qt dina segseggaan ñga agsubli.

Agpayso no sumiplot idi cua  
qñ Saul daydi samuyengna,  
mabangaran idi sagabaenna  
no ni David ta tocarena  
daydi naisaguday nga arpa.

Ngem ti nabileg á macaioalin  
iti daydi umapay á samuyeng  
iso ti panañgidaodaoat met laeng  
ni David ta no agtocar inna buyoguen  
iti cantana iti Dios á mannacabalinamin

Casta ti aramiden ni David idi  
á pangpabang-ar na idi sagabaen ti ari  
bayat caadda na dita á nagbati,  
ñgm idi cuan napan met la nagsubli  
iti sidong ni ama na iti pacni.

Quet idi malabes ti mano á taoen  
dagdi Filisteos bacal ti inrubuatda manen  
tiniponda dagdi escuadrones á nacabutbuteng  
qt nagdissoda cadaguiti beddeng  
ti Soco quen Azeca sadi Dommim.

Ni met Saul qñ ti ejercito  
daguiti Israelitas nga ado  
nagsardengda á nagpacarso  
iti asideg ti tay-ac sadi Terebinto  
tapno dagti reales inda agsaño.

Iti daydi nagbaetan á tay-ac  
dagti ejercitos comá nga aggubat  
nagparang ti tao á datdat-lag  
á quita na daydi nacaamamac  
cas maimatañgan itoy sumaridat:

Daytoy lalaqui á masarita  
sañgapolo qt tal-lo dañgan ti caatiddogna  
natangquen á cobre daydi morrion na  
castamet amin daydi calopcop ti bagui na  
manipod olo, tactaquiag quen saca.

Ti cayo nga uruñgan ti pica na  
cas la gurong ti calucmegna,  
qt ti landoc daytoy igam na  
dagsen ti sañgapolo qt innem á libra qt gudua  
ta gigante Goliat daytoy saan á dadnma.

Uppat á polo nga aldao nagsasaruno  
bigat qñ malem, agpayso,  
bumabá idi tanáp nga agsaó

iti mañgeg dagdi ejército  
ñga araritenna iti napalalo:

Dacayo ñga adipen á nababá  
ni Saul, dicay agduadua  
á Filisteo ac á incay maquita,  
jaon cadacay ti macaitured ñgata  
á maquipinnadas caniac iti pigsa?

Ti umay caniac maquidañgadañg  
ta biag co ti inna ulcyan  
adipendacamto á madadaan;  
ñgm no abaquec iti pagbabacalan  
dacamto mt ti incay pagrueaban.

Dagdi Israelitas marurodda  
cadagti pañgababí ni Goliat cadacuada  
qt cayatda ñga dusaen coma,  
ñgm nalaos mt daydi amác da  
á maquigasanggasat quencuana.

Cadagdi buyot ni Saul dita  
nailaoc dagti tal-lo ñga agcacaca  
ñga annac ni Isai ti Belen á dagá  
qt pinabalonan ida ni ama da  
iti daydi cabsat á inaudian da.

Ni Isai binaonna ni David dita:  
inca iti pagbabacalan ta quitaem ida  
dagtay cacabsat mo ñga adda qña  
tapno maammoam no casano da,  
mañgalaca mt ibalonmo cadacuada.

Agpayso idinto ta naitalecnan  
iti maysa á tao dagdi ayep nan  
nagluas iti agsapa á napan  
iti yan dagdi inna balonan  
iti tay-ac ti Terebinto á managanan.

Qt idi á dumteñg sadi Magala  
iso met á ti ejercito agarioaoa  
ta iti daydin qt agrubuat da  
iti pannaquidañgadañg á cona  
cadagdi napusoñg á cabusorda.

Ni David dagdi balon inyaoatna  
iti daydi agayoan canen ti tropa,  
nagtaray iti yan dagdi maquibatalla,  
nagsaludsod no casano dagdi cacabsat na  
no nasalunát mt lñg sipipia da.

Madama pay la ni David á maquisasaó  
idi nga agparañg daydi tao  
á naggapo iti boñggoy dagdi Filisteo  
qt timmanáp á mañgbabain iti nacaro  
cadagdi Israelitas á di qña sumañgo.

Nalaos ti buteñg dagdi Israelita  
qt maysa cadacuada ti nagcona  
;naquitayo daydiay tao á macaparañgá?  
ti macapapatay cano quencuana  
asaoaenna tay anac ti ari á inaona.

Maitedto pay á gunguna na  
ti pannacapacaoanda nga aga ama  
nga agbayad cadagti pagrebbenganda  
iti pagarian qn ili nga yanda,  
sabalinto ti naruary á cucua.

Amin á tao casta ti sasacenda  
qt ni David quinonana dita:  
;asino daytoy Filisteo á di agamangá  
á mangbabain cadagti Israelita  
nga aonla ti macaitured qña?

Dagdi sao ni David naidanonda  
iti lapayag ni Saul nga ari da  
qt indatagda iti saclang na,  
qt ni David idi á ditan ti yan na  
castoy daguidi sinaritana:

Saan nga agdanag ti asino man  
ta siac ti in dumañgadañg  
iti dayta Filisteo á naganrañg;  
qt ni Saul quinonana: saan,saan,  
dimonto laeñg masarquedan.

Pannaquibacalmo qña ti di rumbeñg  
ta sica naganosca pay la nga ubiñg  
qt iso nabileg á di duadnaen  
ta incacaubiñganna't naquigubgubaten,  
nairuam iti bacal, qt nacabutbuteñg.

Cona ni David: daytoy adipen mo  
pinapatayna ti leon qñ oso:  
castanto mt ita daytoy Filisteo  
á mañgababí itoy ejército  
á mamati iti Dios á napaypayso

Daydi ari idi á mañgegna ti casta,  
quinonana qñ David: ala ngarod inca;  
intedna mt qña dagti igam na



castamet ti morrion qñ cabal dita  
á rumbeñg qñ David á maquibatalla.

Idi naicapet ni David daguita  
pinadasna á inoatoat ti bagui na,  
ñgm iti biañg ni ari Saul quinonana:  
dagtoy narigateo ñga aruaten ida  
ta diac nairuam cadacuada.

Inucsobna amin ida ditan;  
daydi sarucod ti pastor inna iniggaman,  
pimmidot lima á bató á calilinisán,  
impisocna ida idi zurron nan  
qt daydi palittabong insagananan.

Dayta ti igam na á sumarañget  
iti daydi gigante á nacaalalinguet  
qt dinagosna qña ti immasideg  
ta saan laeng ñga agamés  
ta ni Apo Dios qña ti mamabileg.

Ni gigante Goliath idi maquitana  
á ni David duminna quencuana  
naruay daguidi pañgomomsina  
ta ubing, napudao, nasayaat á rupa  
ña iti pagbabacalan saan á maicanada.

Quinonana pay: ¿aso ac ti panañgipagarop mo  
á sarucod ti umay mo caniac imalo?  
icarie cadagti dioses á dayta bangcay mo  
cadagti tumatayab ipasidac to  
ta patayabec á ipal-ladao iti ñgato.

Ni met David quinonana:  
idañgadangmo caniac ti espada,  
castamet ti natarumamis á pica  
calasag mo pay dayta nalagda,  
amin á ramramit mo macadidigra.

Ngem siac umayca sarangten  
iti nagan ti Dios ni Israel  
á ti ejercito ñga inca la ababien,  
ñgem sica aguicaroca ita met laeng  
ta patayen ca, olom ti innac putden.

Itoy ñga aldao maquitanto  
á iti bangcay daguiti Filisteo  
banos qñ tumatayab ti agsidanto  
tapno capnecanto daguiti tattao  
á ti Dios ni Israel, Dios á pudno.

Dagti tattao indanto met maquita  
á saan á espada oenno igam nga ania  
ti pañgabao iti cabusor pamaruema;  
ngem ti bal-ligui ited ti Dios iti cayatna  
ta iso ti agturay á pagraeman ti pigsa.

Agsipod iti tumacder ni Goliat  
á mapan quen David rumupac,  
daytoy nagsiglat met á sumabat  
qt maysa á buto ti inruurna t daras  
á ipalittabong itoy gigante á nacaamamac.

Agpayso, impusiposna daydi palittabong  
qt tinarimaanna nga inturong  
idi muguing ni Goliat á macasimron  
quet daytoy saan la nga bimmurong  
napacleb dita nga nadalupon.

Inabac ni David daydi Filisteo  
quet pinatayna iti maymaysa á bató  
á impalittabongna nga agpayso  
ta naquem piman ti Dios Apo  
á nagbal-ligui daydi nanumo.



Quet ni David idi maquitana  
á nalpas daydi gigante á naipadagá  
nagtaray á nañgasot iti espada  
daydi cabusor á inabacna  
quet iso met la ti pinangpotolna qña.

Daguidi Filisteos met ditan  
idi maquitada á natay daydi cainglan dan

dagos amin piman á nagtataraydan,  
dagdi mt Israelitas quinamatda idan  
á pinapatay qñ pinotpotolan.

Qt idi nagsubli dagdi Israelitas  
di naguinan dagdi Filisteos idi tay-ac  
sinamsamda amin á inda nasarac  
gameñg, igam qñ pirpirac  
qt napalalo cadacuada ti ragsac.

Idi nalpas amin daguitan  
nagsubli dagdi Israelitas iti pagarian  
qt no ti rambacda napalaloan  
ta nagbal-ligui da ñgañ piman  
idi naiñget á pagbabacalan.

Ni Saul ta idin nalipatan na  
ni David ta sabalin ti laña na  
sinalsaludsodna á nalañg qña  
no asino qñ tagaano á dagá  
qt ni David imbagána ti ama na.

Ni principe Jonatas metten  
nalaos daydi ayat na qñ Daviden  
qt sipod idin inda naggayyon  
ñgm nalagda saan á castaesta lñg  
daydi panagpagayam da á tuladen.

Cona ti napateg á Escritura  
á ti irot ti panagpagayam da  
cas nagtipon qt nagbalin á maymaysa  
dagdi dua ñga cararua da  
da Jonatas qñ David á nañgina.

Inted pay ni Jonatas qñ David  
daydi tunica na ñga napateg  
sabali pay dagti dadduma á caoes  
agraman espada, pana qñ bariques  
oenno pagbitinan ti espada á maisab-it. . . . (1)

#### GURA NI SAUL QUEN DAVID.

Daydi á panañgabac ni David  
cadaguidi Filisteos á naulpit  
pinataodna laeng á pilit  
ti ragsac daydi ili á nailiclic  
iti pannacairurumen á nasulit.

(1)—Tahali, cingulo militar.

Amin daguidi paglabasanda  
nga ilili dagniti Israelita  
imparangda ti ayat quen ragsacda  
quet dagli babba-i ti nangnangrona  
á nañgipaduyacyac naidumduma.

Iti ragsac da nga napalaloan  
cadaguiti cancanta inda binuyugan  
qt ipucpuccaoda nga ululitan  
á ni Saul sañgaribo ti inna inuloyan  
ngm ni David sañgapolo ribo ti pinataynan.

Ti casdi á inoaroarnacda,  
nupay di malibac á pudno da  
nacaitedda quen Saul iti apal na  
qt daytoy pinataodna ti gura na  
quen David á inguet gasatna.

Inatap pay ni Saul á dagti tattao  
no ni David inda caay-ayo  
mabalin unay á salisalanna iti trono,  
quet tapno aoan qña mangriro  
cayatna no mapucan ni David nga agpayso.

Daytoy gura ni Saul pinanecnecan  
ti saanna laengen á pinangtungpal  
iti daydi cari na á naiparañarang  
á ti mañgabay qñ Goliat iti dañgadang  
iso ti mañgasaoa qñ Merob á nasgang.

Iniccanna ni David iti soldados na  
á sañgaribo daydi dagup da  
tapno madadaan ida nga aruatenna  
no adda bacal á papananna  
cadagdi naruay á cabusor da.

Quet idinto ta ni Micol cayatna  
ti maquiasaoa quen David pinaconá  
ni Saul á dina cayat ti sab-óng á daduma  
no di sañgagasot á olo ti Filisteos á patayenna  
tapno maisarac la ni David iti pagpeggadanna.

Daydi cayat ti ari naricot,  
ngem ni David á nacatimod  
inna la piman inannugot  
tapno panañgasaoana ti magun-ód  
qñ princesa Micol á nalibnos.

Agpayso napan ni David iti gubat  
quet impalubos ti Dios á nañgabay  
gapona nga idi ari inna indatag.

ti naoadoad á inna pangragpat  
iti inna daydi princesa á nadayag.

Nupay sañgagasot la á Filisteos  
dagdi sapulen ti ari, á cas sagot,  
imparang ni David ti dua gasot,  
qt agpayso, ni Saul saan á nagricot,  
pannaquiasaoa ni Micol ti inna intuloc.

Ngem daydi á panañgipalubosna  
á ni David maquiasaoa iti princesa,  
panggapoan ni Saul á mañgidiaya  
iti nalacá coma á panangpatayda  
itoy tarigagayanna á mapucacó comá.

Ngem, nupay casano ti bileg  
pagdi panañgirubo, panañgidadanes  
ni Saul quen naemma á David,  
daytoy naisalsalacan la á nailiclic  
ta ni Apo Dios qña ti nanaroidoid.

Daguidi Filisteos imbuañgayda manen  
ti pannaquigubat cadagti Israelitas'en  
qt ni ari Saul dita manen nagbilin  
á dagti paluño ti soldados padapada da amin  
á dagti iturayanda inda cuyoguen.

Ni David dita naimatañgan  
á iti bayat dagdi pannaquidañgadang  
iso ti adadda á nangparucman  
cadaguiti cabusor ti pagarian  
gapona ñga idin nagdamandamagan.

Iti casta adadda man ñgaroden  
daydi nacaro á danag qñ buteng  
ni ari Saul qñ naanos á David'en,  
gura na met qña daydi rumañgen  
ta pannacasalioán na ti casna quitquitaen.

Gapona á ni Saul dina nailmeng ditan  
ti panañgibagá na cadagdi inna pagtalcan  
ti inda la comá unay panañgipamuspuhan  
iti pannacatay lñg á di agcurang  
ni David tapno aoan inna pagdanagan.

Ngem ni principe Jonatas á nasingpet  
ta nados ti panquipagayam na qñ David  
iti daytoy inquissiimna daydi panguep,  
sana binalacadan ñga aglemmeng met  
bayat panañgidaoatna iti ari á siuñget.

Agpayso, casta ti naaramid  
iti aoay pimmaing ni David,  
ni Jonatas idi met ari immasideg  
qt iti napacumbabá unay á timec  
quinonana ti nagdaoat á sigaganetguet:

Oh ama'e nga ari, á napateg,  
dimo cad ala rañggasan ni David  
ta aoan mt inna inaramid  
á uray la coma no bassit á daques  
á pañgdusaam coma qña iti naiñget.

Naidaclan unay, unay quetdi  
ti imbag á inaramidna iti ili  
ta pinapatayna daydi gigante,  
qt daytoy pagarian nagbal-ligui  
cadagti cabusor na á di mammamqui.

Daydi inaramidna á nacasdaaoan  
pudno mt unay naimatañgam  
qt ragsacmo daydi napalaloan  
ta inispalna daytoy pagarian  
iti nalabit pannacabuc na coman.

Bayat caadda na ti dinnam  
aoan inaramidna á nacadañgram,  
ñgm isó qt ti naimatañgan  
á naminano á nagpeggad ti biagnan  
qt adipen mo piman aoan curañg . . . . .

Idi mañgeg ni Saul daguita  
á linteg impalaoag ni Jonatas qña  
inammona unay á pudno da  
qt incari sinapataan na dita  
á ni David piman pacaoanenna.

Daytoy pammacaoan á naarian  
inyammo ni Jonatas qñ David, di natantan,  
qt daytoy naemma qñ nanacman  
nagsubli á nagtaeñg iti pagarian  
á cas man met la idi cagagaponan.

Saan á nabayag adda man gubaten  
cadagdi Filisteos á di agtuqueng  
qt ni David iso man mt laeñgen  
ti nañgabac, nañgparmequen  
cadagdi cabusor ti pagarianen.

Nupay casta, dumeccdec man metten  
daydi napait unay á samuyeñg  
qñ ari Saul nga adipnen

ti daques á panunot qñ paquinaquem  
qt pacailiolioagan na ti sapulen.

Uni ti arpa ñga casamitan  
daydi masapol á pañgiliolioagan  
qt ni David ti mañgaramid piman,  
ñgm ni Saul quinel-laetna á guinayañg  
qt no di coma nacalisi ni David nauloyan.

Daydi duros nailansa iti didiñg  
iti pigsa ni Saul á nañgigayañgen  
qt ni David dita timmarayen,  
ta no saan á nacalisi coma, natayen  
iti daydi mt la daques á rabi-in.

Pinasurot ni Saul á dagos  
cadagti guardias á soldados  
tapno teñglenda coma ñga ibalod  
ta iti cabigatanna papatayenda á di macalusolos  
tapno mapucaoen á inna carurod.

Ni Micol naammoanna ti casdi  
á sigpen ni ama na ñga ari  
gaponá imbagana qñ David á impapati:  
no dica pumanao ditoy ita ñga ari,  
inton agsapa, patayendaca á di macalisi.

Pinagoyaoyna á nagna idi taoa  
ni David tapno maitarayna ti biag na  
sa nañgala iti sinintao ñga maysa  
á binongonna iti lalat ti calding di olona  
sana incabil idi paguididdaan ni asaoa na.

Qt idi mapan dagdi guardias á mañgala  
quinona ni Micol cadacuada  
á ni David saanda ñga maala  
ta masaquit qt adda ñga aguididda  
qt dagdi nabaon ti ari casta't indanon da.

Ni Saul nagbaon man iti sabalin  
qt intedna cadacuada á bilin  
á ni David uray siidda inda alaen  
tapno di bumuroñg inda papatayen  
no iti saclañg ti ari maidateñg.

Dagdi nabaon idi macadanonda  
iti balay ni David á gagarada  
isona la á nasaracanda idi iddana  
ti sinintao oemmo bulto á cona  
á nabuñgon lalat ti calding di olona.

Gapona á ni Saul nagungtanna  
ni Micol ti casdi á inaramidna  
á panangrabrabac quen ama na  
ta binayanna á pimmanao balay da  
idinto ta cabusor na unay á cagura?

Simmungat ni Micol á sidadayao:  
oen, pudno binay-ac á pimmanao  
ta quinonana nga patayen nac á di masaa  
no diac palubosan ta silalagao  
qt nabatiac metten nga agam-amañgao.

Ni David ti ciudad pinanaoanna  
qt napan qñ Samuel sadi Ramatá,  
qt sinaritana amin itoy profeta  
dagti araramiden ni Saul qña  
sada nalcuyog á napan iti nagtaenganda.

Adda mt nacaidamag qñ Saul dita  
á ni David napan qñ Samuel Ramata  
gapona á ni Saul soldados ti binaonna  
á mapan mangtilio qñ David, conana  
qt dagdi nabaon sabali mt ti inaramid da.

Idinto ta inda masaracan  
dagti agdaydayao iti Dios á pagraeman  
dagdi nabaon naquitimpuyogda cadacuadan  
quet daydi ari dina mt nauray idan  
gapona á sabali man daguiti binilin nan.

Daguitoy apaman á inda nacagteng  
iti yan dagdi adda iti Dios agdaydayaoen  
timmuladda cadaguidi inda suroten  
daydi gagarada inda nalipatanen  
ta ni Apo Dios ngad ti aquinnaquem.

Nagbaon pay la ni Saul iti naminsan  
quet idinto ta inna naammoan  
á dagdi maicatlo casdi man ti aramiddan  
nacaunget unay quet ison ti napan  
iti yan da Samuel qñ David á imbagadan.

Nagturong idi impatuldoda qña  
quet idi ta dalan pay la ti yan na  
rinuguiannan ti nalcanta  
agdaydayaoen iti Dios á Namarsua  
á cas araramiden daguidi surotenna.

Quet idi macadanon iti yan  
daguidi agcarcararag á sinurotnan  
inucsobna daguiti caoes á naarian



nagrucbab mt á cas cadagdi dadduman  
sipod iti daydi á malem qt nagcabigatan.

Iso daytan ti nacaigapoanna  
daydi saó á natimod nagadioára  
nga ;ni Saul profeta met aya?  
ta piman naitimpuyog cadacuada  
ta inaramid ti Dios á nalipat idi gura na.

Inliclic ti Dios ni David iti peggad na  
á naminado pangtilioan ni Saul comá  
qt ni Jonatas di mt agsarlay á mañgibagá  
iti maipaay qñ David á pacailisian na  
ta naquem ti Lañgit á iso ti liolioa na.

Casta ti dacquel á panañgisagot  
ti Mannacabalin unay nga Apo tay á Dios  
cadaguiti tao á puso da't nadalos  
ta ni David nupay casdi á maituggod  
di bumales, ngm umadayo la nga sianos

Saan á nageurang ti oayaoaya na  
á mangpatay qñ Saul no cayatna comá  
ta iti daydi gucayab á naglemmeñgan da—(1)  
simrec ni Saul ta dina ammo nga adda tao qña  
qt idi nacaruar ni Saul ditan sinurotna.

Quinonana á siraraem: oh ari á nañgina  
;apayá á dica sumardeng á mangpassia  
itoy adipen mo nga aoan mt basol na?  
pacapnecam iti dalos ti puso na qca  
dina ca inanano dita gucayab á yanna.

Nabalinna coma itay á inuloyan  
á cas iti panangputedna ita capam  
itoy piñgirna nga ig-iggaman  
quet bigbiguem coma á imatañgan  
tapno maiccat amin á duaduam.

Panunotem ta imbagada caniac  
á oayaoayác daytay á nasayaat  
á panangbales coma ita ranggas  
ngem diac inannugatan ta diac cayat  
ti agaramid iti saan á naimbag.

Ti daques nga aramid  
gapoan daguiti naulpit  
qt ti puso nga nasam-it  
agaoaan na laeng ti mañgiliclic  
iti macapataod iti pait.

(1)—Iti langalang sadi Engaddi.

Ni Apo Dios á siquiquita  
iti puso ti tunggal maysa  
ammona unay ti casasaadda  
toy naquemco quen ta puso qca  
quet daytoy ti panunotem coma.

Iso cadata á dua ti macaammo  
quet sapay Qña nga agpayso  
ta ilisinac la coma nga yadayo  
iti ranggas dayta uñget mo  
itoy nababá nga adipen mo.

Iliclicna met coma dagtoy ima  
á mañgaramid daques quenca  
ta diac cayat ti mangdamca  
iti siasinoman á parsua  
aglalo quenca á nagcorona . . . .

Idi á simmardeng á nagsaó ni David  
ni ari Saul dita simmungbat met  
quet binuyogan na pay iti sangsañgit  
daydi panangbabaoi na iti gulib  
á impaayna iti puso á nasam-it.

Quinonana: oh David, diac agduadua  
iti dalos ta puso quen cararua  
ta aoan aramidmo agpapan ita  
no saan laeng á ti mañgipaquita  
iti quinaimbagmo á naparsua.

Pacapnecan iti dalos ta puso  
inyaoatnac qca itay ti Dios Apo  
tapno aramidem coma caniac ti cayatmo,  
ngem sica pinacaoanmo toy biagco  
ta ti agranggas dimo cayat á pudno.

Maipoon itoy inaramidmo caniac  
iti Dios Apo innac idaodaoat  
á gungunaanna cama ti imbag,  
yadayona coma iti amin á peggad  
qt manayonca mt coma nga agbiag.

Quet itan ta ammoc unayen  
á sicanto ti agari quen Israel  
sapataam coma iti Dios á daydayaoen  
á uray inton malpasac á matayen  
daguiti putputot co dimonto coma ida balse.

Daytoy á quiddao ni Saul qñ David  
inannugotan daytoy á di nagquitaquit,  
sinapataan, incarina iti naiñget

ti dinanto laeng panañgibales  
daguiti sagabaenna nga gulib.

Nagyaman ni Saul iti casta  
quet ditan nagsubli iti balayna,  
ngem ni David quen cacuyogna  
iti nataltalgued á disso napanda  
ta aoan cas la iti agannad conada.

Cadaguidi nga aldao di nabayaguen  
natay met piman ni Samuel'en  
quet amin dagdi taga-Israel  
sinangsañgitanda á impomponen  
sadi Ramatá á nagtaenganna met laeng.

Saan á nalipatan ti singpetna  
daytoy masirib unay á profeta  
quen daydi nalinteg á panagturay na  
cadaguidi nasuñgit á Israelita  
á nañgisursuro iti naglaiñganda.

Ni profeta Samuel ti nangbañgon  
iti naintar á panagtitipon  
daguiti profetas á mañgisongsong  
iti panagdaydayao iti Religion  
ti Dios á pudno á Namarsua itoy lubong.

Ni met David napan nagtaeng  
iti tayác sadi Faran á nalmeng  
qt sadi Maon, disso á napaing  
agbiag met unay á sitataliñgenñgen  
da Nabal qñ asaoa na nga Abigail.

Daguidi naruai á cucua da  
sadi Carmelo naitanapda,  
tal-lo ribo daguiti carnero da,  
sañgaribo pay ti calding na  
qt sabali pay daguiti dadduma.

Daydi baba-i nagpuniponan  
ti sayaat, singpet quen nacman  
quet daydi lalaqui napasurocan  
iti uyong qñ daques á cadaoyan  
qt ni Caleb ti inna nacaputotan.

Idi masapol ni David ti taraonda  
nagbaon qñ Nabal ti mañgibagá  
yata isoda ti nañgicalcaluya  
cadaguidi agranggas iti cucua na  
cas mabalinna á saludsoden cadagti ubbing na.

Ngm ni Nabal di pañgted uray ania  
ta quinonana á dina amammo ida  
qt dagdi binaon ni David nagsublida  
qt idinto ta daytoy naammuanna,  
mapan qñ Nabal, uppat á gasot ti tao na.

Idi nasibet dagdi binaon ni David  
maysa cadagdi ubbiñg ni Nabal met  
impadamagna qñ Abigail á nasiñgpet  
á daydi asaoa na saan la á nañgted  
iti taraon dagti tao á gangannaet.

Imbagana pay á dagdi padaoatan  
isoda ti nañgicalcaluya nañgisalacan  
cadaguidi agrañggas iti lañgalañg  
idi addada ñga agayayoan  
cadagdi ayep á di mabilang.

Nupay casta ti panañgigagada cadacami  
ni Nabal ñga asaoam di la namqui,  
ñgm sica panunotem coma ti maicari  
ta inton adda maararamid quetdi  
maipoon itay asaoam á di mañgñaasi.

Idi maaootan ni Abigail ti castan  
dinagosna ti nagrubuat á nañgipan  
iti taraon dagdi adda iti lañgalañg  
pinaonana dagdi nañguyog á ubbiñg nan  
qt simmurot cadacuada á di nagpanapan.

Qt idi ñga agsaracda qñ David  
dinsaag idi sacay na á nagal-al-leg  
ta dagdi taraon inna ida ited  
qt impalaoagna ti aoan á linteg  
ni asaoa na cadagdi á nañgiquedqued.

Nagyaman ni David iti ayat na,  
daydi baba-i á inguet sungdona  
á nacailisi iti pagdacsan ni asaoa na,  
nupay daytoy dina ammo ti inaramidna  
ni Abigail á manaquem, naemma.

Nagaoid ni Abigail idi balay dan  
qt napucaog dagdi danag nan,  
ñgm ni Nabal saan á nabayag idi cuan  
immapay mt qña ti pataynan  
iso á sinañgsañgitan mt ni asaoa nan.

Iti pannagna ti aldao naquiasaoa  
ni Abigail qñ David á nañgina  
ta maipalubos ñgarod idi onapa

á ti lalaqui saan la á maymaysa  
ti asaoaenna idi no cayatna.

Ti duñgño ni David qñ Abigail  
naidumduma iti dacquel  
ta ti siñgpet na á nataliñgenñgen  
iso daydi mamañgenñgen  
iti ayat ni asaoa na á natacneñg.

Ni mt Micol inted ni ama na  
qñ Falti, anac ni Lais sadi Galim á dagá  
gapo iti rurod ni Saul á nacana  
qñ David ta di napunas quencuana  
daydi naysamay á gura ti poso na.

Qt saan la á datdayta manen  
ti afamid ni Saul á panañgirurumen  
ta idi maasitganna ni Daviden  
cayatna coma man á tel-lañgenen  
ta no matiliona inna la papatayen.

Ngm idinto ta adda sadi Gaba-a  
da ari Saul ñga iti rabi-i aguinanada  
napan ni David qñ Abisai á caanacan na  
qt innalada ti pica di ari qñ vaso na  
ñga adda idi oloanan daydi iddana.

Nabalinda á pinatay coma idi  
daydi nagulib unay ñga ari  
ñgm ni David puso na't nasudi  
tinubeñgna á pumatay ni Abisai  
iti daydi pannacaoaya da á rabi-i.

Isona la ñga impaquita ni David  
ti dalos ti puso na qñ Saul á naulpit  
ta iti yanda idi macadayo't bassit  
ngpuccao á nañgriñg, naguic-icquis  
tapno iparañgna daydi vaso qñ pica á nasarumamit.

Idi macadayo iti yan  
dagdi matmaturog iti nargaan  
rini-ing ida ni David á pinuccionan  
ta impaquitanā cadacuada imparang  
daydi innalana á vaso quen gayáng.

Binabalaona daguidi lioay da  
á mangialicacá idi ari da  
aglalo ni Abner á generalda  
qt idi maammoan ni Saul ti casta  
nasdaao iti imbag ni David qña.

Quinona ni Saul: David, anac co,  
capnecac unay nga agpayso  
iti dalos dayta puso  
qt aluadanna ca ti Dios Apo  
iti bayat ti panagbiag mo.

Imbaga ni David quencuana  
á paalana daguidi cucua na  
ta daydi á disso panaoanna,  
qt ni met Saul quen cacuyogna  
nagaoiddan cadaguiti balbalay da.

Ni David immadayó ditan  
ta iti puso na conana piman  
addanto la panagquibaltang  
toy pannacallicic á masansan  
iti inda caniac panangtel-lang.

Anansa ngarod ta nalalaing  
no umadayoac á pumaing  
quet agpayso napan sadi Gerzin  
castamet á incuyogna amin  
daguidi tattao na á naruayen.

Di met nabayag nga aldaoen  
adda umapay á gubat manen  
cadagdi Filisteos á di sumardeng  
qt ni Saul inrubuatna metten  
daguidi soldados á pinañgenpañgen.

Ditan ti nacadanonan na  
ti aldaoen á pannacadusa  
ni ari Saul á nadamca  
ta cadagdi Filisteos á napigsa  
aoan laeñgen ti nabalinanna.

Itoy á gubat napucao amin  
dagdi buyot ni Saul á maiñgel  
quet iti nacaro pay unayen  
natayda met á nairamanen  
dagdi tal-lo nga annac na á ilalaen.

Quet idi ta aoan namnamanan  
á macalapsot pay cadagti cabusornan  
ta nagagara iti sugat iti pagbabacalan  
sa pay di macalusolos iti ima dan  
iso mt lñg pinapatayna ti bagui nan. (1)

Natay ni Saul iti daytan  
qt ni David idi inna naammoan

(1)—*Arripuit itaque Saul gladium, et irruiit super eum.*

ladiñgit na daydi napalaloan  
qt indaodaoatna ti pannacaisalacan  
ti cararua ni Saul á dacsagasatan.

Sinangsañgitan mt unay ni David  
ti ipapatay ni Jonatas, pagayam na á nasamit  
qt idi ta natimodna ti na-Diosan á talucatic  
napan sada Hebron á nagnaed  
agraman tattao na á umarioecoc.

Ni Abner idi ta ni Saul natayen  
immapay ti agum na á dacquel  
tapno ti cayatna la ti inna araramiden  
intanócna ñga agari iti Israel  
ni Isboset á di comá rumbeng.

Daytoy anac ni Saul naurayna  
ti pito á taoen á panagarina,  
ñgm saan á pinaiturayan qña  
daguidi Israelitas á dadduma  
ta nagmadi ti Tribú ni Judá.

Daguitoy capututan ni Judá  
sigod laeng á binigbigda  
á ti pudno ñga ari ti Israelita  
ni David saan qt á daduma  
cas naipatalgued cadacuada.

Quet idi maicapito á taoenen  
á ni Isboset iso daydi arin  
matmaturog daytoy á nagteng  
daguidi naranggas á di nagbuteng  
pinapatayda á di pinacacanen.

Pinutolda daydi olo ni Isboset  
qt sada impan quen ari David  
ta impatoda no inna cadacuada ited  
ti gunguna da á nangputed  
iti turay ti inna cadinnaeg.

Ngm ni nalaing ñga ari David  
ta pudno unay á nasingpet  
qt ammona ti nados á linteg  
dinusana iti nacaalalinguec  
daguitoy tao ñga pagulib.

Ta conana daques no mapalugodan  
daguiti agararamid iti nacasang  
ta isodanto ti pagtulantuladan  
daguiti tattao á nagamrang  
á mangted riri iti paguilian.

Iti ili no saan á iccaten  
daguiti nadangques qñ mañgirurumen,  
managlipot quen barengbareng  
aoanto ti di sidadanag laeng  
iti panagbiag á nataliñgenñgen.

Qt idi á natay ni Isboset'en  
amin dagdi Tribú ni Israel  
ibinigbigda amin á siraraem  
ti pudno cadacuada ñga ari'n  
á iso ni David á natacneng——(1)

Quet idinto ta castan  
ñnagaoaan á pinasingquedan  
ni David daydi pagarian  
cadaguiti cabusor inna oinalinan  
tapno aoan inda pagdanagan.

Pinalisina daguidi Jebuseos  
iti daydi bantay Sion á naricot  
tapno aoanda á mamagdocot  
iti naquem daguiti natacrot  
mo adda bacal á tumaod.

Dagtoy Jebuseos isoda ti caputotan  
ni Jebus ñga anac ni Canaán  
á cadagdi aldao ni Saul nabilegdan  
á casinnalisal iti guinaoan  
daguiti Israelitas á naruydan.

Quet idinto ta sisasaganan  
daguiti Israelitas á dumañgadang  
cadaguidi putputot ni Canaán  
ñracurac ni David tapno maammoan  
daguiti saó ñga pacabulibogan.

Iti asinoman á macaona  
ña macauli iti muralla  
ti ciudad á Sion á serquenda  
ñragpatna á general dagti tropa  
ti ejercito daguiti Israelita.

Agpayso daytoy á gasat  
naited á nasingsingdat  
quen caanacan na ñga Joab  
ta iso ti naiduma't siglat  
á macauli di laeng nagamác.

---

(1)—Tal-lo polo ti taoen ni David idi tumugao nga  
agari qt nagturay iti uppat á polo á taoen.



Ngem saan dita á nagingga  
ti pannaquibacal á nacana  
ta nupay bal-ligui ti naalada  
iti daydi Sion á inagaoda  
ado á rigat pay la ti sinagabada.

Idi calpasan ti panañgsoatna  
cadagdi embajadores á nadumaduma  
á naggapo cadagti pagarian á caarroba  
maipoon iti iraragpat ti ari ti Judá  
naruay á bacal ti sinañgona.

Dagdi Filisteos idi naammoan da  
á dagti pagpagarian á nadumaduma  
bigbiguendan ni David iti turayna  
insañgoda qña ti ejercito á napigsa  
qt sadi Rafaim á tay-ac nagsacnapda.

Iti aldao á sarunoen ti panañgirupirda  
iti daydi bacal á nacadidigra  
naricna ni David ti nalaos á oona  
nailaoanna á naisaó: jamañgan coma  
no inumec tay danum sadi Belen ita!

Daydi á tarigagay na dina impapan  
ñga adda panuacatungpalna piman  
ta iti mapan mañgala capilitan  
á lasatenna ti capepegadan  
á yan ti cabusor á caulpitan.

Ngem apaman á natimod  
dagti tal lo cadagdi soldados  
ti oao ti ari ñga nalaos  
dida immamac á pulos  
napanda nañgala piman á dagos

Qt idinto ta maisangpetda  
daydi danum inguet sam-itna  
nasdaao ni David iti ayatda  
ñga limmasat iti peggadda  
qt castoy piman daydi conana:

Iti daytoy napateg unay á danum  
saanac á maicari ñga uminum  
qt iti casta utañgeo ñga idaton  
qñ Apo Dios á namarsua ditoy luboñg  
ta iteppelco la daytoy oao con.

Bareñg iti pateg toy idatonco  
iti mannacabalin unay á Dios Apo  
adda coma bassit á magunodco

--160--

á pannacapacaoan dagti basbasol co  
ta nadagsen da sapay qt ado.

Agpayso idi bacal ti nairuguin  
nariona ti ejército ni Davidea  
ti tulong ti Dios á nabalengenngen  
qt dagti cabusor á singengenngen  
naparucmada nga nagbuteñg.

Naparmec dagti Filisteos  
nagpacumbaba dagti Sirios,  
Moabitas qñ Idumeos  
iti bileg qñ saguday á macapaquigtot  
ni ari David á saranayen ti Dios.

Aoan bacal á nacaabacanna  
daytoy igaga ti Dios iti pagdacsan na  
gapona á di nabayag á limmaoa  
dagdi nasacupan á dagdagá  
ni ari David á naidumduma.

Quet idinto ta nasimpa ti turaynan  
nga aoan casanon á pacaringgoran  
daguiti tattao iti pagarian  
napanunotna nga quinedngan  
daguiti nadumaduma á paglaingan.

Nangrona daguitoy á macapalaing  
iti pagturayanna á beddeng  
iti panangdutoena á ti Jerusalem  
iso ti napaypayso á pagtaefngan  
ti turay ti pagarian ni Israel.

Ti bantay quen alcazar á nabileg  
ti ciudad á Sion á napateg  
á managanen iti ciudad ni David,  
nainayon á naisilpo met  
iti Jerusalem á nañgayed.

Iti daytoy ciudad á nagan na  
naruay met daguiti pinabañgon na  
á balbalay namadaeg quencuana  
quet naibartay da iti iguidna  
daydi bantay á nacaldissoanna.

Itoy napateg á Jerusalem  
iso mt ti inna inqueddeñg  
á pacaipanan nga agtaeñg  
daydi Arca santa á daydayaoen  
á naigamit idi sadi Cariatjarin.

Maipoon itoy á panguep  
binilinna dagti Levitas qñ Sacerdotes  
tapno inda alaen á iyeg  
ti Arca santa á napateg  
qt napanda nga nagalaleg.

Ngm agsipod iti caadayona  
daydi pañgalaanda idi Arca  
inlugan qt pinaguyodda  
iti carro á nacaipacoan ti vaca  
qt daguitoy idi dalan nageculagtitda.

Daydi Arca santa nagpeggad  
á matuañg coma qñ matnag  
qt iti casta maysa cadagdi Levitas  
tineñgñgelna á siniñgsiñgdat  
qt natay ni Oza á quel laat.

Agsipod iti casta á naaramid  
immapay ti buteñg qñ David  
gapona á daydi Arca inda ingamit  
iti balay ni Obededon á Levita mt  
qt tal-lo á bulan na dita á nagnaed.

Bayat caadda daydi Arca santa  
iti balay á nacaigamitanna  
nagaramid ni David iti penitencia  
tapno ni Apo Dios ipalubosna  
nga sadi Jerusalem ipanda coma.

Dagti cucna ni Obededon metten  
rimmañg-ayda á timmaliñgeñgen  
ta maipoon iti panagtaeñg  
daydi Arca iti tal-lo á bulan lñg  
idi balayna á namayeñgmeñg.

Qt idinto ta ialisda daydi Arca  
binaclay dagdi Levita  
cas naibilin á pagraemda  
iti pateg daydi á saniata  
nga sadi Jerusalem ipanda.

Naruay, nadumaduma á ragsac  
dagti naaramid á ramrambac  
á pagdaydayao da idi sumuñgad  
qt ni ari David á nadayag  
ti nañgigul-lo cadaguidi Israelitas.

Cadaguidi nasam-it á canta  
dañggayan oenno padaeguenna

iti daydi nailaŋgitan á sagudayna  
nga maŋgtocar iti daydi arpa  
á buyoganna idi panaglaglagto na.



Daydi á gapuanan ni ari David  
iso ti nalaoag á maŋgipanecnec  
iti daydi puso na nga siseseggued  
nga agdaydayao cadaguiti napateg  
á saniata, nga ni Apo Dios ti nangted.

Dinaydayao daydi pagarian  
ti anep daydi ari á cadayagan  
cadaguiti aramid á nasantoan;  
ngm ni Micol inna impato piman  
á macalais iti ari á caŋgatoan.

Binabalaona nga inrabrabac  
quen ari David daytoy á balicas:  
oh! amaŋgan aya á nagsayaat  
ti pannacaammom á maŋgibatad  
iti panagraem mo iti na-Diosan á Majestad!

Ni ari David á nadalos ti puso na  
quinonana laeng quen asaoa na  
á ti dayao ti ari á nangrona  
iso ti panagraem qñ panagpacumbabá  
tapno tuladen met dagti macabuya.

Quet daguitoy nga aramid  
ni nasungdo nga ari David  
guinungguna ti Lañgit  
ti panagtaudto qña á nasingpet  
ti ururayen á Mesias á napateg.

Cadagti putputot na mt lumtuad  
daguiti naitalugadiñgan iti gasat  
ditoy dagá ta naruayda naoadoad  
dagti arari á nagbalbalañgat  
inggana iti itataod ti Mesias.

Napanunot dita ni ari David  
ti mamatacder simbaan á nadaeg  
á maicari comá idi Arca á napateg  
ngem ni Apo Dios inna tiniped  
daytoy nalaing unay á panguap.

Daytoy á simbaan naisagana  
á ni ari Salomon inguet siribna  
isonto ti mangbañgon quencuana  
no madanon ti aldaona  
á panagturay na iti pagarianna.

Naruay á bacal ti naaramid  
qt nupay nacaro da naliñget  
nagbal-ligui cadacuada ni David  
ta ti mannacabalin á Lañgit  
iso qña ti nanaclin, nanarioidoid.

Pinarmecna daguiti Filisteos,  
Moabitas quen dagti pay Sirios  
innalana dagti naruay á balitoc  
qn Adarezer nga anac ni Rohob  
ta aoan ti di qña timmuloc.

Imparangna mt ti imbag na  
cadagti putot ni Saul, cas incarina,  
qt agpayso ta ni Mifiboset imbilangna  
á cas maysa cadagdi annac na  
nga agtaeng iti palacio qñ calanglangna.

Ngem nupay casdi ti singpet  
ni naidamdamag á rey David  
pudno nga saan á malibac met  
á maysa nga tao á sicacoes  
iti nacaparsuaan á quinalap-it.

Iti naminsan nga aoan aramidna  
agtantan-ao iti rabao ti palacio na--(1)  
quet idi jardin ti toctoc ti balay á maysa  
agdigdigos á natamdagan na  
ni Betsabé á naiduma't pintasna.

Qt idinto ta utangna á inaoagan  
ti tulong comá á na-Diosan  
tapno mailiclic iti pagdacsan  
pinaalana quet á pinaayaban  
ni Betsabé á inna nagbasolan.

Ngem daydi basol á inaramidna  
binabaoi met la á binuyoganna  
iti naiñget á panagpenitencia,  
sinangsangitanna unay iti puso na  
nga inggana iti panagbiagna.

Daydi panagbabaoi na iti naiñget  
ni profeta Natan ti nangipalaguip  
ta inaoatna iti naasi á Langit  
ti maysa piman á talucatic  
tapno agbabaoi ni ari David.

Dinaoat ni profeta Natan  
iti daydi ari á catanócan  
á dengguenna coma imatañgan  
ti yasugna nga isaclang  
iti colcol nga adda madangran.

Quinona ni Natan qñ ari David:  
adda dua nga tao á nagsusic  
ta daytoy nasanicua rumabōgis  
iti cucua nga bassitusit  
daytay napanglao nga agsangsangit.

Quet iti ababá á pannarita.  
daytay bacnang á nasanicua  
itay nga adda dimteng á sangailina  
pinaalana tay carnero á maymaysa  
daytay napanglao qt iso ti impasidana.

Daytay napanglao á nacacaasi  
nupay agquitaquit nga agmadi  
daytay bacnang á puso na't di mamqui  
tay la cayatnan ti naipapati  
qt linteg tay napanglao ti napadisi.

[ (1)—Dagti balbalay dagti Israelitas cadaoyan á nasim-  
pa ti rabao da.

Idi matimod ni David ti casta  
immapay ti nalinteg á pungtot na  
quet iti nalaoag á saó quinonana:  
ti nagaramid casta á panañgirurumenna  
patay ti rumbeng á dusa na.

Idi casta ti inna insacang  
dagos á inal-laoat ni profeta Natan:  
daytay naranggas á patayna't quinedñgam  
sica met laeng ta ti gapoanam. . . . (1)  
ulpit quen gulib, dica pagduaduaan.

Agpayso inammo binigbig  
ni nasungdo ñga ari David  
daydi in quencuana impalaguip  
ni profeta Natan á nasingpet  
qt nagbabaoi unay iti naiñget.

Dinaoatna idi santo á profeta  
á tuloñganna unay comá  
á rumagpat iti Namarsua  
iti dacquel á panagpacaoanna  
cadagti agcacadagsen á basol na.

Panungpalanna, inna inannugotan  
daguiti dusa á quinedñgan  
ti Dios Apo á pagrucbaban  
ta uray asino á macautang  
agbayad iti inna pagrebbeñgan.

Daydi ubing á pinutotna  
quen Betsabé á nacailaoananna  
natay á dida naatipá  
nupay naruary ti inaramatda  
á pamuspusan iti pannacaagasna.

Dusa met á di duaduaen  
ni ari David daydi isasalunğasing  
ni principe Absalon á umágaoen  
iti panagturay á sitataliñgenñgen  
ni ama na ñga ari ti Israel.

Agsipod iti tured ni Absalon  
iti yan ni David dimmanon  
quet toy ari nupay di nagsimron  
pimmanao á napan nagturong  
iti bañgir ti Jordan á naalinoñganong.

Quet idi lumabas á magna  
agraman cadagd! quinacnyogna

(1)—Tu es ille vir, 2.º Reg. cap 12-v. 7.

iti abquir ti bantay á maysa  
nagsasaoan, inlunlunod dita  
ni Semei nga iturayanna.

Qt saan la á dayta ti inaramid  
daytoy Semei á nagulib  
ta inna pay quet naitured  
á inobobor ni ari David  
qt daytoy saan la á nagtimec.

Amin daguidi masagabana  
á rigat qñ gulib nadumaduma  
inibtor inaoatna laeng ida  
á ited ni Apo Dios á dusa  
daguiti naruay á basbasolna.

Cadaguidi quencuana mañgarit  
tapno aguni mt comá á bumales  
cona daytoy ari á nasingpet:  
daydiay á tao pusgan ti Lañgit  
á mangdusa caniac á nadangques.

Bayáño lñg tapno maipecsana  
ti demdemdemenna á gura  
bayándac met nga agsagaba  
iti itden caniac ti Dios á dusa  
ta caicariac piman ti casta.

Agpayso, gapo idi pacurang  
ni ari David á nagpenitencian  
maipoon iti basol na piman  
nagunódna mt la ti pammacaoan  
ni Apo Dios á pagrucaban.

Impalubos ti Dios á manangngaasi  
á turay na met la ti nagsubli  
ta ni Joab, general á nasudi  
nañgabac piman á nagbal-ligui  
iti ejercito ni Absalon á napadisi.

Daytoy principe á dacsangasat  
daydi nasayaat á bocc na naisalát  
iti saña ti cayo á nasalumpayac  
idi agtaray di caballona á nasiglat  
qt ditana á guinayang ni Joab.

Ni David idi naammoanna  
ti ipapatay daydi anac na  
nalaos unay ti ladiñgit na  
quet ti adadda á lineddaangna  
no di nacapagbabaoi iti basol na.



Idi adda met la á nagpulañgen  
ti turay quen pannacabalin  
ni ari David á naitalugading  
pinacaoanna la ida piman amin  
daguidi quencuana simmaluñgasing.

No maipapan qñ Semei quinonanan:  
ti Dios Apo innac pinacaoan,  
iti turay co innac met impulang  
calinteganna mt á pacaoanec idan  
dagti nagranggap caniac piman.

Saan á nabayaguen nalaguipna  
á maammoan daguiti iturayanna  
gaponá á pinabilangna qñ Joab ida  
qt nasuroc á siam á gasot dagti sisasagana  
á maquidañgadang no adda paquibacalanda.

Idi mañgeña daydi bilañg  
naquem na daydi naragsacan  
qt impagarupna impapan  
ñga aoan ti cas quencuanan  
á mañgdaeg iti pagbabacalan.

Saanna idi á nalaguip  
á ti bal-ligni á nasalindeg  
ni lñg Apo Dios ti mañgted  
ta iso ñgarod á di malimed  
ti ari ti napaypayso á bileg.

Maipoon itoy á cuspag ti puso na  
inted ni Apo Dios ti nañget á dusa  
tapno dagti mannacabalin ditoy dagá  
agbuteñg qt paçaisislaadan da  
ti ipaay ti Lañgit cadacuada.

Binaon ti Dios ni profeta Gad  
á mapan qñ David mañgibatad:  
agsipod pagpanacquelmo dagti tropas  
dusaennaca ti Dios, di mababas,  
qt agpilica cadagtoy cunac:

Oenno agbisin dagti iturayam  
iti bayat pito á taoen agdadaraddan,  
oenno dagti cabusor mo inca ida itarayan  
iti lasod ti tal-lo ñga bulan,  
oenno adda añgol tal-lo ñga aldao itoy pagariam.

Binigbig inammo ni David ti basol na  
qt sipapacurañg nagbabaoianna  
castamet á inaoatna sipapacumbaba

ti cayat ti Dios á ited á dusa  
qt daydi aŋgol ti pinilina.

Agpayso á inda nauray  
ti aŋgol á napigsa unay  
ta innem á polo ribo dagti natay  
qt danag qñ nacaro á liday  
ti sinagaba ti reyno á nacaay-ay-ay.

Qt idi maquita ni David ti casta  
nagrucebab iti Dios qt dinaoatna:  
jsiac, Apo, ti nacabasol Quenca  
qt siac la coma mt ti madusa,  
qt daytoy pagarian caasiam coma!

Daydi napacurañg á daoatna  
á binuyogan ti nabulos á lulua  
dineñgñgeg ti Dios qt pinagsardeñgna  
daydi aŋgol á nacadidigra  
qt nagyaman iti aoan pada.

Imbaon manen ti Dios qña  
ni profeta Gad á mañgibagá  
ñga aramiden na ti maicanada  
á panagdaton ta maurayna  
ti nasam-it unay á talna.

Qt idi ta umasideg qñan  
ti ipapatay cas cadaoyan  
binigbigna unay á sipapacurañg  
dagti parabor á inna linac-am  
iti Dios Apo á nacautaŋgan.

Inammona ti dagsen da  
amin dagdi basbasolna  
qt iti naisnec á puso binabaoina  
tapno pacaoanen ti Dios ida  
qt maisalacan mt coma ti cararua na.

Cadagtoy á inna imparañg  
adda ñga intay pacapnecan  
dagti Salmos á casasam-itan  
á cancantaen iti simbaan  
sipod pay cadagti Levitas idi onanan.

Uray pay cadagtoy ñga aldao ita  
cancantaen mt á sipapacumbaba  
dagti sacerdotes ti Iglesia Catolica  
castamet á luloaluenda ida  
iti innaldaoaldao á rebbeñgda.

Ti natanóc á quinaari na  
á nagturay cadagti Israelita  
tinaoid mt ni anacna  
á ni Salomon á nagadioara  
ti sirib qñ quinabacnañgna.

Ni Salomon qña ti simmucat  
idi trono ti Israel á nadayag  
ta pinaibagá ti Dios qñ Gad  
qt iso ti inda inalagad  
tapno urnos la ti nacanatañ.

Agpayso aoan qt riri  
iti pannacaipatugao na ñga ari  
ni Salomon á nañgibinibí  
dagti saguday na á maicari  
idi taquem á inguet sudi.

Daytoy á pannacapilina  
sinacbayan unay ni ama na  
ta pinasapsapoanna ti olo na  
iti Oleo santo á nañgina,  
tanda ti ari á dutoquenda.

Idi saan pay á matay ni David  
tinipon na dagdi agcacapateg  
agraman nañgato á principes  
ta inna cadacuada ited  
dagti bilin á napateg:

Pinanguepco á patacderen  
ti balay unay á rumbeñg  
iti Dios Apo ñga daydayaoen  
qt nalpasco á inurnoñgen  
dagti masapol ñga aruaten  
tapno aoan coma ti tubeñg.

Ngm ti Dios á nadayag  
pinaibagana piman caniac  
á saan cano ñga siac  
ti mamatuloy itoy iganoat  
agsipod iti naquigubgubatac.

Daguiti dara á pinagparuepocco  
iti pagbabacalan ñga ado  
iso can ita ti lappedco  
á mañgbañgon iti templo  
á pagnaedan ti Dios Apo.

Ninto Salomon ti mañgbañgon iti dayta  
qt paquirdento mt pabilguenna  
iso qñ dagti putputot na  
no nasalucag ti panagtuñgpalna  
cadagti Bilin ti namarsua.

Anansata igunamgunamco  
ti panagtuñgpalmonto, anac co,  
cadagti Bilin ti Dios Apo  
qt iti amin á mabalinmo  
ipaaymonto á sisusungdo.

Saanmonto la ñga lipaten  
á ti Dios ammona amin  
ti adda iti puso qñ naquem  
qt aoan caniana ti mailemmeng  
á uray no panunot á bassit ñg.

Ti Dios no sapulemto  
masansanicua masaracmo,  
ñgm no lipatem qt dica ammo  
agnanayon á bay-anna canto  
ta dusam ñga aguindidiammo.

Ti panagtuñgpal á sisasalucag  
cadagti Bilinna á nadayag  
iso ti poon qñ mañgileggac  
cadaguiti napaypayso á gasat  
qñ dayao met ditoy á biag.

Inted mt ni David qñ anac na  
dagti balitoc qñ pirac á naruyda  
tapno ipaay qt aramidenna  
cadagti aruaten á maicanada  
iti santo á simbaan á bañgonenna.

Inyaoatna mt qñ Salomon dita  
ti nayuged á tuladenna  
cas intalucatic ti Dios, conana,  
itoy pusoc á nañgisuratanna  
qt surotenyo tapno tuloñganna ca.

Sana quinona cadagti tattao:  
naidaclan ti aramidenyoy  
ta ti pacaipaayanna ñga agpayso  
saan la á tao, ñgm Dios á pudno  
á namarsua qñ nacautañgantayo.

Tiniponco amin á rumbeñg  
balitoc, pirac, landoc qñ brancen,  
castamet dagti batbató ñga icapeten

agraman caycayo tapno aoan lng  
ti agcurañg á pacatactacanen.

Anansata dacay mt ita  
punoenyo ala dagta ima  
ti mabalinyo mt á ipaay coma  
á idaton yo á siayat Qña  
ta Dios nga aoan capadpadana.

Dagti principes qñ caaduan  
á tattao iti pagarian  
siayatda á mañgted piman  
iti mabalinda nga incaridan  
idi putarenda nga simbaan.

Gaponá á naragsacan ni David  
qt quinonana piman á intimec:  
daydayaoen unay ti Lañgit  
ta dagti inna iti tao inted  
ipaay á pagdayao tay met.

Qt sapay coma Qña nga Apo  
ta itaguinayonna coma cadacayo  
dayta ayat qñ pannacaammo  
nga agraem iti Dios á puño  
iso á mañgtedto iti gungunayo.

Itidem mt coma, ho Dios co,  
quen Salomon nga anac co  
ti nasuñgdo unay á puso  
tapno sisasalucag á mañgtuñgpalto  
cadagti amin á Bilinmo!

Qt idi ta maisaona ti castan  
ni ari David á pagdamandamagan,  
natayen á sitatalna piman  
quet ti cararua na napan  
idiay nagasat á Seno ni Abraham.

#### NI ARI SALOMON.

Idi ta ni ari David natayen  
simmuno qña iti turay met laeng  
ni Salomon á sitataliñgenñgen  
ti panagdayao na, panagraém  
iti Dios Apo á Mannacabalinamin.

Nasalucag unay ti panagtungpalna  
cadaguiti Bilin ti Dios á Namarsua  
cas inyunayunáy quencuana  
ni ari David nga ama na

idi asideguen ti ipapatay na.

Idi ta iti trono naisaad  
ni ari Salomon á nagasat  
ti immona nga dimmatag  
iso ni ina na nga naimbag  
quet siraraem qña á immaoat.

Timmacder idi naarian á tugao na  
á napan simmabat quen ina na  
quet sana impatugao idi abay na  
ta casta ti panañgisuro á itedna  
cadagti inanac nga adda pagsaadanda.

Quet iti naminsan á rabi-i matmaturog  
ni ari Salomon á natanóc  
nacari-ing piman á nacapuot  
quet nagparang qña ni Apo Dios  
iso nga castoy ti inna impatimod:

“Daoatem caniac ti cayatmo  
ta inanamaec unay á itdecto;”  
simmungbat ni Salomon: oh Dios co,  
pinagarim daytoy adipen mo  
idinto ta nalapit quen nanumo.

Maysa ac pay la nga ubing, (1)  
aoan ammoc quen padas pay laeng;  
anansata ¡inca coma caniac itden  
ti pannacaammoc iti linteg á suroten  
tapno ammoc á iturayan ti ilim!

¡Silaoam coma toy panunot  
tapno mapaglasinco á sidadalos  
ti daques á macaituggod  
quen ti met imbag á masurot  
tapno maicat caniac ti ricot!

Daydi á panagdaoat á sipapacurang  
ni ari Salomon á manacman  
naayatan ti Dios quet inna pinatgan  
ta quinonana nga sinungbatan  
cadaguitoy saó nga casasamitan:

Agsipod iti dayta ti dinaoatmo  
á saan á ti caatiddag coma ti biagmo,  
oenno sanicua coma nga ado  
quen panangparucmam iti cabusormo,  
aramidecto ti quiniddaomo.

---

(1)—Duapolo la ti taoen na idi agari,

Siayatac á mangted quenca  
iti puso á masirib quen naemma,  
ngem aoanto quenca ti macapada  
cadagdi tattao nga immonona  
castanto met cadagti inaodi ngem sica.

Itdecto met dagti dimo dinaoat,  
dayao á siddaoento ti macadamag  
aglalo dagti macapaliio macasirpat,  
qt aoanto mt ti macapadpad  
iti quinabacnañgmo iti cucua qñ pirac.

Qt no surotem dagti Bilinco  
qt siñgpet ni amam ti tulademto  
castamet qca nga ipaayconto  
ti manayon unay á biag mo  
ta gungunanto dayta tudio.

Ti sirib ni Salomon aoan pañgipadpadan  
ta aoan can ti dina lñg naammoan  
casasaad qñ saguday ti aniaman  
mulmula, ican, ayep qñ agay-ayam  
ta inted ti Dios á talungadingna piman.

Aoan nagari á nabacbacnañg ngm iti iso  
ta ti balitoc qñ pirac sadi Jerusalem idi cano  
naruary da nga cas cadagti batbató  
qt daguidi cucuana nga ado  
nagsiddaoan dagdi ar-ari qñ tattao.

Dipay nabayag panagtugao na  
daytoy ari Salomon á masarita  
simmaclang da quencuana  
dagti babba-i nga dua  
á maymaysa ti paguiananda.

Dagtoy babba-i nga dimmatag  
agsinsinda iti babassit nga annac  
qt daydi maysa inda nasarac  
á natayen iti maysa á bigat  
qt pagringoranda daydi sibibiag.

Siac ti aquinanac cona di maysa  
ta dayta natay iso ti anac dayta;  
daydi maysa castamet ti ipapilitna  
ngm daguitoy aoan sacsi da  
iti daytoy á pagringoranda.

Ti napanunot daydi ari  
ta aoan mt ngad macasacsi  
conana: no casta nalalaing quetdi

no dayta ubing á sibibiag mapisi  
tapno pagguduaanyo qt aoan riri.



Daydi pudno nga aquinanac  
iti daydi ubing piman á sibibiag  
idi pangeddeng ti ari ti inna naaoat  
quinonana: no casta, señor, agdaoatac  
á panagringor con ti baybay-ac.

Bay-ac la á itedyo quencuanan  
dayta ubiñg tapno di aglac-am  
iti pannacapisi na ñga quedñgam  
ta nacarcaronto ñga leddaañg  
ti sagabaec no matay á mapatuloyan.

Daydi met baba-i ñga saan á iso  
ti aquinanac idi sibibiag á pocn ti riro  
quinonana: naimbag, señor, ta napanunotmo  
tapno aoan qt ñgarod ti macaigapo  
iti panagringgormi itoy saclañgmo.

Daydi ari inguet siribna  
ammonan ti pudno ñga iná  
cadaguidi babba-i á dua  
quet dagos á inoayangna  
toy nalinteg á pangñgeddengna:

Dayta baba-i á mañgatipá  
iti pannacapisi ta maladaga



iso ti napaypayso nga ina na  
quet iti casta mayaoat qña  
ta iso ti adda calinteganna.

Daytoy datdatlag á panggeddeng  
ni ari Salomon á daydayaoen  
nairacurac á nagsidsiddaaoanen  
qt dagdi tattao inda nagbuteng  
itoy sirib na ti naitalugading.

Pacaquitaan toy iti siribna  
ni ari Salomon á naiduma  
á inted ni Apo Dios quencuana  
maimatañgan no casano da  
cadagtoy sumaridat ditoy ita:

Ti nacuneng á di pabalacadan  
cadagti mannacaammo qñ manacman  
aoan sabali á inna pagtungpalan  
no saan la nga pacairuboan  
ta cuspagna ti inna pacaigapoan.

Ti tumipon cadagti masirib  
agsiribto met á maipapilit  
ta ti cadinna inna maarit  
á tumulad quencuana met  
ti macapali io, carinnisiris.

Ti nadangques no ayayoenna ca  
pagdacsan ti pañgituroñganna qca,  
anansata adayoam ti castsa  
ta ti tumatayab maadayoanna  
ti silo nga panaoanna.

Ti nasalaoasao á dila  
nalabit á masaracanna  
ti peggad á pacatnaganna,  
ngem ti tao nga naemma  
adayonto á babalaoenda.

Cagura unay ni Apo Dios  
ti tao met á naulbod  
nangona no mañgituggod  
iti ilao-anna nga itapog  
iti pacadangranna á lab-og.

Ti masapulán á sidadalos  
uray no bassit á magunód  
nalalaingto á napapaot,  
ngem iti adado, naramramóc  
no sinaoran quen inulbod.

Ti mangnga asi iti nacaay-ay-ay  
caay-ayo ti Dios la unay  
isuratnanto iti libro pay  
tapno inton inna pannacaipaay  
gungunaannanto iti naruy.

No mamacanca iti mabisin  
qt no iti mt maoao painumem  
dinto bumurong inna qca itden  
ti panagbiag á nataliñgenñgen,  
gungunanto pay ti urayem.

Daguiti saó nga nasam-it  
parucmaenda ti uñget  
quet dagti naimbag nga aramid  
pagayatan unay ti Lañgit  
quet asi na qca ti inna ipaoit.

Naruy pay dagti agcacaimbag  
á inted ni Salomon á balacad  
á saanco ditoy á ilanad,  
ngem iti innac itay insurat  
pacaquitaan sirib na á di malibac.

Gapo iti saguday na á nagsiddaaoan  
guinagarada qña ti timmalantan  
dagdi arari iti sabali á pagarian  
quet cadaguitoy maibilang  
ni reina Sabá á pagdamandamagan.

Daytoy napintas qñ masirib mt á reyna  
idi á napali-io quen naimatañganna  
daguiti sirib quen sanicua  
ni ari Salomon á guinagarana  
dina naturayan ti di nageona:

Cas diac patpatien idi cua  
ti sirib qñ sanicuam á indamagda,  
ngem itan ta innac ida naquita  
nacurcurang pay ti panañgidaoda,  
ngem itoy pudno á casasaadda.

Ti casdi unay á naioarcarnac  
á talugading ni Salomon á nagasat  
ti ricna na di met la naiguidiat  
cadaguiti dadduma nga sibibiag  
cas inna met laeng imbatad.

Gapona no aoan idi ti talaanna  
mapan idi aoay á yan ti balayna  
quet dita ti pagconconaanna:

amin, amin nga adda ditoy dagá  
pasindayag, ubbao amin oenno asuc da. (1)

PANNACABANGON DAYDI SIMBAAN TI  
JERUSALEM.

Qt idi maicapat á taoenna  
á naipatugao iti pagarian na  
ni ari Salomon á narañgá  
iso daydi panangbañgonna  
iti Simbaan á naidumduma.

Daytoy masasaó á simbaan  
naicari á ditoy lubong pagsiddaaoan  
ta naicapet qña ti capapatgan  
cayo, bato, landoc á casasayaatan  
nga adda idi á natungpuñgan.

Iti uneg di templo nacalopcopan  
iti balitoc á casusudian  
quet daguiti aruaten á gamigam  
sileng ti pirac á pacapuraran  
ti adda cadacuada á maimatañgan.

Ti ruar daydi á simbaan  
naibutac á pañgidaydayaoan  
dagti jaspes á capipintasan  
quet no ti ababa á panaritaan  
aoan templo á casdi ti pategnan.  
• Idi bañgonen oenno putarenda  
daytoy simbaan á masarsarita  
aoan tanupec á nañgeg dita  
ta amin á maycapet narucodda  
qt curangna la ti pannacaysimpada

Pito á taoen ti bayag na  
ti pannacaaramid inggat pannacalpasna  
daytoy simbaan á nañgina  
ta naipaay amin quencuana  
ti nataraqui á pannacabañgonna.

Quet idi nalpasen nga aoan curang  
iso daydi panañgyalisda iti Arca'n  
quet no ti rambac napalaloan  
ta nagragsac daydi pagarian  
iti casdi á naurayda piman.

(1)—Vanitas vanitatum, et omnia vanitas.

Amin daguidi agcacapateg  
agraman agcacatanóc á principes  
yaman daydi inda inted  
quen ari Salomon á masirib  
ta daydi simbaanen naaramid.

Di met mabilang ti caado  
daguidi naidaton idi templo  
ta ammo unay daguidi tattao  
á iso ti napateg unay á disso  
á pagcararagan iti Dios Apo.

Quet idi á inda maiserrec  
daydi Arca santa á napateg  
idi simbaan á nañgayed  
maysa ñga nacascasdaao á ulep  
ti naquita dita á nanglañgep.

Daydi sancta sanctorum á ñona  
oenno yan ti tabernaculo á nañgina  
nacumotan iti pudno á tanda  
iti panagragsac ti Lañgit á nacabuya  
iti raem dagdi tattao iti Dios da.

Ni ari Salomon á naitalugadñing  
inguidatona dita ti nagparintumeng  
quet iti Dios Apo á daydayaoen  
quinonana piman á siraraem  
daguitoy sumaridat á denguen:

¡Oh! Dios Apo ni Israel,  
aoan Quenca ti umasping  
sadi lañgit man quen amin  
á disso ti dagá quen yuyeng  
ta Namarsua ca á Mannacabalinamin!

No dagti lañgit dida ca malaon  
¡casanonto quet toy inaramidcon?  
agpayso ñga innac la binañgon  
tapno dagti umay qña dumanon  
cararag da ti inda Qca idaton.

¡Inanamaec á denguemto  
ti agcararag á macapudno  
nangrona daguiti tattao  
á sumurot á situtudio  
cadagti na-Diosan á Bilin mo!

Idi nalpas ni Salomon ti cararag na  
ti apoy sadi lañgit bimmabá  
á nañguram cadaguidi indatonda

ta iso ti pacapnecan á ti Dios dinengñegna  
ti ararao daguiti nagdaton Quencuana.

Iso daydi guiniddan dagdi Israelitas  
ti nagpacleb iti dagá á nagrucbab  
quet sipapasnecda á nagcararag  
iti Dios á poon ti imbag  
tapno tacunaynayenna ida á di agressat.

Quet idi nelpas amin daguita  
maysa qñ maysa nagaoid balayna  
quet sipuponno iti ragsac ti puso da  
ta nalaoag unay inda pannacaquita  
iti caasi ti Dios cadacuada.

Nagparañg manen ti Dios Apo  
qñ Salomon, ari á nasuñgdo  
qt quinonana: natimodco ti cararagmo  
pagasatec mt toy simbaan á binañgonmo  
castamet dagti umay qña aglualo.

Daguita unay ti pacapnecan  
iti pateg daydi ñga Simbaan,  
ñgm napatpateg pay mt la ti yan  
ti Bagui qñ Dara á naDiosan  
ni Apo tay á JesuCristo á Nañgisalacan.

Gapona ñga utañg tay ti siraraem  
iti saclañg ni JesuCristo á daydayaoen  
cadagti simbaan tay á sitataeñg  
iti sidoñg á sitataliñgenñgen  
ti Iglesia Catolica á natacneñg.

Ni ari Salomon binañgonna met  
ti palacio na á naiduma't daég  
qt daydi trono na á napateg  
nacalopcepan iti marfil á nañgayed  
qñ balitoc pay ñga aoan umarñged.

Naiparabao iti innem á taconda  
qt cadagtoy mt naidissoda  
dagti sinin-leon á sañgapolo qt dua  
qt dagtoy balitocda amin á carammaysa  
á macapurar cadagti macaquita.

Balitoc mt dagti loñgloñgan  
ñga aruatenna iti pañganan  
vaso, cubiertos qñ pingan  
castamet dagti lamisaan  
á inda lñg paguidisdissoan.

Naruay á ciudades ti pinutarna  
á pamadaegna iti pagarian na  
qt no daydi Jerusalem á taēnga  
napasayaat iti aoan capadpadna  
castamet á pinabilegna't naiduma.

Ti sacop daydi turay na  
dimmanon Egipto qñ iti India  
nadumaduma mt á dagdagá  
ti paggapoan dagti saniata  
á paipan dagti principes qña.

Ngm daydi á quinabacnañg  
sirib qñ gasat na á nagsiddaaoan  
nagbanagda nga aoan inda capapaayan  
ta idi á limapolo ti taoen nan  
puso qñ naquem na't nacul-laapan.

Dagdi ado nga nasaracna  
á baba-i nacaal-al-lilaoanna  
isoda ti nañgdadael quencuana  
ta indulidolda á surotenna  
ti religion ti tuñggal maysa.

Daydi siribna á nagsaoay  
qñ naidaclan á quinatoray  
saanda lng á nacagaoay  
á simmurot iti pammati á ururay  
dagdi babba-i á naruay.

Idinto ta naisaguday idi  
iti siñgpet á mañgnibinibi  
naquemna piman ti nagbal-locati  
ta binay-anna ti nadalos á pammati  
iti pudno á Dios á Manañgngaasi.

Innem á polo ti taoen na  
ni Salomon idi dimteñg ti patayna  
ta uppat á polo daydi panagarina  
qt sadi Jerusalem ti nacaitabonanna  
iti dinna mt la piman ni ama na.

Iti Sagrada á Surat saan á mabasa  
no adino ti nagtuñgpalan ti cararua na,  
castamet á di nailanad ti panagbabaoina  
cadaguidi basbasol á gapoananna,  
di na mt pinaracrac dagdi didiosen da.

Daytoy á naaramid qñ Salomon  
pagan-annadan ti tao ditoy luboñg,  
pilien ti naimbag á catiptipon

tapno di matnag tao á maiduron  
iti maisupadi iti Catolica á Religion.

### PANNACABINGLAY TI PAGARIAN.

Idi nacabasol ni Salomon'en  
binabalao ti Dios metten  
quinonana á inqueddeng:  
ti panagturay itoy pagarianen  
innacto iti anacmo iccaten.

Maysanto cadagti iturayam  
ti pangyaoatac itoy pagarian  
qt duduan to á tribu ti matdan  
á iturayanto ni anacmo á Roboan  
ta ni David ti innac pañgigapoan.

Agpayso naaramid á casta:  
dagdi putputot ni Abraham nagsisinada  
ta daguidi caadoan cadacuada  
ni Jeroboan ti ari á bigbiguenda  
qt ni mt Roboan dagdi dadduma.

Ti naipapilit á nacaigapoan  
ti isisina da qñ ari Roboan  
daydi saanna á panañgipangag piman  
iti yasog dagdi cacailian  
á inda coma pacapalaganan.

Quinona dagdi nagasog qña:  
nadagsen cadacam ti inaramidna  
ni amam ta ado dagdi siñgirena  
á bayadanmi á impapilitna  
qt nagbalin cam ñga adipenna.

Quet itan napanunotmi  
ti dumaot panangñgaasi  
tapno baoasam coma cadacami  
ti bayadan á taguidagsenen mi  
tapno ita turaymo agtalinaedcami.

Ni ari Roboan sinungbatanna ida  
ñga iti maicatlo ñga aldao agsublida  
tapno quitaen quen panunotenna  
iti maipaay ñga aramidenna  
ti daydi panguep á daoatenda.

Agpayso nagsaludsod, immuman  
cadagdi panglacayen á capinnatigmaan  
ni Salomon idi iti pagarian

qt imbalacadla á sinanacman  
ti rumbeng quen casayaatan.

Quinonada qñ Roboan nga ari da:  
no denguem dagti inyasogda qca  
qt nalaing mt ti pannaquisom cadacuada  
naimbag danto met inggana't inggana,  
agnanayonto pay nga adipenmo ida.

Daguitoy nalaing á balacad  
inonsi ida nga di impangag  
ni ari Roboan á timmulad  
cadagti puso da ti di naimbag  
á nalablabit unay á masarac.

Ni Roboan naquiuman met dita  
cadagdi agtutubo aocan pay padas da  
quet daguitoy imbalacadla  
á dina annugoten ti daoaten ti ili qña  
ta dacdaquesto ti mapapagna.

No itedmo ti daoatenda ita  
mapanamnamanto ti puso da  
quet into manen no madamdama  
sabalinto á quita ti ibagáda  
qt pagtungpalanna, acanto't matda qca.

Ti quet naimbag nga aramidem  
nalaing unay coma no tubngem  
dayta inda ita napaquinaquem  
ta dida ca quet balinbalinen  
á maysa nga ari á tuggareng.

Conam cadagta agdaodaoat qca:  
no taguidagsenen yo ti imbaga ni ama  
ti cayatco cadacayo pay adadda,  
naingiñgetto met daguiti dusa  
á innacto cadacay ipasagaba.

Idi ta maicatlo nga aldaoen  
dagdi tattao inda nagsublin  
iti saclang ti ari tapno inda ammoen  
no ania cadacuada ti maiqueddeng  
iti daydi imbagadan á daoaten.

Ni ari Roboan insungbatna  
daydi imbalacad quencuana  
daguidi ubbing á capatadna  
nga isonai la nga ammoen  
ti agragragsac quen di agtalna.



Idi casta ti mañgeg dagdi tattao  
nagaoidda't balbalay da ñga agpayso  
quet sada quinona ti nagsasaó:  
no ni Roboan di mañgicancanó  
saantay met á pagananó.

Nagtutulagda met ditan  
á paglicodanda ni Roboan,  
qt quinaycayatda ti pimmanapan  
iti turay met ni Jeroboan  
á ubing ni Salomon idi cua piman.

Iti turay ni ari Roboan'en  
isona la dita á nabatin  
ti Tribú ni Judá qñ Benjamin  
ta dagdi sañgapolo timmiponen  
quen Jeroboan met ñga arin.

Sipodna dita á nabinglayen  
daydi pagarian á Israel  
quet ti nagan da á pamigbiganen  
pagarian á Judá daydi basbassiten,  
qt daydi maysa pagarian ni Israel mt lñg

Daydi pagarian á Judá  
Jerusalem ti paluñgo na  
qt daydi pagarian ni Israel á cona  
pinilida met á olo na  
daydi ciudad á Samaria.

Daytoy á panagsisina  
daguidi daan á Israelita  
di nabayag naricnada  
ti daques á pinataodna  
ti casdi á inaramidda.

Ni Jeroboan napanunotna  
á daguidi ñga iturayanna  
no sadi Jerusalem ta mapanda  
ñga in agcararag idi simbaanda  
nalabit á iti turay ni Roboan agsublida.

Gapona nagpaaramid ñga agpayso  
iti dua. ñga "becerro de oro"  
tapno adda pagcararagan dagti tattao  
quet tapno dida macaadayo  
iniccanna ida iti dua cadisso.

Iti disso á Betel ti inna nañgisaadan  
iti maysa á inda pagcararagan  
daguiti adda iti abagatan

quet iti deppaar ti amianan  
insaadna met sadi Dan.

Quinonana cadaguiti tattao:  
addaguita da á quitaenyo  
daguiti dioses á cararaganyo  
ta isoda ti nañgala cadacayo  
idi nacaadipnanyo nga Egipto.

Anansata saan á masapulen  
á mapancay sadi Jerusalem  
tapno dicay mabambannoguen  
yata pada na met laeng  
no agcararagcay la ditoyen.

Casta ti pananggargarina  
cadaguidi táo á sinulisogna  
nga agaramid iti idolatria . . . (1)  
ta daguidi becerro cararaganda  
á cas la Dios á pudno da.

Daguidi met tattao pinatida  
ti imbaga ni Jeroboan cadacuada  
ta impagaropdan paglainganda  
daydi panañgilood panañgicaoa  
daydi naagum dayao qñ sanicua.

Ni Roboan dina met naanusan  
ti casdi á isisinada quencuanan  
daguidi Tribus á caadoan  
gapona á gubat ti inna intuyang  
quen cainnagaona á Jeroboan.

Daytoy Jeroboan á nañgicaoa  
cadagti Israelitas á namati qña  
linacamna met ti dacquel á dusa  
á impaay qña ti Namarsua  
á supapac ti damsac na.

Binaon ti Dios quencuana  
ti maysa met á profeta  
á mangbabalao iti aramidna  
qt sana impadles á ti reyno á Juda  
tumaodto ni Josias á dayao na.

Ni met Roboan idi natayen  
impomponda sadi Jerusalem  
quet iti turay na simmono manen

(1)—Idolatria iso ti panagdaydayaoen iti aniaman á  
cas iti panagdayao iti pudno á Dios.

ni Abiam nga anac na mt laeng  
sa ni Asa, Josapat qñ dadduma payen.

Dagtoy nagarari iti Judá  
natnagda mt iti Idolatria  
qt daydi ili maisungsongda  
nga agaramid mt iti cagura  
ti Dios Apo nga Namarsua.

Nupay casta pasaray mt lñg  
adda ibaon ti Dios á mañgiriing  
iti utangda unay nga aramiden  
á panagbabaoi da, cas rumbeng  
cadaguidi gapoanan da á barengbareng.

Daguidi mamagbagá cadacuada  
iso daguidi nagasat á profeta  
qt cadagdi tattao panecnecanda  
iti nacascasdaao nga aramidenda  
á pudno á imbaon ti Dios ida.

#### PROFETA ELIAS.

Maysa cadagdi á profetas  
iso ni nasingpet á Elias  
á napan qñ ari Acab  
ta inna quencuana imbatad  
ti dusa nga nacaamamac.

Daytoy ari Acab á masarita  
iso ti naiduma iti ranggas na  
naruay pay dagdi pinapatayna  
nga sacerdotes quen Levita  
á ministros ti namarsua.

Quinona ni Elias quencuana  
nga maipoon iti daoelna  
di bumurong ti pannacadusana  
iti mabayag nga aoan maurayda  
á todo qñ linnaao tapno maticagda.

Daguitoy dusa nga imbatad  
ni nasingpet á profeta Elias  
quinagura unay ni ari Acab  
gapona nga idin inna insicat  
á biagna daydi inna paiccat.

Agsipod iti casta imbisic ti Dios  
qñ profeta Elias á naanos

á lisianna daydi panangituggod  
qt mapan pumacni pay la ngarod  
sadi Carít tapno dida masurot.

Nagtungpal daydi santo á profeta  
qt bayat panagtaengna dita  
Oác ti baonen ti Dios qña  
á mangipan iti taraonna,  
tinapay qñ carne patinayon nga agsapa.

Quet idi nabayag bassit ditan  
nagmagá daydi inna pagalalaan  
iti danum á inumenna piman  
qt ni Apo Dios binaonna á napan  
sadi Sarepta, ciudad ti Sidon daytan.

Idi macadanon daydi profeta  
cadaguiti ruanñan ti Sarepta  
nasaracanna ti baba-i á maysa  
nga iti pagtuñgó agalala  
quet ni Elias naquicaasi quencuana.

Dimmaoat tinapay qñ danum á bassit  
tapno adda comá inna pamedped  
idi bisin qñ oao na á manegdeg  
simmungbat di baba-i: aoan maited  
ta balbalo quen napanglao met.

Isona la nga adda idiy balay na  
ti bassit nga aceite qñ harina  
iso nga aramidenna nga torta  
á taraonda nga dua idi anac na  
qt iso ti mabalin á pañgibiñgayanna.

Quinona manen daydi profeta:  
agaoidcan ta aramidem ta adda  
tapno canec sacanto mañgala  
iti aramidemto manen á maysa  
ta adda umanay á dua.

Castamet nga inanamaem  
á iti bayat toy gaoat qñ bisin  
dicanto maaoanan iti aramidem  
á taraon yo itay ubing  
ta ni Apo Dios ti aquinnaquem.

Daydi baba-i nagtungpal iti imbagá  
ni Elias nasingpet á profeta  
quet daytoy amin mt á sinaóna  
naaramid nga aoan curangna,  
daydi á balay saan á naaoanan taraonna.

Qt idinto ta nabayag bassiten  
nadanon ti ipapatay daydi ubing  
quet ni Elias nagdaoat á siraraém  
iti caasi ti Dios tapno inna itden  
á ti cararua daydi natay agsubli pay lñg. (1)

Agpayso natungpal á casta  
ta daydi ubing naguñgar dita  
quet nalaos ti yaman qñ ragsac na  
daydi silaladingit unay á ina na  
namati unay ti pateg daydi profeta.

Iti daytoy á panaguñgar maaot unay  
á ti cararua ti tao saan á matay,  
ñgem agnanayon qña á sisasamay  
daguiti tooc oenno nam-ay  
á cadagti gapoananna maipaay.

Idi pumanao ni profeta Elias  
sadi Sarepta ñga ciudad  
napan iti saclang ni ari Acab  
ta binilin ti Dios á dimmupag  
á in quencuana dimmatag.

Daytoy ari á nadamca  
nalaos unay ti danagna  
iti daydi bisin á masagaba  
pinasapsapolna daytoy profeta  
tapno iti rigat ilisina coma.

Gapona ñga idi inna masirpat  
ni nasingpet á profeta Elias  
imparupana qña ñga insuñgad  
á daydi napalalo á bisin qñ rigat  
naipoon iti ipapanao na á nasingdat.

Simmungbat daydi profeta:  
saan á slac ti adda basol na  
iti rigat toy pagarian á nacana  
no di met la quet sica  
ta ti Dios inca pinagura.

Ti pudno á Dios binayám  
quet ni Baal ti quinararagam  
ta naquem yo ti nacul-laapan  
quet iti pay nacalcaldaang  
naranodmo toy pagarian.

(1)—Lib. 3.º Reg. cap. 17. v. 21. 22.— Reversa est  
anima pueri intra eum, et revixit.

Nupay catsa no agbabaoicayo  
cadagti daques á gapoananyo  
mangngaasi pay mt la ti Dios Apo  
na agtitipon dagti tattao sadi Carmelo  
qt masapol met ti yaaymo.

Tapno itinto caaddam  
dagti maaramidto masacsiam  
icuyogmo met á di agcurang  
daguiti sacerdotes ni Baal  
ta nacascasdaaoto ti maciputan.

Tinungpal á sisasalucag  
ni ari Acab á sidadanag  
daguidi sinaó ni profeta Elias  
tapno sumardeng coman ti rigat  
á sagabaenda á di macalasag.

Qt idi addada amin ditan  
ni profeta Elias nagparang  
conana: ;caanonto ti incay panagpatinggan  
á cas cadagti dua ti inda pagpilayan  
á dida la sumorot iti maymaysan?

No Dios á napaypayso  
ti pagraeman nga Apo  
iso ngarod ti surotenyo,  
Bilbilinna ti tungpalenyo  
tapno aoan basbasol yo.

Ni Baal no patienyo met  
á dios á sipuponno iti bileg  
iso ngad ti surotenyo á sitatalgued  
ipamaysayo quencuaña ti agtaléc  
quet iti sabali dicay umasasideg.

Daydi ili saan á nacatimec  
iti casdi nga inna nañgeg  
ta ammona unay á linteg  
daydi imbagá á sitatalec  
ni profeta Elias á napateg.

Daytoy nasantoan á profeta  
dinupagna ti nagbitla:  
cadaguiti sacerdotes ti Dios á nañgina  
ta pinapatay pinucaoyo ida  
sisiac laengen ti natda.

Dagti profetas ni Baal ammoyo  
uppat á gasot da quet limapolo:  
ici dua á vaca mangtedcayo

ta pilienda ti inda caayayo  
quet ti dida cayat idatonconto.

Tunggal maysa innanto aoagan  
ti Dios na á pagcammatalcan  
ta itinto babaan ti apoy á mañguram  
iti daton na á maituyang  
Dios nanto ti pudno á pagcararagan.

Daydi ili nga adda dita  
sangcatunosda á nagcona:  
nasayaat á maaramid dayta  
tapno maiparañarang á mabuya  
ti napaypayso ti pagtalcan na.

Dagdi sacerdotes ni Baal inaramiddan  
ti altar á inda pagdatonan  
sada ingapo ditan nga ayaban  
ni Baal tapno inna pogram  
daydi daton da qña á sipapacurang.

Agsapa unay idi iruguida  
ti umaoaoag qñ Baal á diosda  
qt inggana idi init ti tumengnga  
aoan met la ti maurayda  
nga apoy á sadi lañgit bumabá.

Quinona cadacuada ni profeta Elias  
á pañguyong oenno pangrabrabac  
pigpigsanyo pay ala ti umaoag  
tapno matimodna cay á ipañgag  
into quet no matmaturog itoy á horas.

Agpayso ipigpigsada't panagpuccaoda,  
ñgem aoan met la ti maurayda;  
quet idi ta mumalemen dita  
ni Elias daydi ili inayabanna  
tapno umasidegda quencuana.

Binañgonna daydi altar  
á pañgidissoanna idi idatonnan  
qt dagdi tuñgó inna ida pinabocbocan  
iti ado á danum tapno mabbasadan  
qt narigat pay á sungued coman.

Quet idinto ta naiparabaona  
daguidi intedda á idatonna  
iti napigsa á timec inyecasna  
daydi nasgued á cararagna  
iti Apo tay á Dios quet quinonana;

Oh! Apo qñ Dios ni Abraham,  
Isaac quen Jacob á cagasatan,  
inca cad ala iparañarang  
á sica ti pudno á pagraeman  
qñ Mannacabalin nga aoan capadam!

Toy daoat co denguem cadi  
tapno patienna ca unay toy ili  
yata inaramidmo nga agbabaoi  
cadagti gapoanan na á di maicari  
ita dacquel nga ayatmo quen asi.

Idi castan bimmabá á naggapo't lañgit  
ti apoy á sidadarang sigagayebgueb  
nagdisso á nañguram idi nasamit  
á indaton ni Elias á nasingpet  
qt aoan natda uray coma no bassit.

Idi ta naquita ti ili daydi casta  
nagpaclebda á nagdaydayaoen sipapacumbaba  
iti napaypayso á Dios qñ Namarsua  
quet sangcatimpuyogda á nagcona  
á ti Dios ni Elias, pudno aoan capadpadna.

Daguidi á tattao ti ili ditan  
dinaropda dagdi sacerdotes ni Baal  
quet inda amin ida binugsotan  
quet aoan la ti nabona á nalabasan  
cadagdi uppat á gasot qt limapolo ti bilang.

Imbaga met ni profeta Elias  
nga agaoiden ni ari Acab  
tapno di mabbasa iti todo á tumaracatac  
ta idi nupay tañgatang ti nalzoag,  
apagbi it nagulep, danumen ti nagtinnag.

Daguiti bangcag quen amin á dagá  
á sacop daydi pagarian ti Israelita  
napnecda unay á nabbasa  
quet ni Acab idi macagteng balayda  
dagdi naaramid sinaritana qñ asaoa na.

Daytoy apaman á natimodna  
dagdi sinarita ni Acab quencuana  
ado nga naalás dagdi imblicasna  
inlunlunodna ni Elias quet incarina  
á dina inggaan, papapatayna.

Ngem daydi daques á gaguem  
toy baba-i á napnoan daoel  
saan á napatuloy met laeng



ta ni Elias immadayó metten  
qt dagdi agbiroc dida nasapulanen.

Cadagdi aldao á dipay nabayag  
daydi ipapanaona iti daydi á saad  
qt nauñgayanen iti bannog á di rabrabac  
nalaos daydi lidayna á nagdaoat  
á no cayat ti Dios uray di coman agbiag.

Ngem ni Apo Dios inguet asi na  
dinagosna met dita á liniolia  
quet binaonna ti Angel quencuana  
á nangtad iti taraonna  
qt sa nagtulong idi imbagana.

Uppat á polo nga aldao qñ rabi-na  
á naglasat sa nacadanon napananna  
daydi nagasat unay á profeta  
qt bayat dagta aoan naricnana  
á bisin quen bannog iti dalan na.

Daydi tinapay á inted quencuana  
ti nailaŋgitan nga Angel á maysa  
cayarigan ti tinapay iti Sagrada Eucaristia  
á quired dagti macapudno á cararua  
nga umaoat Qña cas maiñanada.

Quet idinto ta macagteng  
iti daydi bantay Oreb á naitalugading  
naguian iti gucayab á nalmeng  
qt casta inna pannacailisi laeng  
idi panagpasapol ni reina Jezabel.

Dita ti nagtaengan nga agpayso  
ni profeta Elias á nasungdo  
inggana idi imbagá ti Dios Apo  
á inna consagraen ni Eliseo  
nga ag-profeta á nangato.

Castamet quencuana á naibilin  
á sapsapoanna nga agarin  
iti daydi pagarian ni Israel  
ni general Jehú á maiñgel  
iso á mangpamec cada Acab qñ Jezabel.

Ngem ti pahnacaconsagrar ni Jehú  
nalmeng á di pay la naammoan dagti tattao  
inggana iti pannacayaoatto  
ti panagturay na iti reyno  
cas naaramid quen David á santo,

Ni Elias idi á ni Eliseo masaracna  
agararadoda cadagdi ubbing na;  
ngem apaman á quinonsagra di profeta  
napan á nagpacadan quen ama na  
qt sipod idin saan quen Elias naquisina.

Cadagdi nga aldao naaramid  
ti maysa nga nacaladladingit  
gapoanan daguidi naulpit  
Acab quen Jezabel á natangsit  
á puso da ti aoan pada iti pait.

Daguitoy agsipod iti ari da  
maaramidda la ti caycayatda  
pinaparpardaya, pinapapatayda  
ni Nabot á di manglaco cadacuada  
iti disso á tinaoidna qñ ama na.

Dayta ti nagbaonan ti Dios qñ Elias  
á nañgibaga, nañgipaduyacyac  
á daydi nagaramid iti ranggas  
dinto bumurong ti inna panagbayad  
ta lamutento dagti aso iti napatác.

Casta nga agpayso ti naaramid  
idi tal-lo nga taoen ti nalabes  
ta ni Acab natay iti gubat á naiñget  
á daguidi dara na á nacarugruguit  
dinildildilan dagti aso á umarioecoec.

Qt ni Jehú idi arin ti Israel  
qt nagturong á napan Jezrahel  
tinanaoan ni naulpit á Jezabel  
á casta unay ti inna panaguindadacquel  
á cas la aoan qña ti macabael.

Idi naquita ni Jehú idi taoa:  
itappacyo, quinonana cadagdi ubbingna  
quet agpayso casta ti inaramidda  
qt pinayatpayat dagdi cabayo ti baguina  
sa linamot dagdi aso iti calzada.

Qt idi nga paipompon ni Jehú coman  
daydi bangcay ni Jezabel á nacalcaldaang  
isona la nga nasaracandan  
dagdi ima, saca quen tultulang  
ta ti lañgit casta't inna quinedñgan.

Ni profeta Elias idi naammoanna  
ti parabor á ited ti Dios quencuana  
á panañgalana á sibabagui sicacararua

nalaos daydi panañgilimedna  
ta uray qñ Eliseo dina imbagá.

Maipoon itoy á panangilimedna  
iti parabor qña ti Namarsua  
uray pay qñ Eliseo iliclicna  
qt impanna sadi Galgala  
sa castoy daydi quinnana:

Ditoy ti inca ala pagurayan  
ta ti Dios adda inna cañiac pangibaonan  
á di rumbeng ti caaddam  
á macaquita sisasaclang  
itoy pangupec á papanan.

#### PROFETA ELISEO.

Ni Eliséo ta profeta mt  
ammonan daydi maaramid  
á iti daydi nga aldao, di lumbes,  
agpucao ni Elias á nasingpet  
gapona á dina sinina uray apagbi-it.

Daytoy á gagar ni Eliseo  
impalubos ti Dios Apo  
tapno masacsianna ti pudno  
qt saán á duaduáen ti tao  
ti panagpucao ni Elias á masasaó.

Sinurot oenno quinuyog ditan  
ni Eliseo inggana sadi Jordan,  
qt madamada la nga agsarsaritan  
bimmaet la cadacuadan  
ti ulep á inguéti rangrang.

Daytoy ulep á pagsiddaaoan  
naguininot nagbalin á sininlupan  
agraman dua nga caballos nan  
qt ni Elias linaonna ditan  
sa nagpañgato iti tañgatang. (')

Ni Eliseo nabati á sileleddaang  
qt ipuccaona pay dagdi asog nan:  
¡oh amac! ¡apaya á innac panaoan?  
¡casano camto itoy ilim ngatan  
no aoanca á pacasaranayan!

(')—Ni Elias pagarupen dagti santos PP á napan  
naqñitipon qñ Enóc iti disso á di ammo.

Gapo iti caasi ni Elias qña  
intapoacna piman daydi capa na  
tapno iso ti mabati á lioliao  
ni Eliseo á immaoat nañgilalá  
á cas capapatgan á saniata.

Quet daytoy napateg á capa  
inaruat ni Eliseo á pinañgaramidna  
cadagti nacascasdaao madumaduma,  
maysa cadagtoy idi ta imbaotna  
iti danum ti Jordan nagbisngay á magnaanna.

Agturong ni Eliseo iti papananna  
quet idi ta iti Betel mabatogha  
inic-icquisan á rabrabaquen da  
dagdi ubbing ñga annac dagti idolatra  
á nalabit insuro daguidi amma da.

Daydi á inda panangrabrabac  
quen profeta Eliseo á nagasat  
nacaalaanda iti ado ñga rigat  
ta dua ñga oso cadacuada't nangranggas  
á imbaon ti Dios á quel-laot.

Uppat á pulo quet dua ti natay  
cadagdi ubbing á di nagraem, di manggaogaoay  
idi santo profeta á naalumamay  
ta agpayso ñga daques la unay  
no ti ubing jsuro iti ururay.

Idi adda ni Eliseo sadi Samaria  
napan qña ti balo ñga baba-i á maysa  
á dumaot pamuspusanna't pagbayadna  
cadagdi di agpabatubat á nacautanganna  
qt sinaludsodna no ania ti adda idi balay na.

Simmungbat daydi baba-i á nagcona:  
ñga isona laeng ti bassit á lana;  
binilin ni Eliseo á buluden na  
ti paguiccan lana daguidi carobana  
qt sipapati daydi baba-i á nagala.

Immado unay daydi lana  
ta amin dagdi paguiccan napnoda  
inlaco daydi balo ti dadduma  
á nañgalaanna pinagbayadna't utangna  
sa ado pay la ti natda quencuana.

Daydi lana ñga immado  
cayarigan ti gracia á ited ti Dios Apo,  
cas maitucad iti essem ti puso

cadagti ubbao qñ pasindayag ti naquemtayo  
cadagti adda ditoy lubong á maquitatayo.

Ti mt cararag ni Eliseo ti nañgipamušpusan  
iti pannacaagas ni general Naamán  
idi nacaro á lepra á inna nagsaquitan  
ta pinagdigosna la iti danum ti carayan  
á iso daydiay nagasat á Jordan.

Ti danum á nacaagas qñ Naamán  
cayarigan ti Danum á nasacramentoan  
á daguiti cristianos inda pacabumiagan  
ti bilegna á mangdalos iti cararua piman  
maipoon la iti naquem ti Dios á castan.

Ni profeta Eliseo idi á biniroc  
daguidi taga-Siria á soldados  
tapno alaenda coma ñga ibalod  
quinonana cadacuada á inda sumurot  
ta dida nailasin ta binulsec ida ti Dios.---(1)

Dida ammo daydi dinalanda  
quet idinto ta macaquitada  
addadan iti beddeng ti Samaria  
ñga yan daguidi cabusorda  
quet nalaos daydi danagda.

Nupay casta di impalubos ni Eliseo  
á daguidi soldados inda naanano  
pinapacánna quet ida ñga agpayso  
sada pimmanaoen á immadayo  
á napan quen Benadab, ari da á nañgato.

Ni ari Jorán pabasolenna ni Eliseo  
cadagdi paguel quen bisin ti reyno  
ta mailicicna coma ida cano  
no, cayatna coma ti ag-milagro  
qt papapatayna iti maysa á soldado.

Ngem idi masibet toy binilinna  
nagbal-lucati di naquem na  
pinagsublina daydi imbaonna  
ta naisipna á nalalaing ñgata  
no iso ti maquisao idi profeta.

Agpayso dimmanon qñ Eliseo  
quet impalaoagna ti tooc á nacaro  
á sagabaenen daguiti tattao  
ta daguiti cabusor ti macaigapo  
agsipod iti linacobda ti reyno.

[1]—Percussitque eos Dominus ne viderent.—4—Bag.

Idi mabuya ni Eliseo ti pacurang  
ti pannaquisao qña ni ari Joran  
quinonana: nga dida pagdanagan  
ta inton bigat, saan nga agcurang  
agsursurocto amin ti taraondan.

Agpayso idi á mabigatandan  
aoan amin daguidi cabusor dan  
á nanglicmot idi iti pagarian  
ta iti pay la rabi-i nagtataraydan  
agsipod iti danag quen buteng dan.

Iti rabi-i natimodda can ti nacaamamac  
á calañgiquing ti ejercito á gumubat,  
qt iti casta inda piman immatap  
á cadaguiti ado á pagarian immayab  
daydi linacobda á pinarigat.

Agsipod iti daydi casta  
immapay ti buteng cadacuada  
qt namagtarayda amin aoan natda  
binayanda amin á cucuada  
ta biagda la daydin icaluyada.

Cadagta qñ dadduma á nacascasdaao  
quinayat ti Dios ni Eliseo á indayao,  
ngem ti cangronaan pay unay  
iso daydi nasiputan ti naruay  
idi nga ni Eliseo nalpasen á natay.

Nabayag nga aldaoen á naipompon ni Eliseo  
idi sumrec dagdi daoel da ti nacaro  
nga agranggas iti daydi disso  
qt nairana met idi nga agpayso  
nga adda natay á icali comá dagti tao.

Ngm idi á sumuñgad dagdi caranggasan  
nagbuteng dagdi mañgitabon coman  
quet daydi bangcay imbacaldan  
iti daydi met la nacaipomponan  
ni profeta Eliseo á casingpetan.

Apaman la nga naidinna  
daydi bangcay á impal-ladaoda  
cadaguidi tultulang daydi profeta  
nagungar nga aoan curangna  
daydi natay á impuroacda.

Bimmañgon dita á nagnan  
á nagaoid met la idi balay dan  
quet iso metten ti nacaammoan

daguidi nacaquita nacaimatang  
á daydi á tao natay idin á di pagduaduaan.

### PROFETA JONAS.

Idi á ni profeta Eliseo natayen  
simmuno quencuana manen  
ni profeta Jonás á naitalugading  
quet iti pammagbagana á nalaing  
saan á cayat dagti Israelitas á patien.

Agsipod iti suñgit daydi nga ili  
cadaguiti cadacuada maipapati  
ni Jonás binaon ti Dios iti sabali  
quet binilinna á mapan Ninive,  
paluño ti Asiria á napilpili.

Iti daytoy Ninive á masarita  
nagpupunipon amin quencuana  
dagti quinadangques nadumaduma  
gapona á pagbaonan ti Dios iti profeta  
tapno adda mamagbagá cadacuada.

Quinona ni Apo Dios qñ Jonás:  
agal-legca á magna't daras  
inca bagbagaan ti Ninive á ciudad  
ta quinadaques nga aoan pumadpad  
ti araramiden da dita caniac.

Daydi á imbaga ti Dios qñ Jonás  
saan comá daytoy á cayat  
ta calicaguman na no agtinnag  
ti pangdusa ti Dios á silalayay  
iti daydi managbasol á ciudad.

Gapona á ni Jonás pimmanao ditan  
qt napan nagsapol iti sasacayan  
á inna dita piman luganan  
nga agturong sadi Tarsis oenno España'n  
tapno daydi Ninive inna maadlayoan.

Ngm idinto ta adda iti tengnga  
daydi taao á inguet laoa  
nagdauel ti danum iti nagagara  
qt daydi sasacayan agpeggad dita  
iti nacabutbuteng á pannacarba.

Ni Jonás turog na ti nargaan  
iti tucoc unay daydi sasacayan  
idi ta danag ti napalaloan

amin daguidi adda á silulugan  
ta amin á carga intapoacdan.

Tunggal maysa cadacuada  
umaripungsan agdaoat iti dios na  
tapno ilisi quet ispalenna ida  
iti daoel ti taáo á nacana  
á mangpucaoen quen mangrebba.

Rini-ing daydi piloto ni Jonás  
quinonana á nangpabaringcoas:  
zapaya á turog mo ti naimas  
idinto ta amin á tao sidadanag  
maipoon itoy daoel á nacaam-amac?

Bumañgonca ala ta cumararagca  
iti Dios mo bareng macapudnoca  
nga agdaoat panañgilieliena  
itoy napeggad á pannacarba  
iti daoel ti taáo á nacana.

daguidi tattao á silulugan  
iti daydi agpeggad á sasacayan  
quinonada: aramidentay pagguiguinnasatan  
tapno isonto ti pacaammoan  
no asino't aquimbasol itoy pagpeggadan.

Agpayso casta ti inaramidda  
quet ti nagasatan á naquitada  
ni Jonás saan á daduma  
gapona á daytoy impudnona  
daydi nadagsen á basol na.

Quinonana: ala itappoacdac  
tapno mailisi cay iti peggad  
ta ti nacabasol pudno á siac  
qt agpayso, ti daoel ti taao nagtánac  
apaman á intappoacda ni Jonás.

Daytoy sinacbab met á dagos  
ti dacquel á ican á macapaquigtot  
quet tal lo nga aldao inna linasod  
ni Jonas á biag na ti di napugsot  
ta naquem ti Apo tay á Dios.

Nasgued unay dita ti panagcararag  
ni masasaó á profeta Jonas  
gapona á biagna ti di naiccat  
qt daydi ican inluana á sicacaradcad  
iti iguid ti taao á napalanas.



Dinupag ti, Dios á quinona dita  
á ni Jonas mapan Ninive mamagbagá  
ta ibalacadna ti panagbabaoi da  
cadagti naruay á basbasolda,  
quet napan ni Jonas, aoan quitaquitna.

Idi nga Ninive ti magtengna  
tinungpalna ti imbilin ti Dios qña  
ingunamgunam na ti panagbabaoida  
ta no saan: iti lasod ti uppat á polo nga aldao maurayda  
ti nacabutbuteng á pangdusa ti Dios cadacuada.

Daguidi pammagbagá ni Jonas  
pinati met dagdi tattao idi ciudad  
qt manipod idi ari aoan quet labas  
nagbabaoi qñ nagpenitencia da't nalaoag  
qt pinacaoan ida ti Dios á impangag.

Daydi tal-lo nga aldao á caadda  
ni Jonas idi uneg ti ican á nañgala qña  
cayarigan ti pannacaitabon ti bangcayna  
ni Jesucristo idi nga incalida  
quet nagnangar iti maicatlo nga aldao na

ARARI TI JUDA, JOSAFAT, ATALIA, JOAS,  
OZIAS, ACAZ, EZEQUIAS.

Cadagdi nagarari iti Judá  
maicari á tandaanan ipangrona  
da Josafat, Joas qñ Atalia,  
Ozias, Acaz, Ezequias ta inaramidda  
ti umiso á panglaguipan cadacuada.

Ni Josafat bayat panagari na  
pinunasna amin ti idolatria,  
nalinteg á tattao dagti dinutocna  
nga aguimaton qñ catuloñganna  
nga agteñgñgel iti pagarianna.

Cadaguiti amin á ciudades  
nagbaon, nañgidisso cadagti agcacasirib  
á mañgisuro cadagti linteg  
á rebbeñg dagti tattao á suroten met  
tapno dida agduadua iti aramid.

Maipoon cadaguitoy á gapoanan  
impaay ni Apo Dios á guinungunaan  
ta pinañgabacna nga aoan curañg

cadagti amin á pagbabacalan  
á sinarapa daydi pagarian.

Ni Atalia á naiduma't daoel  
anac da ari Acab quen Jezabel  
pinapatayna á di nagbuteng  
daguidi agari comá á rumbeng  
iti reino de Judá á natacneng.

Ngem daydi nga ulpit na  
binayadanna met ti nañgina  
ta idi innem á taoenen ti panagarina  
pinatay daguidi buyot ni Jójada  
qt ni ubing á Joas ti impatugaoda,

Daytoy Joás á masarsarita  
apocó mt la ni naulpit nga Atalia  
quet nupay ubing pay á cona  
iso ti quinayat dagdi taga-Judá,  
qt uppat á polo á taoen ti panagarina.

Naimbag daydi panagturayna  
bayat panañgisuro ni Jójada,  
ngm idi saan á pabalacadanen qña  
natnag á quimmanunong iti idolatria  
á pinadadaelna amin idi cua.

Cadagdi maudi á taoen ti panagturayna  
ni sacerdote Zacarias pinapapatayna  
agsipod iti panangbabalao daytoy qña  
iti icacanongna iti idolatria  
ta nadagsen á basol iti Dios dayta.

Daydi ulpit na nga nalaos  
di met binayán á dinusa ti Dios  
ta linuguban daguidi Asirios  
qt dagdi iturayanna á naannugot  
natayda amin dita á narubboot.

Daguidi met la cabusorna  
sinamsamsamda dagdi cucuana  
quet iti di nabayaguen dita  
daguidi met la iturayan na  
dina inamamsanan pinatayda.

Ni met Ozias idi nagari  
aoan imparañarangna á sabali  
no di ti cuspagna á di mamqui  
ta nagtengna á salinan pay quetdi  
ti rebbeng ti natanóc á sacerdote.

Napan idi iti naminsan  
iti napateg unay á simbaan  
qt idi agaoenna ti incensario ditan  
naiguiddato á nalaponos ti bagui nan  
iti saquit á lepra ti pangnaganan.

Quet no ni met ari Acáz  
aoan quencuana ti pumadpad  
iti quinaulpit quen ranggas  
ta daydi pay anac na inna inyaoat  
cadaguidi diosen da nga máag.

Maysa cadaguidi dusa na  
idi nga nadanon ti ipapatayna  
saanda nga impompon ti bangcay na  
iti cadaoyan á paguicalian da  
cadaguiti matmatay nga ari da.

Ni anac na nga Ezequias  
idi ta nagari'n á nagbalañgat  
naquita á maysa cadaguidi naimbag  
á nagturay sadi Jerusalem á nadayag  
ta capatimpatigmaanna ni profeta Isaiás.

Inted ti Dios á gungunana  
ti dacquel á panagbal-ligui na  
cadagdi nabileg á cabusorna  
ta ni pay Senaquerib inabacna.  
idinto ta napuscol daydi ejercito na

Napasnec ti panagdaoatna iti Dios  
tapno tulongna coma't inna yannugot  
qt agpayso Angel ti bimmaba ngarod  
á nangpapatay cadaguidi ejercitos  
ti Asiria nga nacaquiguitot.

Saňgagasot oalo polo qt lima á ribo  
daguidi natay á soldado  
ni ari Senaquerib ta dalipato  
ti apoy á naggapo sadi ngato  
daydi nangpapatay á nacaro.

Ti pay impaay ti Dios á caasi  
qn Ezequias nalaiñg nga ari  
idi nagsaquit daytoy á istay di macacuti  
qt nagdaoat unay á sipapati  
iti daydi patay na coma nailisi.

Ni nasingpet á profeta Isaiás  
ti pinusgan ti Dios á nañgidamag

iti sañgapolo qt lima á taoen pay á panagbiag  
ni masaquit nga ari Ezequias  
qt nacascasdaao ti inna itoy panañgagas.

Idinto ta dinaoat toy masaquit  
ti pamatianna iti inna impatalgued  
daydi profeta pinagsublina ti init  
ta daydi paghorasan nagsanod apagbibit-it  
iti aoan curañgna á sañgapolo nga ugued.

Idi maicatlo á taoen iti dayta  
timmao ni Manasés nga anac na  
iso á nagari simmuno qña  
idi agtaoen pay la't sañgapolo qt dua  
daytoy nagturay á inguet daael na.

Maipoon cadagdi nacas-ang nga aramidna  
qñ panagcararag qñ Moloc á dios na  
binagbagaan ni Isaias á profeta  
qt iso ti nangpapatayan na iti nacana  
idinto ta natanóc pay á dara.

Dinusa ti Dios ti ulpit na  
ta daydi ari sadi Asiria  
idinto ta iti gubat inabacna  
quinaoaran á impan Babilonia  
qt naiñget á pagbaludan ti nañgipupocanna.

Idi adda á sibabalod nga agsangsañgit  
basbasol na dagdi inna binigbig  
qt gapo iti panagbabaoi na ti nasgued  
pinacaoan ti Dios qt inaonna met  
idi nacaadipnan na nga naiñget.

Sipodna metten á nagbiag  
iti nataliñgenñgen á naidamdama  
idi nacasubli't Judá nga saad  
limapolo qt lima na á nagbalañgat  
sa natay á sitatalna quen sigagasat.

Nagari á simmuno quencuana  
ni Amon met la nga anac na  
qt daytoy gapo iti quinadangquesna  
pinapatay da met la idi palacioña  
quet dudua á taoen daydi panagarina.

Ni Josias nga anac na met laeng  
daydi suno na nga nagari'n  
qt napalalo ti imbagna ta manaquem,  
saan á simmina qñ Apo Dios á daydayaoen  
ta ni Jeremias qña ti namataliñgenñgen.

Dytoy Jeremias á nagan

Dayao ti Dios ti inna caipapanan  
qt daydi profeta á naingasatan  
impadlesna ti toocto ti pagarian  
gapo iti quinadangques da á napalaloan.

Nangrona cadagdi mapagtengda  
á pangdusa ti Dios cadacuada  
ti ipaay ti ari sadi Babilonia  
á ni Nabucodonosor á nacadidigra  
á pitopolo á taoen pacaadipnanda.

Inna mt cadacuada impadles  
á dagta pitopolo á taoen no malabes  
iti Jerusalem macasublidanto met,  
ti Simbaan á cadagti cabusor marbec  
bañgonendanto mt la á singañgayed.

Impadlesna pay á imbatad  
ti maipapan iti pannacayanac  
panagbiag, panagtotooc qñ ipapatay ti Mesias;  
pannacabañgon ti Iglesia á nadayag,  
quen dadduma pay á dinto mababás.

Ti turay ni Josias idi natayen  
ni anac na á Joacaz met laeng  
ti nagtaoid, ñgm gapo iti nadaoel  
taltal-lo á bulan ñga nagarin  
ta iti daydi ari ti Egipto naadipen.

Ni Joaquin met la á cabsat  
ni dacsangasat á Joacaz  
iso quencuana ti simmucat  
idi quinaarina á nagbalañgat,  
qt daytoy Joaquin nalaos ranggas.

Pinapapatay na ni profeta Urias  
quet pinóoran na dagdi naisurat  
á impadles ni Jeremias  
agsipod iti dina cayat  
á quinadaques na daydi maibatad.

Nagtungpalanna/ inna sinagaba  
daguiti tooc á nacadidigra  
ta idi maicatlo á taoen ti panagarina  
inadipen ni Nabucodonosor á nacaabacanna  
qt innalana ñga impan sadi Babilonia.

Ngm idi adda dua á taoenna ditan  
natay ni Nabocodonosor piman  
qt daydi maicadua itoy á nagan

inaonna ni Joaquín á rinuc-atan,  
ñgem tinaoen á buis ti inna bayadan.

Idi nagpulang ñga ari ti Jerusalem  
di mt naisislaadan iti uray bassit laeng,  
daydi quinadangques na qñ panañgirurumen  
sinublianna mt la ñga araramiden  
qt casdina á natay á di nagbabaoín.

Impalubos met ti Dios á dusa na  
ti dida panañgipompon iti bangcayna  
ñgm iti quet lañgalang binayanda  
á cas cadaguiti banos ñga agcaioara,  
cas impadles ni Jeremias idi cua.

Simmuno qña ni Jeconias  
quet ti inda qña panañgisaad  
guinura ni Nabucodonosor iti nalaoag  
agsipod iti dida qña dinaoat  
ti palubos oenno uray no balacad.

Gapona á napan Jerusalem  
qt incuyogna ti ejercito á nacabutbuteng  
ta ni Jeconias inna iccaten  
qt agpayso innalana ñga adipen  
sadi Babilonia qñ dadduma payen.

Iti quinaari ti Judá inna insaad  
daydi oliteg met la ni Jeconias  
ñga agnagan iti Sedecias  
quet insagana na ñga intulag  
á, no agcamali, dusaenna't nacaamamac.

Ni Sedecias agtaoen duapolo qt maysa  
idi mangrugui daydi panagturay na  
qt ti nagdagupan ti panagarina  
sañgapolo qt maysa á taoen aoan suocna  
ta naquiltay gapo iti quinadangquesna.

Nacabasol unay quen Apo Dios  
qt nadusa met iti nabantut  
ta binayanna la ñga impalubos  
á simmaluñgasing iti turay á natanóc  
ti ari sadi Babilonia á narungsot.

Daytoy ñga isasalungasingna  
naaramid idi maicaoalo á taoen ti panagarina  
qt idi sumarono á taoen naurayna  
ni Nabucodonosor á nañgipan qña  
iti ejercito á nanglacob iti pagarianna.

Idi dua nga taoenda á castan  
naricnada ti bisin á pacatoocan  
quet naipapilit inda linuctan  
ti nabalinda á dalanen oenno pagnaan  
á rumuar iti aoay ti pagarian.

Ngem nupay inda idi naglibas  
sinurot daguidi Caldeos ni Sedecias  
qt idi ta naquemmegdan inda indatag  
qn Nabucodonosor sadi Reblata á saad  
iso á nañgeddeng qña iti nacaamamac.

Pinapapatayna daguidi annac na  
iti saclang ni Sedecias nga ama da  
sana met pinasuat dagti mata na  
qt sicacaoar á impanna sadi Babilonia  
agraman cadagdi iturayanna.

Daydi Jerusalem rinebbecca  
pinooranda amin á balbalayda,  
daydi palacio ti ari inramanda  
castamet daydi simbaan á narañgá  
á binañgon ni Salomon á nangina.

Uppat á gasot á taoen qt tal-lo á bulan  
oalo pay nga aldao daydi simbaan  
ti panagpaotna á nagsidsiddaaoan  
daguiti tattao á nacaimatang  
sa napucáo ditan á napooran.

Amin met daguiti gameng  
nga adda idi sadi Jerusalem  
innala nga sinamsamen  
daguidi buyot á nacabutbuteng  
ni Nabucodonosor á nañgirurumen.

Casta ti nauray á banag  
daguidi saan á nañgipangpañgag  
iti pammagbagá quen balacad  
daguidi imbaon á profetas  
ti Dios á poon ti imbag.

Pitopolo á taoen ti bayagda  
á naadipen sadi Babilonia  
daguidi Judios á innala  
ni Nabucodonosor á nangrebba  
iti daydi Jerusalem á pagarianda.

## NAGTUNGPALAN TI REINO DE ISRAEL

Ti naaramid á pacalaglaguipan  
cada Faceas qñ Oseas idi panagturay dan  
iso daydi, nacalcaldaang  
á banag quen nagtungpalan  
daydi Israel á pagarian.

Ta idinto ta nadangques da  
daguidi Israelitas á naruyda  
saan á nagcurang ti profeta  
á mamagbagá cadacuada,  
aoan la ti panañgipañgagda.

Gapona á ti Dios binayanna ida  
á pinarmec daydi ari ti Asiria  
á iso ni Teglathfalsar á cona  
castamet ni Salmanasar ñga anac na  
qt innalada ida't Asiria qñ Media.

## TOBIAS.

Quet bayat caadda sadi Asiria  
daguidi naadipen á Israelita  
nairaman met cadacuada  
ni Tobias á inguet singpet na  
á Tribú ni Neftali ti nagtaudanna.

Idi adda pay la iti yan  
iti daydi Israel á pagarian  
di ñg naisungsong napatuladan  
cadaguidi nadangques á cadaoyan  
daguidi capulpulapolna piman.

Uray no apagbassit laeng  
saan piman á simmaluñgasing  
cadaguidi nailanad iti Bilin  
á tunggal maysa utangna á tungpalen  
ta nasingpet ñgarod qñ manaquem.

Quet daydi á dalos ti puso na  
aoan la ti namalbalioanna  
uray idi addadan sadi Asiria  
ta nalagda ti panagbutengna  
iti Dios Apo á Namarsua.

Siammo, dina nagduaduaan  
á ti tao uray adino ñga yan



aoan sabali á innanto pagtungpalan  
no di iti Ocom á na-Diosan  
iso nga di mabalin á liclican.

Impaay ti Dios quencuana  
nga iti daydi piman singpetna  
ni ari Salmanasar naayayona  
quet innalana á pagtalcan na,  
ngem itdenna met ti gungunana.

Ti oayaoayá ni Tobias ditan  
cas met cadagdi iturayan á daan  
daydi ari nga pagrucbaban  
ta aoid na ti inna capnecan  
nga panagnaquem na ti cadalosan.

Quet daydi piman á caaddana  
iti palacio ti ari á nañgina  
naquem ti Dios á iso ti manarapa  
cadagti sumquen á pacaducotanda  
daguidi nadaquep nga Israelita.

Agpaysó ta cadagdi dadduma  
iccanna ida iti taraonda,  
dagdi dadduma met icaoesanna  
cas masapol ti tunggal maysa  
ta mangngaasi ngad ti saadenna.

Cadaguidi macasapol iti pirac  
mangted met piman á siayat  
á dina quiddaoen ti yaoat  
á tuboen dayta á pagsubad  
cas nalablabit laeng á masarac.

Maysa cadaguidi nacautang qña  
iso daydi Gabelo ti naganna  
qt nupay sañgapolo ribo á pisos ti innalana  
recibo la ti talgued á intedna  
qñ nasingpet á Tobias á nacautañganna.

Quet iti ababá nga panaritaan,  
ni Tobias ti inda pacatumpongan  
daguidi Israelitas iti daydi á pagarian  
iti aniaman piman á pacasapulan  
ta aoan sabali á inda taclinan.

Iti unay pacaquitaanen  
iti ayat quen asi á nataliñgenñgen  
ni Tobias á imbag na't daydayaoen  
iso daydi inna araramiden  
idi nga Israelitas ti mairurumen.

Ta idinto ta ni Salmanasar natayen  
quet ni Senaquerib nga anac na ti arin  
naabac daytoy qñ Ezequias iti gubaten  
daguidi Israelitas ti inna parigaten  
cadaguiti tooc á naruay qñ nadagsen.

Dita ti nacaquitaan á sibabata  
iti pudno nga aoan umartap  
iti panangngaasi ni Tobias  
nangrona cadagdi adaddaan iti rigat  
bang-ar qñ liolioa ti inna cadacuada iaoat.

Saan na la nga ited ti masapolda  
á pangsaranayna idi paguelda  
aguipompon, aguicali pay iti bangcay da  
daguidi aoan macasaño cadacuada  
oenno maipoon laeng iti butengda.

Mailanad ditoy á pacaquitaan  
daydi naaramid iti naminsan  
ta idi nga madamada nga mañgan  
qt nadamagna nga adda bangcay á naioalang  
timmacder á napan laeng piman.

Dagdi sañgaili qñ cacabaguian na  
impalaguipta unay quencuana  
daydi bilin ti ari á madusa  
iti aguicali iti matay á Israelita  
qt inca man sapulen ti peggadmo aya?

Ni nasingpet qñ naasi nga Tobias  
quinonana cadacuada ti simmungbat:  
didac tipden cadagta ibagayo á peggad  
ta no iti panangngaasic ti pacatayac  
adaddanto unay á pacaigasatac.

Idin ta casta ti maisaóna,  
napanen, aoan nacadubeng qña,  
napanna innala di bangcay á imbagada  
qt impaing na iti di maquitquita  
ta inurayna ti nasipñget á panañgicalina.

Quet ni Tobias no nasingpet  
daydi anus na naiduma met  
ta itoy dacquel á pamanecnec  
daydi pammadas á inted  
ti Dios Apo á nagpuniponan sirib.

Impalubos ti Dios quencuana  
nga nagbulsec daguiti mata na,  
napanglao unay ti nagtungpalan na

quet daguidi naruay á pagayam na  
binay-andan iti daydi á casasaadna.

Casta ditoy lubong ti maaramid  
no nasanicuaca ado ti umasideg,  
ngem no napanghao ca á inda mabigbig  
adayoanda ca á cas lu carugit  
ta daydi sam-itmo pinagb. lindan á pait.

Nupay casta ti sngabaenna  
saan á naglimdo ti puso na  
qt conconana idi asaoa qñ anac na:  
dicay lumdaang ta toy mapapagna  
naquem amin ti Namarsua.

Uray no napanglao ti tao  
no sidadalos la quet ti puso  
nga agtalec iti Dios Apo  
quet basol quenca ti adayo  
nasanicua met la qñ nagasatcanto.

Agaramidca la iti nalaing  
tapno iti Dios á Mannacabalinamin  
isonto la quenca ti manaclin  
iti aniaman á inca mapagteng  
qt yadayona canto iti barengbareng.

Imbaon na daydi anac na  
á mapan agsiñgir iti pautangna  
qt sadi Rages, ciudad ti Media  
ti yan ni Gabelo á pañgalaanna  
iti pirac piman á napipia.

Agpayso idi ta agrubuat ni Tobias  
nga agsapol caduana nga agdaliasat  
dagos la nga inna nasarac  
ti Angel ti Dios á nadayag  
nga agtutubo ti laña na á masirpat.

Sinaludsod ni Tobias qña  
no asino quen tagaano ngata  
quet simmungbat daydi casasaóna:  
maysaac cadaguiti Israelita  
qt no adda cayatmo madadaanac qca.

Nagyaman unay ni Tobias  
quet quinonana: agdaoatac  
ta ibagam comá ita caniac  
no jammom ti dalan á nacanatac  
nga agturong sadi Media nga saad?

Daydi casasaóna simmungbat:  
oen ammoc ta nasansan nagnagnaac  
dagti daldalanna qt nagdagusac  
iti balay ni Gabelo mt á cabsat  
á sadi Rages ti taengna nga saad.

Dacquel ti ragsac ni Tobias dita  
qt imbagana amin cada ama na  
daydi nalaing á pacaicuyoganna  
á mapan sadi Rages á dagá,  
quet agpayso napatuloy ti casta.

Da ubing á Tobias napandan  
qt ni ina na natda á sileleddaang  
conana: no aoan coma daytay pautang  
aoan coma ti inna nacaipapilitan  
á immadayo ditoy imatang.

Ni lacay á Tobias conana met:  
pengdam ala, daguita sangsañgit  
ta daytay ubing agsubli iti mabi-it  
ta ti Angel ti Dios á nasam-it  
dina baybay-an á saranayen, inanamaec.

Ti caadda ti Angel á casigod á cona  
á mañgalalualad iti tunggal maysa  
ammo pay la dagdi tao idi ugma,  
gapon á calintegan ti Iglesia  
ti mañgipapati cadatay iti casta.

Da ubing á Tobias nagsardengda  
iti paguinanaan á immona á nasaracda  
iti dinna ti carayan Tigris á cona,  
qt idi napan iti danum mangbuggo idi sacana  
sacbabén ti dacquel á ican coma.

Nagbuteng dita ni Tobias  
quet daydi Angel inna imbalicas:  
tilioem ta asang na saca ibantac;  
quet idi naaramid dayta't daras  
pinapartina daydi ican á nacaamamác.

Conana: alaem dayta puso na,  
apro pay quen dalem na  
ta daguitoy á lalaem na  
pudno unay á nabilegda  
nga agas iti pacaipaayanda.





Inaramid ni Tobias ti casta  
quet dagdi lasag á dadduma  
tinunona ida á balon da  
quet daguidi dadduma inasinanna  
á idanon Rages, ciudad ti Media.

Sinaludsod ni Tobias idi cacuyogna  
no ania ti maagasan oenno pacaipaayanda  
daguidi lalaem ti ican á pinaidulinna  
quet daydi Angel impalaoagna qña  
iti castoy sumaridat á pannarita:

No iparabaomo cadagti beggang  
ti sangcapirguis ita puso ti ican  
ti asoc na paadayoenna á di agcurang  
ti aniaman á demonio á pacaranggasan,  
uray lalaqui, uray baba-i, dinanto asitgan.

Quet no dayta met apro na  
no isapsapo iti mata á busá  
umimbagto laeng aoan ibuburongna,  
masubliannanto ti panagquita na  
ta ti cul-laap na iccatenna.

Idinto ta macaadani da iti ciudad  
nagsaludsod manen ni Tobias  
no adino ti dagusanda á nasayaat

qt daydi Angel quinonana't simmungbat:  
adda cabaguian ditoy á saad.

Raguel daytoy ti nagan na  
quet adda met maysa nga anac na  
bugbugtong daytoy aon cadua na  
quet asaoaem ala ti rebbengna  
tapno umay qca dagtiti cucuada.

Ni Tobias simmungbat met:  
dayta á baba-i, cas innac nañgeg,  
naminadó á naquiasaoan ta nañgayed  
quet natayda amin apagbibi-it  
ta demonio cano ti mañgaramid.

Umamácac á maquiasaca qña  
into quet no maaramidac met á casta  
qt siacto ti macadagdag mt iti patayda  
dagti dadacquel co ta sisias ti anac da  
á dungdungngoen quen liolia.

Daydi Angel quinonana dita:  
denguem ta isuroc quencia  
no asino ti iturayan ti demonio á cona  
ta daguiti nagamrang á maquiasaoa  
nga aon butengda iti Dios á Namarsua.

Ti demonio iturayanna amin  
daguita maquiasaoa á gapo laeng  
iti nabileg cadacuada á gartem  
á ni Apo Dios dida malaguipen  
á cas cadagti banos nga aonan naquem.

Quet sica inton masaoam  
tal-lo nga aldao á dimonto dinnaan,  
ngem iti siled isonto ti caduam  
nga agcarcararag á sipepacurang  
iti Dios Apo á pagruebaban.

Iti daydiay umona á rabi-i pooram  
dayta puso quen dalem ti ican  
tapno ti demonio pumanao ditan,  
qt iti maicadua á rabi-i maitiponcan  
cadugdi patriarcas á nasantoan.

Iti maicatlo á rabi-i maragpatmo  
ti bendicion ti Dios Apo  
tapno nagasatto daguiti annac mo  
qt dicanto iccaten ti buteng mo,  
qñ Apo Dios á dica isinsina ita puso.

Ni Raguel, gapo iti balacad ni Angel Rafael itedna  
ni Sara nga anac, na nga asaoen ni Tobias.

Iti balay ni Raguel napanda  
qt daytoy napalalo ti ragsac na  
á immaot cadaguitoy dua á sangaili na  
quet apaman á ni Tobias naquitana  
dagos á quinonana qñ Ana nga asaoa na:  
¡Amañgan ti panagcaingasda nga agpayso  
quen Tobias á casinsin co!  
quet ti nagsaludsod inna insaruno  
no asino da quen tagaano  
ta sigagagar á umammo.

Dinagosda met dita ti naguni  
dagtoy dua nga sangsangaili  
quinonada: tubo á naggapoanmi  
iti Tribú señor, ti Nefali  
cadagti cautivos ti Ninive.

Ni Raguel nagsaludsod pay cadacuada:  
no amammoda ni Tobias á casinsin na  
qt daguitoy sangsangaili quinonada:  
amammomi quet adda á sipipia  
á pinanaoan mi idia balay na.

Innayon pay á sinaó daydi Angel:  
dayta Tobias á salsaludsudem  
anac na daytoy sangsangcem;  
qt idi mañgeg ti casta ni Raguel'en  
inapuñgolna ni Tobias á inagcanen.

Quinonana: nagsatca, anac co,  
ta ni amam nalaiñg unay á tao;  
qt ditan da Ana qñ Sara, agpayso,  
ragsac da mt daydi napalalo  
ta cabaguian da daydi inda naammo.

Ngm dacquel mt daydi liday da  
idi mañgeg qñ madamagda  
ti nacaay-ay-ay á casasaad na  
ni ama na á pinanaoanda  
á bulsec piman dagti mata na,

Qt idi nalpasdan á nagsasaó  
cadagti cadaoyan á panagsasarabo,  
nagpapatáy ni Raguel iti carnero  
ta rambacanda nga agpayso  
daydi gasat á naiparuñgo.

Idinto ta ñganñganida mañgan  
iso mt daydi panañgibagá ni Tobias ditan  
iti tarigagay na comá á mañgasaoan,  
qt ni Raguel dina ammo ti isungbatnan....  
daydi Angel ti nagsaó quencuanan.

Dayta buteng mo á mañgannugot  
iti pannaquiasaoa ta anac mo á pinutot  
lacsidem á pagsicoran ta panunot  
ta iti daytoy á inna pannaquisinggalot  
dinto maaramiden ti nacaquigquigtot.

Cadagti di agbuteng Dios Apo  
nalaoag á pagturayan ti demonio,  
qt daytoy ita mañgasaoa ita anac mo  
nasingpet, naimbag unay á tao  
quet saanto la ñga maananó.

Namati ni Raguel cadagtoy á sarita  
quet aoan ditan ti quitaquitna  
á mañgipalubos iti pannaquiasaoa.  
daydi bugbugtong ñga anac na  
ta nalaing á tao daytoy nasaracda.

Agpayso daydi metten á horas,  
nagcasar da Sara quen Tobias  
nabañgon met ti rumbeng á surat  
á pacapnecan á pudno qñ nalaoag  
ñga agasaoadan á sicacanata,

Inruguida mt iti daytan  
ti panagdayá á carambacan  
ta inaramidda amin á cadaoyan  
á panagraragsac á nasantoan  
ta casta ti ugali dagti manacman.

Quet idi nalpas ti panangrabi-ida  
nailasin ti siled dagdi capagasaoa  
binilin ni Ana daydi anac na  
á umiñgel, bumileg ti naquem na  
tapno di agbuteng cadagdi naaramid á immona.

Ni Tobias linaglaguipna unay dita  
daguidi imbilin ti Angel quencuana,  
daydi puso qñ dalem ti ican innalana  
quet impuorna ida á pinamasia  
iti demonio á mañgidadanes comá.

Sana quinona á imbalacad idi asaoa na:  
bumañgonca ta iti Dios agcararagta  
qt tal-lo ñga rabi-i casta't aramidenta



ta nasingpet á nalaing dagti amma ta,  
qt cadagti itneg qñ nadangques dita pumada.

Agpayso, iti Dios nagcararagda  
iti naisnec unay iti puso da,  
quinona ni Tobias á sipapacumbaba:  
oh Mannacabalin ñga Apo, daydayaoenda ca  
ti lañgit, taáo, ubbog, carayan qñ dagá.

Pagrucbabandaca met á daydayaoen  
dagup daguiti parsua quen amin  
maquita man oenno cadacami nalmeng  
ta sica ñgad ti Namarsua Mannacabalinamin  
quet ita imbagmo aoan umasping.

Pinarsuam ni Adan iti dagá  
quet intedmo quencuana ni Eva  
tapno adda casaranay, catacunaynayna  
cadaguiti paguel á masagaba  
ditoy dagá ti pait quen lulua.

Toy asaoac innac, Apo, aoaten  
á saan á maipoon iti gartem  
ñgem gapo iti anac to ñga siraraém  
ita Nagan mo quen agdaydayaoen  
iti agnanayon to Qca dita taeng.

Ni Sara inggunamgunamna met  
iti panagdaoat unay á napasnec  
iti caasi ti Dios á nabileg  
tapno manayonda coma á siquiquired  
iti panagayatda Qña iti nasgued.

Quet idinto ta mabigatan da  
á caasi ti Dios sisasalunatda  
napalalo ti ragragsac dita  
da Raguel ñga agasaoa  
agraman amin á tattao da.

Quet ni Raguel gapo iti ammona  
á ni Tobias mapan Rages á dagá  
quiniddaona qña ti panagcarina  
á di pay la pumanao idi balayda  
inggana iti mano ñga aldao ti palabsenna.

Ni Tobias ta dina met pagduaduaan  
á seggaanto unay da amá nan  
nagdaoat idi quinacuyogna piman  
á iso ti in dumanon coma ñga mapan  
sadi Rages tapno ni Gabelo siñgirennan.

Ni Angel Rafael siayat  
á napan Rages nagdardaras  
qt iti biang ni Gabelo inna imbatad  
daydi panguelpna á maganganat,  
qt ni Gabelo met malalo iti ragsac.

Intedna á dagos daydi inutangna  
castamet á quimmuyog pay dita  
tapno tumalantan met á maquidayá  
iti daydi nagasat á panañgasaoa  
tay anac ni Tobias á cabaguian na.

Agpayso idi balay ni Raguel napan  
qt nagtengna ni Tobias á mangmañgan,  
daytoy timmacder á dagos ditan  
á umaoat qñ Gabelo á cabaguian  
qt naguinnagueeda á si-ilio piman.

Ni Gabelo agsañgit iti ragsac na  
á nacasarac piman nacaquita  
qñ Tobias ñga anac daydi nacautañganna,  
nagyaaman met iti Dios iti naiduma  
ta daydi á panagsarac impalubcsna.

Quinonana pay quen Tobias:  
ti Dios Apo quenca ti mamagasat  
ta anacna ca ti tao á naimbag,  
nalinteg, nasingpet quen naayat,  
manangñaasi unay iti marigrigat.

Quet daytoy pammagasat qca ti Apo  
maisacnap met coma ñga agpayso  
itoy asaoam á cadungñgodungñgo  
agraman cadagti dadacquel yo  
quen amin met á putputotyó.

Itedna met coma amin cadacayo  
ti manayon unay á biagyo,  
qt ipalubosnanto pay coma á maquitayo  
daguiti maicamano ñga caputotanyo  
á tacunaynayen ti Dios iti agnanayonto.  
Quet idinto ta dagdi sisasaclang dita  
sinungbatandan iti sapay coma ta casta!  
timmugaoda idi lamisaan á pañgananda,  
qt nasantoan á ragsac ti adda cadacuada  
ta casta daguiti nasingpet ti biagda.

Qt idi aldao á maicasañgapolo qt lima  
ñga adda ni Tobias idi balay ni catugañganna  
nagpacadan tapno di seggaan da ama na

ta saan á duaduaen sidadanagda  
no malabes ti aldao á inqueddengda.

Maysa pay rebbengna met  
á inna cadacuada ited  
ti nagasat á banag ti panguep  
á nagbaonanda qña sadi Rages  
nañgrona ti nagcaysa á gupit.

Qt ni Raquel idi matimodna  
dagdi pinalaoag ni Tobias cadacuada  
naipapilit piman á pinalubosanda  
agraman asaoa na ñga anacda  
nupay nasaquit ti ipupusay na.

Inyaoatda mt ti cagudua  
ti dagup amin dagti cucua  
pirac, balitoc, ayep qñ ubbingda  
ta inton naquem ti Dios á matayda  
taoidendanto pay dagti matda.

Ni Ana binalacadanna mt ni Sara  
cas naimbag á ina iti anac na  
conana á dayaoenna dagti catugañgan na,  
ayayaten duñgduñgoen na ti asaoa na  
taripatoenna ti balay qñ cucuada.

Ti agsiñgpet itaguinayonmo  
tapno aoan ti panaritaan dagti tattao  
iti aoid qñ cababalinmo  
ta naalas unay ñga agpayso  
no tagtagaltalenda ti aramidmo.

Panuñgpalanna, sapay iti Dios coma  
ta cuyoguennacay iti Angel na  
tapno iso cadacay ti mañgicanaoa  
cadagti umapay á peggad qñ siba  
iti dalanenyó á magmagna!

Nagluas da ditan á nagna  
da Tobias qñ cacuyogna  
qt idi ta ñgalay ti dalan ti yanda  
daydi Angel qñ Tobias immonada  
tapno di sumga dagti agururay cadacuada.

Qt idi ta adanida iti ilin  
quinona daydi Angel qñ Tobiasen:  
inton sumañgpetta laglaguipem  
á iruarto dayta inca indulin  
tapno ti sagudayna sagrapem.

Isapsapomto cadaguitay mata ni ama'm  
tapno panagquita na ti agpulang  
qt puso nanto unay ti maragsacan  
no mabuyana ca maimatañgan  
á sicacaoes gasat qñ sarantam.

Agpayso idi á macagtengda  
cadagti aquinanac á sumsumga  
qt iti Dios Apo nacayamanda  
iti isasañgpetda piman á sipipia  
immasideg ni Tobias qñ ama na.

Guinosogosan ni Tobias á ububiñg  
dagti mata ni ama na, cas naibilin,  
iti daydi apro ti ican á naidulin,  
qt idi gudua ti horas ti malabesen,  
naiccat dagdi colapot, nacaquita metten.

Iti Dios Apo nagyamanda  
gapo idi parabor qñ asi na  
qt ni Tobias á lacay naidumduma  
iti panagdaydayaoen á sipapacumbaba  
iti Mannacabalinamin á Namarsua.

Qt idi malabes ti pito ñga aldao ditan  
dimteñg mt ni Sara qñ buyotnan  
qt no ti ragsac ditan napalaloan  
ta da Tobias inda nagmanugang  
iti napintas, nasanicua qñ manacman.

Ni Tobias á ubing impalaoagna  
cadaguidi nasungdo ñga amma na  
dagta nasam-it á parabor nadumaduma  
á impaay daydi Angel á quinacuyogna  
qt castoy daydi sinaona cadacuada:

Pudno á dimabalin á bayadan  
dagti impaayna no anatopan,  
ñgm, ama, daoatec coma ñga ibagam  
bareng cayatna ñga aoaten annugotan  
ti gudua ti insañgpetco á pagguinaoan.

Agpayso daydi Angel inayabanda  
qt nagdaodaoatda quencuanã  
ña, nupay dida mataladán ti ayatna,  
ipaayna ñga aoaten coma ti itedda  
á gudua amin dagdi indatengda.

Daydi Angel quinonana cadacuada  
agyamancay iti Dios ti lañgit qñ dagá  
ta adó á parabor cadacay ti inaramidna;

daydayaoenyo á ipaduyacyac ti caasi na  
ta nalaiing ti panañgiparañgarang cadacuada.

Napateg iti saclang ti Dios Apo  
ti panagcararag á buyogan ti ayuno  
quet nalalaing pay nga agpayso  
ti pananglimos iti napanglao á tao  
ngem iti panagurnong cucua nga ado. - - (1)

Ti pananglimos nabileg unay  
á macagunód iti pannaranay  
ti Dios á caasi na ti narayray  
quet mañgilisi iti ur-uray,  
mangtedto met agnanayon á nam-ay.

Ngem daguiti agaramid  
iti basol quen aniaman á daques  
cararua da ti inda met la irebreh  
iti tooc á nadagsen qñ nacaalalinguec  
ta pacadusaandanto iti naiñget.

Iparañgarangco cadacay ti pudno  
quet aoan met itay ti ilimedco:  
idi agsangsangitca nga aglulualo  
et daguiti natnatay ipomponmo,  
indatagco iti Dios dagti cararagmo.

Quet agsipod iti caayayona ca  
ti Dios Apo á Namarsua  
nasapol pay á pinadasnaca,  
imbaon nac met á nañgagas qca  
ta insuroc ti panamaimbag cadagta mata.

Inlisic pay ni Sara iti pagdacsanna  
iti demonio á mañgirubo qña  
ta siac ni Angel Rafael, dicay agduadua  
maysa cadagti adda iti Dios á nadinna,  
catalec na cadagti nasquen á ibilinna.

Idi ta dagtoy á saó naibalicasna  
dagdi sisasaclang nalaos ti buteng da  
sipapayegpegda á nagpacleb iti dagá  
qt daydi Angel quinonana cadacuada:  
dicay agbuteng, qt puso yo ti agtalna.

Ti pannaquipagtaengco cadacayo  
maypoon iti casta ti bilin ti Dios Apo  
naquitadac á nañgan á cas la tao

(1) —Bona est oratio cum jejunio, et elemosyna ma-  
gis quam thesauros auri recondere. c. 12-v. 8.

ngm saanyo á maquita nga agpayso  
ti pudno á taraon á pagpaquiredco.

Iti Dios ala agyamancayo  
cadaguiti parabor na cadacayo,  
daguiti nacascasdaao á nabuyayo  
ioarnacyo ida cadaguiti tattao . . (1)  
qt ilanadyo mt tapno diyo malipatanto.

Idi á maysaó na amin daguitan  
nagpucaoen á dida naquitán  
quet dagosda á nagyaman  
iti Dios Apo á pagrucbaban  
gapo cadagti parabor á inda linac-am.

Ni Tobias sipod panagpulang ti panagquitana  
nagpaot pay laeng ti biagna  
iti uppat á polo qt dua á taoen ditoy dagá  
quet iti nalaoag á nagdagupanda  
sañgagasot sañgapolo quet dua.

Bayat panagbiagna saan á nagtel-laay  
ti ayat qñ asi na iti nacaay-ay-ay,  
quet idi asideg quencuanan ni patay  
idi anacna ingganetguet na unay  
daguitoy balacad á nadarisay:

Laglaguipemto unay, anac co,  
á ditoy lubong dinto agnanayon ti biagmo  
qt iti casta pilit á baybay-amto  
dagti gameng qñ oayaoayá á masaracmo  
ditoy dagá á mañgilood iti tao.

Daguiti cucua quen ragragsac  
nga addat ditoy dagá á masarac  
ubbao da nga nalacá nga marsaac  
iti pannagna ti aldao nga aglabas  
qt mañgitebbangda iti di agannad.

Ti pudno á pagtungpalan ti tao  
iso ti agnanayon á pagtaeñganto,  
qt no nadalos qñ nasingpet ti aramidmo,  
namáy nga aoan inggana ti papanamto  
á paquiranodamto iti Dios Apo.

Ngem ti nagamrang á di agbuteng  
iti Dios Apo nga daydayaoen  
qt agbasol Quencuana á di agbabaoín  
aoanto mt sabali nga inna urayen  
no dinto met dusa á mañgirurumen.

(1)—Narrate omnia mirabilia ejus.—Tob. 12-v. 20.

Qt urayto payen no matayac  
iti ayat qñ raemmo qñ ina'm dicanto malipat  
ta gapo quenca nagsagaba't ado á rigat  
sipod ñgininaona ca quen inyanac  
agpapan sibibiagca, gapo qca sidadanag.

Daguiti marigrigat badañgam  
manglimosca iti ado no ado ti cucuam  
qt no napanglao ca, cas pagarigan,  
mañgibinglayca bassit iti mabalinam  
ta ni Apo Dios ammonanto á batogan.

No iti napanglao caasiam  
caasinto met ti Dios ti inca malacam  
ñgem no panañgasim ti bayám  
urayem á mailisinto met quencan  
daguiti parabor á nailañgitan.

Dica met mañgirugui iti aramid  
aglalo no nacana ñga panguep  
no dimo pay umona á iumán met  
iti tao ñga naemma qñ nasingpet  
ñga addaan nadalos á sirib.

Ti panangyaoatmo dica itantan  
iti gunguna ti mangued maquitangdan  
ta dica ammo no inna pagcurañgan  
á mangtaraon iti anac na oenno ayoanan  
ta napanglao ñgad á dimo pagduaduaan.

Dayta puso quen naquem sidadalos  
ñga agtungpal iti cayat ti Dios  
iti pacaidayaoanna inca agpanunot,  
casta ti ibagayonto mt á ipaamocod  
cadagti putputotyó á tumaod.

Quet panungpalan toy balacád co  
innac igaec unay ita puso  
á dica aramiden iti pada ñga tao  
ti dica cayat ñga aramidendanto  
á pacadangran met ta biangmo.

Impadles met ni lacay á Tobias  
á daguiti cautivos ñga Israelitas  
agsoblidanto met laeñgen iti madaras  
cas impadto deguidi profetas  
á iso da Amos quen Oseas.

Castamet á imbilinna cadacuada  
á didanto agbati sadiay á dagá  
no mapalubosan dagti Israelita'

á pumanao iti daydi nacacautivoanda  
tapno cadagti itneg mayadayóda.

Quet agpayso ta idi dumteng  
ti panagoayaoayá dagdi Israelitas'en  
ado cadacuada sadiay ti nagbatin  
ngm dagti putot ni Tobias inda nagsublin  
idi balay ni catugañganna á lacayen.

Tinaripato ni Tobias ida  
iti daydi nga quinalacayda  
quet idi madanon ti patayda  
iso ti nacaammo iti pannacaipomponda  
qn nagtaoid met iti amin á cucuada.

Quet idi iso met ti nagteñgan  
ti patay á di malicican  
siam á polo quet siam ti taoen nan  
quet bayat panagbiagna piman  
nasingpet nga aoan qña nangpilaoan.

Castamet daguidi putputot na  
natacneng ti panagbiagda  
aoan la ti nacabcabasolanda  
iti Dios Apo á Namarsua  
qn cadagdi tattao dito dagá.

Ado cadagdi Israelitas ti nabati mt  
iti daydi nacaipananda á gangannaet  
ta dagdi nalaing biagdan dida immalis  
castamet dagdi adayón qn masulit  
iti panagbaoingdan, panagaoid.

Daguidi nagaoid naquitiponda  
cadaguidi saan á naipanao ili da  
qt nagyamanda iti naurayda  
á impaay ni gasat cadacuada  
á nam-ay quen panagoayaoayá da.

Nalaingen daydi panagbiag da  
ta nagbabaoín quet linicudanda  
daydi isusurotda iti Idolatria  
iso á nacaipoonan dagdi sinagabada  
á inted ti Dios á nainget á dusa.

Qt agsipod iti nalaos á buteng da  
á macagutigot pannusa ti Dios cadacuada  
naimbag unay daydi panagtungpalda  
cadaguiti na-Diosan á Bilin na  
cas pinatalguedan ti aramid da.



Dacquel unay á inda pinamaneñe  
ti panagquitaquitda á sibibileg  
iti inapan cadacuada pangparmec  
á ti panagbiagna cas maysa nga itneg  
ta pulos á di quen Apo Dios agamés.

JUDIT.

Ni Arfajad nga ari ti Media  
ado á pagpagarian ti inturayan na  
qt nagaramid ciudad á nalagda  
á ninaganna iti Ecbátana  
á dinaydayao da iti pigsá.

Ngem ni Nabucodonosor nga ari  
daydi ciudad met á nataraqui  
á iso ti madaydayao á Ninive  
guinubatna ni Arfajad á napadisi  
ta iti bileg ti ejercitona aoan umarngi.

Daydi metten ti nanipudanna  
á ni Nabucodonosor napanunotna - - - (1)  
nga iturayan amin daguiti dagdagá  
quet binaonna dagdi ejércitos na  
cadagdi ciudad á di agraem qña.

Pinusganna á paluño qñ bagnos  
daguitoy agcacabileg á ejércitos  
ti maysa á general á narungsot  
á iso ni Holofernes á cas apoy á sirurobrob  
á uramenna amin á inna madalapos.

Daguitoy pagpagarian nadumaduma  
ti Siria, Lia quen Cilicia  
dida nagaoayan quen nasarapa  
ti bileg ti ejército nga impagna  
ni Holofernes á naiduma't ulpitna.

Daguiti nasaracna á ciudades  
aoan cadacuada ti dina rinebbec  
quet ti unay nacaalalinguec  
aoan diosendan á dina idadanés  
ta ni Nabucodonosor ti inna ipapilit.

Daytoy Nabucodonosor á cacuspagan  
iso ti cayat ni Holofernes á dios dan  
á daydayaoen pagcarcaragan

(1)—Ado dagdi nagari á Nabucodonosor ti naganda.

daguiti tattao á inna masaracan  
cadagti masalaponna á pagpagarian.

Gapona nga sidadanag ti naquem  
daguiti Israelitas á napabuteng  
ta into quet no inna rebquen  
daydi ciudad á Jerusalem,  
taeng ti templo nga daydayaoen.

Quet ti natulag daguiti Israelita  
agquitaquitda nga agpacumbabá  
cadaguiti ejercito ti Asiria  
gapona nga dagos nagsaganada  
iti ado á taraon qñ masapolda.

Castamet á naisnec ti panagcararagda  
qñ Apo Dios tapno isalacanna coma ida  
iti daydi nacabutbuteng á cabusorda  
ta ti nangrona á pagdanaganda  
cagura ni Holofernes ti Pammati da.

Ni Eliacin á Suno Sacerdote  
inna met cadacuada ipapati  
á ti Dios Apo saan á di mangngaasi  
no ti tao basolna ti inna ibabaoi  
quen iti dalan ti imbag saan á sumiasi.

Conana: laglaguipenyo ni Moises  
á saan nga igam ti inna pinangparmec  
cadaguidi cabusor na nga umarioecoec  
no di iti cararagna nga nasgued  
qñ Apo Dios nga Ari daguiti bileg.

Quet idi maammoan ni Holofernes  
á daguiti Israelitas inda agquitaquit  
rimmañgen ti nadaan qña nga uñget  
qt incarina á mapucaó qñ marbec  
daguiti il-ili da amin á nasuñgit.

Ni Holofernes nagsaludsod qñ Aquior dita  
no ania nga ciudad daydi agquitaquit qña  
qt quinonana: daguita á tattao agdaydayaoenda  
iti maymaysa á Dios nga aoan caduana  
quet lalaisenda aminen á dadduma.

Ti Dios daguita met la á tattao  
iso ti nañgaon cadacuada iti Egipto  
linasatda á nagmagá ti mar Rojo,  
castamet ti carayan Jordan sadi Jericó  
ta dungñgona cadacuada ti napalalo,

Ngem no naruary daguiti dungngona  
castamet á naiñget ti pangdusa na  
no agquitaquit qñ agbasolda Quencuana;  
anansata nalaing, sor, no damaguem ida  
no simminada ita iti Dios da.

Naguñget dita ni Holofernes  
ta inatapna á ni Aquior naquitulag mt  
gapona nga inna pinareppet  
sana pinaitulod Betulia á ited  
tapno mairamanto no marbec.

Agpayso casta ti inaramidda,  
ngem idi macaadanida iti Betulia  
maysa á cayo ti nañgiraquedanda  
sada pinanaoan á casdina  
quet binocran daguidi Israelita.

Pinayasidegna ngad ti ejercito na  
á sañgagasot qt duapolo ribo ti infanteria,  
tal-lopolo qt dua á ribo ti caballeria  
sabali pay dagti soldados á nadumaduma  
á pangrebbecca can iti Betulia.

Daguitoy naruary á soldados  
á damag qñ laña da ti macapaquigtot  
isoda ti immadadani á mañgalicobcob  
cadagdi Israelitas piman á siduducot  
quen napasnec unay nga agdaoat iti Dios.

Ni Holofernes idi maquitana  
nga ti danum á taraon ti Betulia  
aggapo iti ruar daydi muralla  
pinaputedna daydi pannagnana  
tapno dagdi adda iti ciudad maparigatanda.

Agpayso idi duapolo nga aldao ti malabes  
á ti danum saan nga iti ciudad sumrec  
naquirang ti inumen ti taon á pilit,  
anansata napanda qñ Ozias immasideg  
qt quinonada quencuana á sangsangcatimec:

Dagtoy rigatmi á masagaba  
sica lñg amin ti gapona  
ta cadagti Asirios dica maquicapia  
qt aoan mt ngad manaranay ita  
itoy paguel qñ ducot á nacana

Ita ayabam ngad amin á tao ditoy ciudad  
tapno agtitimpuyogcam á mapan dumatag

cadagti cabusor ta ti maadipen naimimbag  
ngm iti maibabaincamto qt nga agbiag  
idinto nga annac qñ assaoa min pataydan ti nalpas

Lañgit qñ dagá ti macasacsi  
qñ ti mt Dios dagdi amma mi  
daoatenmi á toy ciudad iaoatmo iti cabusormi  
tapno dusaenda cam, iti maitutop iti basolmi  
ta nalalaiñg tapno dicam matay iti oao mi.

Idi ta maisaodan iti casta  
nagsañgit ti ili nga nagogaog iti napigsa  
qt iti nabayag á horas qñ Apo Dios immaoagda  
quinonada: daques cami, nacabasolcam Qca  
ngm agbabaoicamin, caasianna cam, Apo, coma.

Cayatmi, Apo, á sica ti mangdusa cadacami  
ta caicarian unay toy quinadangquesmi,  
ngm dina cam coma iaoat cadagti cabusormi  
á di agraem Qca qñ di mt mamati  
tapno dida cam uyuyaoen á cas natiri.

No dina cam denguen, oh Apo,  
dagti cabusor mi conconadanto:  
jadino ti yan ti Dios dagtoy á tao  
ta dina mt icanaoa ida á mairubo  
idinto ta iso ti pagpanacquelda á di umamo?

Idi nabannogdan nga agpuccao qñ agsañgsañgit  
nagtuquengda ditan á nagulimec,  
timmacder ni Ozias á silulua á nagtimec:  
cacabsatco, puso tay ala ti bumileg;  
iti lima nga aldao intay pay ala aguitured.

Nalabit á ni Apo Dios caasianna tay pay lñg  
ngm no aoan ti pacabangarantay iti lima nga aldaoen,  
dayta conayo, oen, isonto ti intay aramiden  
tapno mapatuloy ti incay mapaquinaquem  
qt aoanto mt aniaman á pambaren. . . .

Dagta nga saó naammoan ni Jodít,  
napintas daytoy á baba-i á nabaloan ni Manasés  
qt napatac á nasanicua qñ nasingpet,  
tal-lo á taoen qt guduan á sipapaing mt  
iti uneg ti balay na, iti nañgato á siled,

Qt gapo iti caasi na iti ili  
pinaayaban na da Cabri qñ Carmi,  
pañglacayen dagtoy á saó da ti mapapati  
qt napanda qñ Judit á nasudi,  
sa daytoy mt quinonana cadacuada ti naguni;

Ania nga asog dayta innac nadamag  
á inannugotan ni principe Ozias  
nga iti cabusor iaoat na toy ciudad  
no ti lima nga aldao aoan umarayat  
iti pacaducotan á mañgted danag?

¿Siasino cay aya iti panañgipagarupyo  
nga ni Apo Dios qt padpadasenyo?  
agpacumbaba Quencuana lng ti rebbenigtayo  
qt isonto la á maymaysa ti macaammo  
á mañgispal cadatay iti cabusor tayo.

Daguiti basbasol tay Quencuana  
utañgtay lng á babaoyen amin ida,  
qt ditay lipaten á no mañgdusa  
aramidenna dayta á pañgipalaguipna,  
ngm saan á tapno pucaoenna tay coma.

Castamet á pampanunotentayo  
á, nupay dusaennatay iti nacaro,  
adadda pay qñ nadagdagsen ti basoltayo,  
anansata ditay agsimron iti mañraytayo  
ta amin á paguel qñ tooc caicariantayo.

Daguita á saó ni Judit á naslag  
imbagá dagti pañglacayen qñ Ozias,  
qt daytoy qñ dagdi tao ti ciudad  
quinonada qñ Judit á imbatad:  
pudno amin daguita imbalicas.

Aoan mabalin á pilaoen  
cadaguiti sinaom á sitatalingenngen  
qt ala inca coma iti Dios daoaten  
ti maipaay coma cadatay amin,  
sica ta nasingpetca qt inna canto patguen.

Quinona ni Judit cadacuada:  
no bigbiguenyo á Dios ti naggapoanna  
daguiti innac itay imbitla  
ammoenyo met á isonto ti mañgibaga  
iti aramidecto á incay maquita.

Quet bayat di pay maaramid  
toy adda ita á panguepec  
agcararagcay comá á sipapasnec  
iti Dios Apo daguiti bileg  
tapno mapatuloy co ti sicatec.

Iti ruañgan toy ciudad á nataraqui  
aguraycayto iti daytoy á rabi-i  
ta cacuyogconto ti ubingco á baba-i,

rumuarcanto á di agtagtagari  
qt agcararagcay la iti Dios á Manangngaasi.

Dicay ituqueng ti panagdaoatyo Qña  
inggana iti agsubliac á incay maquita  
tapno maragpat tay ti inna panañgicaluya  
ngem dicay agsalsaludsod iti aramiddec ngata  
ta ti la aramidto ti mañgibagá.

Ni principe Ozias quinonana:  
ni Apo Dios ti manaclin qca  
qt sapay coma unay Qña  
ta iso cadatay ti mañgicaluya  
cadagti cabusor inguet ruay da!

Iti dayta nagaoiddan  
qt ni mt Judit á nasgang  
napan simrec idi silednan  
qt dita manen inruguinan  
ti agcararag qñ Apo Dios á sipapacurang.

Nagcararag unay iti napasnec  
qt puso qñ matana't sisasañgit . . . . .  
ni mt Apo Dios inna dineñgñgeg  
daguidi ararao na á nasgued  
aramidenna mt ti inna intalucatic.

Idi ammona ti aramidennan  
timmacder á sibibileg ti naquem nan,  
dagti caoes ti penitencia iniccatnan  
ta inna ida dita sinucatan  
cadagti agcacapateg á icapetnan.

Inayabanna di balasang á ubingna  
tapno caoesan qñ irubuatanna;  
idi nacapel-lesen nga aoan curangna  
ninayonan pay ni Apo Dios ti pintasna  
ta ditan aoan ti pumadpad qña.

Binilinna mt daydi balasangna  
á mangala cadagdi balonenda  
sada immuloguen idi balay da  
qt idi ta iti ruangan ti ciudad nagtengda  
nadanonnan da Ozias qñ agcacangina.

Amin dita quencuana á nacabuya  
nasdaaoda iti naitalugading á sayaat na  
daytoy nagsaoay á init ti Betulia  
ngm dida nagsalsaludsod qña,  
binaybay-anda laeng á nagna.

Imparañgarangda qt dita á quinona:  
ti Dios dagdi amma tayo pabilguenna ca  
tapno daguita panguepem maaramidda  
qt ti Jerusalem maidayao gapo quenca;  
cadaguiti naidaclan singpet maibilangca.

Amin met daguidi sisasaclang dita  
sangsangcatunosda piman á nagcona:  
¡sapay comá ta casta! ¡sapay coma!  
quet ni Judit sicacararag iti Namarsua  
rimmuardan iti daydi balasangna.

Iti agbannaoguen iti agsapa  
sumalogda iti bantay á naglasatanda  
qt daguiti centinelas asirios simmabatda  
sinaludsudda no adino ti naggapoanda  
quen no adino met ti papananda.

Ni Judit simmungbat cadacuada:  
daguiti Hebreos anac dac á maysa  
quet pimmanaoac iti yan da  
ta ammoc á dusaenyonto ida  
agsipod iti dida cadacay agpacumbaba.

Iso ti gaponá nga innac naisip  
ti dumatag quen principe Holofernes  
tapno innac quencuana ibisic  
dagti adda cadagti Hebreos á palimed  
tapno tel-lañgenna ida nga aoan macapisipis.

Idi matimod daguidi soldados ti saó na  
nadaeganda amin á nacabuya  
iti daydi datdatlag á sayaatna  
conada: iti yaaymo iti principe á nañgina  
dayta biag mon inca maicaluya.

Itinto inna quenca pannacabuya  
no macadatagca iti saclang na  
maayayonto laeng ti puso na  
cadaguita sagudaymo á naparsua  
á narasay oenno aoan pumadpad qca.

Idi castan inda indatag  
qn Holofernes; general á nadayag  
qt iti biang na inda impalaoag  
ti panguep quen casasaad  
ni Judit á naitalugading pintas.

Ni Judit apaman á macagteñg  
iti saclang ni Holofernes á nacabutbutenig  
nagrucbab iti cadaoyanda á panagraém

qt daytoy general dagos á nacayaoanen  
cadaguidi mata ni Judit á cas bituen.

Daguidi met oficiales á nacabuya  
iti ñgayed ni Judit á naidumduma  
quinonada: jasino ti di mamateg iti Betulia  
no castoy ti pintas dagti babba-i qña?  
maipoon cadagtoy maicari á gubaten ida.

Quinona ni Holofernes quen Judit:  
dica agdanag iti uray bassit  
ta aoan ranggas á maaramid  
iti asinoman ñga agraém, agtamed  
quen ari Nabucodonosor á napateg.

Dayta ili quenca á namarbit  
no saanna comá ñga linalais  
daguiti innac qña panañgaois,  
caanoman diac aramaten ti bileg  
á idañgadangco quen pangrebbec.

Ngem saoem man caniac ala  
ño apayapay á pinanaoam ida  
quet ditoy yan mi immayca  
idinto ñga dica ñgata agduadua  
á cabusor da cam á nacana?

Simmungbat ni Judit á siraraem:  
señor, ti rigat á incam sagabaen  
iti uneg ta ciudad á rebbequem  
iso ti pinanaoac á pilit laeng  
tapno diac matay iti oaó quen bisin.

Matoocan daguiti tattao dita  
maipoon la iti quinauyongda  
ñga agquitaquit maquicappia  
iti pannacabalin ñga aoan pumada  
ni Nabucodonosor á gapo qca.

Ni Nabucodonosor ti pudno lñg  
quen maicari ñga daydayaoen  
ditoy dagá ta naitaltalugading  
iti saguday na quen pannacabalin  
qt mariro ti di quencuana agraem.

Quet agsipod iti siammoac  
iti panangñaasi yo iti agrucbab  
ita adda cadacayo á dayág  
immayac ditoy ita dimmatag  
tapno panañgaco yo ti taclinac.



Dagta á binalicas ni Judit á sipapacumbaba  
impagarop ni Holofernes á pudno da  
qt siraragsac á simmungbat qña  
á naimbag unay ti inaramidna  
ta dagti rigat qñ paguel malisianna.

Quinonana pay nga di agduadua  
iti tanóc quen nam-ayna pay iti ili na  
ta paneenecan dagti napateg á sanicuana,  
gapona á dina paritan ti panaglacamna  
iti nasayaat á biag quen oayaoayá.

Pinayaramidanna't nañgayed á tienda  
oenno calapao á pannacabalay na  
iti dinna met la daydi paguianan na,  
castamet nga aoan pacatipdanna  
á sumrec qñ rumuar no cayatna.

Imparang ni Judit ti yaman na  
cadagdi namáy á itedna quencuana,  
ngem parabor nga adadda pay coma  
no iti parbañgon macaoayaoayá  
nga mapan agcararag iti Dios na.

Nupay napusong ni Holofernes  
inannugotna ti quiddaoen ni Judit,  
cadaguidi iturayanna imbilinna met  
nga aoan qñ Judit ti manglapped  
iti oaya na iti cayatna nga aramid

Agpayso aoan mangtiped qña  
iti aniaman nga aramidenna  
sumrec quen rumuar idi tienda,  
no mañgan daydi balón na ti canenna,  
dina met liayan ti panagluloalona.

Idi maicapat nga aldaoen nga adda  
ni Judit iti daydi á tienda,  
napanunot ni Holofernes ti nagdayá  
qt dagdi oficiales naquipangrabi-ida  
castamet á ni Judit pinatoconna.

Imbilinna cadaguidi tattao na  
á no malpas ti panangrabi-ida  
bayánda idan qñ Judit á dudua  
ta ninamnamana nga idin lacamenna  
ti ayat ni Judit á ragpatenna.

Napan ni Judit nga agpayso  
idi pañganan daydi general asirio  
qt imparangna ti yaman á napalalo

iti pannaquilanglang á naiparungbo  
iti tanóc á madaydayao uray adino.

Daguitoy á saó impapan ni Holofernes  
nga maayayo quencuana ni Judít  
quet ragsac na daydi gumayebgueb  
qt gapo iti casta napalaloanna ti nagbartec  
qt binagcatda á impaidda, insimpa met.

Quet idi naisimpadan iti idda na  
pinanaoanen daguidi ubbing na  
cas imbilinna á insagana cadacuada  
quet isona la nga natda idi tienda na  
ni Judít nga aoan sipar ti oayaoayana.

Ni maingel á Judít idi castan  
á dudua da idi cas natay iti bartec nan,  
nagcararag iti Dios á sipapacurang:  
iccannac, Apo, iti turedco tapno mapatuloyan  
toy panguep co á maingaramid pacaidayacam.

Innalana daydi alfanje á catatadman  
á sisasab-it iti oloanan daydi naguiddaan  
ni Holofernes á matmaturrog aoan ricna nan,  
quet pinutolanna á di inamamsanan  
daytoy itneg á general á cacuspagan.



Daydi olo á naputol intedna idi balasang na  
tapno ipisocna iti uneg ti supot á balonda  
sada rimmuar á dua, cas cadaoyanda  
quet aoan la ti nangtubeng cadacuada  
iti daydi campamento á linasatda.

Nagsiccoda iti daydi tay-ác  
quet idi asidegdan iti ciudad  
pimmuccao cadaguidi centinelas:  
daguita ruañgan incay ida ilucat  
ta ni Apo Dios ilisiná tay iti rigat.

Daguidi centinelas idi inda mabigbig  
daydi timec á inguet sam-it  
ni maiñgel unay á Judít  
dinagosda ñga inyammo met  
cadagdi agturay ñga agcacapateg.

Daguitoy nagtataray da aminen  
castamet dagti lal-lacay qñ ubibbing  
ta agpayso seggaanda la unayen  
dida pay ninamnaman ñga agsublin  
sada linaolao á sinilsilaoanen.

Ni Judít napan dita iti nañgato  
quet pinagulimecna daguidi tao  
sana insaridat ti nagsaó:  
ti Apo tay á Dios daydayaoenyo  
ta dina binayan ti nañginama á pudno.

Daydi impatalguedna ñga caasi  
á inna quen Israel idi incari  
natungpal á napanecnecan itay rabi-i  
ta intalaytayna iti ima ti maysa á baba-i  
á nangpatáy iti nabileg á cabusor toy ili.

Sana inruar daydi olo ni Holofernes  
quinonana: quitaenyo toy nacaarariec  
á olo ti general asirio á namagquintayeg  
cadaguiti amin á ili quen ciudades  
á nagbuteng quencuana á mangrebbe.

Quet ipatalguedco cadacayo, sapataac  
sacsic ti Dios itoy á panagsaritac  
ti Angel á nailañgitan incaluyanac  
ta aoan lūg ti aniaman á nacaananoac  
nanipod pimmanaoac ditoy inggana ita nagsubliac.

Iti basol diac laeng naruguitan,  
qt iti Dios innac unay pagyamanan  
iti peggad innac laeng insalacan  
quet dacayo inyo met nalacám  
ti oayaoaya yo á incay tinarigagayan.

Dayaoenyo amin ala ti Dios iti ayat na  
qñ gapo iti aoan ingga ti caasi na

ta napadas, napnecanyo unay ita  
ta inna tay amin incaluya  
iti nacaalalinguec unay á siba.

Agpayso, iti Dios nagdaydayaoenda  
cadaguiti nasam-it á parabor na  
quet sada quen Judít quinona:  
ni Apo Dios imbuyatna quenca  
daguiti nabileg á pannagasat na.

Intedna quenca ti pannacabalin  
ta daguiti cabusor pinucaomo amin;  
quet ni Ozias á paluño da iti Israel  
innayonna met á quinona payen:  
anac co, cadagti babba-i sica ti naitalugading.

Daydayaoen tay unay ti Dios Apo  
á namarsua iti amin á pudno,  
inturongna ta ima'm á namutol iti olo  
ti nabileg á bagnos daguiti cabusor tayo  
á nañgigaguem cadatay á mañgirubo.

Daydayaoentay ti Dios ta inaramidna  
ña ta nagan mo aoanto ti inggana  
á iracurac daguiti mañgididiaya  
cadaguiti nacascasdaao á naquita  
quen nagderraaon á napapagna.

Oen: ni Apo Dios intay daydayaoen  
ta iniccanna ca iti bileg ta naquem  
ta inispalmo iti rigat toy ili'm  
quet saanmo laeng á imbuteng  
dayta biag mo iti peggad á di mailmeng.

Daydi ili cas dina laeng maipapas  
ti yamanna ñga siraragsac  
iti daydi linacamda ñga gasat  
á intalaytay ti Dios á inyaoat  
qñ Judít á saguday na't aon umartap.

Nagbaon metten ni principe Ozias  
cadaguiti caparañgetda á ciudad  
ta inna cadacuada impadamag  
daydi nagsaoay unay á gasat  
á impaay ti Dios á inda naragpat. ...

Ni Aquior á nañgipadamag idi iti saó  
ni Holofernes á di mamati iti Dios á pudno  
idi naimatañgan na ti naaramid saan á nagmocó  
iti pannacabalin ti Dios á napaypayso  
quet iti pannati ni Judít ummabunó.

Quinonana: ti Dios mo inna ca pinagasat  
ta nagan mo agnanayonto á mairacurac  
qt dagupto met daguiti macadamag,  
idaydayaodanto ti Dios á poon ti imbag  
á mañgilisi iti umapay á peggad.

Quinona ni Judit: cacabsat, denguendac ala.  
dayta olo ibayogyo iti rabao ta muralla  
quet inton sumarañgising ti init iti daya  
tunggal maysa alaenna ti igam na  
qt rumuarcayto iti ciudad á umariangga.

Saanyonto á ipaypayso ti sumalog  
á mapan dumanon iti cabusor á narungsot  
ñgem cas cayto la in cadacuada dumarop  
ta inton maquitada cayo qñ matimod  
indanto ibagá iti agturay da á bagnos.

Qt inton inda masaracan  
á ni Holofores nelpas á naputolan  
agbutengdanto qt agtataraydan  
qt sacayto mt camaten idan  
ta iti pannacabalin yo maiiaoatdan.

Agpayso natungpal á naaramid  
amin dagti imbagá ni Judit  
idi nagtataray dagti cabusor á umarioecoec  
quinamat ida dagti Israelitas ingana't lacsid  
ti sacop ti Betulia sada nagaoid.

Sinamsamda amin dagti cucua  
qt naruay ta di mabilang ti ayep da  
castamet dagti gameng qñ saniata  
qt aoan ti di bimmacnang nga Israelita  
nangato man qñ nanumo ti biagna.

Dagos mt á napan sadi Betulia  
ni Sumo Sacerdote Joacim á nañgina  
agraman agturturay iti Jerusalem á naggappoanda  
ta ni Judit piman daydi quitaenda  
ta naisagsaguday iti ingel á pagsidsiddaaoanda.

Qt idi nga inaoat ni Judit ida  
daguidi naggapo iti adayo á napan qña  
quinonada: ti Jerusalem sica ti dayao na  
ni Israel sica mt ti ragsac na:  
sica ti pacairagpatan ti nacayanacam á dagá. (1)

(1)—Tu gloria Jérusalem: tu letitia Israel: tu hono-  
rificentia populi nostri.—Judith cap. 15 v 10.

Maingel ta pusom á casca lalaqui á nabileg  
á nangpucao iti napusong á mangidadanes  
iti ili ti Dios qñ dadduma pay mt  
qt dagti baba-i olidandaca iti singpet  
dica quinayat ti lalaqui'n idi natay ni Manases. (1)

Maipoon cadaguita á saguday mo  
pinabilegnaca unay ti Dios Apo  
qt amin mt dagti tattao  
agnanayonda ca á daydayaoento  
qñ iracracurac ta nagan mo.

Amin dagti tattao dita  
á nacatimod cadgta á sarita  
inal-laoatda met á quinona:  
¡sapay coma iti Dios ta casta!  
¡viva Judit, viva viva!

Cadagti gameng dagdi Asirios á innalada  
iti bayat ti macabulan ta naruyda  
nailasin dagti qñ Holofores ta isagotda  
iti nagsaoay á bileg á namatay qña  
ngem ni Judit intedua iti simbaan ida.

Amin daguiti ilili rinamrambacanda  
daytoy nagasat á panagbal-liguida  
babba-i, babbalasang qñ ubbing dita  
naglibotlibotda cadaguiti calzada  
á quinuyog dagti naragsac á musica.

Idi naldas ti ragsac ti Betulia  
dagdi taga-Jerusalem inyal-latioda  
nga impan met ni Judit tapno mabuya  
daguiti saan pay á nacaquita qña  
ta nagsidsiddaaoan ti sagudayna.

Ni Judit imbatadna nga saó  
á dagti bumusor iti ili ti Dios Apo  
madusadanto amin iti nacaro;  
quet dagti macabasol Qña ocomenmanto  
tapno agnanayon á inda matotoocto. (2)

Nagpaot iti tal-lo á bulan  
daguidi ragragsac ti pagarian  
maipoon iti bal-ligui á casamitan

---

(1)—Manases iso daydi asaoa ni judit.

(2) —Dabit enim ignem, et vordes in carnes sorum,  
ut nrantur, et sentiant usque in sempiternum. Ju  
dith. cap 16 v. 21.

ta ni la Judít á baba-i piman  
ti nacaragpat á nagsidsiddaaoan.

Quet idi malpas amin daguita  
tunggal maysa nagaoid balay na  
nanipod met idin sarsaritaenda  
nga cadaguiti amin á Israelita  
iso ti casusudian ti dayao na.

Ti ili idi cua no agrambac  
agparang ni Judít á sipupunno't dayag  
aoan ti di agdayao qña á sigagasat  
ta pudno nga aoan pilaoen á maibalicas  
iti daytoy baba-i nga agdindinamag.

Impalubosna met ti oayaoaya  
quen insagsagutan daydi balasangna  
qt ni Judít idi madanon ti patayna  
sañgagasot quet lima ti taocenna  
pinadayaoan amin ti Israel ti pomponna.

Quet uray idi nalpas á natayen  
limmabas ti canicaoalo polo á taoen  
nga aoan cabusor á guimmobaten  
iti pagarian ni Judít á Israel,  
nagtalnada á sitataliñgenñgen.

#### PROFETA DANIEL,

Cadaguidi Judios á naipan  
á cautivo sadi Babilonia á pagarian  
naicuyog met cadacuada piman  
ni profeta Ezequiel á casingpetan  
á namatpatalgued iti paguimbagan.

Gapona á sianosda laeñg  
á naguitured tooc ti adipen  
basbasol da mt ti inda binabaoín  
ta ni Ezequiel di nagsardeñg  
á namagbagá, cas rumbeng.

Saanda mt á immannugot  
cadagdi aramid á carurod  
ti Mannacabalinamin á Dios  
ta ammoda á basol ti nacagutugot  
ti nacaipoonan ti inda pannacatooc

Daguiti nangiparang á nalaing  
iti pammatida iti Dios á nataliñgenñgen  
iso daguidi uppat á ubbing

á nacapataudanda't natacneng  
qt masarsaritada met quen manaquem.

Daguitoy masasaó ñga uppat  
iso da Daniel, Ananias, Misael qñ Azarias  
quet daydi ari inna ida insaad  
iti quinapaje á mayarpad  
iti turay na á mamadayag.

Quet nupay imbaga ti ari cadacuada  
ña iti taraon ti palacio ti canenda  
daguitoy á uppat aoan cayatda  
no saan la ñga ti ibagá  
ti linteg ti Dios á surotenda.

Iti pannagna ti aldaó naquita  
daguiti saguday á naipangrona  
ni Daniel ta nagtengna  
á daguidi nalimed ammona  
ña uray aoan tao á mañgibaga qña

Ti immona á nacapanecnec  
iti saguday na á mangpadles  
iso daydi panañgispalna panañgiliclic  
iti patay comá á nacaalalinguec  
ni Susana, baba-i á nañgayed.

Daytoy á baba-i, nasingpet, napintas  
nasanicua met ñga agbiag  
qt pinardaya á nagaramid naalas  
dagti dua á nagpanguep mangranggas  
iti dalos ti quinababa-i na qñ casasaad.

Idi ñga inda patayenen comá  
daytoy baba-i á naparpardaya  
tinalucatican ti Dios ni Daniel á nañgibagá  
ña aoan basol daydi dusaen da  
quet balioanda ti agmalutmot dita.

Agpaiso, rimsua á nagguidiat  
ti saó daguidi sacsi á nagpalaoag  
gapon na ñga isoda ti naisucat  
á inobor daguidi tattao iti ciudad  
cas iti adda iti linteg á maalagad.

Ti pateg ni Daniel cadagti cailian na  
castamet iti biang ti ari ti Babilonia  
ta iso laeng ti nacaipalaguiq qña  
iti daydi nalipatanna á tagtagainepna  
quen nañgibucsil met iti caipapanan na.



Quinonana: señor, ti balitoc á olò  
ti ladaoan á dacquel á tinagtagainepmo  
caipapanan toy pagturayam á imperio  
á pagdamandamagan nga agpayso  
ti bileg quen dayao á napalalo.

Ti pirac á taquiag quen barucongna  
caipapananto ti icapoy na  
no sabalinton ti agturayna  
castanto met iti maicatlo quenca  
caipapanan ti bronce á tian qñ luppona

Quet inton maicapat nga ari'n  
aoanto ti macaquitaquit iti naquem  
daytoy imperio á natalingenngen  
ta iso ti caipapanan ti natangquen  
á saca tay ladaoan á sarsaritaen.

Ngem daytay dagá á nailaoc  
itay saca na met la nga landoc  
caipapananna ti pannacarpoc  
ti bileg toy imperio á macapaquigtot  
iti uray asino man nga agpampanunot.

Agbiñgayto met daguiti turay na  
cas caipapanan ti panaglaoc da  
daguitay landoc quen dagá  
á naquita met la cadaguiti saca  
daytoy sinin-tao á nagparang qca.

Panungpalan na maracracto  
daguiti naggadua nga imperio  
ngem cadacuada adda mabañgonto  
á pagarian á nañgatngato  
á ti puñganayna nanumo.

Agpayso natungpal amin daguita  
ta iti turay ni Nabucodonosor iti Babilonia  
simmucat qña á nagsasarunoda  
dagti imperios ti Persia, Grecia qñ Roma  
sa nagbilay da Arcadio qñ Honorio dita.

Daguitoy Arcadio quen Honorio  
annac ida ni emperador Teodosio  
iso á namagsina cadacuada, agpayso,  
iti Oriente qñ Occidente á masasao  
ta pinagbalinda nga dua ti imperio.

Quet idinton ta naracractan  
dagti imperios quen pagpagarian  
turay ni Jesu-Cristo ti maimatañgan

á naisacnap cadacuada á caipapanan  
daydi bató á nangtuang iti ladaoan.

Ni Nabucodonosor intedna á gunguna  
ni Daniel iti imbag ti panagpadles na  
dinutocna á gobernador ti Babilonia  
castamet á pinaraboran sinaranayna  
daguidi cautivos nga adda iti sacop na.

Ngm daydi asi á natalibagoc  
ni Nabucodonosor cadagdi cautivos  
saan mt la piman á nagpaot  
ta nagtungpalanna inna impagarop  
á ti biangna saan la á tao ngm Dios.

Gapona nagpaaramid iti balitoc á ladaoan  
tapno iso ti inda caniana pagcararagan  
qt dagdi Judios agquitaquit da piman  
qt dayta ti naingguraanna cadacuadan  
qn poon ti inna nangdusdusaan.

Iti daytoy nainget unay á bilin  
nangrona á nagsagaba pimanen  
dagdi tal-lo á cadua ni Daniel  
á iso da Anamias, Azarias qn Misael  
ta pinaisebba ida daydi ari á nadaoel  
iti horno á sumsumgued iti dacquel.

Ngm dagtoy nadusa ta sitataledda iti Dios  
dida la naanano piman á pulos  
ngm daydi apoy quetdi á sirurubrob  
inuramna á pinatay dagdi verdugos  
qt ni Nabucodonosor ditan nagquigtot.

Sipod ditan binabaoina ti bilin na  
á padayao pacararagan ti ladaoanna  
ngm saan á nabayag mt lng impapilitna  
cadaguidi amin á iturayanna  
ta buclenna la nga aoan cas qña.

Ngm iti naiinget dinusa ni Apo Dios  
ta pinagbalinna á cas maysa nga banos,  
iniccatna ti naquemna qn panunot,  
sara daydi olo na ti timmaod  
qt nagvacanvaca á napan iti baquir simmucsoc.

Pito nga taoenna á nadusa iti casta  
á bulbulong metten daydi arabenna  
sa mt la impulang ti Dios idi trono na  
qt iniccatna ni Evilmerodac nga anacna  
á simmandi qña idi ta baquir ti yanna.

Maipoon iti daydi dusa na á nadagsen  
ni Nabucodonosor nagbabaoi qñ sibubuteng;  
daydi cuspagna naparucma metten,  
simmurot pay iti napaypayso á pammatin  
iti Dios nga Apo tay á daydayaen.

Dagdi simmuno nga arari ti Babilonia  
inammoda mt á napateg, cas rebbengna,  
ni profeta Daniel ta quinonada  
á isiso ti pinili ti Dios á nagtalcanna  
cadagti cau-unggan á palimedna.

Pacaquitaan pateg na cadaquada  
initdanda iti turay qñ oayaoaya,  
anansata cadagdi babilonios inna ibagbagá  
iti quinaulbod dagdi didiosenda,  
castamet daguidi ministros da.

Ti cangronaan cadagdi pagcarcararaganda  
dagdi itneg á taga Babilonia  
iso daydi ladaoan ni Bel á paguidatonanda  
iti ado á carnero, arac qñ harina  
ta itaraonda can iti daydi diosenda.

Ni Daniel pinanececanba ti quinatiri na  
ti bal-laibo nga araramidenda  
dagdi sacerdotes ni Bel á diosenda  
qt idi nga ammo daydi ari'n ti casta  
pinapapatayná dagdi nagulbod qña.

Impalubos ti Dios qñ Daniel á profeta  
á daydi ladaoan ni Bel maorá  
narba mt daydi simbaan na,  
castamet nga pinapatayna  
daydi dragon á pagcararaganda.

Maipoon cadaguita á naaramid  
dagdi tattao iti ili inda nacauñget  
dinaoatda idi ari á ni Daniel inna ited  
tapno aramidenda qña ti ibabales,  
qt no saan biag na nga ari ti mararit.

Daydi ari á sibubuteng ni Daniel intedna  
qt daguidi tattao impupocda  
iti yan dagdi leones á inguet rungsotda  
tapno ni Daniel lamutenda dita  
cas cadaoyan á maaramid coma.

Ngm daydi á inda inaramid  
iso qt ti dacquel á namanecnece

iti dungngo ti Dios qñ Daniel á nasingpet  
ta di inanano dagdi banos á naunget  
idinto ta innem nga aldao dida nangan mt.

Ni Apo Dios binaonna ti Angel á napan  
qñ Habacuc nga adda iti pagpaanian  
tapno ni Daniel inna balonan  
ngm ni Habacuc dina dayta mabalinan  
ta uppat á gasot á legua ti caadayona piman.

Daydi Angel iniggamanna ti booc  
daydi agquitaquit nga Habacuc  
qt iti apagcanito naidisso á dagos  
idi yan ni Daniel á sipupupoc  
iti arpad dagdi leones á narungsot.



Inyaoat ni Habacuc qñ Daniel ti canenna  
qt daydi mt la Angel á naigala  
inna impulang ni ~~Daniel~~ idi naggapoanna  
iti nasursuroc ngm augin ti pardasna  
ta naquem piman ti Dios á casta.

Idi mapan ti ari qñ cabadang na  
idi yan ni Daniel tapno quitaenda  
no adda pay natda á tultulang na,  
situtugao quetdin á nasaracanda  
iti nagbabaetan dagdi leones á sisimpá.

Nasdaao daydi ari iti casta  
qt ni Daniel ditan pinaruarna  
quet naisuno figarod quencuana  
daguiti nañgigul-lo idi quiborda,  
qt apagserrecda linamot dagdi banos ida.

Impadles met ni Daniel ti tiempo  
á yaay á itatao ni Jesu-Cristo,  
castamet ti pannacaracrac nga agpayso  
ti Jerusalem gapo iti ejercito ni Tito  
qn dinanto panagbuquel á ili'n uray caano.

Ni profeta Daniel met laeng  
ti nañgibucsil cadagdi saó á nacabutbuteng  
á naquita ni ari Baltasar iti pader (1)  
á "Mane, Tecel, Fares," á denguen  
ti caipapananda can á di duaduaen:

Ti Mane conana: biag qn panagari'm  
nalpas dan á nabilang qn naquedñiganen,  
ti Tecel: madusa ti basolmo á nadagsen  
qt ti Fares: dagti sacopmo bingbinglayen  
dagti cabusor mo á cangronaan met lñg.

Agpayso daydi á rabi-i nanungpal  
ti nacaininacá á biag ni ari Baltasar  
ta naquibor daydi pagarian  
iti iseserrec dagdi nanglacob qñan  
iti nasuroc á macataoen iti daytan.

Innala ti Persia quen Media  
daytoy pagarian ni Baltasar á Babilonia  
ta da rey Dario qn Ciro nagtiponda  
á nañgiserrec iti ejercito á igubatda  
iti daydi imperio á quinalicagumanda.

PROFETA AGEO QN ZACARIAS:  
SACERDOTE ESDRAS.

Ni profeta Jeremias impadtona  
á dagti nacautilvo sadi Babilonia  
cadagdi Judios idi pannacaabacda  
pitopolo á taoen laeng ti bayagda,  
qt ni Daniel castamet daydi conana.

Agpayso, ni Ciro nga ari ti Persia  
talucatic ti Dios ti impañgagna  
inayabanna amin á Judios iti sacopna

(1)—Diding.

quinonana nga sadi Jerusalem agsublida  
tapno ti simbaan ti Dios bangonenda.

Inted met ni Ciro cadacuada  
tapno sadi Jerusalem isublida  
daguiti ramramit daydi simbaan da  
á innala ni Nabucodonosor idi cua  
á impanna sadi Babilonia.

Rinibribo dagdi Judios á nagsublin  
idiay ili da nga Jerusalem  
ta dagti putot da Simeon qñ Dan mtten  
timmipon da ditan met laeng  
cadagti annac da Juda qñ Benjamin.

Quet idi adda macataoen dan  
inruguida á binañgon ti simbaan  
qt dagdi sacerdotes qñ Levitas dida sardayan  
ti agcancanta dita agyiyaman  
iti caasi Dios ta nacasublida't ili dan.

Idi malabes ti taoen nga ado  
nalpasdan daydi templo  
quet ragsacda ti n-palalo,  
nupay agpayso unay á nanumnumo  
ngm iti daydi qñ Salomón á naiparungbo.

Ni Ageo, nasingpet á profeta  
conconana idi ti mangliolhoa:  
dicay lumdaang ta inton madamdama  
ti Mesias á tarigagayan tay ti yaayna  
umayton qt toy templo padaeguenna  
á nasaysayaatto ngem iti dadduma.

Castamet ni profeta Zacarias  
conana cadacuada á mamasalucag:  
ditoy Jerusalem umayto dagti naoadoad  
nga agdaton iti Dios á popn ti imbag  
quet naquem tay ala ti rumagsac.

Nganngani oalopolon á taoen da dita  
idi imbilin ti ari ti Persia  
á pabaroenda daguiti muralla  
daydi Jerusalem á ciudadda  
tapno agpulang daydi bileg na.

Dagti Samaritanos dida coma cayat  
á mapatuloy daydi á sicut  
quet ipagnada coma ti gubat  
ngm dagdi Judios inda iti Langit nagcararag  
qt agpayso asi na't inda naragpat.

Iti lasod ti limapolo qt dua nga aldao lng  
nalpas daydi muralla á napatacderen  
gapona á dagti Samaritanos inda pinatin  
á Dios cadaguidiay ti manaclin  
gapona á binayanda daguiti Judios'en.

Daguitoy iti Dios nagyamanda  
castamet á naiñget ti cari da  
ta binuyoganda pay cadaguiti lua  
á nasalucag ti panagtungpalda  
cadagti ibagá ni Esdras á sacerdote da.

#### REYNA ESTER.

Daydi emperador ti Persia  
nalag-an unay ti panagturay na  
gapona nga dagdi Judios naruyda  
á nagbati sadi Babilonia  
idi nagaoid Jerusalem dagti dadduma.

Casta ti impalubos ti Langit  
tapno daguidi Babilonios á itneg  
pudno á Dios ti inda mabigbig  
iti pannacapalpaliioda dita met  
cadaguiti Judios á nasingpet.

Quet itoy panguep á nasantoan  
quinayat ti Dios á inaramat piman  
ti baba-i á naisagsagudayan  
á iso ni Ester á nagsiddaaoan (1)  
iti pintas na nga aoan pañgipadpadan.

Daytoy capututan ni Benjamin ti ama na  
ta iso ni Abihail á natay á nasapa  
qt ni cabsat na á Mardoqueo ti natda  
iso ti nagtaraquen qñ nañgisuro qñ Edisa  
sipod idi bassit á maladaga.

Ni Ester rimsua á nañgayed á baba-i  
nga aoan quencuana ti umarñgi  
gapona nga iso ti inda napili  
nga asaoaen ni Asuero nga ari  
quet sinunoanna ni reina Vasti.

Ti ari idi nga ni Ester asaoaenna  
dina sinaludsod no Hebrea oenno Amalecita  
ta isona la á quinita qñ nagpilianna

(1)—Ni Ester Edisa ti maysa á naganna.

daydi nagsaoy á laing qñ pintasna  
daytoy Ester nga aoan capadpadna.

Iti casta daydi ari qñ tattao  
dida impapan á caanacan ni Mardoqueo  
nupay no daytoy mapmapan iti ruañgan ti palacio  
daydi emperador á nañgato  
ta di met quen Ester maquisasaó.

Ngem idi nasiiman ni Mardoqueo  
ti panaglipot daguiti tao  
á mangpatáy quen ari Asuero (1)  
dinagosna quen Ester á inyammo  
tapno ibagana iti ari á nañgato:

Agpayso idi ta ti ari namalutmotna  
no asino daguiti manglipot iti biagna  
pinabitayna dagdi nagpanguep á dua  
tapno pacaisislaadan ti macaquita  
qñ tapno aoan tumultulad cadacuada.

Daytoy naaramid á nacana  
cadaguiti libro nailanadda  
tapno maquita iti ududina  
daydi lipot á nagpeggadan na  
ti emperador á nañgina.

Saan á nabayag iti dayta á tiempo  
napateg ni Aman iti imperio  
ta iso ti catalec unay ni Asuero  
qt iti cuspag daydiay á napalalo  
pagparintumeñgenna tí malabasanna á tao

Ngem daytoy araramidenna á nacaro  
saan la á timmuloc ni Mardoqueo  
gapona nga ni Aman incarina nga agpayso  
á balseen oenno dusaen dagti Judio  
ta papapatayna amin ida cano.

Impamuspusanna ti nañgala iti ari'n  
iti naiñget unay á bilin  
nga iti aldao á naibaga naiqueddeng  
papatayenda daguiti Judios amin  
iti sacop ti imperio qt di mababaoín.

Daytoy nacasang unay á damag  
amin á Hebreos inna pinagdanag  
gapona nga ni Mardoqueo inyammona't daras

(1)—Ni ari Asuero iso met la ni Artajerjes á sangaga-  
set duapolo qt pito dagdi estados oenno provincias  
ti imperio na.



Iti caanacanna á reyna tapno iso ti mañgidaocat  
iti pannacaibabaoi daydi bilin á nacaamamac.

Agpayso, nupay naricot daydi panguep  
incagumaan ni Ester ti nañgaramid  
ñgm imbagana qñ Mardoqueo met  
á dagti Judios agcararagda iti nasgued  
iti Dios Apo tapno caasi ti inna ited

Ni met Ester quen Damas na  
nagayuno qñ iti Dios nagcararagda  
cas imbilinna quen oliteg na  
iti dua á rabi-i qñ aldao á maysa?  
tapno maragpat da't calicagumanda.

Quet idi malpas amin daguita  
incapetna dagti caoes na ñga reyna  
sa napan idi ari ñga asaoa na,  
ñgem saan á dimmagos idi arpadna  
ta iparit ti linteg ti casta.

Daytoy reyna ñga nañgayed  
idi yan ti ari saan á simrec,  
ñgem nagsardeng idi maquitana met,  
qt ni Ester rupa ti ari ti inna nabigbig  
á sinecnan napalalo á uñget.

Ni Ester idi inna nasipot  
á rupa ti ari daydi sipupongtot  
napasag piman dita á dagos  
quet sinaranay á sinacлот  
daguiti Damas na á nañguyog

Daydi ari apaman á naquitana  
á napasag ni Ester á nañgina  
timmacder á dagos idi tugao na,  
nagbaao metten ti pungtot na  
quet nasam-it daydi panagsaóna:

Ester, ¿ania ti naaramid qca?  
¿agdanag aya quen agbutengca?  
ti bilin ñga aoan caniac macadinna,  
no diac pay sapulen ti idadatagna,  
dina ca masapasap, mamatica.

Ni Ester nacaungar bassit dita  
quet castoy daydi quinonana:  
señor, nasdemanac á nacaquita qca  
nabibineg toy pusoc quen ricna  
á diac ammo toy mapapagna.

Idi maibalicasnan ti casta  
nagcapoy manen daguiti ricnana  
quet daydi ari qñ consejeros na  
nalaos daydi salucagda  
á mamabileg idi capoy ti reyna.

Idi ta nagpulang ti bilegna  
nagsaludsod daydi ari quencuana  
no ania ti cayatna ñga ibagá  
ta ti ari mangted á sisasagana  
uray gudua ti pagarian ti daoatenna.

Ni Ester nagdaoat á sipapacurang  
á ti ari no inna pagayatan  
cacuyogna coma ni Aman  
á mapan quencuana maquipañgan  
iti siled á inna nagsaganaan.



Ti ari dinagosna á pinaayaban  
ni ministro na ñga Aman  
conana: ibagayo á umay mañgan  
iti nalpas ñga insaganaan  
ni reyna Ester á nasgang.

Agpayso natungpal á casta  
qt idi nalpas ti pannañganda  
daydi ari ti nagsaludsod binalioanna  
no ania ti cayatna á paited qña  
ta uray gudua ti pagarian sisasagana.

Ni Ester dita simmungbat:

no ipaayyo coma nga ayat  
agsublicayto coma á mangán no bigat  
ta isonto ditan, señor, ti panañgibagac  
iti calicagumac á maragpat.

Daydi ari nagcari á tungpalenna  
qt ni Aman nalaus ti ragsacna  
ta mapadayaoan iti dayá  
á isagana ti napateg á reyna  
iti nangato nga ari nga asaoa na.

Idi ta pumanao iti palacio  
nasaracanna mt ni Mardoqueo  
qt daytoy saan á nangicancanó  
iti ilalabas daytoy ministro  
á pagrucaban dagti tao.

Idi macadanon iti balayna'n  
ni nacuspag unay nga Aman  
impadamagna mt amin ditan  
idi asaoana qñ papagayam  
daguidi dayao á inna malacám.

Ngm, nupay no laclacámenna  
ti pammadayao á nañgrona  
cas la macapaibaba qña  
ti di panagrucnoy mt coma  
ni Mardoqueo á napangta

Simmungbat ni Zares nga asaoana  
castamet dagdi papagayamna:  
iti natayag á cayo agpaipatacderca  
ta pabitaymo ni Mardoqueo qña  
tapno naragsacca á mapan iti dayá.

Agpayso dagta á sao inanamuñgan  
ni nacuspag unay nga Aman  
qt saan lng á nagpanapan  
dagos dita á pinapatacdernan  
ti nañgato á cayo á pagbitayan.

Iti daydi á rabi-i saan á nacaturog-  
ni ari Asuero á natanóc  
qt pinaalana dagti libros  
á nacailanadan nagdadagop  
dagti naararamid iti daydi á sacop.

Qt idinto ta mabasada  
daydi lipot á panañgiccatda coma't biagna

--250--

sinaludsodna cadaguidi ubbiñgna  
no ania ti naited á gunguna  
ni Mardoqueo á nañgilisi iti patay na.

Simmuñgbatda ñga aoan gunguna  
á naited qñ Mardoqueo iti dayta  
qt idi castan nagsaludsod ti monarca  
no jasino ti adda idi antecámara  
oenno siled á dumna idi yanna?

Ni Aman simrec idi antecámara  
tapno ibagana idi ari coma  
á ni Mardoqueo pabitayna  
iti daydi cayo á pinatacderna  
ñga addan á sisasagana.

Daguidi ubbing ti ari quinonada  
ñga ti tao idi antecámara  
aoan sabali qñ daduma  
no di ni Aman á talquenna  
cadagti aniaman á mapapagna.

Pinapasrec ti ari ni Aman  
qt idinto ta adda idi yan nan  
iso met la ti inna nagsaludsudan  
no ania ti pagsubalit na á carbeñgan  
iti nacautañganna iti parabor á naidaclan.

Ni Aman ta piman impagaropna  
á iso ti gungunaan ti ari ñgata  
di bimdeng á nañgibaga quencuana:  
rumbeng á caoes ti ari ti icaoesna  
castamet á balañgatan iti diadema.

Isacay met iti caballo á maysa  
á nasayaat ti aruatenna  
qt ti tao á cañgatoan ditoy reino ti taquemna  
quibinenna toy caballo á nagsacayanna  
sa ilibotlibot cadagti calcalzada.

Idi mañgeg daydi ari ti castan  
quinonana á dagos quen Aman:  
amin daguita ñga imbagam  
inca aramiden qñ Mardoqueo dica itantan  
ta iso ti tao á nacautañgac naidaclan.

Ni Aman dina nabalín ti nagquitaquit  
iti bilin ti ari á napateg  
panagtungpal na ti naipapilit  
qt piman daydi conana inna inaramid  
qñ Mardoqueo á cabusorná á nabileg.

Cas bumtac ti barucong na iti gura,  
ñgem aoan á pulos ti mabalinna  
quet nalaing la ti rupa á iparangna  
castamet á di nagcurang iti ipapanna  
iti dayá á intucon daydi reyna.

Quet idi ta nalpasda á nañganen  
sinaludsod ti ari idi reyna á natacneng  
no ania ti cayatna á quiddaoen  
ta madadaan á inna itden,  
quet ni reyna Ester dita nagtimequen:

Señor ari, no adda pateg co  
daoatec á mapacaoan toy biagco,  
ti met ili'e quenca ibabaetco  
ta naquedñgan ti pannacairubo  
á mapapatay amin á Judio.

No mailaco cam coma laeng  
á cas nababa unay ñga adipen  
mabalin pay la coma á turden,  
ñgm saan ta ti cabusor mi nacabutbuteng  
quet iti ari inna pay ranuden.

Ranudenna pay ti ari conac  
ta ado ñga iturayanna á natudio ti maiccat  
maysa cadacuada ti asaoa na á naayat  
qt iti pannacapucao da saan á maitucad  
dagti masamsam cadacuada á gameng qñ pirac.

Daguiti pirac á incarina qca piman  
á iserrecna iti lacasa toy pagarian  
basbassit ti pategda ñgm iti biag á di mabilang  
á mapucaoda gapo iti nagan á naarian  
ta ti sentencia iti sello ti ari napanecnecan.

Ti ari apaman á natimodna ti casta  
nagsaludsod no asino qñ ania't pannacabalinna  
ti nañgituyang iti daoel á naiduma,  
qt simmungbat ni Ester: señor, saan á daduma,  
ni mt la Aman ñga iso toy adda ditoy ita.

Apagdengeg ti casta ni Aman  
napipiquel ti bagui na á nasdeman  
di met nacasuñgbat dita iti apaman  
ta agpayso unay á dina pagduadaan  
daguidi binalicas ni Ester á nasgang.

Sipupungtot ti ari á timmacder dita  
quet, napan iti yan daguidi mulmula;  
ni Aman timmacder nagrucbab iti reyna

ta daotenna quencuana ti pacaoama  
ta ammonan nga agpeggad ti biagna.

Ngem ti ari ta nalpasna á quinedngan,  
ti di pannacapacaoan ti biag ni Aman  
imbinna nga inda bitayen á di agtantan  
iti daydi inna qñ Mordoqueo insaganan,  
quet agpayso casta laeng ti napatuloyan.

Ni reyna Ester inna met idi ari impudno  
nga oliteg na á nagtaraquen ni Mordoqueo  
qt daydi ari intanócna daytoy á suno  
ni Aman á omona unay á ministro  
ti natalingenngen unay á imperio.

Pinaocasma mt dita á dagusen  
daydi immonona mt la á bilin  
nga agpapatay idi coma amin  
iti adda iti sacop qñ beddeñg  
ti pagarian ni Asuero á daydayaoen.

Castamet á dagti Judios intalecna  
cadagti Gobgobnador iti amin á provincia  
tapno tuloñgan qñ taclinanda ida  
iti aniaman á pacasapulanda  
tapno aoan laeng ti pacasingsingaanda.

Casta ti talha qñ namáy dagti Judios  
iti daydi panagturay á natalibagoc  
ni ari Asuero á qñ Ester nangitan-oc  
quet ado met ti inda napasurot  
iti Pammati iti napaypayso nga Dios.

Daytoy á dayao qñ talha dagti Judios  
ninanamda met á nagpaot  
iti bayat ti taoen á tal-lo gasot  
ta inggana iti nagari ni naduldog  
nga Antioco Epifanes, ari dagti Sirios.

Qt idi saan pay á nadanon dayta  
ado ti naaramid cadacuada  
á pacaipalaguipan pacabigbiganda  
á ni Apo Dios laeng á maymaysa  
ti pudno á mangted taclin da.

Cadaguidi naaramid á nadumaduma  
tal-lo daguiti nangnangrona  
á laglaguipen ta nacascasdaoda  
quet maicari á di lipaten ida,  
qt iso dagtoy sumaridat á maicari;

Idi magmagna ni Alejandro Magno  
á mangparucma cadaguiti disso  
ipapilitna nga amin á malabasanna á tao  
iso ti bigbiguenda la nga apo  
quen ari da met á napaypayso.

Qt idinto ta aramidenna ti casta  
cadaguidi Judios á malabasanna  
sinungbatanda iti nalaoag á sarita  
á dida mabalin nga annugoten dayta  
agsipod iti iturayan ida ti Persia.

Itoy á sungbat nacaunget ni Alejandro  
quet binilinna ti ejercito  
nga agturong Jerusalem nga agpayso  
ta dusaenna can iti nacaro  
ta putolanna amin á tattao.

Idi maammoan dagdi Judiose'n  
nga asideguen iti Jerusalem  
ti ejercito ni Alejandro á nacabutbuteng  
quet dida madaeran á isisipen  
natulagda ti tumuloc á siraraem.

Daguidi tattao purao ti caoesda  
quet dua ti intarda á magna  
daguidi mt sacerdotes ti bagnos da  
á in sumabat piman sipapacumbaba  
qn Alejandro á nagquintayegan toy dagá. (1)

Iti daytoy á pacurang qn daeg  
dagdi sumabat á quinoyog dagti sacerdotes.  
pungtot ni Alejandro ti nadepep  
qt idi sumo sacerdote immasideg  
quet nagdaydayaoen á nagpacleb.

Sipapacumbabá á nagraem  
iti nagan ti Dios á daydayaoen  
iso á nailanad iti balitoc á nasileng  
á sipapatay iti daydi muguing  
daydi sumo sacerdote á natacneng.

Naquicuyog met á simrequen  
iti daydi ciudad á Jerusalem  
quet naguidaton á siraraem  
iti pudno á Dios nga Apo tay met lag  
tapno cadaguiti sicut na inna saranayen.

(1)—Siluit terro in conspectu ejus.—1.er libro de los  
Macabeos. 1.

Daguidi Judios pinacaoannan  
iti daydi silalayay á dusa dan  
impalubosna met piman cadacuadan  
dagti parabor á inda pacaisagudayan  
cadaguiti dadduma á naparucman.

Incarina met piman cadacuada  
ti pannaranay á napigsa  
bayat adda pay la quet biag na  
quet agpayso natungpal á casta,  
ñgm ni Alejandro Magno natay á nasapa.

Dagudi buyot ni Alejandro nasdaaoda,  
quet daguidi macapalpalalo qña  
sinaludsodda quencuana ti gapon  
ti casdi quetdin á inaramidna  
idinto á maisupadi idi panguelpna.

Ni Alejandro quinonana cadacuada:  
idi addaac sadi Dia ti Macedonia  
á pampanunotec ti pananggubat iti Persia  
pinarparmatac ti tao á caasapingna  
toy sumo sacerdote agraman caoes na.

Daydi sacerdote á pinarparmatac  
quinonana met caniac íti nabatad  
á ti panguelp co tuloyec á di umamac  
ta ti Dios na ti manaclin caniac  
iti napanac á disso quen saad.

Iso ti gapon ñga itay nasirpateo  
tay sumo sacerdote á nañgato  
dagos la ñga nalaguipco  
daydi namatangquen itoy puso  
cadagti pinanguelp toy naquem co.

Ti maicadua ñga agpayso  
á nacascasdaao naaramid cadagdi Judio  
iso daydi panagbilin ti Ptolomeo  
ñga ari idi sadi Egipto  
á cadagti diosenna agcararag amin á tao.

Quet idinto ta naammoanna  
ñga adado cadagdi Judios iti sacop na  
ti agquitaquit cadagdi bilinna  
pinaalana ida sadi Alejandria  
á sicacaoar iti nadagsen qñ nalagda.

Pinaipanna ida íti Hipódromo  
oenno inaladan á pagtarayan dagti caballo  
iso ñga yan dagti elefantes ñga ado



tapno lamutenda ida iti apagcanito  
daguidi sicacaoar piman á Judio.

Daguitoy aoanen pamuspusanda  
no di ti nulañgitan á panañgigaga,  
anansata iti Dios Apo nagcararagda  
tapno iti peggad ilisina ida  
yata iso ti poon ti pacadusaanda.

Agpayso dineñgñgeg ida ni Apo Dios  
qt idi ta ti ili inna ipagarop  
á dagti elefantes lamutenda dagdi Judios  
iso na la á sindada ñga dinarop  
dagdi tattao á cadacuada nañgitulod.

Maipoon iti casdi á naimatañgan  
nasdaao daydi ari á nasdeman,  
daydi uñget na pilit á naaoan  
qt dinagosna ida á rinucátan  
dagdi Judios á madusa coma piman.

Sipodna metten á imbilinna  
ñga aoan lñg ti mañgsiñgsiñga  
cadaguidi Judios iti sacopna,  
ñgm baybayanda qt ida á sioaoaya  
ñga agcararag lñg iti Dios da.

Ti nacascasdaao á maicatlo  
á naaramid cadagdi Judio  
iso daydi quen Selenco  
ñga ari sadi Siria á reyno  
ta nacaquigquigtot ñga agpayso.

Gapo iti naammoan ni Selenco  
ñga naruary ti pirac idi templo  
binaonna dagti soldados ñga ado  
á quinuyog ida ni Heliodoro  
tapno inda sadi Jerusalem á disso.

Apagsangpet lñg dagdi tropa  
idi templo dagos simrecda  
qt dagti sacerdotes qña  
aoan sabali á nabalinda  
no di ti nagruchab idi altar da

Iti nasgued unay á cararag  
inda qñ Apo Dios dinaoat  
á ilisina coma ida iti peggad,  
qt agpayso inna impañgag  
ta inispalna ida á quel-laat,

Agdama pay la nga agcarcararagda  
idi nagparañg ti tao á maysa  
á nacaapaprañg ti rupa na,  
nacarting á caballo ti sacayna  
qt dinalaposna á quinabil dagdi tropa.

Iti dayta naiguiddan mt  
á nagparang ti dua nga Angeles  
á quitada ti lal-laqui á nauñget  
qt naglañglañganda á sinaplit  
ni Heliodoro nga naulpit.

Nagagara unay iti pannacadusana  
ta nagbalin á maymaysa á sugat ti bagui na  
qt naidalit iti daydi dagá  
á napucaó amin á ricna na  
qt natay lügen ti arigna.

Pilit á inruarda idi simbaan  
tapno pannacauñgarna't inda ipamuspusan  
qt daydi basolna inna nagbabaoyan,  
quinonana mt á dusa na't caicarian  
qt daoatenna idi sacerdote ti pa'caoan.

Castamet piman á inquiddaona  
á daoatenna iti Dios ti pannacaimbagna  
qt icarina unay iti nalagda  
á dina tignayen qñ iccatan uray bassit coma  
daguiti gameñg ti templo qñ pirac na.

Ni Onias á sumo sacerdote  
indaoatna iti Dios á sicacaasi  
qt agpayso saan á naical-laiqui  
ti pannacaagas daydi bagui  
ta apagcanito pia na ti nagsubli.

Naiguiddan mt ti panagparañgda  
daguidi Angeles mt la á dua  
conada: gasatmo ta ni Onias indaoatnaca,  
qt dicanto agpanguep manipod ita  
nga agala iti simbaan iti uray ania.

Tinungpal ni Heliodoro ti cari na  
qt pannacabalin ti Dios ti imbunannagna,  
nagsubli qñ Selenco á nagbaon qña  
iso á nagsaritaanna iti napapagna  
sana pay innayon á quinona:

Señor, no adda nabileg á cabusormo  
sadi Jerusalem ala ibaonmo  
á in mangsamsam iti temulo.

ta inanamaen á lacamennanto  
ti pannacadusa unay á nacaro.

Naaramid met cadañuidi Judio  
nga idi ta nagari ni Antioco  
pinapapatayna ti oalo gasot á ribo  
gapo iti gura na á napalalo  
iti pammati da iti Dios á pudno.

Daguiti alicamen á napateg  
daydi templo á nañgayed  
innalana ida amin met  
quet iti pay unay nacaarariec  
idi altar ni Jupiter ti inna impasdec.

Imbilinna met á patayenda  
ti sumurot pay la iti bilin na  
ni Moises, cas alalagadenda,  
castamet ti pacaquitaanda  
iti libro á nacailanadanda.

Quet agsipod iti casta nga inñet  
ado á Judios ti silaladingit  
biagda met piman ti inda inted  
ta inda laeng nagquitaquit  
iti daydi bilin ni Antioco á naulpit.

Iti napateg unay á martirio  
sinagaba piman daguidi Judio  
quet nangrona cadacuada á paluño  
ni nasingpet unay á Eleazaro  
idinto ta agtaoen nasuroc á siamapolo.

Cona ni nasingpet á Eleazaro  
ñania aya ti magungunacto  
no annugotec ti ibagá ti tao  
tapno mailisi ac iti martirio  
qt diac met mailiclic iti ima ti Apo?.

Agpayso ta ti tao ditoy dagá  
uray aoan rigat á sagabaenna  
aoanto met la ti tungpal na  
no di matnag met la iti ima  
iti Dios á mañgocomto quencuana.

Cona pay ni Eleazaro á nasingpet  
no aramidec ti maisupadi iti linteg  
ñanianto ti saó daguiti macañgeg  
no di panañgomsí á nabileg  
ta conadanto á simmurotac iti itneg?

No ti pammati á nabañgonac  
cadagdi nalaing á naganac caniac  
no licodac quet itan ta lacayac  
conanto amin daguiti macadamag  
á diac quet ammo ti naimbag.

Quet idi maisaona ti casta  
impalacain da manen quencuaña  
ti sabali ti quitana nga dusa  
ñgem saan á namalio ti naquem na  
ni Eleazaro, inggana't naiccat ti biagna.

Idi nga agngabitngabit ti biagna  
iti baet dagdi pannutoocda qña  
quinonana: oh Dios co siammoca  
á gapo amin iti butengco Quenca  
sagabaec dagtoy tooc á nacana.

#### PANNACAMARTIR DAGUITI PITO NGA AGCACABSAT.

Ngem panagsiddao pay la ti adadda  
cadaguiti agcacabsat á pito da  
isoda á nañgicarian ni Antioco iti gunguna  
no mayatda la quetdi nga agsida  
cadagti maiparit iti Religion da.

Simmungbatda nga siraraem:  
señor, ta ibagam dicam annugoten  
ta agpayso da nga maisaluñgasing  
iti napateg cadacam á Bilin  
ti Dios mi nga daydayaoen.

Idi mañgeg ni Antioco ti casta  
rimmañgen unay ti pungtot na  
ta úbbingda pay lñg qt agquitaquitda  
iti naarian unay á naquem na  
ta ti Dios da't ipangpangronada.

Ti inaramid ni Antioco á naranggas  
pinamartirna dagtoy agcacabsat,  
adda pinaputedna't dila adda inna pinalalat,  
adda pinaputedna't ima qñ saca tapno mapaoad,  
adda met pinaitunona tapno tooc na ti mabayag.

Quet uray casdi ti impasagaba  
ni Antioco cadagtoy nabileg ti naquem da  
inturedda amin gapo iti Religion da

ta saanda piman nga agduadua  
iti quinapudno ti Dios á pañinanamaanda.

Mañgabay cadacuada mamabileg  
daydi ina da met la á nasingpet  
ta ti panangngaasi dina dinengngeg  
ngem iti saclang ti ari á naulpit  
conana cadagdi annac na á situtured:

Umiñgel cay, annac co, á siraragsac  
á mapan quen patay umaolat  
gapo iti Religion ti Dios á nadayag,  
dicay pampanunoten daytoy ababá á biag  
ta tooc la quencuana ti masarac.

Maipoon cadagta nga sagabaenyo  
ti agnanayonto á namáy maragpatyo  
ta gapo cadagta tooc maibilangcayo  
nga annac ti Dios á napaypayso  
qt iti casta nagasatacto mt á ina yo.

Quet idi nalpas á natayen  
daguitoy agcacabsat á maiñgel  
daytoy ina da sinagabana metten  
ti martirio á nacabutbuteng  
gapo quen Antioco á nadaoel.

Daytoy ari nga naulpit  
nasdaao nga agpayso ti bileg  
ti pammati á sisesegged  
daguiti pudno á nasingpet  
iti Religion ti Dios ni Moises . . . .

#### MATATIAS QUEN JUDAS MACABEO.

Cadagdi aldao á inguet cana  
á ni ari Antioco parigatenna  
dagti Judios maipoon iti Religion da  
adda met idi sadi Judea  
ni sacerdote Matatias qñ annac na.

Quet idi nga inna naanmoan  
á ni ari Antioco á caulpitan  
sinamsamna dagti cucua ti simbaan  
nalapunós ti puso na iti leddaang  
daytoy sacerdote á casingpetan.

Quet agsipod iti ammona met  
á ti pannacaballn dagti nadangques  
abaquenna ti pammati á nadaeg

no di sumupring daguiti nasingpet  
quinonana ditan ti nagtimec:

Ti napaypayso ti naquem na  
nga iti linteg á nadalos icaluyana  
cadaguiti il-ili rumuarda ala  
ta sumurotda caniac, umayda  
ta daguiti itneg rupirentay ida.

Agpayso ado ti quimmanonong iti saó na  
quet isoda qñ daguiti met annac na  
cadaguidi bambantay simmangáda  
tapno dusaenda daguidi adda basolda,  
rebbaenda dagti didioses á masaracda.

Quet idi umasideg ti patay nan  
ni Matatias á pagulidanan  
binilinna daguidi annac nan  
iti salucagda nga agtungpal pagrebbeñgan  
iti Dios Apo nga pudno á pagrucbaban.

Quinonana: itan ta agturay ti cuspag  
qt iti Bilin ti Dios ado ti di mañgipañgag  
idaddadumayo ti singpet quen salucag  
nga agtungpal laeng á sicacanatad  
cadaguiti aramiden á naimbag.

Itedyo dagta biagyo á pañgicaluya  
iti dalos ti linteg ni Apo Dios á nañgina  
uray matay cayo maipoon iti Religion na  
qt dicay lipaten daguidi inaramidna  
cadagdi nagannac cadatay á immona.

No casta ti suroten aramidenyo  
agnanayonto la ti dayao quen naganyo  
ta ni Abraham pinadas ti Dios Apo  
daydi tudio na qt nairagpat nga agpayso  
iti pammarabor ti Lañgit á nañgato.

Ni José (Vendido), idi adda iti carigatan  
nasalucag la cadagti Bilin á na-Diosan  
quet iso daydi inna nacairagpatan  
iti natanóc unay á pagsaadan  
sadi Egipto nga pagarian.

Gapo idi salucag á siseseegged  
cadagti Bilin ti Dios á napateg  
daydi ama tayo nga Finees  
saan cadatay pay á naiddep  
ti quinasacerdote á mataointaoid.

Ni Josué maipoon iti tudiona  
cadaguiti Bilin ti Dios á nañgina  
naicari piman á iso ti nacaitdanna  
ti panañgibagnos á nañgiserrec iti Israelita  
cadaguiti naicari cadacuada á dagdagá.

Ni Caleb gapo iti sidadalos ti puso na  
quet daydi pudno laeng ti sinaóna  
iti ili ni Israel á pinalaoaganna,  
naicari nga adado ti naited quencuana  
á pannacabinglay na á cucua.

Maipoon iti quinamanangngaasi ni David  
pagarian ni Israel quencuana ti naited  
qt ni Elias gapo iti ayat na á nagayebgueb  
cadaguiti Bilin ti Dios á nalinteg  
naipañgato nga nagtulong sadi Lañgit.

Gapo iti pammati á dacquel  
da Ananias, Azarias quen Misael  
dida naananó iti daydi paguel  
ta apoy coma idi cadacuada ti mañgidaguel  
quet ni Apo Dios inna ida inyaguel.

Ni Daniel gapo iti nasingpet  
qt puso qñ naquem na,t nadalos met  
naisalacan iti rungsot daguiti leones  
ta ti Dios Apo pannacabalinna ti nabileg  
nga aoan qña ti asinoman á macaquitaquit.

Casta ti pananglaguip, panañgimatangyo  
cadaguiti pudno á nagasat á tattao  
á nañginanama iti caasi ti Dios Apo  
ta didanto agquir-in uray caano  
iti panagbiagda á sitatalna sisusungdo.

Diyo ituloc nga agbuteng ta naquemyo  
cadaguiti managbasol laeng á tao  
ta ti dayao da iarig, ipadpadco  
iti asóc á mapucaó iti apagcanitó  
uray cayatna ti agpañgato á pañgato.

Mapali-io unay á maquitquita  
nga ti managbasol no dayaoenda ita  
inton bigat oeuno casañgaldao malipatanda  
ta dayta dayao na dayao la iti dagá  
qt agtungpal met la qña á naggapoanna.

Anansata igunamgunamco  
ti nasalucag á panagtungpal yo  
cadaguiti Bilin ti Dios

qñ amin met á pagrebbeñganyo.  
tapno agnanayon á nagasatcayto. . . .

Ni Simon á cabsat yo ammoe  
á naemma quen managpanunot  
idalannacayto ta iso ti surroc  
anansata incay quencuana sumurot  
cadagti balacadna panañgibagnos.

Ni Judas Macabeo ti pusganyo  
á general daguiti ejercito  
ta sigod á maiñgel ñga agpayso  
quet maicari unay á paluño  
dagti maquidañgadang iti cabusor yo.

Dagti managtungpal iti Dios tiponenyo ida  
ta isoda't caduayo á mañgicaluya  
iti ili ti Dios á irurumen ti cabusorna  
quet itedyo mt iti tunggal maysa  
ti rumbeng quen caicarianna.

Idi maisaóna aminen daguitan  
binendicionan na daguidi sisasaclang  
quet napan naquitipon qñ Abraham  
quet dagup ti Israel inna sinangsañgitan  
ti ipapatay daytoy impompondan.

Quet idi ta natayen ni Matatias,  
general ti ejercito á naisucat  
ni Judas Macabeo á di malibac  
ti iñgel qñ saguday na á nayanac  
iti maipanguap cadagti gubgubat.

Natured á cas leon iti pigsa  
qt naminado á inna pinarucma  
cadagti bacal á nacasaracanna  
cadagti generales á nagtalcanna  
ni ari Antioco á nadamcaz

Sinubbotna cadacuada ti Jerusalem  
quen daydi templo á daydayaoen  
qt daytoy dinalosanna á insubli mt lng  
dagdi napucao qña á taliñgenñgen  
á pagcararagan ti tao ñga siraraém.

Gapo iti panagbalbal-ligui ñga agpayso  
ni maiñgel á Judas Macabeo  
nacapungtot unay ni Antioco  
qt bagui na ti nañgipan iti ejercito  
á pangrebbečna iti Jerusalem cano.



Ngm idi agtataray ti luganna  
napattog qt ni Antioco natnag qña  
quet daques unay ti gasat na  
ta nablo á nasugat ti bagui na  
qt inigigues á di madaep ti buyoc na.

Nabaoasan ditan ti cuspag na  
qt iti Dios nagcararag met dita  
ngm dina naragpat ti pannacapia na  
gapo iti saan á pudno ti panagdaoatna  
ta daydi la pannacaagas ti cayatna,

Dina binabaoi dagti basol na  
tapno naragpatna coma ti daoatenna  
quet iti upay nacaininaca  
natay á nacalcaldaang ti tungpalda  
ti bagui quen ti met cararua na.

Idi nga natayen toy salioaá  
simmuno ni Eupator nga anac na  
dacquel met á ejercito ti impanna  
á panggubatna iti Jerusalem á nañgina  
ngem aoan la piman ti nabalinanda.

Aoan nabalinanda ta ni Judas Macabeo  
agraman cadaguidi tattao  
idi ta nacapagcararagda iti Dios Apo  
sitatalguedda unay á tulonganna idanto  
quet casta ti naaramid nga agpayso.

Idi ta capigsaan ti pannquidañgadangda  
cadagti cabusor nagparang dagti Angeles á limá  
á sicacoes iti balitoc daguidi caballo da  
qt dua cadagdi inabay sinalucobanda  
ni Judas Macabeo cadagdi calasag da.

Quet no dagdi tal-lo nga Angeles  
igayangda dagti pica quen sal-it  
cadagdi cabusor á maipadaga, mabulsec  
qt sibubutengda amin á sipipicapic  
iti casdi cadacuada nga maaramid.

Idi nalpas ti gubat, dagdi bangcay binilangda,  
qt dua polo ribo qt limagasot ti infanteria  
innem á gasot met dagti caballeria  
ta ni Apo Dios iso ti ari ti bileg qñ pigsa  
á mangtacunaynay iti mañginanama Qña.

Ni Judas Macabeo naminado pay ling  
á inababacna dagti calasag ti Jerusalem;  
ngm iti naminas...

quet idi ta inda ida ipomponen  
naquitada cadacuada ti sinamsam á gameng.

Daydi linteg qñ bilin á sursurotenda  
iparitda ti aguidulin iti cacasta  
gapona nga natay daguidi nañgala  
ta naited cadacuada nga dusa  
iti daydi nalaoag unay á basol da.

Dagdi sibibiag nagdaoatda iti Dios Apo  
ta pacaoanenna coma ti basol dagdi tao;  
qt ni Judas Macabeo nagbaon nga agpayso  
iti nañgitulod Jerusalem iti pirac nga ado  
ta limos daydi paaramidna á Sacrificio. (1)

Nagtungpalanna iti naminsan á gubat  
cabusor da Judas Macabeo ti naoadoad  
qt bassit unay dagdi Judios á naquirupac  
qt ditan ti nacamayan á napasag  
ni Judas Macabeo á nagdindinamag.

Amin á taga-Israel sinañgitanda  
ti ipapatay ni Judas Macabeo á nacañlilala  
qt ni met la Jonatas á cabsatna  
ti simmuno á paluño dagti Israelita  
ta iso ti dinutoc dagdi cacailianda.

Idi ta daguidi cacabsat ni Judas Macabeo  
ti agturay á sursuroten daguidi Judio  
nalaing pay la ti urnos da nga agpayso  
ngem daguidi cadacuada simmuno  
nadangques dan á nacañted riro.

Isoda met la nga agcacailianen  
ti agsisinnida agaramid macairurumen  
qt daguidi Romanos ti inda paarayaten  
á mamagtalna iti riri da á nasquen  
qt nagtungpalanna isoda ti agturayda metten.

Pinusganda nga ari ti Judæa  
ni Herodes á gangannaet cadacuada  
qt ditan nayalis ti cetro ni Judá;  
tiempon á ti Mesias umay ditoy dagá  
á iso ni Jesu-Cristo maicadua á Persona  
ti Trinidad Santisima.

Daydayaoen aoan ingana.

(1)—Misit jerosolymam offerri pro peccatis mor-  
tuorum sacrificium. Mchc. 12 v. 43.

## PANNACAYANAC NI APO SANTA MARIA

Maipoon idi basol da Adan qñ Eva  
iso á tinaoid tay ñga annac da  
masapol á umay ti maicadua á Persona  
á manubbot, cas maicanada,  
tapno pungtot ti Dios ti epepenna.

Quet ti nagasat á umay tao-an  
ni Jesu-Cristo á mañgisalacan  
naicari pay la idi quen Abraham  
á daguitinto inna caputotan  
ti mapili á inna pagtaodan.

Agpayso iti nagasat á caputotanna  
daytoy napateg á patriarca  
ti nagtaodan ti pacayanacanna  
ti Mesias á ururayen toy dagá  
iti rinibo á taoenen á panangsegga.

Da Joaquin quen santa Ana  
da ari David quen annac na  
saan á sabali ti pagtaudanna  
ti nagasat á baba-i á pacayanacanna  
ti Mesias á mañgisalacan iti parsua.

Agpayso ta nupay nabayaguen  
á nagasaoa da Ana qñ Joaquin  
dida naganac inggana iti di nagteng  
ti itatao ti maysa ñga ubing  
á gasatna ti naitalugading.

Cadaguiti amin á parsua  
maquita man quen di maquita  
iso ti capatgan amin cadacuada  
iti saclang ti Trinidad Santisima  
toy anac da Joaquin quen Ana.

Mayarig iti nalasbang á sabong  
á ti sam-it á nagdanon  
ti agtaod qña ñga ayamoom  
paquirdenna unay ti barucong  
quet punasenna met ti simron.

Daytoy á sabong á naipatpattaoay  
aon mañgabac quencuana iti saguday  
ta caanoman dinto laeng maquiltay

agsipod iti adda qña á manibaysibay  
ti danum ti lañgit á manaranay.

Ti dalos quen pusacsac á náiduma  
daytoy sabong nga anac ni Ana  
atioenna pay ti lirio quen azucena  
ta sadi lañgit piman ti paggapoanna  
ti saranay á salioanoanna.

Daytoy sabong á nagtaod qñ Joaquín  
nagpuniponan daguiti talugading  
ta ti init, bulan quen bituen  
adayoda unay qña á umasping  
iti raniag qñ silnag á mamagraem.

Quet ti irurusingna ditoy dagá  
toy sabong nga anac da Joaquín qñ Ana  
quinablaaoan amin daguiti parsua  
ta nabayaguen á sinegseggaanda  
ti pannacayanac ni Virgen María.

Idi mayanac toy ubing á nasingpet  
quinancantaan daguiti Angeles  
quet ti gracia á naggapo't Lañgit  
ti nanacunaynay, nanarioidoid  
quet aoan immapay qña á saquit.

Nailisi met piman á nalacsid  
iti basol nga intay tinaoid  
cada Adan quen Eva á nasuñgit  
iti daydi Bilin á napateg  
ti Dios Apo nga ubbog ti sam-it.

Nalaoag unay nga casta  
á malacsid ni Virgen Maria  
iti basol á taoid cada Adan qñ Eva  
ta iso ti napili nga taoánna  
ti Dios á umay cadatay agpaquita.

Masapol unay qñ maicari  
nga ti napateg á ina ti ari  
aoan pilaoen qña tapno di maomsi  
ti taliñgenñgen na nga sudi  
qt nabileg quencuana ti panamati.

Ta no adda basol ni Virgen Maria  
casano cad qt ti panangparucmana  
iti demonio nga ibaddecna  
no iso met ti maquinadipen qña  
á nanipod pay idi

Anansata utang tay unay á patien  
ti cona ti Iglesia á daydayaoen  
á ni nadalos á Maria Virgen  
di nairaman iti uray apagbassit laeng  
iti basol á taoid á mañgirurumen.

Oen patientay á sipod pannacainaona  
iti uneg ti tian ni ina na  
aoan á pulos ti nacairamanahna  
iti basol á taoid cada Adan qñ Eva  
ta inlacsid ti Dios á guinagara.

Nalaoag unay á maaoatan met  
á ti nañgituyang iti linteg  
mabalinna unay á ilacsid  
ti cayatna nga di madaquep  
iti maisapasap á panguap.

Quet idinto ta madanonan  
ti rumbeng á panagadalnan  
daytoy ubing á manacman  
inyaoat da iti colegio ti simbaan  
tapno agsursuro't nalaing, cas cadaoyan.

Bayat ti panaguian ni María  
idi pagadalan á nacayaoatanna  
iso ti naitalugading á pagsarmiñgan da  
amin daguidi macabuya quencuana  
ta nagpuniponan, singpet, gaguet qñ emma.

Daguidi agayoan cadacuada  
idi colegio á pagtaeñgan na  
agraman cadaguidi caduana  
nalaos piman ti panaglungngoda  
iti daytoy ubing á naidumduma.

Iti aoid qñ tignay á nataraqui  
iti daytoy ubing aoan umarñgi  
ta agpayso á mangnibinibi  
ti inted ti Dios á caasi  
qñ Virgen María á nasudi.

Quet no iti panagcararag  
iti Dios á poon daguiti imbag  
aoan quen María ti umartap  
iti anepna quen salucag  
ta naigundaoayan ngad á nayanac.

Maipoon iti segued ti panagcararagna  
qñ dalus mt u na  
Angeles sad

á cancanayon casarsaritana  
iti colegio ti simbaan nga yanna.

Adda la iti laguip na  
dagti Bilin ti Dios á nañgina  
castamet á pampanunutenna  
ti dacquel unay á caasina  
cadagti tattao uray managbasolda.

Daytoy siñgpet ni Virgen Maria  
saan á namalbalio uray apaganamá  
idi naquem ti Dios á naulila  
cadaguidi naganac quencuana  
idi á siam pay lñg ti taoen na.

Umadda qt á manegdeg  
daydi adda qña á siñgpet  
ta umadda ti naquem na mt  
panagdatonna iti Dios ti sumgued  
qn panagcudi ti pusona ti bumileg.

Agpayso unay á casta  
ta ti Dios inna ñgad insagana  
á ni nasiñgpet unay á Maria  
ti oaden amin ti parsuana  
aglalo dagti babba-i á cas qña.

Innaldao inna paspasiñguedan  
daydi cari na á sipapacurañg  
á panagsalimetmet á di agcurañg  
iti quinavirgen á cadadalosan  
ta ammona á ti Dios dayta ti inna pagayatan.

Gapona á idi madanonna  
ti taoen á pannaquiasaoa  
qt imbagada qña ti casta  
siraraem á nañgipalaoag idi carina  
á indatonna iti Dios ti quinavirgenna.

Daydi sacerdote nga agturay da  
idi mañgegna ti casta qn Maria  
nasdaao unay ti naquem na  
ta cadagdi tiempo á ti Mesias padpadaananda  
aoan ti di mayat á maquiasaoa.

Castamet nga adda bilin  
á inda idi sadiay alagaden  
á ti baba-i maquiasaoa iti rumbeñg  
cadagti saoay á cabaguian na mt lñg  
tapno saranay na qñ tañ.

Daydi sumo sacerdote á napasdaaoan  
saanna daydi nga maaoatan  
gapona á cadagdi cacadua na inna inyuman  
qt agcararag iti Dios ti inda pamuspusan  
tapno iti naimbag nga aramidenda inna idalan.

Agpayso dineñngeg ti Dios ti daoatda  
qt impaayna á quinona cadacuada:  
iti simbaan pagtitiponen amin ida  
dagti lal-laqui á ni David ti nagtaudanda  
ta ibagacto no asino ti mañgasaoa qñ Maria.

Tuñggal maysa icuyogna iti simbaan  
ti vara oenno sarucod na á cadaoyan  
ta isónto ti pañgtedac pamighbigan  
iti mañgasaoa qñ Maria á nasgañg,  
ta itinto agsaboñg ti sarucodna ti mapusgan.

Nagtuñgpal daydi sumo sacerdote  
qt pinatiponna amin á lal-laqui  
á capututan ni David nga ari  
tapno cadacuada in mapili  
ti mapagasatan á maicari.

Agpayso idi madanunan panagsañgpet da  
dagti lal-laqui nga adda calinteganda  
á mañgasaoa qñ nasñgpet á Maria  
naruay cadacuada ti naquita  
nga nataer qñ aduan ti cucua.

Amin daguidi agsañgpet  
capututan ida ni ari David  
daguidi sarucodda maiasideg  
idi tabernaculo ti altar á napateg  
tapno paliioen dita ti maaramid.

Daydi naaramid qñ Samuel idin  
á dagdi annac ni Isai sadi Belen  
dagdi napuner ti ipatona nga agarin,  
ngm ni Apo Dios puso ti tao't inna pilien  
qt dinutocna ni David uray ubiñg.

Cadagdi pagarupenda á mapagasatan  
á mañgasaoa qñ Maria á casingpetan  
aoan la ti quinayat ti Dios piman  
qt dagdi sacerdotes dida ammo ti aramiden dan  
ta ni Apo Dios casna la ida di ibibiañg.

Ngm adda lalaqui á maysa  
iti capututan ni ari David á panangina  
nga macaammo inna Maria

qt diha impapan á maicari qña  
gapona á di immarayat á maquipaňgala.

Idi maquitada cadagti dimmateňg  
ňga adda maysa ñga agcuraňg pay lňg,  
sapulenda qt idinto ta inda nasaracanen,  
alaenda á iadani iti altar metten  
tapno ti vara oenno sarucodna't ipatayen.

Apaguipatay daydi vara jamaňgan á nacascasdaab  
ta dagos á naquita quen nadlao  
ta idinto ta iso daydi naladao  
quel-laot qña á timpuar limtuňgao  
daguiti nalasbang á sabong á purao!

Dagdi sacerdotes nagyamanda  
iti Dios Apo á Namarsua  
ta idin quet ammoda  
ti maycari unay ñga asaoa  
daytoy Virgen inguet singpetna.

Imbaga met ditan ni Apo Dios  
iti daytoy Virgen á natanoc  
á di agquitaquit á umannugot  
iti pannaquiasaoana á maitutop  
ta daydi cacaísana lalaqui á nadalos.

Cas maysa ñga Angel iti singpetna  
ta naitalugading met á parsua  
quet rumbeng unay quenca  
ta iso ñgad ti pinilira  
ti Trinidad Santísima.

Idi matimod ni Maria ti casta  
á imbilin ti Dios quencuana,  
immannugot á naquiasaoa  
ta aoan duadua ti naquem na  
iti linteg ti Dios á maňgibagá.

Casta ti pannacatuloy á naquiasaoa  
ni naitalugading unay á Maria  
qñ José á gasat na't naiduma  
nagtaod met la iti Tribu ni Juda  
ta ni ari David ti nacaputotan na.

Qt idi malabes ti mano ñga aldaoen  
pimmanaoda sadi Jerusalem  
dagtoy agasaoa á sitatacneng  
ta napanda sadi Nazaret'en  
ta iso ti yan ti taeng.



Quet nupay saan nga adayo  
daytoy ili da á masasáo  
quinuyog ida dagti Angeles á rinibibo  
ta casta ti naquem ti Dios Apo  
ta ayatna cadagtoy agasaoa ti naiparungbo.

Quet idi inda macasangpet  
iti daydi ciudad á Nazaret  
nalaos yaman daguidi simmabet  
ta inda piman nalaguip  
da Isaac quen Rebeca á nasingpet  
idi panagasaoa da á nasalindeg.

Ti talaan oenno oficio ni nagasat á Josef  
quinaal-laoagui qt napalalo iti singpet  
ta uray apaman la nga alipuñget  
saan quencuana nga cumpet  
ta iti amin á saguday sicacoes

Ti urnos qñ singpet dagtoy á dua  
umisoda á tuladen ti agasaoa  
tapno nalaing la ti casasaadda  
qt agnanayonto á nataliñgenñgenda  
ditoy á biag quen sañi Gloria.

#### PANNACAYANAC NI S. JUAN BAUTISTA

Idi tiempo met la ni ari Herodes  
adda dua á tao pay á nasingpet,  
agasaoada nga agtinnalec  
quet ti yanda nga agnaed  
cadagti bambantay iti ciudad á bassit.

Zacarias ti nagan daydi lalaqui  
quet madaydayao á sacerdote  
iti panagbiag da aoan lñg ti maomsi  
nnpay maquipolpolápolda iti ili  
á managbasól iti Dios á manangñgaasi.

Aoan piman ti anac da  
gapona nga malidlidayda  
qt nasgued ti panagdaodaoatda  
iti Dios Apo nga Namarsua  
tapno iccanna la coma ida iti maysa,

Lacay qñ baquet'en dagtoy agasaoa  
quet aoanen ti panagbiag  
á macapataodda

Idi nagparang ti Angel á maysa  
qn Zacarias idi ta altar ti yanna.

Nagquigtot dita ni Zacarias  
iti casdi á inna nasirpat,  
ngem daydi Angel nagbalicas:  
dica agbuteng ta adda ibagac:  
dinengngeg ti Dios ta cararag.

Ni Isabel nga asaoam aganacto  
quet Juan ti ipanaganmonto,  
punoennacanto iti ragsac mo  
agyamanto met daguiti tattao  
ta naidaclan iti saño ti Apó.

Saanto nga uminum iti arac  
qt sipod nginao á di pay mayanac  
mapnonton ti Espiritu Sto á nagasat  
qt adonto ti maaoisna iti naimbag  
ta ti salucagna cas quen Elias.

Simmungbat dita ni Zacarias:  
zanianto aya ti pamigbigac  
cadaguita nga ibagam caniac  
ta no itan quet lacayac,  
baquet metten ni asaoac?

Daydi met Angel dita nagsaó:  
siac ni Gabriel iti dinna ti Dios Apo  
qt binaonnac quenca á mangyammo  
iti gasat unay á mapagtengmo  
qt agduaduaca man iti impalaoagco?

Maipoon itay inca panagduadua,  
agbalinca nga umel manipud ita  
inggana iti maaramid tay imbagá  
ta dinto bumurong ti pannacatungpalna  
no madanonan ti aldao na.

Idi naisaó ti Angel ti castan  
dagos metten á nagaoan  
quet ni Zacarias di nacabitlan  
quet idi macaruar iti simbaan  
nagaoid met idi balay dan.

Saan dita nga nabayaguen  
ni asaoa na nga Isabel nagsicoguen,  
qt lima á bulan inna ilelemmeng  
ta conana la iti bocodna ta nequem:  
quinaasian na ni [illegible] beng.

Iniccatna met la ti pannacabainco  
iti saclang daguiti tattao:  
ta ti aoan anac na idi á tiempo  
conconaen piman dagdi Judio:  
nalmeng á basol ti macaigapo.

PANANGIPACADA NI ARCANGEL SAN GA-  
BRIEL TI PANANGALA TI MAICADUA A  
PERSONAS TI SANTISIMA TRINIDAD ITI NA-  
DALÓS A TIAN NI VIRGEN MARIA.

Idi malabes ti innem á bulan'en  
sipod panañgibaga daydi Angel  
iti panagsicog ni Isabel  
binaon ti Dios ni arcangel Gabriel  
á nañgipan bilin á dacquel.

Ti impadles daguiti profeta  
qñ inururay daguiti patriarca  
iti uppat á ribo á taoenen ita  
iso ti paibaga ti Dios qñ Maria  
ta iso ti Virgen á pacatungpalanna.

Daytoy nagasat á espiritu  
ta naaoatna ti cayat ti Dios Apo  
saan nga nagtantan nga agpayso  
impanna ti damag á naca-a-ayo  
quen Virgen Maria á nasungdo.

Daytoy Virgen á inguet gasat  
madama nga agcararag  
idi nga in quencuana sumuñgad  
ni arcangel Gabriel á nagruchab  
á quinonana ti nagbalicas:

Ave (Maria), napnoca iti gracia  
ni Apo Dios ti adda quenca  
cadagti babba-i sica ti nangrona . . . .  
qt idi mañgeg ni Maria ti casta  
nagmayeng iti siddaona.

Naquisarsarita ni Maria á masansan  
cadagti Angeles á nailaŋgitan  
qt ita pay la á inna mañgegan  
ti panagcablaao á casta piman  
gapon a á ti caipapanana dina maaoatan.



Quet idi ta casta nga di sumungbat  
ni Virgen Maria á naslag  
tinuloy daydi Angel ti nagbalicas:  
oh Maria! dica ala agdanag  
ta ti Dios inna ca pinagasat!

Gapo iti dacquel nga ayatna qca  
ti Dios Apo nga Namarsua  
pinilina ca á tao-an ti maicadua á Persona,  
qt Jesus to ti ipanaganmo qña,  
sunonto ni ari David nga ama na.

Simmungbat dita ni Maria:  
casano ti pannacaaramid dayta  
idinto ta incaric iti nalagda  
á toy quinavirgenco agpapan ita  
diac panunoten ti pannacatulao na?

Quinona daydi Angel ti nagsaó:  
ti pannacabalin ti Espiritu Santo  
iso quenca ti umulogto  
gapona nga ti tumaod nga Anac mo  
managan iti Anac ti Dios Apo.

Qt no dayta dalos ti quinavirgen mo  
dica idanag ta di managan

cas iti sarming á di maboong nga agpayso  
no lasaten ti cas iti laoag ti init á nacaro  
ta aramid ngad ti Espiritu Santo.

Tapno patiem toy ibagac qca  
ni casinsinmo nga Isabel no ita  
innem á bulanen ti sicogna  
nupay baqueten á di aganac coma  
ta iti Dios aoan narigat Quencuana.

Idi mañgeg ni Maria ti casta  
naiccat ti sicor ti naquem na  
quet dagos ditan á quinonana:  
toy adipen ti Dios sisasagana  
maaramid caniac ti cayatna.

Iti casta nagpucao daydi Angel'en  
quet toy nadalos unay á Virgen  
nanipod dita nagsicoguen  
iti di duaduaen á pannacabalin  
ti Espiritu Santo á daydayaoen.

Daguiti Angeles á nailaŋgitan  
immulogda met amin ditan  
á nagdaydayao sipapacurang  
iti yo-olog ti Verbo á napan  
iti uneg toy Virgen á nainggasatan.

#### ISASARUNGCAR NI VIRGEN MARIA QN CASINSINNA A SANTA ISABEL

Saan á nabayag met dita  
napan simmarungcar quen casinsinna  
nga Isabel á innem á bulanen ti sicogna  
quet nagcuyogda qñ José nga asaoa na  
ta nagturingda't Hebron ti Judea.

Quet idinto ta macadanonda  
idi balay ni Zacarias á napananda  
nagcablaao qñ Isabel á nagtengda  
qt idi mañgegna't timec ni Maria  
nagragragsac ni Juan iti tian ni ina na

Ni met Isabel ditan agpayso  
napno iti parabor ti Espiritu Santo  
quet iti nalaoag ina insaó:  
Maria sica ti cagasatan cadagti tattao  
quet bendito met ti buda ti tian mo.

¡Maicari ac man aya piman  
nga umay ditoy sarungcaran  
ti Ina ti Apo'c á pagrucbaban  
ta itay cablaao mo't innac nañgegan  
nagragsac met toy ubing itoy tian?

¡Oh! amañgan ti gasat mo á naiduma  
ta pammatim iti Dios ti silalagda!  
qt itan matungpal aoan ibuburongna  
dagti pinaibaga ni Apo Dios qca  
á daydayaoen aoan inggana.

Ni Virgen María dita simmungbat:  
iti Dios Apo daydayaoen toy cararuac (1)  
quet toy puso nalapunos iti ragsac  
ta idinto ta adipen unay á nababa-ac  
dagti tattao naganendaac'on á nagasat.

Ti pudno á Mannacabalinamin  
á ti nagan na pagrucbaban á daydayaoen  
naidaclan ti inna caniac inaramiden  
dagti napacumbaba inna inragpaten  
qt daguiti nacuspag isoda ti mairurumen.

Dagti napanglao pinabacnang na  
quet daguiti adoan iti sanicua  
pinagbalin na nga nacacaasida  
quet ni Israel nga adipen na  
nalaguipna piman ti casasaad na.

Tinungpalna á di nagcurang  
daguidi incarina quen Abraham,  
castamet cadagti inna capututan  
quet dinanto la ida malipatan  
inggana iti inggana caanoman.

Tal-lo nga bulan á naguian dita  
da José quen María nga agasaoa  
ta ni Isabel nairana't panagpasngayna  
quet nalaos amin ti ragsacsacda  
iti itatao toy ubing inguet gasat na.

Juan ti napatuloy á impanagan da  
ta iso ti insurat ni umel nga ama na  
idi nga saludsudenda quencuana  
no ania daydi cayat á pilienna  
ta ni Isabel iso met la ti pinaturayna.

Qt idinto ta nalpas á naisurat  
ti nagan á Juan á

(1) — Magnificat

--277--

naquem ti Dios á ni Zacarias  
mabalinna metten ti agbalicas  
Juan quinona mt á inyebcas.

Ti Espiritu Santo tinalucaticanna mt  
ni Zacarias dita nga nañgitimec:  
mamenribo á daydayaoen ti Dios á napateg  
ta quinayatna ti immay nanipod lañgit  
cas quinona dagti profetas á impadles.....

Sana met quinona idi anac na.  
sica mt ubiñg, nagasatca  
calintegán ti panañgibaga qca  
á sica ti cañgronaan á profeta  
ta ti Mesias sica ti pacpacaona na.

Qt idi ta nalpas ti ragragsac dita  
nagaoid Nazaret da José qñ Maria  
qt idi nadlao ni José ti sicog ni asaoa na  
barucoñg na daydi cas agpecca  
iti nalaus unay á leddaañgna.

Ni José binalayan ti ladiñgit  
ta dina ammo á Espiritu Santo ti aquinaramid  
idi sicog ni Maria á napnoan siñgpet  
ñgm dina duaduaen á ti linteg  
dusaenna ti macabasol iti ruguit.

Gapona nga toy santo patriarca  
napanunotna á panaoan ni Maria  
ta dina cayat á idarum á madusa  
cas bilin ti linteg iti maicaoa  
á mañgcanioas iti dalos ti agasaoa.

Qt idi coma ta pumanaoen  
ni José á sinamay ti liday á nasaem  
nagparañg qña ti Angel á mañgtubeñg,  
quinonana: ti pumanao dimo patuloyen  
ta ti dalos ni asaoam sitatacneñg.

Punasem ala ti duaduañ qña  
ta ti madlaomo nga sicogna  
aramid ti Espiritu Santo dica agduadua  
ta iso ti Mesias á urayen ti yaayna  
tapno toy luboñg maispal iti toocna.

Qt idi matimod ni José ti casta  
á sinaó daydi Angel quencuana  
napunas ti sicor ti puso na  
qt ragsac ditan  
ti naisucat pin

--278--

Ni José qn Virgen Maria  
natalingenngen ti panagbiagda  
ta isona la nga pampanunotenda  
ti nasalucag á panagtuñgpalda  
iti cayat ti Dios cadacuada.

PANANGYANAC NI VIRGEN MARIA QN  
APO TAY A JESUCRISTO.

Idi maicasiam á bulan ti sicog ni Maria  
adda bilin ni Augusto nga emperadorda  
á tuñggal maysa tontonenna't capoonanna  
tapno nalaoag ti pannacaaramidna  
ti pacaquitaan cadagti adda iti sacopna. . . (1)

Qt ni José inguet tudio na  
nagrubuat idi mañegna dayta  
qt nupay malacsid ti baba-i iti casta  
quimmuyog quencuana ni Maria  
tapno matuloy ti impadto dagti profeta

Agpayso nagluas dagtoy agasaoa  
qt jumento ti nagsacayan ni Maria  
incuyogda mt amin á balonda  
á mapan iti adayo't bassit á dagá  
ngm no ti laméc aoan ti pada.

Qt idinto ta maamitanda  
iti rabí-i idi dalan á yanda  
simmapol ni José iti dagosanda  
qt aoan la ti immaoat cadacuada  
ta napañglaoda piman á maquitada.

Iti daydi ili ado ti amammoda  
castamet á naruay ti cabaguianda  
qt gapo iti ado't sañgaili á nairana  
daguiti la tattao á nasanicua  
ti adadda piman á maipañgpañgrona.

Iti quinapanglao á maquita  
cadagtoy nasingpet nga agasaoa  
olidan cadatay á masirmata  
ta ti Dios nabalinna á inaramid comá ida  
á nabacnang unay cadagti sanicua.

Qt idi aoan mayat á mamadagos cadacuada  
naipapilit á iti ruar ti ili napan da  
qt gucayah ti sinerang napañgpañganda



qt iti tengnga ti rabi-i nayanac dita  
ni Jesus á maicadua á Persona.

Daydi gucayab á paglinlinoñgan ti vaca  
quen banos pay á nadumaduma  
napusec iti laoag ti Gloria  
ta piman mayanac dita  
ti Mesias, anac ti Dios á Namarsua.

Sinacлот ni Virgen María á nasungdo  
qt binoñgonna ni Jesus, á macaayayo  
ta Dios quet Tao á napaypayso  
qt bimmaba dagti Angeles nga ado  
nga agcancanta iti Gloria in exelcis Deo.

Daguitoy á saó caipapananda  
ti daydayaoen nga aoan inggana  
ti Dios Apo á Namarsua  
ta umay timmaó ti Anac na  
iti natalos á tian ni Virgen María.

Ti gapo ti nacayanacan á sipapanglao unay  
ni na-Diosan á Jesus á nadarisay  
intedna dayta á pagpanunotantay  
á di aguessem quen agtarigagay  
iti quinabacnang á naruay.

Ditay calicaguman ti quñabacnang  
ta nalablabit iso ti pacaigapoan  
ti naricot á pannacaisalacan  
ti cararua ta inna itebbang  
cadaguiti naruay á pagpeggadan.

Ti Dios imparañgarangna cadagti tattao mt  
ti yaay ti Anac na nga napateg  
ta inyammo daguiti Angeles  
cadaguidi ado nga pastores  
nga adda iti disso nga asideg.

Cadagtoy pastores cona di Angel á maysa:  
agragaccayo itoy idamagco cadacay ita  
ta sadi Belen timmao ti maicadua á Persona  
ti Trinidad Santisima  
á umay mañgisalacan iti parsua.

Iti col-loong ti pacasaracanyo Qña  
quet al-leganyo ti mapanen á magna  
tapno dacay ti cumablao á omona  
ta saguday yo nga dacquel dayta  
á pacaalaanyonto iti gunguna.

Agpayso dagtoy pastores dida nagtantan  
nagluasda á sadi Belen ti inda papanan  
tapno agrucbabda nga sipapacurang  
iti Mesias á iti gucayab cancantaan  
daguiti Angeles á nailaŋgitan.

Dagtoy pastores nalaos ti yaman qñ ragsac da  
ta ti Dios á timmao cablaaoanda  
qt idi nalpasen nagsublida't naggapoanda  
qt cadagdi inda masaracan ibagada  
nga iracracurac daguiti naquita da.

Quet idi oaló nga aldao nan  
á nayanac ti Mesias á Naŋgisalacan  
inaramid Quencuana ti cadaoyan  
á pannangted iti napateg á nagan  
á iso ni Jesus á pagruchaban.

Cadaguidi nga aldao di mt nabayag  
á napan quen Jesus nagrucbab  
daguidi tal-lo nga ari á nacasirpat  
iti bituen á maŋgibagá iti pannacayanac  
ti naipadles nga ururayen á Mesias.

Daguitoy nga arari itnegda á sigod  
ngm mamasiribda nga astronomos  
gapon á managanda iti Magos  
ta ammoda ti panagruar panagpuspos  
daguiti bitbituen, planetas qñ astros.

Quet agsipod met iti asidegda  
iti daydi naguianan ni Balaan á profeta  
saan á dida naammoan daydi naibagá  
á pacabigbigan ti yaay ditoy dagá  
iti Mesias á maŋgisalacan iti parsua.

Dagti pagpagarian dagtoy masarsarita  
isoda ti Persia, Arabia quen Sabá  
adda da iti daya ti Palestina,  
ngem aoan nagtutulag cadacuada  
nga agrubuat á mapan iti turoŋgenda.

Maysa qñ maysa cadacuada á tal-lo  
nagnacnaquemda la piman á isiso  
á in mangtalunton iti nagasat á disso  
á pacayanacan ti Dios á tumao  
tapno inda agrucbab, cas mainumo.

Nagsasaracda la iti dalan  
da ari Melchor, Gaspar qñ Baltazar  
ta sursurotenda ti bituen á nagsang

quet carting da ti napalaloan  
tapno daydi bagnos da dida masinaan.

Quet idi inda macadanonen  
iti arpad ti ciudad á Jerusalem  
nagpucao daydi bituen  
quet iso ti inda nacaisipanen  
ti dimmagas dita á nagsardleng.

Natulagda ti napan qñ ari Herodes  
tapno cablaaoan qñ pagsaludsodan met  
iti maipapan iti daydi panguép  
quet agpayso casta ti naaramid  
iti saclang na inda simmangpet.

Quet idinto ta maiparañarang  
daguitoy arari daydi gagara dan  
innayonda met dita nga intnyang  
á daydi nayanac á inda pagrucbaban  
iso ti Mesias, á nabayaguen padpadaanan.

Ni Herodes idi ta saó da ti maaotna  
barucongna ti agtibbayo iti pungtotna  
ta atapenna idin iti naquem na  
á ti ari ti Israel á sapulenda  
isonto ti umagao iti turay na.

Dinagosna dita á pinaayaban  
dagdi mamasirib iti pagarian  
tapno isoda ti inna paguimtoodan  
no pudno daydi inna nañgegan  
cadaguidi tal-lo nga ari á timmalantan.

Daguiti mamasirib ti Jerusalem  
idi maammoanda ti panguépen  
sinaóda nga pudnon dimteng  
daydi tiempo á naiqueddeng  
á itatao ti Mesias sadi Belen.

Ni profeta Miqueas inna idi impadles:  
Belen, nupay ili ca nga bassit  
maibilangcanto cadagti napateg  
ta mayanacto quenca, maparbit  
ti Ari ti Israel nga aggapo sadi lañgit: (1)

Ni Herodes quinonana metten  
cadaguidi arari nga natacneng:  
señores, dayta gagara yo á tontonen

adda can dita ciudad á Belen  
qt idamagyo coma caniac no masaracanyo mt lñg.

Nagpacadan dagdi tal-lo ñga arin  
quet ragsacda daydi adadda manen  
ta idi rumuarda iti Jerusalem  
nagparang cadacuada met laeng  
daydi bagnosda piman á bituen.

Quet idi ta Belen ti madanonda  
rimmayray ti laoag daydi bituen á surotenda  
iso á napan nagsardeng iti batogna  
daydi gucayab á yan nacagteñganda  
qn Niño Jesus, José quen María.

Daguitoy tal-lo ñga ari qñ buyot da  
cadagdi dromedario nagdissaagda  
qt simrecda á siraraem sipapacumbaba  
idi yan ni Niño Jesus á inagcanda  
idi á maiccatda daguidi corona da.



Nagsusublatda á immaguec sipaparintumeng  
cadagti sacsaca ti Dios á daydayaoen  
ta pammati dagtoy arari ti sitataliñgenñgen  
á daydi pagruebabanda nupay ubing  
iso ti Anac ti Dios á Mannacabalinamin.

Quet idinto ta nalpas á nacaaguecda  
índaton met ti maysa quen maysa

ti naitalucatic á rumbeng á itedna  
ta agpayso unay adda caipapanan da  
ti balitoc, incienso quen mirra.

Ti balitoc á indaton ni ari Baltazar  
caipapananna ti quina-ari á catanocan  
ta saan la nga ni Israel ti inna iturayan  
ngm amin á parsua á di mabilang  
sadi lañgit qñ toy dagá qñ adinoman.

Ti incienso á indaton ni ari Gaspar  
caipapananna ti panagraem á casusudian  
iti quina-Dios ni Jesus á mañgisalacan  
qt iti casta utang tay amin á pagrucaban  
ta adda tay iti inna pagturayan.

Ti inted ni ari Melchor á mirra  
caipapanan ti agpayso á quinataona  
ni Divino Jesus á inyanac ni María  
nupay Dios á iso ti maicadua á Persona  
ti napateg á Trinidad Santisima.

Quet idi saanda pay dita á pimmanao  
daguidi tal-lo nga ari á quimmablaao  
nacaridepda qt Angel cadacuadat nañgipadlao  
iti daques á gaguem ni Herodes á mangpucao  
cadaguiti panguepda qñ Jesus ti nasináo.

Insurona á nalaing cadacuada  
ti rumbeng piman á dalanenda  
nga agpulang cadagti dagdagada  
qt agpayso sabalin ti nagnaanda  
tapno ni Herodes maliclicanda....

PANANGIPARANG NI APO STA MARIA ITI  
SIMBAAN QN NINO JESUS, CAS CADAQYAN  
IDI MET.

Idi uppat á polo nga aldao ditan  
á nayanac ni Jesus dito dagán  
impan da Ina na iti simbaan  
agraman daton á cadaoyan  
daguiti aganac siasinoman.

Quet idi sumuñgadda idi simbaan  
sinabat ida ni Simeon á profetan  
quet dagesna nga inaoat qñ inagcan  
ni Divino Jesus á nasgang  
quet sinaóna daguiti inagcan.

Oh Diosco, itan ta innac naquita (1)  
toy Anac mo nga nañgina  
matayacton á sitatalna  
cas inca caniac impanamnana  
quet aoan esmanen daguitoy mata.

Quimmablao met á sipapacumbaba  
ni nasingspet á profetisa Ana  
nga nasuroc á oalo polon ti taoen na  
qt idi simbaan ti nagtaenganna  
sipod pay idi pannacabalo na.

Inagagcanda á inlibot idi simbaan  
ni Jesus, Niño á na-Diosan  
ta ragsac dagdi tattao ti napalaloan  
gapo iti dacquel unay á yaman  
ta nayanaquen ti mañgisalacan.

Quet idi nalpas' amin daguita  
impulangda ni Jesus quen ina na  
quet iso metten ti panañgibitla  
ni san Simeon, lacay á profeta  
cadaguitoy sumaridat á sarita:

Oh nagasat unay á Ina  
sica ti capapatgan á parsua  
iti Trinidad Santisima  
quet aoan ti pumadpad quencia  
ngm addanto pait á inca maricna.

Daguitinto rigat á masagaba  
daytoy napateg á pinayanac qca  
salbaguendanto dayta cararua  
á cas iti nasarumamit á espada  
nga iti puso gaoanggaoañgenna.

Ta iti saadna nga Dios  
nanipod lañgit immay immulog  
tapno iso ti macabalin á manubbot  
cadagti tattao nga iti basol sibabalod  
quen mañgisalacan met iti tooc.

Idi matimod ni María ti casta  
cas burayoc dagti mata na iti lua  
ita pangduaan cad aya ti cana  
ti richaen ti maysa nga ina  
á macañgeg iti tooc ti anac na?

Nupay casta sitatalec iti Dios Ama  
quet iso ti nañgitaclinanna

(1)—Nunc dimittis . . .

iti panañgilala na iti Anac na  
ta iso ñgad ti nangted quencuana  
qt Mannacabalin met aoan pada.

Qt idi nalpas á natuñgpalda  
dagti bilin ti linteg á surotenda  
binendicionan daydi sacerdote ida,  
qt da nasiñgpet á José qñ Maria  
inyaoidda ni Jesus idi balay da.

Cadaguidi ñga aldaoen maringgoran  
daguidi tattao iti daydi pagarian  
ta nairacurac daydi imbagbagan  
dagdi pastores á nacaimatañg  
iti pannacayanac ti Nañgisalacan.

Macaipapati pay macaipatalgued  
ti inda pannacaammo pannacañgeg  
ti isusucnal á napan imaguep  
daguidi arari ñga agcacapateg  
cas naammoan mt ni Herodes.

Daytoy Herodes idi aoanen duaduana  
iti quina agpayso daydi agadioara  
sa di mt simmublin quencuana  
daguidi ari á nagtalcanna  
rimmañgen unay daydi puñgtotna.

Nabalabalana ñga paquinaquem  
qt inoayañgna metten á bilin  
á papapatayna amin ñga ubbiñg  
ñga adda iti lasod qñ sibay ti Belen  
tapno mairaman daydi inna cabuteñg.

Qt idinto ta casta ti gaguemna  
bimmaba qñ José ti Angel á nañgibagá  
ñga sadi Egipto dagos ipanna  
da Virgen Maria ñga aguina  
tapno daoel ni Herodes ti lisianda.

Agpayso nagluasda ñga di nagtantan  
qt daguiti Angeles á nailañgitan  
quinuyogda ida iti dalan  
qt amin á cayo á inda labasan  
agsalumpayacda á sipapacurañg.

Qt idi inda macagteñg  
narumrumec daguiti bareñgbareñg  
á cararaganda sadiay á didiosen  
qt daguiti sacerdotesda qñ umilin  
nagrucbabda qñ Jesus á daydayaoen.

Nalabasanda ti naruay á dagdagá  
 á nagtaeñgan daguidi dadacquelda,  
 Moises quen dadduma  
 qt idi metten nadamagda  
 dagdi ubbiñg sadi Belen á pinapatayda.

Iti sacop ti Egipto inda nagtaeñg  
 ingana iti dida nauray ti bilin  
 ti Dios Apo á daydayaoen  
 tapno aoan peggad á masaraquen  
 daydi nadosan unay á ubiñg.

PANANGPAPUTOL NI ARI HERODES  
 CADAGTI UBBING ITI SACOP QN CAR-  
 ROBA TI BELEN.

Daydi buteñg ni Herodes á masalanan  
 iti panagarina iti Judea á pagarian  
 iso daydi inna unay nañngapoan  
 á nagpapapatay ubiñg aoan qt nalabasan  
 tapno ni Niño Jesus mairaman.

Quinonana cadaguidi binilinna  
 sadi Belen ti papananyo ala  
 tapno tilioenyo aoan ibuburoñgna  
 daguitay ari ñga tal-loda  
 á dimmagas ditoy palacio idicua.

Quet no aoanda á masaracyo  
 daguitoy conac ñga ari á tal-lo  
 uray no daytay ubing á masasaó  
 á naganen da iti Mesias cano  
 anta iso ti macapataod riri dagti tao.

Agpayso nagoayaoay dagti soldados  
 á napan cadaguidi arari nagbiroc  
 ñgem aoan da met á nasurot  
 castamet á dida laeng nasumoc  
 daytay ubing á conada macaririboc.

Daguiti soldados idi inda maibisic  
 ti casta piman quen ari Herodes  
 daytoy cas agbal-la iti uñget  
 quet, nagbilin iti nacaarariec  
 á macapasdaao iti macañgeg.

Conana: bilin á iqueddengco  
 á dagup ti maladaga iti sacop co  
 ñga aoan pay dua á taoenna á pudno



padapada da amin á putolanyo  
uray pay no maysa ñga anacco.

Iti bilin toy ari á salioaoá  
natungpal ñga aoan curangna  
amin á ubbing á nasaracanda  
pinutolan dagti soldados, aoan pinacaoanda  
qt nairaman ti anac ti ari á maysa.

Ti arioaoa dita quen icquis  
dagti aquin-anac ñga agsangsañgit  
mabalin ti tao ti aguisip  
no casano ñgata ti mañgeg  
ta ti bilin aoan padana't ulpit.

Ni Cesar Augusto idi maammoanna  
ti inaramid ni Herodes á casta  
á sañgapolo qt uppat á ribo ti pinatayna  
naim-imbag pay ti baboy á taraquen na,  
ñgem iti anac na ñgarod á putolanna.

Dayta nacasang ñga aramid  
nacaro ñga aoan umarñged  
aglalalo quet ubbing á Inocentes  
daguiti nagsagaba iti ulpit  
ni dacsanggasat ñga Herodes.

Ngem dusa toy nadangques  
ti panaggorigor na iti nabileg  
ta nagtungpalanna ti naglinglinget  
iti buyoc na ti di madaep  
qt bagui na ti lamoten ti iggues.

Quet no nacaarariec ti bagui na  
nacarcaro pay ti cararua na  
ta aoan sabali á napananna  
no di iti tooc aoan pumada  
ñga apoy unay á bumarbara.

Dayta ti nagtungpalan  
ti ari nadamca, nacasang  
á di nagaligaguec uray apaman  
á nangdusa cadaguiti cadadalosan  
á Inocentes ñga aoan gaoay piman.

Dagtoy agsipod iti linacamda  
ti martirio gapo iti Namarsua  
sasantos á iti lañgit napanda  
nupay itneg idi dagdi ammada  
á mañgipaoat coma iti pannacabuniagda.

Ngem rebbeng ti tao nga ammoen  
á toy á inaramid ni Herodes á nadaoel  
gapo iti apal qñ gura na á dacquel  
iti turay ti Mesias á daydayaoen  
ta ti quinaarina cano masalin.

Quet idi natayen ni Herodes  
napan ti Angel quen san Josef  
quinonana: agsublicay Nazaret  
ta daydi ari nga naulpit  
aoanen á mañgidadanes.

Natungpal nga agpayso á casta  
á sadi Egipto pimmanaoda  
daytoy daydayaoen á sagrada familia  
quet iti naunday á linasatda  
di duaduaen ti rigat á sagabaenda.

Naoatioat daydiay á dalan  
cadaratan, aoan pay linoñgan  
castamet á ti danum naquirang  
qt no dadduma ańgin ti capigsaan  
á mangted sagubanet á pagsaquitan.

Ado pay daguiti nadangques  
agagagao dita agsansaneb,  
napigsa met unay ti init,  
qt no rabi-i nalaos ti lam-éc,  
panaglasat dita ti nasulit.

Quet idi ta addadan  
sadi Nazaret á paguilian  
sinublianda met la á nagtaeńgan  
daydi balay da á pinanaoan  
á di quet naanano uray apaman.

Bimmaludbod metten á maquita  
ni Niño Jesus á nańgina  
castamet á umadda á umadda  
ti sirib quen taoen na  
quet iso ti ulidan iti tudio na.

Quet idi nga ni Jesus agtaoenen  
iti sańgapolo quet dua á bilańgen  
napanda naquipascua sadi Jerusalem  
ta cadaoyan da nga araramiden  
cas bilin ti linteg á sursuroten.

Isoda á tal-lo simreeda idi simbaan  
á pagcararaganda á sipapacurang  
iti Dios Apo á catanócan

quet sada la nagaoïd ditan  
idi á nãlpas tĩ pascuan.

Iti dayta á panagaoidda  
ni Jesus simmina cada Ina na  
ta idi templo iso ti nagbatianna  
ngem no daguidi quinacuyogna  
dida impagarop la á casta.

Idi madlao da José quen María  
nga aoan ni Jesus cadacuada  
dalan pimanen ti yanda  
quet di maibusan á isarita  
daydi nacaro á leddaang da.

Daguitoy nasingpet nga agasaoa  
agpayso laeng á dida macaidna  
quet sisasaibbec la ti puso da  
ta bugbugtong piman nga anac da  
daydi napucao á sapsapulenda.

Aldao quen rabi-i dida agsardeng  
ni la Niño Jesus ti inda salsaludsoden  
quet idi maycatloda nga aldaoen  
natungpoinganda, idi templo met laeng  
á maquisupsuppiat cadagdi agcacasiriben.

Dagdi agcacasirib sadiay naruayda  
ngem aoan laeng ti nabalinda  
iti saririt qñ dalos ti panagsarita  
ni Jesus nga anac ti Dios Ama  
nga umay mañgisuro iti parsua.

Gapo iti casta masmasdaaoda  
no ania á rangcap ti adda qña,  
ta no daydi á quinaubingna  
saanna pay á nagaoat á nabasa  
daguiti libro á sussusiquenna.





Idi arpad ni Jesus immasideg  
ni Virgen María á napateg  
quinonana iti saó nga nasam-it:  
Anac co, sinapsapoldaca á sigaganetguet  
ta napucaoda ca á dicam ammo met.

Tal-lo nga aldao sinapsapolda ca  
á dicam ammo ti naaramid qca  
ta addansa quet inca guinura  
ta dica man la imbagbaga  
daytoy á inca isisina?

Ni Jesus met dita simmungbat:  
quinonana ¡apayapay á biroquendac  
idinto á diyo duaduaen pamayac  
nga uray ania't aramidec quen papanac  
iti laeng naquem ni Ama agtungpalac?

Quet idi casta ti maisaonan  
naquicuyog cada ina nan  
ta nagoidda mt la idi balay dan  
qt iti tudio na iso ti pagolidanan  
daguiti tattao uray asino man.

Ti tudio ni Jesus á na-Diosan  
ad-adda comá á pagtuladan  
daguiti inanac á sintang

iti dungngo á nainaan  
dagti dadacquel na á nagtaudan.

### IPAPATAY NI SAN JOSE.

Idi nganngani manursuro ni Jesus  
quet ipaammona ti inna quina-Dios  
ni José á pannacaamana nga anos  
dinaoatna ti patay na tapno dina masipot  
dagti agcacadagsen unay á tooc.

Iti naminsan nga aldao naquitana  
dagti cruz, balañgat quen lanza  
á inaramid ni Jesus á pinadasna  
qt naipalagui qñ José dagti nacana  
á impadles daguidi profeta.

Agpaiso dimteng ti panagsaquitna  
daytoy nainggasatan á parsua  
quet tinaraquen á sisasalucagda  
da Jesus quen nasam-it á María  
isoda á nagpacaoanan toy patriarcha.

Gapona á nagasat ti ipapatayna  
ni san José ta saan á sinina  
ti salucag da Jesus quen María  
isoda á rebbengtay á liolioa  
qñ utangtay nga aoagan no patay ti cumna.

Ti nagasat á cararua na  
sinabat dagti Angeles á nañgina  
qt Seno ni Abraham ti napananna  
qt iso ti nañgipadamag á immona  
á ti manubbot asideguen á mauray da.

Ti bangcay toy napateg á santo  
naipompon á cas mainumo  
iti salucag á naiparungbo  
da Jesus quen María á nasungdo  
á pagolidanan singpet á napalalo.

### PANNURSURO NI S. JUAN BAUTISTA

Ni San Juan Bautista inoarnacna  
á iso mangdalos iti pagnaan na  
ti Mesias nga adanin ti yan na  
nga umay mañgited iti Gracia  
quet agpayso naaramid ti cas

Tal-lo polo ti taoenen ni Jesu-Cristo  
idi napan quen Juan iti daydi disso  
á yan ti carayan Jordan á macaayayo  
ta aotenna quencuana nga agpayso  
ti buniag á cas mt cadagti tattao.

Ni Juan á dina pay naquitquita  
ni Jesus nupay no asideg á cabaguian na  
naitalucatic qña á Mesias daydi masaracna  
gapona á dina cayat á buniagan coma  
no di quet iso coma ti manibog qña.

Ni Jesu-Cristo simmungbat qñ Juan:  
no dayta ala ita ti baybay-ám  
ta tungpalem ti naquem á na-Diosan  
quet ni Juan iti danum binuyatannan  
daydi olo ni Jesus á nasgang

Idi maaramid ti casta agpayso  
á bimmatog idi olo ni Jesu-Cristo  
ti napateg á Dios Espiritu Santo  
qt natimod mt ti Dios Ama nga nagsao:  
daytoy ti Anac á nagpuniponan ayateo. (1)

Daguiti Angeles nalaos ti ragsac da  
iti daydi naaramid dita á casta  
agsipod iti maiparañarang cadagti parsua  
ti nataliñgenñgen á panagpacumbaba  
ni Jesu-Cristo á pabuniagan iti tao á maysa.

Quet idi nga nalpas daytan  
pimmanao ni Jesus idiay Jordan  
ta napan nagayuno iti lañgalang  
qt uppat á polo nga aldao qñ rabi-idan  
á naglulualo' pay dita piman.

Quet idi malabes amin daguita  
naricna ni Jesus ti bisin na  
quet ti sairo quionana Qña:  
no ti Dios pudno nga Anac na ca  
dagtoy bató pagbalinem á tinapay coma.

Ni Jesu-Cristo simmungbat dita:  
ti tao saan la á canen ti pagbiaganna  
ngem nabilbileg á quired na  
ti aggapo iti Dios á gracia  
iti napateg unāy á saó na.

(1) — Hic est Filius meus dilectus, in quo mihi com-  
placui. San. Math. cap 3 v. 17.

--293--

Idi casta ti met la demonio  
impanna ni Apo tay á Jesu-Cristo  
idi alimpatoc daydi napateg á templo  
quinonana: no Anac na ca ti Dios nga agpayso  
agtinnagca yata dica ngata maanano.

Simmungbat qña ni Jesu-Cristo  
naisurat cadaguiti libro  
á dimo sairoen ti Dios mo  
qt ti inaramid manen toy demonio  
impanna ni Jesus iti bantay á nañgato.

Daydi demonio nagsaó dita  
amin dagta pagpagarian á maquita  
iturayac ida qt itdec ida quenca  
no iti saclang co agparintumengca  
tapno siac ti dayaoem á sipapacumbaba.

Naguñget ditan ni Jesu-Cristo:  
Satanas, panaoan nac ditoy yan co  
quet inca laeng sadi inferno  
ta iso ti pacadusaam á naipato  
qt dagos á pimmanao ti demonio.

Quet iti daytoy á panañgabac  
ni Jesus iti demonio á nasicap  
bimmaba dagti Angeles á siraragsac  
incuyogda mt ti tinapay á nasayaat  
tapno canen ni Jesus á immaoat.

Ni Jesu-Cristo dinagosna ti nañgan  
quet iti Dios Ama nagyaman  
qt daguitoy á qñ Jesus naimatañgan  
utang unay ti tao á pagolidanan  
iti inna iti sairo pannaquidañgadang.

Qt idi adda ni Jesus idi lañgalang  
napan dagti Fariseos quen Juan  
ta saludsudenda no iso ti conadan  
á Mesias á manubbot padpadanan  
qt ni Juan simmungbat á saan.

Quinona dagti Fariseos qñ Escribas:  
no saan á sica ti Mesias  
á ururayenen á nabaybayag  
¿sica ngata aya ngarod ni Elias  
oenno asino nga tao á nagasat?

Simmongbat cadacuada ni Juan  
saan á siac ni Elias oenno asinoman  
no di siac ti manggaic iti dalan.

á umay ti Mesias pagnaan  
qt ala agbabaoicayon iti cadaoyan.

## DAGDI IMMONA A DISCIPULOS NI JEUS.

Idi naturpos ni Jesu-Cristo daydi panagayunarnan  
nagsubli met la idi carayan Jordan  
qt idi sumuñgad quinona ni Juan:  
adtoy ti Cordero ti Dios nga iti basol mamaaoan  
cas nelpas co cadacay á imbagan.

Daytoy iso daydi nasaritam  
á umay sumarono met la caniac  
á ti caaddana immonona ñgem siac  
quet siac met laeng panecnecac  
nga iso ti pudno á Dios Anac.

Quet idi á cabigatan dayta  
adda qñ Juan dagti discipulos á dua  
qt idi á lumasat ni Jesus iti dinnada  
quinona man ni Juan'en cadacuada  
adtoy ti Cordero ti Dios á nangina.

Dagtoy discipulos idi manggeda ti casta  
dagos á qñ Jesus simmurotda  
ni Jesus tinaliaona á nagsaludsudan ida  
no jania dita ti sapulenda?  
simmungbatda: Maestro adino ti naedmo aya?

Quinona cadacuada ni Jesu-Cristo  
no cayatyo nga ammoen ti naedco,  
umaycay cumoyog tapno maquitayo  
qt simmurot da Andrés nga agpayso  
qt ni Juan Evangelista ti maysa á discipulo.

Idi macadanon da iti balay ni Jesus á sinorotda  
nagcablaaoda á siraraem qñ Virgen María  
quet nalaos met ti yaman toy ina  
sada pimmanao á nagaoid mt la iti balbalayda  
idi matimoddan ti imbagá ni Maestro da.

Daguitoy discipulos á nagasat  
nalaos ti yaman da quen ragsac  
qt ni Andrés idi inna masarac  
ni Simon á cabsatna á naayát  
inaoisna iti dalan á macapaimbag.

Ni Simon simmurot á sisasalucag  
qñ Andres á napanda't Nazaret á saad  
qt idi maquita ni Jesus inna imbalicas:



anac na ca ni Joná ngm no itan ni Cefas  
ti naganmo á ti inna cababagas:

Pedro, nga iti tañquen ti bato maipadpad.

Nagmalem qt nagpatnag ni Pedro dita  
á sinursuroan ni Jesus á Maestro na  
qt iti cabigatan daytan nagnada  
isoda nga uppat nagturoñgda't Betsaida  
qt ni Felipe naquita ni Jesus qt inayabanna.

Daytoy Felipe nabayaguen á tarigagayanna  
á ti Mesias maquitana coma  
gapona á nalaos daydi ragsacna  
qt iti cabigatan daydi sinapolna  
ni Nathanael á caiñgoñgot na. . . . . , (1)

Daytoy idi inna maaot  
qñ Felipe ti caadda ti Mesias  
simmurot met tapno nalaoag<sup>i</sup>  
ti pannacaammo na iti naimbag  
nga mañgituroñg qña iti pudno á gasat.

Idi maquita ni Jesus dita  
ni Nathanael á napan qña  
dagos lñg á castoy ti binalicasna:  
addaytoy ti napaypayso nga Israelita  
nga aoan ulbod ti puso na.

Nasdaao ni Nathanael á nacañgeg  
gapona quinonana ti nagtimec:  
jadino, Maestro, ti inca pannacabigbig  
itoy numoc ta itaac pay la nga immasideg  
itoy dinnam nga daydayaoec?

Ni Jesus inna sinuñgbatan:  
idi nga ni Felipe dinaca pay nasaracan  
iti siroc ti higos á inna qca nacatuñgpoñgan  
nabayag unay idin nga ammocan  
qt dinac mabalin nga libacan.

Quinona ni Nathanael á sipapacumbaba  
patiec, Maestro, á ti Dios Anac na ca,  
ti Israel sica mt ti ari na  
quinona ni Jesus: maquitamto pay ti adadda  
ta dagti Angeles sadi lañgit bumabada.

#### OMONA A MILAGRO NI JESUS SADI CANA.

Iti maicatlo nga aldao iti dñyta  
adda nagcasar sadi Caná ti Galilea.

(1)—Nathanael iso met la ni San Bartolomé.

qt inaŋgayda ni Jesus qñ ina na  
agraman mt cadagdi discipulosna  
qt agpayso unay á napanda.

Iti dayta ŋga pagdadayaan quimmurañg  
ti arac á pagpainumda, cas cadaoyan,  
qt idi ta casta ti naimatañgan  
ni Virgen Maria á nasgañg  
quinonana qñ Jesus: aoan aracdan.

Ni Jesus simmungbat á sisusungdo:  
di pay nadanonan ti horas cō;  
nupay casta, imbilin ni Maria cadagdi tao:  
tī aniaman á ibagá diay Anac co,  
aramiden laeng tungpalenyo.

Adda innem á burnay dita  
ñga aoan naguian cadacuada  
pinapūnno ni Jesus iti danum ida  
quet idi napnodan binendicionanna  
sana pinaioaras ŋga arac ti nagbalinanda.

Nasdaao daguiti tattao idi casta  
quet daydi nagdayá impagaropda  
á inyodudina á guinagara  
ti casasayaatan ŋga arac á sagana  
idinto ta iso ti immonona comá á insaŋgoda.

Dayta ti immona á napatac á milagro  
á inaramid ni Apo tay á Jesu-Cristo  
qt nasdaao unay daguiti tattao,  
namatida met unay ŋga agpayso  
á iso Dios quen pudno met á tao.

Idi naminsan á pascua ti Jerusalem  
napan ni Jesus á naquitarapoc manen  
quet dita pinagtalaona á sinapliten  
daguidi aglaco iti di rumbeng  
ta iti balay ti Dios umiso á dayaoen.

Naruay á milagros ti inaramidna  
quet ado ti namati iti quina-Dios na  
quet idinto á malpas ti pascua  
pimmanao Jerusalem ta napanda  
cadagti dadduma á ili ta mamagbagá.

Quet idi á mapan sadi Nazaret coma  
nagsardeng iti dinna ti bubon á maysa  
quet aglasat Samaria á labasanna  
quet dita ti nacaarayanna  
iti baba-i á daques ti biag na.

Naqui-inum ni Jesus idi Samaritana  
quet daytoy dinagosna ti nagcona:  
apaya á dumaoatca iti danum aya  
idinto ta nalaoag unay á Judio ca  
á di maquisao' iti taga Samaria?

Simmungbat ni Jesus quencuana  
no' ammom coma toy maqui-inum ita  
dumaoatca qña á sigagagar coma,  
quet iso siayat met iti pannangtedna  
iti danum á sibibiag qñ di agpatingga.

Simmungbat di baba-i quencuana:  
conam á iti nabiag á danum mangtedca  
apaya nalalaingca ñgm ni Jacob ñgata  
á maquimbobon iti daytoy ita  
iso á gameng cadacam á imbatina?

Ni Jesus quinonana á incalicagum:  
ti tao á uminum iti danum  
á maala itoy á buben  
matayto-á di la bumurong,  
ñgem itoy conac agbiagto la ñga agnanayon

Daytoy baba-i met quinonana:  
señor, iti dayta á danum itdannac coma,  
qt ni Jesus ditan imbagana qña  
daguiti nalimed piman á basolna  
qt toy baba-i nalaos ti babaoi na.

Sana pay innayon á quinona:  
señor, maquitac á profeta ca  
quet dagdi amma mi iti Dios nagcararagda  
iti dayta bantay Garizin á maquita  
qt dagti Judio' sadi Jerusalem ti conada.

Ni Jesus dita quinonana mahen:  
baba-i, horas ti dumteñgen  
á saan á Garizin qñ Jerusalem  
ti incay iti Dios Ama pagdayaoanen  
ñgm itinto la panunotyo qñ naquem.

Daytoy baba-i inna inaoat  
á ni Jesus cayatna á ibaga ti Mesias  
gapon na quinonana á imbalicas:  
amin daguita umayto ipalaoag  
ti Mesias á urayen á nabayag.

Ni Jesus simmungbat quencuana:  
siac ti Mesias, oen mamatica,

qt daydi baba-i iti ciudad ti napananna  
siraragsac á nañgioarnac iti casta  
quet dagti tattao nagyamanda.

Naruay ti napan qñ Jesus nagdaras  
intulodánda iti taraon á naimbag,  
ñgem ni Jesus dina ida inaoat  
ta quinonana: ti taraon á pagbiagac  
iso ti panagtungpal co iti nagbaon caniac.

Maquisasao pay la ni Jesus cadacuada  
idi ado ti naggapo iti ciudad á nañgibaga  
ñga agnaed dita coma ala  
tapno dagti dumñgegda't cascasaba na  
maiccat amin ti duadua da.

Ni Jesus nagbati't dua ñga aldao dita  
á nanursuro unay namagbagá  
quet agpayso adó ti namati Qña  
ta nabatad unay quinapudno da  
amin daguidi ited á pamanecnec na.

Quet idi á pimmanao ditan  
Galilea ti inna nagturoñgan  
ta iso ti pamagbagaannan  
cadagti naruay ñga agpadpadaan  
iti Mesias á pudno't inna iparang.

Idi naggapo sadi Galilea  
dimmanon iti ili sadi Caná  
quet iso daydi ipapan quencuana  
ti agturay Cafarnaun á dagá  
ta paagasanna di masaquit ñga anac na.

Pinatgan ni Jesus daydi tao  
quet pinaimbagna di anac apagcanitó;  
dita met á ili inagasanna ti nacaro  
á saquit ti sinerrec ti sairo  
qt napiaan ta pinanaoanna á pudno.

Idi pimmanao iti sinagoga ni Jesu-Cristo  
nagturong idi balay da Andres qñ Pedro  
qt ti catugañgan daytoy á gorigorna't nacaro  
immimbag á dagos casta met dagdi ado  
á immarayay idi ruañgan ti balay apagcanito.

Iti la panañgipatay ni Jesus iti imana  
cadaguidi masaquit iti uray ania  
dagos da la aminen á pumia  
castamet cadagti natay á paguñgaremma  
qt daytoy á damag nairacurac ingga,t Siria,

### NARUAY A ICAN A QUINALAP.

Iti naminsan napan Genezaret de Galilea  
ni Apo tay á Jesu-Cristo á mamagbagá  
qt idi naruary dagdi umadani Quencuana  
limmugan iti barca ni Simón qt manipod dita  
isurona daguidi tattao á gumaogacaoa.

Quet idi malpas ti panañgisuronan  
pinaipataaona daguidi barcan  
sana pinaioayat daguidi daclis dan  
qt, nupay nagpatnagda idi qt dida nacaala iti ican  
nagtungpal la ni Pedro á di nagtantan.

Iti caado ti ican á nacalapda  
haruay ta napno dagdi dua á barca  
napigpiguís dagdi iquet oenno daclis da  
qt ni Pedro nalaos daydi siddaona  
qt impudnona qñ Jesus ti quinamanagbasolna.

Quinona ni Jesus quen Pedro:  
dica agdanag ita casasaadmo  
ta manipod itan aramidencanto  
figa agcalcalap cadagti cararua figa ado  
tapno alaem ida á ipan sadi Gloria'nto.

Insangátda daguidi barcan  
binay-anda amin ida ditan  
ta simmurotda qñ Jesus piman  
quet sipod idi dida simminan  
itoy Dios Apo á Nañgisalacan.

### NADUMADUMA NGA MILAGROS A INA- RAMID NI APO TAY A JESU-CRISTO.

Nagsubli ni Jesus sadi Cafarnaun  
qt idi balay á yan na á manursúron  
napan ti naruary á tao á guinabsoon  
ta daydi á disso saan á macalaon  
uray pay iti sibay na napnon.

Gapo iti ruay ti tao figa casta  
pilit á idi toctoc ti balay ti nañgidalananda  
iti daydi masaquit á dina matignay ti baguí na  
qt apaman á napnec ni Jesus iti pammatida Qña,  
quinonana: nay tao, dagti basbasolmo mapacacanda.

Daguiti ada dita á Fariseos  
binabalaoda daydi inda natimod  
conada: nagbassaoang daytoy Jesus  
ta iti basol aoan macapacaoan á pulos  
no saan laeng á ti pudno á Dios.

Ni Jesus ta ammona ti puso ti tao  
quinonana: ¿apaya ti casta á panunotyó?  
¿dicad nalaca ti panamacaoan ti basol ti tao?  
tapno maammoyo nga adda pannacabalinco  
quitaenyo toy aramidec tapno dicay agmoco.

Sinañgona daydi masaquit, quinonanan:  
tumacderca, alaem ta naguiddaam  
quet magnaca ta idiay balay yo incan,  
quet agpayso daydi masaquit nagnan,  
qt nasdaao amin á nacaimatang.

#### SERMON IDI BANTAY.

Iti naminsan á naruary dagti tattao  
nga agdeñgñeg iti sao ni Jesucristo  
immoli iti bantay á di unay nañgato  
agraman dagdi ayayaterna á Discipulo  
castamet dagti dumñeg á timmabuno.

Nagtugaoda amin á padapada  
qt siulimecda nga aguray panagsacna  
ni nasam it á Jesus qt quinonana:  
nagasat daguiti napañglao á nacnaquemda  
ta iti pagarian ti lañgit isodanto't agtaguicua.  
Nagasat daguiti natudio qñ nasingpetda  
ta isodanto ti aquincucua iti dagá:  
nagasat daguiti sañgsañgitanda ti basol da  
ta dinto bumuroñg lacámenda  
ti ited ti Dios cadacuada á liolioa.

Nagasat daguiti pusoda ti siessem  
nga agtuñgpal iti linteg ti Dios á daydayaoen  
ta gungunanto ti inda aoaten:  
nagasat daguiti manañgñgaasi á sitatacneñg  
ta caasinto mt ti inda lac-amen.

Nagasat daguiti puso da ti sidadalos  
ta isodanto ti macaquita iti Dios:  
nagasat dagti agayat iti Dios á natanóc  
ta isoda ti managanan anac na á maisagot  
iti agnanayon á saniata qñ talibagoc.

Nagasat daguiti agsagaba iti pannacairurumen  
gapo iti ayatda iti Dios á sitataliñgenñgen  
ta isodanto ti macaala á rumbeñg  
iti pagarian sadi lañgit á ururayen  
dagti nasiñgpet qñ nadalos á naquem.

Ti gumura iti padana ñga tao  
saan á bumuroñg maocomto  
qt ti mamadpadaques mañgirubo  
castamet ti madi ñga maquiamo  
aguicaronto lñg sadi infierno.

Pacaoanen qñ ayatenyo ti cabusoryo  
qt ti Dios Apo idaodaoatyó  
daguiti gumura qñ mañgidadanes cadacayo  
tapno maicari cay ñga anac á pudno  
ni nailañgitan ñga Ama yo.

No daguiti la agayat cadacayo ti ayatenyo  
aoanto mt la ti magungunayo  
ta ti casta ti panagayatna ñga tao  
cas iti panagayat ti itneg qñ aoanan sursuro  
á ti nadalos ñga ayat dina ammo.

Agaoaanyo ti agayat iti ayat á cadalosán  
cas panagayat ni Amayo á nailañgitan  
tapno maicaricayto ñga magungunaan  
no patay yo mt ti madanunan  
qt itinto gloria ti incay papanan.

No agaramidca iti naimbag  
saanmo á pagpasindayao ipatpatac  
castamet no mañglimosca dimo pagcuspag  
ta ti pasindayao saan lñg á cayat  
ni Ama'm sadi lañgit á nadayag.

Qt no mt no agcararagca  
dica pagpasindayao ipabpabuya,  
ti panagayunarmo dica mt ipañgpañgta  
ta ti Dios ammona ti nalimed á cona  
qt ammona mt ti gungunaanna.

Dicay pacaringoran á sapsapolen  
dagti cucua ditoy dagá qñ gameñg  
ta mapucaoda piman qñ madadael,  
ñgm ti utañgyo qt unay á tiponen  
iso dagti saniata ñga incayto sadi langit alaen.

Aoan tao á dua ti apo na  
qt iti casta no iti Dios agservice  
saan mt á mabalin á paadipon

cadagti gameng qn sanicua  
á macariro iti talna ta cararua.

Dicay labsen ti pannacaringoryo  
nga agsapol iti canen qn pagananayyo  
ta ti Dios itdennanto cadacay ti mainumo  
ta iso ti Ama á nadungngo  
qn mangisagot cadaguiti tao.

¿Apayapay dicad napatpateg mt lng  
ti cararua ti tao ngm iti canen,  
castamet nga adadda á taripatoen  
ti bagui nga utang taracnen  
ngm iti caoes á inna aruaten?

Daguita tumatayab iti tangatang quitaenyo  
ta agbiagda iti pamaraon ti Dios Apo,  
daguiti mulmula quitada ti macaayayo  
ta ni Ama yo á nailangitan ti mangdungngo,  
ngm cadaguita amin napatpategcayo.

Ti pintas ti lirio qn sabali á sabsabong  
saan á naicaoes qn nasanicua á Salomon,  
nupay casta naparsuada ditoy lubong  
tapno marpedda á mabibi-it ngm bulong,  
¿anianto qt ti taon á manaynayon?

Ti Dios ammona ti rumbeng iti tunggal maysa  
gapona sangoenyo ala á nangrona  
ti paguimbagan qn maipaay cadagti cararua  
sapulenyó á tungpalen daguiti Bilin na  
ta inayonnanto á ited cadacay dagti dadduma. (1)

Ti aramidem iti padam á tao  
castamet quenca ti ipaaydanto  
ta ti rucod piman á itedmo  
isonto mt ti pangrucodda qca, agpayso,  
gapona dica uyaoen ti madlaomo.

Puso qn naquem yo ala ti bumileg  
á magna iti ruañgan á naiñget  
ta iso ti dalanen á mapan lañgit,  
daguiti mayat quencuana basbassit  
ta iti rigat ditoy dagá inda lumiclic.

No ti ruañgan á dalanen  
daguiti agturong iti barengbareng  
á iti cararua mairurumen  
nalaña quen naragsac laeng  
tapno mailaoanda á maiduquem.

(1)—Quaerite primum regnum coelorum . . .



Ti dumñeg cadaguitoy á saó  
quet tungpalenna ñga agpayso  
managpanunot unay á tao,  
cas balay na ti saanto á marugpo  
uray umay ti layos qñ añgin á napalalo.

Qt ti saan á mamati ti quinapudno da  
daguitoy sinaoc á pammagbagá  
maysa á mauyong ti arig na  
á dina aramiden á nalagda ti balay na  
tapno iti alaoig saan á marba.

Idi nalpas ni Jesus ti panagsermonna  
nasdaao dagdi tattao ti panañgisurona  
ta naggapo sadi lañgit ti bilegna  
quet saan á cas iti panagsarsarita  
daguiti Fariseos quen Escriba. (1)

Idi dumsaag ni Jesucristo idi bantay  
sinabat ti agcucutel á nacaro unay  
nagrucbab Qña ñga sialumamay  
sana quinona: Apo, no inca ipaay  
jito saquit co maagasanac pay!

Ni Jesus imparabaona di ima na  
quet inguidanna met á quinona:  
oen ala ita saquit mo maagasanca,  
quet naiguiddaton á pimia  
sa imbaga ni Jesus toy á saó na:

Daytoy naaramid dica iracurac  
quet iti sacerdote inca dumatag  
tapno madalusan á naimbag  
daytay saquit mo á nacaamamác  
ta ti ited ti sacerdote macaugas.

Daytoy á imbagá ni Jesu-Cristo  
cayarigan ti panagconfesar ti tao  
iti panagparang iti sacerdote á pudno  
tapno pacaoanenna ti basol á nacaro  
ta iso ti saquit ti cararua á napalalo.

Nanipod dita napan Cafarnaun  
iso á yan ti Romano á centurion, (2)  
quet daytoy quen Jesus nagbaon  
tapno ipaayna coma ti dumanon  
ta ti ubingna añges na ti agcalongcon.

(1)—Escriba masirib dagti Judios.

(2)—Centurion pada na ti capitan.

Ni Jesus quimmuyog cadagdi immayab  
qt idi ta idi balay inda sumuñgad  
daydi centurion in Qña simmabat,  
nagcablaao dita ñga nagruebab  
sana quinona ti nagbalicas:

Señor, diac maicari á serquem toy balay co  
ñgem umanayen ti inca panagsaó  
tapno aóan curang ti ipipia toy ubing co:  
qt idi manggeg ti casta ni Jesu-Cristo  
quinonana toy cadagdi tattao:

Ti pammati daytoy á silalagda  
cadagti taga-Israel diac naquita  
sana idi centurion quinona:  
ala oen maaramid quenca  
cas ita pammatim á si-inanama.

Idi sumrec ni Jesus iti ciudad á Naim  
nasaracna ti inda ipomponen  
á bangcay ti bumaró ñga ubing  
quet daydi ina ti natay sireremrem  
iti ladiñgit á nacaro, nasaém.

Iti daydi nacaro á ladiñgit  
caasi ni Jesus ti simnec,  
dagdi tao pinagsardengna ida bassit  
sa quinona idi natay ti nagtimec:  
nay baro, bumañgonca ñga agal-leg.

Bimmañgon á dagos daydi baro  
quet insaridatna metten ti nagsaó  
sa met inyaoat daytoy Apo  
idi ina na á si-iyaman napalalo  
ta daydi anac na naguñgar ñga agpayso

Dagdi tattao nalaos di buteng da  
quet saó ditan á inracracda:  
adda immay cadatay á profeta  
ta ni Apo Dios nalaguipna  
ti nacalcaldaang á ili na.

Iti naminsan inañgay ni Simon Fariseo  
á mañgan iti balayna ni Apo tay á Jesucristo  
qt iti daydi ciudad adda baba-i á masasaó  
á managbasol can unay á napalalo  
ñgm nagbabaoi iti pammagbagá ti Apo.

Idi balay ni Simon mangmañgan ti Namarsua  
idi dumteng toy baba-i á silulua  
qt dagos á inagcanna dagti sacsaca

ni Jesus qt iti pay bangbanglo binuyatanna  
sana pinunasan idi napintas á booc na.

Idi maquita ni Jesus ti casta  
á pacurang daydi nagbabaoi iti basol na  
quinonana: itdec ti pacaoan quenca  
cadagti basbasol mo quen damca  
ta panagbabaoim unay ti nalagda.

Dadi Fariseos á nacaquita iti casta  
conada: no daytoy Jesus profeta coma  
ammona coma toy immañgay qña  
castamet toy baba-i á dimminna  
ta napatac ti quinamanagbasolna.

Ni Jesus inayabanna daydi aquimbalay dita  
ta nagsaludsudanna no asino ti adado't utangna  
cadagti dua á pinacaoan ti nañgalaanda  
qt ni Simon simmungbat nga ti adadda  
ti pinacaoan qña ti nacautanganda.

Quinona ni Jesus: Simon, pudno  
ti casta á inca panañgipato;  
itay sumrecac itoy balay mo  
cadagtoy sacac dica nangted pagbuggo,  
daytoy oloc iti lana dica mt linabo.

Ngem toy baba-i sipod nacaarpad  
dinigosna iti lulua dagtoy sacac  
inag-agcanna ida á di naggessat  
boocna met ti inna pinagpunas  
bangbanglo pay ti inna imbuyat.

Gapon a basbasolna ti pinacaoanco  
ta panagbabaoi na met ti ado,  
ta iti basbassit ti basolna nga tao  
basbassit met ti pacaoan á mainumo  
ta casta ti linteg á napaypayso.

Quet idi calpasan daguitan  
napan ni Jesus sadi Galilean  
quet dita ti inna nacadamagan  
cadaguiti ranggas á gapoanan  
ni ari Herodes á tungñan.

Iti naminsan naquitana ni Mateo  
qt pinasurotna laeng á situtudio  
daytoy binay-anna metten nga agpayso  
daydi taquém na nga agsingsingir iti tao  
ta ti maipaay iti cararuana ti inna sinañgo.

Dagdi Fariseos dil-laoenda ti aramid  
ni Jesus nga Apo, inguet sam-it  
qt iso á Dios conana á naul-ulit  
immay ditoy dagá tapno iti nalaing maiaois  
daguiti sibibiag iti quinadangques.

Conana: iti aoan saquit na á tao  
saan á masapol nga paagasanyo  
iti uray casano ti sirib na á médico  
ngem ti salucagan á paquitayo  
daytay adda ricricnaenna nga ammoyo.

Ti principe á Jairo napan iti Namarsua  
gapo iti daydi agbugbugsot nga anac na,  
qt napan ni Jesus, ngm idi ta dalan ti yanda  
adda nangisabet iti damag á nacana  
á daydi masaquit nalpasen ti patay na.

Iti daydi aquin-anac, saan á pagdraduaan  
ti umapay quencuana á leddaang  
qt linioliao ni Jesus dita piman  
conana: ala siac ti panginanamaam  
ta agungarto dayta á di agcurang.

Qret idi saanda pay á nacagteng  
idi balay nga yan daydi natayen  
nasaracna ti baba-i á nabayaguen  
nga agsagaba iti saquit á nadagsen  
qt daytoy immauec idi caoes ni Jesus á siraraem.

Saangapolo qt dua á taoen á masaquiten  
daytoy baba-i qt aoan macaagas laeng  
qt pammatina quen Jesus ti sitatalingengen  
ta conana: no caoesna ti innac masaguiden  
maimbagacon, casta toy inanamaen.

Agpayso apagsaguidna daydi caoes  
ni Jesus á napno iti sam-it  
naagasan á dagos idi saquit  
maipoon la iti inna isasaguid  
ta pammati na ti sisasalindeg.

Ti pammati qñ Jesus masapol unay  
no cayat á ragpaten ti tarigagay  
ta ti Dios nupay dungngona ti sirarayray  
caasina ti dinanto lng ipaay  
iti agpacpaquinaquem iti ururay.

Qt iti macagteng iti daydi yan ti natay  
pinaruarna dagdi tattao á naruary

dagdi la aquinanac qñ tal-to á Discipulos pay . (1)  
dagti caduana tapno sacsida á maipaay  
iti daydi maaramid á nacascasdaao unay.

Agpayso daydi ima na iniggaman  
ni Jesus nga Apo á pagruchaban,  
sana quinona nga inguidan:  
nay ubiñg, ala bumañgoncan,  
qt daydi natay naguñgar aoan curañg.

Daytoy nacascasdaao á milagro  
nairacurac ta ado dagti tao  
qt dida duaduaen nga agpayso  
á ni Jesus Dios qñ pudno á tao  
á umay ditoy dagá manursuro.

Naminsan á napan Jerusalem  
ni Jesus nga Apo á daydayaoen  
ta pammagbagana ti di agsardeng  
ado ti milagro nga inaramidna manen  
qt dagti Fariseos gurada ti rumañgen.

Qt agsipod iti nabileg nga apal da  
cadagti gapoanan ni Jesus á nañgina  
ado ti buclenda á pamabasolanda,  
gapona á pimmanao á napan Galilea  
qt naruay tattao á simmurot Qña

Amin dagti masacsaguit á quimmuyog  
pinaimbag amin ida ni Jesus  
qt agsipod iti umado ti sumurot  
cadaguiti pammagbagana á nadalos  
pimmili iti catuloñganna á maitutop.

#### PUSGAN NI JESUS DAGTI APOSTOLESNA QT DAMONA MT A IBAON IDA A MA- NGASCASABA.

Iti naminsan nga aldao á mamagbagá  
ni Jesus á inguet sam-it na  
nalaos ruay dagdi dumñgeg Qña  
ta agsisinnalisalda nga duminna  
tapno nalalaiñg ti panagdengñgegda.

Simnec unay ti caasi na  
ta casda arban nga aoan pastorda  
gapona cadagdi Discipulos quinonana:

(1) Pedro, Juan qñ Santiago.

ti pagmulaan oenno paganian nalaoa.  
ngm bassit dagti mañgayoan cadacuada.

Daoatenyo iti aquincucua iti paganian  
á mañgbaon iti ado nga umayoan  
tapno cailala nga maioaloalañg  
daguiti saniata nga capapatgan  
ania ta madadaelda á maoan.

Iti daydi nga rabi-i nagpatpatnag  
iti Dios Ama nagcararag  
qt idinto ta madanon ti bigat  
dinagosna ditan ti immayab  
cadagti Apostoles na á nagasat.

Daytoy Apostol á nagan:  
naibaon ti inna caipapanan  
qt daguiti Apostoles á napusgan  
ilanad ditoy á idaraddan  
tapno saan ida á pagduaduaan.

Omona cadacuada ni Pedro  
qt ni Andres qña ti sumaruno  
sa ni Juan mt qñ Santiago  
annac daguitoy ni Zebedeo,  
maicalima ni Felipe á nasungdo.

Sa int cadacuada sumaridat  
da Bartolomé, Mateo qñ Tomas  
maicasiam ni Santiago menor á nagasat  
sa ni Judas Tadeo ti sumaganad  
qñ ni mt Simon á naimbag.

Qt ti maicasangapolo qt dua  
cadagtoy Apostoles á masarita  
iso ni Judas Iscariote á nadamca  
manglilipot á mangilaconto iti nalaca  
qñ Jesu-Cristo á nadungngo qña.

Quinona ni Jesus cadagtoy Apostolesna:  
incay sapulen ala daguitay cararua  
tapno bagbagaan isuroyo ida . . (1)  
iti utang nga aramidenda  
qt asideguen ti pagarian ti Gloria.

Daguiti masaquit agasanyo,  
daguiti natay paguñgarenyo,  
daguiti agcucutel dalusanyo,  
pagtalaoenyo met dagti demonio  
tapno dagti cararua dida mairubo.

(1)—Ite, predicate omnes gentes,

Iti baloñenyo dicay isagsagana  
ta ti agbannog quet aggunguna  
no adda papananyo á balay incay cona:  
agtaeng ditoy coma ti talna,  
qt no maicari dayta á balay, castanto't lacamenna.

No iti balay oenno ili á papananyo  
ta dida ipañgag ti pammagbagayo  
panaoanyo tapno isoda ti macaammo  
ta daguiti cacasta nga tattao  
nacarcaro da ñgm Sodoma qñ Gomorra á madusanto.

Ibaon cayo á cas naamo nga ovejas  
iti nagbabaetan dagti lobos á naranggas,  
anansata cas cayto iti uleg á naannad  
nadalos ta puso yo nga iti calapati pumadpad  
tapno maadayoanyo ti pannacaisarsarac.

Dicay agbuteng iti mangpatay iti bagui  
ngem utangyo á caamác unay quetdi  
ti mangdusa iti cararua á di mailisi  
iti agnanayon á tooc, cas maicari,  
cadaguiti managbasol á di agbabaoi.

Dicay danaguen ti quinanumo  
ti casasaad oenno panagbiagyo  
ta ti Dios saan á malipat cadacayo  
ta ammona amin á maaramid iti tao  
uray no iti la pannacaregreg ti booc iti olo.

Ibatad dac iti saclang dagti tattao  
tapno castanto met ti aramidec cadacayo  
iti saclang ni Amac Dios á pudno  
qt dagti mañgilimed caniac nga agpayso  
pilit á bay-anto met quen ilicodco.

Ti mañgipangpangrona ngem iti Siac  
iti uray cabaguian na á nabatad,  
ama, ina, asaoa na oenno anac  
pudno á dida maicari caniac  
á pangtedac dungño quen ayat.

Ti mañgispal iti biagna  
maipoon caniac iti pananglicodna  
dinto maisalacan ti cararua na,  
ngm ti matay gapo caniac iti ayatna  
cararuananto dayta ti mai-Gloria.

Adonto ti umaoat cadacayo  
qt ti umaoat cadacay siac ti aoatennanto  
qt ti umaoat caniac nga agpayso

aqatenna ti nagbaon caniac á pudno  
ta agpadacami siac quen ti iso.

Ti mangted cadacayo gapo caniac  
iti uray bassit á danum, panecnecac,  
dipto bumurong qña á mayaoat  
ti gunguna oenno supapac  
dayta ipaayna nga caasi quen ayat.

Idi castan nagluas dagdi Apostoles  
ta inda mamagbagá sigaganetguet  
agasanda pay daguiti masacsaguit,  
pagtalaoenda daguiti demonio met  
cadaguidi tattao á inda quinapet.

#### NI JESUS PACANENNA DAGUITI LIMA- RIBO A TAO.

Idi naminsan napan ni Jesus sadi Betsaida  
qt ado á tao ti simmurot Quencuana  
ta gagarenda daguiti pammagbagana  
qt nagmalmalem dida pay nañgan dita  
gaponá á dagdi Apostoles pagaoienda ida comá.

Saanyo á pagaoiden ida, cona ni Jesu-Cristo  
ngem pacanenyo qt ditoy daguita á tao  
quet simmungbat daguiti Discipulo:  
nasuroc da amin á limaribo  
qt limlima á tinapay qñ dua nga ican ti adda cadatayo.

Quinona ni Jesus: pagtugaoenyo ida  
iti tunggal limapolo ti pinaset da /  
quet casta nga agpayso ti inaramidda,  
dagdi tinapay qñ ican binendicionan na  
sana pinaioaras ida nga canenda.

Nañgan daguidi tattao á nalaing  
qt adda sañgapolo qt dua á curibot pay lng  
á natidda da piman ta naquem  
ti Dios Apo á Mannacabalinamin  
qñ tapno daguiti tattao dida duaduaen.

Iti naminsan á ni Jesus magmagna  
agraman cadaguiti Discipulos, ná  
sumursurot nga agpacpacaasi Qña  
ti maysa á baba i á masaguit ti anac na  
qt ni Jesus dina la ipangpañgag dita.

Ngem iti dacquel á caasina  
quinonana met la quencuana:



gapo ita pammati quen ipanama  
tay anac mo immimbag tay saquit na  
quet ala incan, agaoidea.

Naminsan nagsaludsod ni Jesus dita  
no ania ti mangmañgeg á saó ti tao Qña  
qt imbagada á conaen ti dadduma:  
iso ni Juan Bautista ñgata,  
oenno ni Elias ó Jeremias á profeta.

Quinonana ;quet dacayo  
ania caniac ti panañgipapanyo?  
simmungbat dita ni Pedro:  
sica ti Mesias á napaypayso  
ña Anac ti Dios á pudno.

Quinona ni Jesus quencuana:  
sica ni Pedro á naiduma ti tangquenna  
sica ti pamuñganayac iti Iglesia (1)  
á bañgonec á pagtitiponanda  
daguiti sumurot caniac á paluño da.

Sica met, ti pangtedan pangyaoatac  
iti tulbec ti lañgit á nadayag  
tapno sioaoayaca á manglucac  
iti cayatmo á macaragpat  
iti nam-ay ti Gloria á di agresat.

Daguiti aoatem á sumrec  
sisasaganaac á umaatto met  
ñgem no palubosmo ti dica ited  
saanac to dita ñga agtimec  
ta dayta abuloyam iso ti aoatec.

## PANAGBALIO TI LANGA NI APO TAYO A JESU-CRISTO.

Iti naminsan innala ni Jesucristo  
daguiti discipulos na ñga tal-lo  
Pedro, Juan quen Santiago  
quet simmang-atda iti bantay á nañgato  
á Thabor ti pangnaganan dagti tao.

Nagcararag ni Jesus iti Dios Ama  
quet apagdaricmat inda nabuya  
á nagbalin á cas init daydi rupa na  
cas nieve ti pudao dagdi caoes na  
quet da Moises qñ Elias casasaóna.

(1)—Tu es Petrus et super hanc petram edificabo...

Ni Pedro idinto ta casta  
quinonana quen Maestro da:  
nalaing no dito agnaed tay coma;  
iti balaymo yaramidanda ca,  
castamet da Moises qñ Elias agsinsinda.

Madama pay la ni Pedro nga agsarsarita  
idi quinumotan ti ulep ida  
quet nañgegda't timec á nagcona:  
daytoy ti Anac co nga ayayatec idumduma  
timuden quen tungpalenyo ti ibagana.

Dagta á saó idi mañgeg  
dagti Discipulos dagos da á napacleb  
quet nagbutengda á siquiquintayeg,  
ngem ni Jesus inna ida quinalbit  
conana: naquemyo ala ti bumileg.

Dagdi Discipulos bimmañgonda  
quet ni la Jesus ditan ti naquitada,  
aoan da Moises qñ Eliassen ta nagpucaoda  
quet idi bantay immulogda  
dagtoy Discipulos qñ Maestro da.

Ni Jesus inna cadagtoy imbilin  
á ti nabuyada dida tagtagarien  
inggana iti di pay dumteng  
á ti Anac ti tao aguñgaren;  
qt dagti Discipulos nagsaludsodda metten:

Daguiti Escibas conconada  
á ni Elias umayto nga omona;  
qt ni Jesus sinungbatanna ida  
ni Elias omonanto no yaay á maicadua  
ti Anac ti Dios á mañgocom iti parsua.

Ni Elias ti mañgipapilitto  
iti panamati dguiti Judio  
idi dalan daguiti cona á pudno  
tapno ammoen da ti napaypayso  
á Nanubbot cadacuada iti demonio.

Idi ta iti yan dagdi tao macagtengda  
simmabat ti lalaqui á nagparintumeng Qña  
conana: Apo, caasiam tay anac co coma  
ta agasam coma la tay saquit na  
ta pasaray aglemmes dadum, pasaray iti apoy agsebba.

Cadagti Discipulos mo innac imparang  
ngem saanda la nga naagasan  
qt ti insungbat ti Nañgisalacan:

oen ta pammati yo ti nacurang  
iti caasi coma á incay malacám.

Idi-adda da Jesus sadi Galilea  
quinonana cadagdi discipulos na:  
ti Anac-to ti tao tilioenda,  
patayendanto; ñgm di sumama,  
aguñgarto iti maicatlo ñga aldao dita.

Idi mañgisuro ni Jesus iti naminsan  
iti iguid ti danum Genezaret inasitgan  
daguiti naruay á tattao á di mabilang  
gapon ñga iti barca ia limtugan  
qt dita manen ti inna nagsermonan.

Conana: adda tao-ñga maysa  
ñga agbunubon oenno agnula  
quet cadagdi buquel naregregna  
daguiti dadduma iti iguid ti calzada  
dagti dadduma cabatuan ti nagdissoanda.

Dadduma á buquel naregreg  
iti yan daguiti naruay á si-it  
quet daguiti dadduma nagdissoanda met  
iti dagá á nasayaat, nasagneb  
qt timmuboda á nagbuñga da't nañgayed.

Daguiti buquel caipapananda  
ti sao ti Dios á pammagbaga,  
dagti naregreg iti casi-itan, cabatoan qñ calzada  
aoan naimbag á nagtungpalanda,  
castamet dagti tattao á di mañgilala.

Dagti naimula iti dagá á nasagneb  
isoda iti saó ti Dios ti dumñgeg  
iti puso na inna unay igaéc,  
castamet piman ñga agtalinaed  
qt lacamenna ti buñga á nasam-it.

Ti Gloria oenno nam-ay ti lañgit  
gameng ti dagá ti inna caarig  
á ti macaammo inna ilimed  
ta ilacona amin á mabalinna met  
tapno gatañgenna ti disso á napateg.

Ti lañgit mayarig mt iti perlas  
á napateg unay quen datdatlag  
quet ti comerciante á ñnacasirpat  
ilacona amin á mabalinna á pangragpat  
tapno maalana á icutan daytay nacaayayat.

DAOEL TI BAYBAY.

Iti naminsan á malem quinona  
ni Jesus cadaguidi Discipulos na  
itoy taao intay idiay bañgirma  
qt agpayso iti sasacayan limmuganda  
ta iti iguid adó ti sisasagana.

Adda met dita ti maysa ñga Escribas  
quet idi yan ni Jesus immarpad  
quinonana: Maestro, sumurotac  
iti uray adinoman á saad  
á turoñgem ta casta ti pagayatac.

Ni Jesus ta dina pagduaduaan  
ti gaguem toy tao á milangmilang  
á di mt paglaiñgan cararuana't inna panggapoan  
icucuyogna qñ Jesus ti di naannugotan  
ta quinona quencuana ti Nañgisalacan:

Daguiti mutit adda gucayab da,  
daguiti tumatayab adda umoc da,  
ñgem ti anac ti tao aoan pagpuñganana;  
idi mañgeg ti casta daydi Escriba  
immadayon quen Jesus aoan tactac na.

Ni Jesus simrec idi sasacayan  
agraman cadaguidi Discipulos nan  
naruay met daguiti barcos á cacuyogdan,  
qt ni Jesus insadagna di olo nan  
ta naturog ta piman nabannogan.

Quet idinto pimanen ta casta  
dimteng ti daoel ti baybay á nacana  
quet dagti dal-loyon castaunay da  
ta daydi barco rimbaoanda  
qt daguidi tattao sidadanagda.

Rini-ing daguidi Discipulo:  
bumañgonca coma ala, Apo,  
ta itan lumned toy barco  
iti daoel ti taao á napalalo  
quet pagsardenñgem coma ti caro.

Agpayso bimmañgon ni Jesus  
quet pinagsardengna á dagos  
daydi añañ á napalaos  
qñ daoel ti taao á nacaquigquigtot  
ta alinaay ditan ti simmagonod.

PANANGPUTOLDA QN S. JUAN BAUTISTA.

Ni Herodias, baba-i á naulpit  
gapo iti ayat na á bumales  
idi panangbabalao ni Bautista á nasingpet  
di mamingga la nga nañgisip  
iti pamuspusanna nga aramid.

Ta ti poon ti nangguraanda  
quen nasingpet á Juan Bautista  
aoan sabali no di daydi panangbabalao na  
iti pannaquicatubona qñ Herodes á cayongna  
ta sibibiag pay ngad ni asaoa na.

Ni met Herodes nupay ari  
dina la quinanonongan daytoy baba-i  
ta caamacna unay daydi ili  
ta inton isaquitna ni Juan quetdi  
gapo iti profeta da nga nasudi.

Ngem daytoy ari Herodes nagdayá  
á maipoon iti panagcanagananna  
qt inaňgayna á naquirambac qña  
dagti principes qñ tattao á naňgina  
cadaguiti sacop ti pagarian na.

Daydi bumalasang nga anac ni Herodias  
simrec mt iti yan daguidi agrarambac  
qt daydi panagsalsala na nacaparagsac  
cadagdi nagtitipon dita á naoadoad  
aglalo ni Herodes ari iti daydi saad.

Qt maipoon iti nalaos á ragsac na  
inayabanna daydi nalpas á nagsalsala  
nagsaludsod: ¿ania ti cayatmo á gunguna?  
ibagam caniac ala dica agamaňga  
ta uray gudua toy pagariac itdec qca.

Daydi balasang nagsaludsod qñ ina na  
no ania ti daoatenna iti ari á gunguna  
qt ni Herodias insungbatna idi anac na:  
daoatem nga ited ti ari quenca  
tay olo ni Juan Bautista.

Casta nga agpayso ti imbagana  
qt daydi ari tinungpalna ti saó na  
nupay no dina annugoten comá,  
ngm pilit á binuyogna daydi sinapataanna  
qt quinedaganna't pannacaputol ni Bautista.

Dagdi discipulos ni Juan Bautista  
iti casdi á naaramid quencuana  
nalaos unay piman ti ladingitda  
quet innalada daydi bangcay na  
nga napan impompon, cas rebbeng na.

Daytoy balasang á naulpit  
nga anac ni Herodias á naruguit  
inaoatna nga gunguna á naited  
daydi olo ni Juan Bautista á nasingpet  
qt inyaoatna qñ Herodias á nadangques.

Daguiti historiadores conada  
á daydi pannacaputol ni Bautista  
incaro ni Herodias á nangibaga  
ta linacam met toy nadamca  
idi magna iti hieló á nacairisbaoanna. (1)

Daydi pagpagnaanna nga hieló  
natangquen unay á cas bató  
quet nagpecca la iti apagcanito  
inggana iti tengged toy baba-i á napalalo  
qt idi panaggargaraona naipusay daydi olo.

Daguiti nangipato conconada  
á daydi á naaramid qñ Herodias á casta  
bales met la daydi gapoananna  
á panagpaputol quen Bautista  
ta ti aramid mo iso met ti maaramid qca.

### NI JESUS DUNGDUENNA DAGUITI UBBING.

Iti naminsan daguidi adda annac da  
daguitoy impanda quen Jesus ida  
tapno bendicionan qñ idaodaoatna  
ti salun-at coma qñ paguimbagan da  
daguitoy ayayatenda unay á buña.

Quet gapo iti adda idi á sibabannog  
ni naayat unay á Divino Jesus  
saan coma piman á ipalubos  
daguidi naimbag á Discipulos  
ti yaasideg dagdi ubbing á dumarop.

Ni Jesus ta nadlaona ti casta  
dina cayat daydi panangtubengda  
gapona nga cadagdi Discipulos quinonana:

(1)---Hieló danam á nagbalay á cas bató ti tangquen.

bayanyo dagta ubbing ta caniao umasidegda,  
diyo ida paritan ta ti langit cucuada. (1)

Agpayso daguidi ubbing dimminnada  
quet inaracop ni Jesus ida  
siayat met á namendicion cadacuada  
tapno nagasat piman ti biag da  
quet iti daques qñ peggad mailisida.

Sa quinona ni Jesus cadagdi sisaclang:  
saoec cadacay á iparañgarang  
á ti pagarian langit diyonto malacám  
no dicay agbalin á cadadalosan  
á cas cadagti ubbing nga aoan basolda apaman.

Quet ti agpacumbaba á cas iti ubing  
isonto dayta ti inanamaen  
á cañgatoan dayao á naitalugading  
sadi Gloria nga daydayaoen  
iti sam-it ti nam-ay qña á urayen.

Ti umaot iti ubing iti nagan co,  
dayta siac ti aoatenna nga agpayso:  
qt ti mangted iti ubing iti daques á sursuro  
nalalaing no battonan dayta nga tao  
sa itapoac iti tao tapno mairubo.

Iganetguetco cadacay á ibagá  
á dagti diyo la ipagpagarop ida  
nga cas la aoan piman patpateg da  
ta daguiti Angeles á casigodda  
cancanayon sadi langit á ti Dios buybuyaenda.

Ni Jesus idi ta Jerusalem ti napananna  
immasideg Qña ti maysa nga Escriba  
quet ti nagsaludsod quinonana:  
Maestro, ania ti aramidec ngata  
tapno maragpatco ti biag nga aoan inggana?

Simmungbat ni Jesus quencuanan:  
ania ti adda iti Bilin á mabasam?  
coña di Escriba: Ti Dios ayatem á ipangronam  
ita puso, cararua, panunot qñ cabaelam.  
Ayatem met ti padam á tao á cas ita biang.

Quinona ni Jesus: agpayso,  
nalaing ta isusingbatmo  
quet casta alá ti aramidemto  
tapno agnanayonto ti namáymo  
ta supapac ti imbag mo.

11. — Sunt parvulos venire ad me

Nagsaludsod pay la daydi Escriba  
no asino ti tao á capadana  
nga utang piman nga ayatenna  
quet ni Jesus impalaoagna  
cadagtoy sumaganad á sarita.

Managan tao nga capada  
ti uray aniaman ti casasaadna  
nangato man oenno nababá  
qt iti panagayat ipangpangrona  
iti napanglao unay ti biagna.

### MARIA QUEN MARTA.

Ni Jesus Jerusalem ti naggapoanna  
quet nagtulong sadi Betania  
quet iti balay á nagdagosanna  
daydi yan daguiti agcaca  
á iso da Maria quen Marta. (1)

Saan á gapo iti nasanicua da  
daguitoy agcabsat á masarita  
ti nagdagosan ni Jesus dita,  
ngem agsipod iti naidumduma  
ti pammati da iti Namarsua.

Nalaing unay ti inda panañgacat  
itoy napateg unay á Mesias,  
ni Marta cumariboso, sisasalucag  
á mañgisagana iti naoadoad  
á pagsañgaili á naimbag.

Ngem no maipapan quen Maria  
intugaona piman á insimpa  
iti arpad ni Jesus á mamagbagá  
ta nasam-it unay quencuana  
daguidi sasaoen ni Jesus dita.

Quet idinto ta maquita ni Marta  
daydi panagsimpa dita ni Maria  
ta cumaribuso iti panagsagana  
dina naibtoranen á di imbaga  
ti ibabadangna met coma quencuana.

Conana: Señor, maringgoranac nga agsagana  
cadaguiti maiparbeng á idaya  
qt adda dita á nagmayeng ni Maria,

(1)—Maria iso met la ni Magdalena.



bilinem ala á tulongannac coma  
ta casta met ti rebbengna.

Ni Jesus simmungbat á di nagtantan:  
Marta, Marta, ado unay ti pacaringgoram  
idinto ta maymaysa ti casquenán  
á utang ti tao á pacadanagan  
á iso ti panangragpat pannacaisalacan.

Toy araramiden ni Maria  
paguimbagan piman ti cararua na  
gaponá á napatpateg nangnangrona  
qt dinto met maiccat quencuana  
ta lacamennanto inggana iti inggana.

#### TI ANAC A MANAGBUSLON

Sinarita ni Jesus nga adda maysa nga ama  
nga naruay daguiti sanicua na  
qt adda mt dua nga anac na,  
qt daydi inaudi cadagtoy dua  
dinaoatna qñ ama na ti tao id na.

Inted nga agpayso ida ni ama na  
qt idinto ta addada iti ima na  
napan iti adayon á dagá  
qt ditan ti nagbuslonanna  
cadagdi naruay á cucuana.

Idinto ta naibos ti cucuana  
immapay ti bisin idi ili á yanna  
naipapilit á simmapol mangtagabo qña  
tapno bareng no adda mangted canenna  
qñ dipay matay iti bisin coma.

Naipato nga agayoan baboy ni apo na  
ngm nacurang mt ti taraon nga itedda  
qt ditan naipalagui quencuana  
ti ado á namáy idiy balay ni ama na  
ta nabacnang ngarod á nasanicua.

Nagpanunot qt napaquinaquemna't nagsubli  
idi balay ni ama na nga manangngaasi  
ta conana: cadagti basbasolco innac agbabaoi  
tapno pacaoanennac ni Apo Dios qtdi  
yata dungño na ti mangnibinibi.

Agpayso casta ti inaramidna  
nagsubli piman quen ama na  
dinaoatna qña ti pammaçaoanna

Donanâ: diac maicari nga anac mon, ama,  
ngm uray ibilangnac coma á tagabom á maysa.

Inaoat ni ama na á siayat.  
pinacaoesan na nga siraragsac,  
nagdayá pay á nagramrambac  
quet daytoy ladaoan ti nacababac  
nga agbabaoi iti basolna iti Dios á poon ti imbag. ...

### TI NASANICUA A NAAGUM QUEN NI MET NAPANGLAO A LAZARO.

Ni Jesus tinuloyna ti nagsarita:  
adda bacnang unay á nasanicua  
napateg, naramen ti panagcaoesna,  
inaldao pay nga agdaydayá  
cadaguiti lamlamot nadumaduma.

Adda met maysa á napanglao  
á maquipalpalama nacacaasi unay  
nga adda iti daydi ruañgan ti balay  
ta iti itedda quencuana agurruay  
ngm dida iniccan uray bassit á tinapay.

Dagdi la aso piman ti diminna  
á mangdildil cadaguiti sugsugat na  
quet idi natay Angeles ti nañgala  
qt Seno ni Abraham ti nañgipananda qña  
tapno urayenna dita ti Gloria.

Natay met daydi nasanicua  
quet sadi inferno ti nacatnaganna  
quet idi matotooc dita á yanna  
timmañgad qt ni Lázaró naquitana  
á sinanam-ay qñ Abraham á cadinna na

Ni Epulon á iso daydi natay á bacnang  
pimmuccao: caasian nac cad, apo, Abraham,  
ibaonmo cad ni Lázaró ditoy yan  
ta uray tamodo na la ti babasaennan  
á umayna idennet itoy dilac tapno mapauñgaran.

Nacaapaprang aoan ti pada  
ti tooc ditoy á masagaba,  
sumamay cadagti amin á ricna  
quet cas napipia la ngarod coma  
no addanto coma panagpatinggana.

Ni Abraham dita simmungbat:  
anac co, idi addaca pay idiay dagá á sibibiag  
naglanglañgoyca iti nam-ay, guinaoa qñ ragsac

--321--

quet ni Lázaró polos á tooc qñ rigat  
dagti sinagabana nga agrurutap.

No itan casasaadyo ti nagsupapac  
ta addacan iti tooc á di aguebbat  
quet ni Lázaró aglacam iti imbag  
ta iso piman ti naisucat  
idi anos na iti paguel quen rigat

Maysa pay unay nagaaddayo tayo  
á di mabalin ti panagdidinnatayo,  
cadacam ditoy aoan macapan dita yanyo  
castamet cadacayo uray asino  
aoan macaay ditoy yanmi á disso.

Cona ni Épulon: no casta, ama,  
pangngaasim ta idiay balay agbaonca  
ta paibagam cadagtay cacabsatco á lima  
nga toy infierno ti tooc pudno nga adda  
quet dida um-umayto ditoy coma.

Ni Abraham manen simmungbat:  
adda cadacuada da Moises qñ profetas,  
oenno sacerdotes á mañgibagá iti naimbag,  
quet, no dida cayat ida á ipañgag  
didanto met mamati uray agbaonac.

Calintegan ni Abraham ti panagsaóna  
ta ado met cadaguidi nacaquita  
iti panaguñgar ti Mesia  
castamet ni Lázaró sadi Betania  
qt dida la namati á nagbabaoi ti basolda.

#### PANGNGARIG ITI NASANICUA.

Ni Jesus inna ingunamgunam  
ti di panagtarigagay iti quinabacnang  
oenno cucua á naglaplaponan  
ta dicanto ida maicuyog piman  
no pataymo ti inca madanonan.

Sumaridat ditoy ti intedna  
á pagarigan iti bacnang á nasanicua  
ta idi ado daguiti apit ti dagá na  
jania ti aramidec ngata, conana  
ta iti agamang di macalaonto ita?

Maipapilit á rebbaec daguiti daan  
á sarosar co quen agagámang

.. 322 ..

tapno agaramidac daddadacquel ngem isodan  
quet saacto cona met la itoy biang:  
ala bagui agumaca, aramidem ti pagayatam.

Ti Dios quinonana quencuana:

oy, mauyong, agsaganaca ala,  
ta itoy á rabi-i sumina ta cararua  
quet dinto bumurong maocomca  
cadaguiti gapoanam uray ania.

No mataycan pagananomto  
daguiti naruay á tiniptiponmo  
no dica mt agaramid iti mainumo  
á macaited iti pacaisalacananto  
dayta cararuam á cacancanonongmonto?

#### DAGDI SANGAPOLO NGA CUCUTEL TI SAQUIT DA.

Idi naggapo ni Jesus iti Jerusalem.  
simmbat Qña dagdi agsaquit iti cucutel  
pimmuccaoda: Maestro itedmo ta caasim  
ta innacam coma, Apo, papiaen  
itoy saquit mi á nacabutbuteng.

Ni Jesus ti inna insungbat:  
ingcay cadagti sacerdotes dumatag,  
quet agpayso napanda't daras,  
ngm idi ta dalan ti yanda nga aglasat  
sacsaquitdan daguiti immimbag.

Cadaguidi sangapolo nga immaoat  
iti caasi á pannacapaimbag  
maymaysa daydi nagsubli á immarpad  
iti namapia cadacuada nangagas  
ta nagyaman piman á sirurucbab.

Quet idi á maquita ni Jesus  
quinonana ti nagsaludsod  
isaan á sangapolo daguiti immasog  
á dimmaoat inda pannacadalos  
qt maymaysa toy nagsubli á natal-laugod?

Gangannaet toy nagyaman á maymaysa  
quen nangibatad caasi ti Dios qña  
iso á nagconaan ni Jesus: ala tumacderca,  
agaoidcan ta ti panamatim inispalna ca,  
qt daguiti basbasol mon mapacaoanda.

### DAYDI FARISEO QO PUBLICANO.

Idi napan ni Jesus sadi Jerusalem  
immadanida Quencuana manen  
daguidi aguinsisingpet aguinlalaing  
á daguiti dadduma inda uyuyaoen  
qt ni Jesus quinonana toy denguen:

Adda dua nga catao  
Fariseo da quen Publicano  
napanda nagcararag iti Templo  
qt daydi immona nagpatengnga nga agpayso  
quet daydi maysa idi suli nagdisso.

Daydi Fariseo quinonana: agyamanac  
ta saanac á tao á cas cadagti nabatad  
á manuanacao qñ managbasol á nadamsac  
á casiti daydiay Publicano á maquitac  
á nanumo, napanglao nga agbiag.

Linaoas á mamindua nga agayunoac  
itedco mt ti apagcapol-lo ti cucuac  
tapno aoan la ti pacababalaoac  
á cas cadaguiti nacacaasi nga agbiag  
qñ cas iti daydiay Publicano á nalaad.

Ngm daydi Publicano á napacurang  
nga adda idi suli ti simbaan  
dina pay maitured á ingato dagti mata nan  
qt isona la nga conconana piman:  
siac á managbasol, innac cad, Apo, caasian.

Daytoy Publicano. nga napacumbaba  
napacaoan á pudno dagti basbasolna,  
ngm no daydi Fariseo inguet cuspag na  
nagaoið nga aoan nagungunana  
no di qt basolna manen ti ninayunanna.

Ti napacumbaba iso ti mairagpat  
ta casta ti cayat ti Dios, poon ti imbag,  
qt no dagdi napalalo qñ nacuspag  
maimamecda la nga matnag  
ta dusada mt dayta á maipaoat.

### PANAGUNGAR NI LAZARO.

Dagdi agcabsat sadi Betania  
á iso da Marta qñ Maria  
adda mt lalaqui nga cabsatda

á Lazaro daydi nagan na  
qt ayayaten ni Jesus nga indumduma.

Idi nga nagsaquit ni Lazaro  
quet dumagsen laeng á cumaro  
pinaibagada qñ Jesus á pinayammo,  
ngm saan á incancanó unay toy Apo,  
ta conana: saanna dayta á ipatayto.

Ngm, nupay casta daydi quinona  
ni Jesu-Cristo á nañgina,  
natay ni Lazaro, aoan duadua,  
quet naipapilit impomponda  
idi madanon ti rumbeng á horasna.

Idi maicadua nga aldao iti daytan  
quinona ni Jesus cadagdi Discipulosnan:  
sadi Betania ti intay pagturoñgan  
tapno ri-iñgec iti turoгна á nargaan  
ni Lazaro sadiay á impompondan.

Idi maicapat nga aldaoen  
á ni Lazaro piman natayen  
iso daydi inna idadateng  
ni Jesus á daydayaoen  
sadi Betania á beddeng.

Iti daydi balay da María qñ Marta  
naruaý daguidi tattao quencuana  
ta napan ngarud cadacuada  
daguidi gagayyem á nangliolioa  
idi ladiñgitda á nagpasina.

Quet idi maammoan ni Marta  
á ni Jesus sumuñgad dita  
binayanna daguidi sañgaili da  
ta ni Jesus ti sabatenna  
quet indagosna á quinona:

No adda coma ditoy, Apo,  
di coma natay ni cabsatco;  
ngm quetdi diac met agmocó  
nga amin á daoatem iti Dios maragpatmo  
ta Anac na ca ñgad á napaypayso.

Simmungbat ni Jesu-Cristo:  
ni cabsat mo aguñgarto;  
inal-laoat ni Marta toy á saó:  
oen, aguñgarto nga agpayso  
no maocomto amin á tattao.

Ni met Jesu-Cristo simmungbat:  
siac ti panaguñgar quen biag,  
ti pudno á mamati caniac,  
uray no natayen, into pay la agbiag  
qt ti mamati, biag nanto't di rumsat.

Patiem ñgata, Marta,  
daguitoy á saoc quenca?  
ni Marta simmugbat Quencuana:  
oen, patiec á ti Dios Anac na ca,  
sica met ni Cristo á immay ditoy dagá.

Idi castan simrec idi balay da  
quet quinonana qñ María á cabsatna:  
adda ditoy ni Maestro qt ayabanna ca,  
timmacder met á dagos ni María  
qt idi yan ni Jesus ti napananna.

Daguidi Judios á mangliolioa  
idi naquitada á timmacder ni María  
sinurotda quet quinonada:  
mapan agsañgit piman ñgata  
idiay nacaipomponan ni cabsat na,

Idi ñga ni Jesus maquita ni María  
nagrucbab cádaguidi sacsaca na  
quet sisasañgit unay á nagcona:  
Señor, no comá no ditoy addaca,  
ni cabsat co saan á natay comá.

Daguidi adda dita á Judios  
á napan qñ María simmurot  
nagsañgitda met á naibuyog  
iti daydi sasaibbec á napalaos  
ni Magdalena ñga añgesna't cas agpugsot.

Ni pay Jesus á nacabuya  
idi panagsangsañgit ni María  
ladiñgit na met ti naduca  
quet sililiday á nagcona:  
jadino ti nañgidulinanyo qña?

Sinungbatanda met á dagos:  
umayca ala, Apo, sumurot  
ta maquitamto ñga masipot  
ti nacaitamnanna ñga abot  
ni Lázaro á nateppel qñ naanos.

Ni Jesus met ditan naquita  
ñga nagsañgit quen naglua,  
gapona á dagdi Judios quinonada;

capnecan unay nga agpayso ita  
á ni Lázaró pudno nga ayayatenna.

Daydi tanem bato ti yanna  
bató met daydi punit na  
qt idi macadanon ni Jesus dita  
quinonana: iccatenyo dayta losa;  
quet nagsaó dita ni Marta:

Señor, uppat ita nga aldaen  
á ni cabsat mi piman natayen  
qt no iccaten ti calob dayta tanem  
saanco la, Apo, nga duaduaen,  
á ti buyoc saan á madaepen.

Quinona ni Jesús quen Marta:  
gdiac itay sinao quenca  
nga no coma no mamatica  
naquitam ti Gloria ti Dios coma  
ocno sitataliñgenñgen á dayao na?

Inlisida daydi naicalob á losa  
qt ni Jesus intañgadna't lañgit dagti matana  
sana quinona: agyamanac unay, oh Ama,  
ta dinengñgegmo ti daoatco Quenca  
tapno patienda á binaonnac ditoy daga.

Sa naguni ni Jesus iti napigsa:  
Lazaro umayca, ditoy rumuarca;  
quet daydi natay rimmuar idi tanemna  
sirereppet daguiti sacsaca qñ imima na,  
sicucumot met daydi rupa na.

Pinabocraan ni Jesus daguidi patapatna  
sana quinona: bayanyo á magna  
quet agpayso amin á tao napnecda  
nga ni Lazaro pudno ti panaguñgarna  
ilinto ta mano nga aldaen á naiponponda.

Daydi á panaguñgar ni Lazaro  
ado daguidi namati nga agpayso  
á Dios ni Jesus á pudno  
qt inoarnacda ti milagro  
á di malimed cadagti tao.

Qt maipoon iti casta  
nagtitipon dagti Escriba  
ta nagsisinnaludsodda't maicanada  
nga masapol nga aramiden da  
ta dagti milagros ni Jesus nabatadda.



--327--

No bayan tay nga agaramid  
cadagti nacascasdaao oenno nasulit  
patien to ti ili nga maipapilit  
á iso ti Mesias á naggappo't langit  
gapona á masaqol ti panagterred.

Daydi metten ti sipodna  
á ni Jesus quinednganda  
á maipapilit á ipamuspusanda  
ti mabi-it á pannacatayna  
tapno aoan maririboc á talna da.

### NI JESUS IONONANA NGA IBAGA TI PAN- NA CATOTOOC NA.

Idi maicanem nga aldao iti dayta  
quinona ni Jesus cadagdi Apostoles na  
intayto sadi Jerusalem ala  
ta ti Anac ti tao sagabaennanto dita  
ti pannacatotooc á nacadidigra.

Rabrabaquento dagti Escribas qñ Fariseo  
tuptupraan quen sapsaplitendanto  
iti pay cruz á nacababain ilanzadanto  
ngem di bumurong quetdi aguñgarto  
iti met la aldao á maicatlo.

Daguitoy á maaramid  
nabayag idi á impadles  
daguidi profetas á nasingpet  
nangrona da Isaias quen David  
á Dios cadacuada't nañgitalucatic.

Imbagada idin á di agcurang  
mayal-laal-lanto iti pañgocoman  
pagbalinendanto á cas canunumoan  
á rabrabaquen pagangañgaoan  
qt dagtinto daques ti inda pañgipadpadan.

### ZAQUEO.

Iti dalan á nagnaan da  
ni Jesus quen quinacuyogna  
iti ciudad á Jericó dimminnada  
quet naruay ti tap nga agbuya  
quen agsiddaao iti Namarsua.

Iti daydi ciudad á Jericó  
adla nasanicua met á tao  
nga agnagan iti Zaqueo  
bassit daytoy á napalalo  
qt di macabislin á cumita qñ Jesu-Cristo.

Quet gapo iti gagar na  
á cumita met piman coma  
naisipan na ti yoolina  
iti cayo dita nga maysa  
nga agnagan atap nga higuera.

Quet ni Jesus idi á tumañgad  
iso met á inna nasirpat  
ni Zaqueo dita á quimmalay-at,  
quinonana: Zaqueo, dumsaagca't daras  
ta idia balaymo agdagosa.

Dinaras ni Zaqueo ti yoologna  
qt inaoatna ni Jesus iti balay na  
quet daguidi nacaquita iti casta  
conada: balay ti managbasol á maysa  
ti pinilina á dagusanna.

Ni Zaqueo quinonana iti Mesias:  
Señor, ti gudua daguiti cucuac  
cadagti napanglao ti pañgitdac  
quet no adda nasaor caniac  
supapacac met iti mamimpat.

Simmungbat ni Jesus quencuana  
itoy á balay immay ti talna  
ta ti Anac ti tao guimmagara  
á inmay simmapol tapno isalacanna  
ti malpasen ti pannacapucao na.

#### NI MARIA SAPSAPOAN NA ITI NAPA- TEG UNAY A BANGBANGLO NI JESUS.

Nanipod Jericó á naggapoanna  
ni Jesus á nasam-it quen nañgina  
nagturong manen sadi Betania  
iso á nangtedanda Quencuana  
iti narambac á panangmalem na.

Balay ni Simon leproso ti naganna  
ti nañgisaganaanda iti maicanada  
quet adda dita dagdi agcacaca

á Marta, Lazaro quen Maria  
ta isoda ti nañgigol-lo iti dayta.

Ni Maria adda intugotna  
á balsamo inguet pateгна  
ta nardo can ti nacaaramidanna  
á timbeng ti maysa á libra  
quet vaso ñga alabastro ti yanna.

Imbuyatna iti olo á napateg  
ni na-Diosan á Jesus á siulimec  
daguidi sacsaca na castamet  
quet daydi balayen napusec  
iti ayamoom á inguet sam-it.

Daguidi Discipulos á dadduma  
nalaos piman ti ilalá da  
iti daydi bangbanglo á nañgina  
quet quinonada iti bibiang da  
ñilala pay quet ti pateгна dayta!

Maysa cadaguidi nañgilala  
iso ni Judas Iscariote á nagcona:  
zapaya á di mailaco ñgata  
toy bangbanglo iti tal-lo gasot á sicapat coma  
sa imburay cadagti maquipalpalama?

Daydi á saó ni naulpit á Judas  
saan á gapo iti caasina cadagti marigrigat  
ñgem tapno adda maalana á masicap  
iti maiggaman na coma á pirac  
ta iso ti pacaitalcan na ñga agaluad.

Ni Jesus ta dina duaduaen  
iti adda iti paquinaquem  
dagti Discipulos á umaneñg-eng  
quinonana dadacuada ti nagunin:  
daytoy baba-i diyo babalaoen.

Iso inaramidna caniac  
ti maysa unay á naimbag  
ta ti bangbanglo á inna imbuyat  
balon con iti ipapatayco't daras,  
anansata dicay ipaidam ti ayat.

No daguiti napanglao á conayo  
á pacaiburayan comá ti bayad tay balsamo  
dinto agcurang la ti masaracyo,  
ñgem no maipapan itoy biang co  
dinto mabayaguen agsisina tayo.

Ipatalguedco unay cadacayo  
nga iti uray adinoman á disso  
á pacaicascasabaan ti Evangelio  
agnanayon la nga madaydayaoto  
ti inaramid toy baba-i á nasungdo.

NARAMBAC A ISESERREC NI JESUS SADI  
JERUSALEM.

Iti cabigatan met la daydin  
nanipod Betania napan Jerusalem  
ni Jesus, Dios Apo á daydayaoen  
agraman cadaguiti sitatalingenngen  
á Discipulos na quen naapiring.

Quet idinto ta macagtengda  
iti ili á Betfage ti naganna,  
asideg iti bantay Olivete dayta,  
dua cadaguidi Discipulos na  
á iso da Juan qñ Jacobo binaonna.

Conana: iti dayta ili incayo ala,  
quet masungadanyonto quencuana  
ti sibabaod á maysa á jumenta (asna)  
nga adda met dita anac na  
quet alaenyo á iyeg ditoy ida.

Qt no adda agsaludsod cadacayo  
no ania ti gapona nga alaenyo  
dagosen quencuana nga ibagayo  
á paala ida ni Maestro  
qt aoanto't ditan tubtubengyo.

Agpayso napan dagdi binaonna  
qt aoan curang daydi imbagana  
naaramid amin quet insangpetda  
daydi innalada nga jumenta  
agraman pollino nga anac na.

Daytoy nanumo á jumenta  
quen pollino á pinilina  
pagsacayanna no iti Jerusalem ti sercanna  
tapno daguiti tattao capnecanda  
ti quinapacumbaba nga isurona.

No quinayat coma ni Jesus  
ti carrosa nga balitoc  
nabalinna coma á pinataod

ta mannacabalin ngad á Dios  
ngm iti quinapacumbaba agpasurot.

Pacumbaba unay quen sungdo  
ti iganetguet unay ni Jesu-Cristo  
tapno ti cuspag pagpanaoan coma ti tao,  
idian met daguiti panagsaósaó  
qñ aniaman nga iti dayao macairubo.

Quet idi ta di pay macagteng  
iti daydi ciudad á Jerusalem  
ni Divino Jesus á daydayaoen  
naruay á tattao ti immasideguen  
nga agyiyamam agragraguquen.

Ngem idi ta macaadandia  
iti ruañgan ti ciudad á cercanda  
dinsaag ni Jesus idi sacay na  
ta daydi urhon ti insublat na  
cas impadles idin daguidi profeta.


Idi castan amin á Discipulo  
imparabaoda idi jumentillo  
daguidi capa da nga agpayso  
sa simmacay ni Jesus nga Apo  
á binayabay daguidi naruay á tattao.

Idi ta sumreeda iti ciudad  
napalalo dita ti ragsac  
ta amin daguidi sumabat  
cadagti bulbolong inda agsep-ac,  
qt caoes da pay ti inda yaplag.

Saño man quen licodan  
ni Jesus Apo á na-Diosan  
tattao ti naruay á di mabilang  
quet ramrambacanda á cantaan  
iti dacquel unay á panagyaman.

Hosanna Filio David: conada,  
daydayaoen á cablaaoan ti Anac na  
ni santo David, ari quen profeta:  
Benedictus qui venit, ta impaayna  
ti immay manubbot cadatay dito y daga.

Gasat quen talna nga agpayso  
ti yegna dito y cadatayo  
toy ari á naggapo't ngato:  
gloria in eccelsis, pax in coelo  
daydayaoen ti nasam-it nga Apo.



Cadaguidi naruay á tao dita  
ado met Fariseos cadacuada  
quet immasideg qñ Jesus daydi maysa  
quinonana: Maestro, pagtalnaem ida  
daguiti macarengreng ti arimbañgao da.

Simmungbat ni Jesus no ditay dagá  
aoan tao ñga agdayao, cas rebbeng na,  
mabalin á dagti bató qñ sabali á parsua  
isoda ti mañgiparang panagraem da  
iti mangted parabor á sireregta.

Bayat daydi á panaglasat  
ni Jesus cadagti calzada ti ciudad  
naruay dagti masacsaguit á umarayat  
bulsec, lugpi, tuleng quen poad  
quet padapada da amin á immimbag.

Nagturong ni Jesus idi templo  
agraman umarioecoec á tattao  
ta dumñegda iti pannursuro  
daytoy nailaŋgitan á Maestro  
ta di mapda ti ti ayatna á nasungdo.

Quet idi adda da iti uneg  
daydi Templo á nadaeg  
balioan daguidi ubbing ti aguicquis

ta icantada daydi yaman á nasam-it  
á Hosanna Filio David, benedictus qui venit.

Yaman dagdi caaduan ti naiduma  
ngem no dagdi Fariseos qñ Escriba  
saan á maisaó ti lucsao da  
á maipoon iti nalabes nga apalda  
quen na-Diosan á Jesus á nañgina.

Nupay casta, saan ida á incancano  
toy nailaŋgitan unay á Maestro  
quet nagmalem á nañgascasaba nañgisuro  
idi nañgayed unay á Templo  
ta caasianna unay daguidi tattao.

Quet idinto ta malemen  
daguidi tattao inda nagaoiden,  
ni Jesus pimmanao dita metten  
quet nagtulong á sitataliŋgenŋen  
sadi Betania nga taeng.

Daydi á panañgisuro ni Jesucristo  
nagayaman unay daguidi tattao  
ngem aoan cadacuada ti asino  
á nañgayab coma oenno nangted mainumo  
á canen oenno inumen á sañgavaso.

Casta ti aramid toy lubong á naulbod  
no paguimbaganna adda á sisasayod,  
ngem no panangngaasi inna casadot  
cas naimatañgan ti naaramid qñ Jesus  
iti daydi nagmalem á Domingo Ramos.

Rebbengtay met á imatañgan  
daguiti pudno á caipapanan  
daguiti ceremonias iti simbaan  
itoy aldao á naindaclan  
á iso daguitoy dumaraddan:

Daguiti ramos qñ bulbulong á maquita  
iti uhag ti simbaan á iarayatda  
cayarigan ti isursuro á nañgina  
ni Jesus quen ti santa Iglesia  
á itedda iti mamati cadacuada.

Ti maysa á ruañgan á siririquep  
no libot itoy nga aldao ti maaramid  
caipapananna ti caadda á sipupunit  
ti nagasat unay á lañgit  
idi á ni Jesus dina pay inoanit.

Idi agsubli da Jesus qñ quinacuyogna  
iti cabigatan daydi ipapanaoda  
iti daydi dalan ti Jerusalem naquitana  
ti sañgapoon á cayo nga higuera  
naruchos ti bolongna nga di agbuñga.

Quet agsipod iti casta daydi á cayo  
inlunod ni Apo tay á Jesucristo  
ta aoan magunguna á napaypayso  
nga pacabiagan comá ti tao  
nupay bolong na laeng ti ado.

Daydi á cayo caipapananna  
ti tao nga adda ditoy rabao ti dagá  
rebbengna't agaramid macapalaing iti cararuana  
tapno dinto met agdisso quencuana  
daguiti nacaalalinguec á dusa.

Qt idi ta adda iti uneg ti simbaanen  
ni Jesus á mañgisursuro iti rumbeng,  
inaribongboñgan daguiti Escribasen  
ta inda Quencuana salsaludsuden  
no ania daguidi inna palpalacaguen.

Saan á simmungbat ni Jesus  
ñgem in cadacuada met nagsaludsod:  
¿daydi panamuniag oenno panangsibog  
ni Juan Bautista á naanos  
naquem ti tao oenno naquem ti Dios?

Daguidi Escribas quinonada  
á dida ammo ti naggapoanna  
ti pannacabalin ni Juan Bautista  
á namuniag sadi Jordan idi cua,  
ta daguiti tattao ammoda á profeta.

Idi castan quinona ni Jesus cadacuada:  
uray siac diac met cadacay ibagá  
no asino ti mangted caniac panagbilinna  
iti panañgaramidco iti incay maquita  
iti nabayaguen á panagdidinna.

Silaladiñgit ti puso ni Jesus  
idi napali-iona á quinadangcoc  
daguiti naulpit unay á Fariseos  
ta dida cayat ti agpanunot  
cadagdi pannursuro á inda matimod.

Gapona inna cadacuada sinaritan  
toy sumaruno á pagarigan:  
ti lañgit á pagarian



cas iti daydi ari á nasgang  
á nagpadaya iti anac na á naicamang.

Daydi ari binaonna ti maysa á ubing na  
á in mañgayab cadagdi tinoconna  
á mapan mañgan iti dayá,  
ngem daguidi á pinaayabanna  
aoan nayat á napan quencuana.

Daydi ari sabali man á ubbingnan  
daguidi immayab á binaonnan  
quet aoan laeng ti napan  
ta di nagcurang ti pambardan;  
dagdi pay ubbing ti ari pinataydan.

Idi maammoan ti ari ti casta  
nacaufget, quet soldados ti binaonna  
tapno dagdi nadaoel papatayen da,  
pinapooranna met daydi ciudad da  
tapno supapac ti ranggas da.

Sa quinona daydi ari cadagdi ubbingna:  
ti canen addan á sisasagana,  
qt daguiti inayaban nagpambarda;  
anansata incay cadagti calalzada  
tapno dagti masaracyo ayabanyo ida.

Daguiti ubbing ti ari nagtungpalda  
quet di nabayag napno daydi mesa  
iti caado ti immay quencuana  
quet daydi met ari quinitana ida  
no casano met ti casasaadda.

Ngem daydi ari adda nailasinna  
cadaguidi napan dita naquidayá  
á di maiparbeng daydi caoesna  
quet dagos ditan á binabalaona  
ti itatabuno na á di maicanada.

Daydi tao saan á nacatimec  
quet daydi ari ditan naguñget  
dinagosna metten á pinareppet  
sana pinaisebba iti apoy á gumayebgueb  
tapno ditanan nga agsangsangit.

Dagdi Fariseos qñ Escribas naaoatan da  
á daydi pangñgarig isoda ti turoñgenna  
gapona nalaos daydi pungtot da  
qt tinulagdan ti pammapatayda  
quen nasam-it á Jesus á cabusorda.

Sumapolda iti pamabasolanda  
qt idi templo nagbaonda  
cadagti napan qñ Jesus nagcona:  
Maestro nalaingca qt ibagam coma  
no ti panagbuis qñ Cesar rebbeñg na. (1)

Ni Jesus ta ammona ti pañgguepda  
á mangpadpadas la Quencuana  
quinonana dita cadacuada:  
japaya á panunutenyo ti casta?  
ti pirac cayatyo á maquita.

Idinto ta inda maiparañg  
nagsaludsod ni Jesus cadacuadan  
no asino ti aquinladaoan  
iti daydi naiburic idi cuartan?  
sinuñgbatanda: ni Cesar á nasgang.

Ni Jesus ti insungbatna:  
ti cucua ni Cesar itedyo qña,  
qt iti Dios dica agmanicua  
á mangted mt iti rebbeñgna  
tapno iti annong mo macatungpalca.

Idi mañgegda toy á suñgbat na  
nasdaaoda unay iti siribna  
á nañgracrac iti daydi sicapda  
á pangtilioan coma't basolna  
á panggapoanda coman á mañgdusa.

#### INDATON DAYDI NAPANGLAO A BALO.

Nagbayag pay la dita Templo  
ni naayat unay á Jesu-Cristo  
qt naquitana dagdi tattao  
á mangted daton á mainumo  
qt castoy ti inna nasinono-o.

Dagdi nasanicua ado ti itedda  
qt maysa cadagti napan dita  
baba-i ñga napañglao, ti biagna  
qt daydi piman inyaoatna  
maymaysa la unay á cuarta.

Idi naquita ni Jesu-Cristo ti casta  
quinonana cadagdi Discipulos na:  
daytoy balo á nangted maysa á cuarta.

---

(1) Cesar, emperador romano ñga agturay da.

pudno á iso ti capatgan ti indatonna  
ta intedna amin ti adda quencuana.

Daguiti nangted á dadduma  
nupay adado ti inyaoatda  
isona la nga impaayda  
daguiti suróc ti adda cadacuada  
nga aoan quet pañararuatanda.

PADLES ITI PANNACARACRAC TI JERU.  
SALEM QN TUNGPAL TI LUBONG.

Idi pumanao da Jesus iti simbaan  
quihona dagdi Discipulos na á insaoang;  
unay quet nga agpayso ti daegnan  
daytoy Templo á pagdamandamagan  
ta bató qñ pader na ti aoan pañgipadaan!

Quinona ni Jesus cadacuada:  
pagsiddaaoan yo ti baqued na  
daytoy templo ta maquita  
á nalagda ti pannacaaramidna  
ngem maipongpong to á marba.

Aldao ti di agcúrang magtengto  
nga iti daytoy nadaeg á templo  
aoanto ti uray dudua nga bato  
á di agsina nga margaayto  
tapno mapucao á buyaen ti tao.

Idi ta macasang-atda iti bantay  
á yan dagti oliva á naruay  
daydi ciudad qñ templo á nadarisay  
matamdaganda la ida unay  
quet ti macalaguip secnan liday.

Dadduma cadagdi Discipulos nagsaludsodda  
no caanonto ti pannacaaramidna  
daguidi nalpas nan á sinarita  
qñ addanto met pacdaar á pacpacaona  
iti pagtungpalan daytoy dagá.

Ni Jesus simmungbat cadacuada:  
inton maquita yo ti pannacalacobna  
iti ejercito nga inguet bileg na  
dayta ciudad ti Jerusalem á nalagda  
asidegto ditan ti pannacarbana.

Daguiti adda iti ciudad indanto agtaray  
á in cumamang cadagti bambantay

quet dagti adda iti ruar quen aoay  
iseserrecedanto iti ciudad ti diyo mauray  
tapno mailiclicto quen patay.

Maqui'anto dita ti ririboc  
nga napalalo macapaquigtot  
figm saan pay la á nasipot  
nanipod lubong ti timmaod  
qt aoan tot caaspingnan á mamagducot.

Naruayto daguiti matay iti igam  
adonto ti maadipen cadagti pagpagarian,  
ti Jerusalem itnegto dagti agturaynan  
inggana iti dinto magteñgan  
ti tiempo met dagta á dagdagán.

Sinaó met ni Apo tay á Jesu-Cristo  
ti nacabutbuteng á pannacaocomto  
daytoy lubong ita nga yan tayo  
quet aoan pañgipadpadan iti caro  
ti pannacaririboc daguiti tattao.

Ingganetguetna unay dita  
ti caadda la ti tao á sisasagana  
tapno di agpeggad ti cararua  
á mapanto iti pannacadusa  
iti agnanayon aoan inggana.

Iti lañgit intedna á pagarigan  
ti naaramid cadagti sañgapolo á babbalasang  
á naguigguem silao á nagsisinsindan  
ta aotenda daguidi sañgapagasaoan  
á rebbengda unay á padpadaanan.

Lima cadagtoy babbalasang á masarita  
manacman quen managpanunotda  
quet daguiti met lima cadacuada  
naliaoy da unay á mañgisagana  
cadaguiti utang quen pagrebbeñganda.

Dagtoy naliaoy innalada dagti pagsilaoanda  
ngm dida met nañgitugot iti lana;  
quet dagti manacman nañgalada  
quet iti casta lana quen lampara  
addada cadacuada á sisasagana.

Quet agsipod iti mabayag da  
á dumteng dagti paspasuñgadenda  
naipapilit á dagti agururay nalibayda  
ngem idi ta rabi-i ti tumengnga  
adda puccao á nanglucag cadacuada.

Conana di nanglucag: sabtenyo idan  
ta adda daguitay agasaoan:  
nabaringcoas daguidi babbalasang  
maysamaysan inna gangtan  
daydi lampara nga iggaman.

Daguidi naliaoy ditan dumaotda  
cadaguidi manacman iti lana  
qt dagtoy incay gumatang conada  
ta into quet no aoan pacaanayanda  
cadatay amin á padapada.

Dagdi naliaoy napanda guimmatang  
qt dida pay nacasubli adda dagdi agasaoan  
isóda á sinabet daguidi manacman  
quet idinto ta macasreccan  
riniquepan dan daydi ruañgan.

Simmangpet dagdi naliaoy á babbalasang  
conada: señor, luctanyo toy ruañgan  
qt daydi esposo inna ida sinungbatan:  
dicay amammo gapo na diac luctan  
daytoy siririquepen á ruañgan.

Anansata cona ni Jesucristo  
masapol da nga sisasaganacayo  
ta ti horas dicay met ammo  
ti idadateng cadacay ti patay yo  
á inqueddeng ti Dios cadacayo.

Adda met bacnang á nasanicua  
á napan iti adayo á dagá  
quet inayabanna daguidi ubbingna  
ta iti pirac itdanna ida  
tapno isapolda bayat caaoanna.

Adda iniccanna iti lima ribo  
adda iniccanna iti duaribo  
qt sañgaribo ti intedna idi maicat-lo  
conana: daguita paadoenyo  
inggana agbaoiñgac ditoy yanyo.

Daydi limaribo ti inaoatna  
agpayso insapolna piman ida  
quet pinaraboran ti salucagna  
ta limaribo met ti nasapulanna  
idi á simmangpeten ni apo na.

Daydi duaribo # insapulna  
duaribo met ti nagungunana;  
ngem daydi sañgaribo ti inaoatna

--340--

aoan laeng ti nasapulanna  
ta daydi pirac incalina met iti daga.

Idi ta sumangpet daydi apo dan  
puso na daydi maragsacan  
cadaguidi adda inda nasapulan  
quet inna met ida guinungunaan  
iti rumbeng cadacuada piman.

Ngem idinto ta maammoanna  
nga aoan nasapulan daydi maysa  
agsipod iti incalina daydi pirac na  
naguñget quet inna pinadusa  
cadaguiti tooc aoan pada na.

#### JUDAS ISCARIOTE.

Daytoy tao nga dacsanggasat  
nagpuniponan iti damsac  
ta naquitimpuyog cadaguiti naranggas  
á Fariseos quen Escribas  
maipoon iti agum na iti pirac.

Naruay daguidi sinasaóna  
á pinangsulsulbogna cadacuada  
tapno lucsaoda daydi maparaba,  
castamet á impalaoag insurona  
ti pamuspusan nga aramatenda.

Quinonana: madaesan cayto  
ita adda á casasaadyo  
no palugudan baybay-anyo  
daguiti aramid ni Jesucristo  
ta aoisenna amin daguiti tattao.

Ti mapali-ioco nga aramid na  
cas-añgec unay á cagura  
ta ammoc á di maicanada  
á turay yo ti salioanan na  
qn linteg metten ti balbalicanna.

Quet no ania ti conayo  
annugotenyo toy ibagac cadacayo  
cumuyogacto cadacay no tilioenyo  
ta siacto cadacay ti mañgisuro  
iti rumbeng nga aramidenyo.

Ngem cayatco met nga ammoen  
no manonto ti incay caniac itden  
á gungunac cadacay á mangyaoaten

--341--

tapno adda liolioa toy naquem  
á mañisuro iti incay aramiden.

Daguidi Fariseos qñ Escribas  
agraman met quen Caifas  
dagosda laeng á nacaragsac  
iti imbaga cadaacuada ni Judas  
á panañgilacoma iti Mesias.

Daidi tulagda á padapada  
pinanecnecan qt pinailanadda  
iti Notario oenno Escribano da  
tapno aoan macapagsanod cadaacuada  
iti daydi tulag ti gulibda.

Quet idi ta nalpas ti castan  
quet daydi pirac inaoatnan  
napan met laengen iti yan  
ni Maestro na á casam-itan  
quen Apostoles mt á cadua nan.

Im-imbaguenna la ti gunayna  
á cas aoan gulib á gapoananna,  
dagdi Apostoles dida mt ammo dayta  
ta idi pimmanao iti arpad da  
impatoda no in naggatang iti masapolda.

Inul-ulbudna pay ni Virgen Maria  
ta quinonana: agayayatca, señora,  
ta daguiti tattao daydayaoenda  
ni Maestro mi á nañgina  
quet ammoda mt á sica ti Ina na.

Cas agtalna ti panunot daytoy ina  
cadaguiti ulbod á natimodna,  
ñgm cas la bayoen ti barucongna  
iti nalaos á tibbayo ti puso na,  
pacdaar ti ladingit á pasuñgadenna.

Aoan pada ti quinagulib  
ni Judas á nagpunipunan ulpit  
ta saan la nga agquintayeg  
nga agtiri iti ina á inguet sam-it  
idinto ta pagraeman dagti Angeles.

#### PANAGPACADA NI JESUS QN INA NA.

Daan á cadaoyan dagdi Judio  
á no sañgapolo quet uppat ti Marzo  
sadi Jerusalem agtitiponda nga agpayso

ta panglaguipda iti parabor ti Dies Apo  
idi pannacayaon da sadi Egipto.

Iso daydi napateg unay á Pascua  
á nanipod Egipto inaramid da  
quet idi ta aldao metten ti Mesia  
sursurotenda pay la á ramrambacan da,  
ngm ni Jesus agpacada ditan qñ Ina na.

Conana: oh patguez unay á Ina  
daydi impadles daguiti Profeta  
á panañgispalco cadagti putot ni Eva,  
matungpal nga aoan ibuburongna  
ta inqueddeng á casta ti Dios Ama.

Di met mabalin á suquiren  
ta aoan asinoman á macabalin  
á manubbot iti tao á naiqueddeng  
iti pannacadusa na pannacairurumen  
iti turay ti demonio á nadaoel.

Anansata maipapilit toy yaadayo  
itoy patguez unay nga arpadmo,  
ngm uray ta liolicoa dayta puso.  
ti di bumurong á panaguñgarconto  
iti aldao met laeng á maicatlo.

Nacana iti pait tay maricnac  
itoy ipapanaoco, Ina, ita arpad,  
ngm maipapilit nga agtungpalac  
iti pagayatan ti naquem ni Amac  
ta iso ti nagbaonanna piman caniac....

Daguista á saó ni na-Diosan á Jesus  
idi nga ni Virgen Maria inna ida natimod  
cas da natarumamis á dága nga immucooc  
iti puso na nga ditan nalapunós  
iti leddaang á mangted pulcoc.

Nagpucao amin á ricna  
ni nasam-it á Virgen Maria  
barucongna ditan ti agquebbaquebba,  
agluñlunos metten ti añges na  
qt no aoan tulong ti Lañgit natay coma.

Idi masurotna ti panunotna á nacusócusó  
nupay dina pay la mabalin ti agsaó  
quinonana iti silaladiñgit á puso:  
¡¡ay!! ayaunay quetdin aya, oh Diosco,  
ti castoy caniac á ipaaymon, Apo!!



¡Ti man bugbugtong aya nga Anacco  
ti quedngam nga umay aguicaro  
cadaguiti agcacadagsen á basol ti tao  
idinto ta iso ti pagsarmiñgan á pudno  
iti singpet, dalos quen emma á nasungdo?

Ti basol da Adan quen Eva  
ñgaman pay, Dios co, á ti Anac co aya  
ti agaoit quetdin iti dusa  
idinto ta intedmo caniac á buñga  
tapno dungdungngoec á liolioa?

Idinto ta napnoac iti gracia  
sipod idi nabuquel caniac á naipacada,  
nupay saanac á maicari comá  
ta Dios ñgarod qt maysaac la á parsua,  
japayapay, Apo, nga iccatem caniac ita?

Idinto, Apo, ta nagrigigatac  
iti siam á bulan á pinasab-óc caniac  
quet uray payen idi nayanac,  
jgudasem man itan ta pacabang-arac  
cadaguiti umapay á pagpaglac?

Siammoca unay, oh Apo,  
cadaguiti sinagabac á tooc co  
maipoon itoy maymaysa nga Anacco  
ta impanco pay intartaray idi sadi Egipto  
qt ita ta dacquelen japaya á igudasmo?

¡Iti man quet basbasol ti sabali  
ti gapoha nga iti tooc maipatli  
daytoy Anac co nga inguet sudi?  
¡ay! Dios co! saan ala·cadi!  
dayta á sicut inca cad ical-laiqui!

Quedngam cad, oh Dios co, ala  
á daguiti tattao nga adda basolda  
isoda met la ti aguicaro iti rebbengda  
ta di qt toy Anac co á maymaysa  
ta isiso ti sarucod co á magmagna.

Ni Jesus co ti silao co iti pagnaac,  
ni Jesus co ti quired co nga agbiag,  
ni Jesus co ti mañgalasag caniac,  
ni Jesus co ti mañgilisi iti pagpeggadac,  
ni Jesus co ti mangted Gloria á pacairanudac.

Idinto ta ni Jesus nga Anac co,  
ti nacaisilpoan daytoy añges co  
ipusaymo man caniac aya, Dios co?

caycayatco á siac laeñgen, Apo,  
ti mañgisandi Quencuana ñga aguicaró.

Siac la ti aguicaró coman  
ta ricnacto, Apo, ti nalaglagan  
ñgm no toy Anac co ti innac maimatañgan  
ñga aguimet iti dusa á caicarian  
daguiti tattao sañgaluboñgan.

Maysa pay: ammoc unay, Apo,  
á Dios á pudno ni Jesus ñga Anac co  
qt iti casta umanayen á panubbot na iti tao  
ti bassit á tooc á sinagabana ñga agpayso  
á di quet masapulen ti patay na á nacaro

Nanipod pay idi pannacayanacna  
saan á bassiten ti rigat á sinagabana  
uray no daydi la panagayuno na  
nasuroc payen á panubbot na iti parsua  
ta agsipod iti Dios napateg ti gapoananna....

Naruay pay dagdi sasaibbec ni Virgen Maria  
quen incararagna iti Dios Ama  
á di maiburic toy nanumo á pluma  
ñgm ti Dios ta amin á isipen ti tao ammona  
naaoatanna dagdi aoan qt curang da.

Gapona á sinungbatanna ni Virgen Maria  
iti nasam-it unay á sarita  
conana: daguiti saom napategda,  
lumdaañgac met á mairaman qca  
ta iti ñgad patay ni Jesus ti gapona.

Ti pategmo caniac dimo pagduaduaan  
ta guinagara ca ñgad á quinaoesan  
cadaguiti parabor á pacaisagudayam  
cadaguiti babba i á capadam  
ta amin á parsua inca ida rimbaoan.

Ngm ti basol ti tao nadagsen unay  
quet aoan pateg ti parsua ñga umanay  
ñga aguicaró coma quen agbaclay;  
anansata masapol quen maipaay  
á maysa ñga Dios ti manaranay.

Saranayen na ti quina-tao  
ni napateg unay á Jesu-Cristo  
tapno mabaelanna ñga icaro  
ti pannacasubbot toy lubong iti demonio  
á nacaadipnanna unay ñga agpayso.

Masapol á maysa nga Dios  
ti umay iti tao manubbot,  
ta Dios ti nacabasolan ti tao á nangparurod  
quet, tapno mabalinna ti patotooc,  
timmao ti maicadua á Persona nga iso ni Jesus.

Gapona, Maria, masapol á turdem  
ti ipapatay ni Jesus mo nga ayayatem;  
ni natudio nga Abraham ti tuladem  
ta iti bilin ti Dios dina sinalungasing  
idi nga ni Isaac inna coma uloyanen.

Ituredmo á matay ti Anac mo  
ta iso la ti macaepep nga agpayso  
iti nalinteg á panaguñget co  
maipoon iti basol ti tao  
á simmalungasing iti bilin co.

Uray, Maria, ta ti natudio  
iti pagayatan ti Dios á naiparungbo  
Lañgit quencuana ti mangliolioanto  
itdannanto met iti bileg á mainumo  
tapno maibtorna ti paguel na á dumucó.

Idi matimod ni Virgen Maria  
amin daguita á saó ti Dios qña  
saan á nacatimec ta ammona  
nga aoan psinoman á parsua  
á macaquitaquit iti pagayatan na....

Nupay casta dina laeng natpelan  
ti nagsaludsod qñ Jesus á nasgang:  
Anac co, ¿adinonto ti innac Qca pacasaracan?  
simmungbat ni Jesus: Ina, di ca panaoan  
ta sandic ni Juan á caanacam . . . .

Nagsañgitda dita nga duan  
daguitoy sinamay ti napait á leddaang  
quet ni Maria inna la sinipsiputan  
ni Jesus á immadayo quencuanan  
agraman Discipulos na á cacuyognan.

Dagti Discipulos ta siammoda  
cadaguiti naaramid met dita  
nacaro met unay ti ladingitda  
ngem ni Jesus liolioaenna ida  
cadagti Misterios á ipalpalaoagna.

Quet idinto ta macagtengdan  
iti bantay á Olivete ti pangnaganan

nagsardengda inggana iti nadanonan  
daydi horas á panangbaonnan  
cadagti Apostoles á Pedro qñ Juan.

Daguitoy isoda ti binilin na  
á sumurotto iti tao á masaracda  
iti daydi ili nga adda danum nga aoitna  
ta iti aquimbalay iti sercan na  
ibagada á ti Maestro dita ti pag-Pascuaanna.

Agpayso natungpal amin ti casta  
iti daydi nga balay nagsaganada,  
quet iti rumabi-in simmangpet dita  
ni Jesus quen dagti quinacuyogna  
ta dagti Misterios mangruguida. (1)

Quet idi macasimpadan nga agpayso  
iti daydi lamisaan á inda sinaño  
nagsaó ni Jesus: oh dacay á Discipulos co,  
quinalicagumac ti panaglalang tayo  
itoy Pascua nga ramrambacantayo.

Daytoy ti maudin á pannañgan  
á intay ditoy dagá panaglalanglang  
quet ti agsasaño intayto sunotan  
no addatay to sadi Glorian  
iti dayá sadiay á nailańgitan.

Idi castan nańganda idi cordero  
iso á cayarigan ti Baguí ni Jesucristo  
quet idi nalpasdan inna insaruno  
ti napacumbaba á panamuggo  
cadaguiti satsaca daguiti Discipulo.

Maysa á pagponasan ti imbariquesna  
iniccanna met iti danum daydi palanggaña  
quet ni Pedro daydi inasitganna  
ta iso ti bugguanna nga omona,  
quet toy apostol castoy ti sinaóna:

Sica, Maestro, ti mamuggo aya  
cadaguitoy naruguit á satsaca  
idinto nga siac comá ti mamuggo Quenca  
ta sica ti Dios co á Namarsua  
anansata diac maibtor nga abuloyan ca?

Simmungbat quen Pedro ni Jesus:  
no pammuggoc ita sacam ti dimo itoloc  
patiem unay á dicanto met mairanod

(1)—Misterios iso dagti di maaóat ti panunot ngm  
utang á patien ti tao ti quinapudno da.

-347-

iti sam-it ti Gloria á natalibagoc  
ta suquirmo caniac ti macapataod.

Daguiti nalpas quenca nga incaric  
á gracia quen panangngaasic  
maibabaointon quencan á maipapilit  
maipoon iti inca panagquitaquit  
itoy pammuggo nga aramidec.

Ni Pedro idi casta ti inna maaoot  
pusona ditan ti sidadanag  
quet pilit á sinaóna inyebcas:

Señor, no dayta ti pangguraam caniac,  
ita cayatmo adtoy á madadaanac.

Idi ta timmuloquen ni Pedro,  
nagparintumeng ni Jesu-Cristo  
ta inruguina piman ti nangbuggo  
cadaguiti sacsaca daguiti Discipulo  
sana pay inagcan ida nga agpayso.



Dita amin nga i-laŋgit  
Angeles quen Arcangeles  
siddaao da ti di maibisic  
iti napacumbaba nga aramid  
ni Jesu-Cristo á inguet sam-it. . . .

Quet idi nalpas ti pannacabuggo  
daguiti sacsaca amin daguidi Discipulo  
quinona cadacuada ni Jesu-Cristo:

ti inaramidco cadacayo tuladenyo  
cadaguiti asinoman á gagayyem yo.

Masapol unay ti pacumbaba  
nga aramaten ti adda naquemna  
ta ti nacuspag á panagcucua  
aoan sabali á pataudenna  
no di pacaiculboan ti cararua.

Sana met quinona nga insaruno:  
maysanto ita met la cadacayo  
ti mañgituggod caniac mañgilaco  
iti nalaca á pateg ti patagtagabo  
gapo iti agum á pait na ti nacaro.

Daguitoy á sinaó ni Jesus  
nabainan daguidi Discipulos  
gapona nga inda dinagdagos  
ti sipapacurang á naguimtood  
conada: siac ngata, Apo, ti mañgituggod?

Ni Iscariote nagsaludsod met Quencuana  
quet ni Jesus dita sinungbatanna  
iti aoan asinoman á macaal-liŋga,  
quinona: oen pudno á sica,  
ammom metten quet aguinsasaludsodca.

Ni Juan ta nadinna quen Maestro da  
iso ti quinissi-iman ni Pedro tapno saludsudenna  
no asino ti nagamrang. aoan bainna  
nga agpanguep iti panañgilaco na  
quen nasam-it unay nga ayayatenda.

Agpayso naguimtood qñ Jesus ni Juan  
quet toy Maestro inna sinungbatan  
quinonana: daytanto umona á masuboa  
iti tinapay á itdec á imbabasan  
isonto dayta ti tao á caguliban.

Ni Juan nacaridep ditan apagecanitó  
quet nagsadag quen Jesu-Cristo,  
ditan ni Iscariote inna sinubo  
quet amin daguidi á sisasaño  
aoan nacadlao uray siasino.

Idi nalpas ti Cena legal  
naisaruno ti Cena sacramental  
á iso ti pannacaisungsong á conan  
ti Eucaristia á nasacramentoan  
á iso ti taoid tay á capapatgan.

Rebbeng tay met nga ammoen  
á sadi Judea ugali da á nabayaguen  
á no Pascua piman ti dumteñg  
adda tinapayda á di napaalsem  
oenno di nalaocan lebadura á conaen.

Daytoy tinapay á di nalalaocan  
iniggaman ni Jesus ditan,  
timmañgad lañgit sana binendicionan  
quet iso daydi imburayna piman  
cadagdi Discipulos á sisasaclang....

Daytoy ti baguic á napaypayso  
qt aoaten á sipapacumbabacayo  
ta quired ti cararua ti tao,  
qt ti umaoat Qña á macapudno  
cadagti peggad mayadayo.

Qt idi ta masubona amin idan,  
daydi mt caliz ti inna iniggaman  
qt idi malpas na á binendicionan  
daydi arac nagbalin á Dara nan  
iso nga impainumna cadacuadan.

Conana: Dara'e toy á pudno  
qt iti caaddac iti Cruz maibuyatto  
ta iso ti pacaispala ti tao  
qt daguitoy tuladenyo  
ta iso caniac ti pacalaglaguipanyo.

Daytoy á misterio caasi ti Lañgit á nañgina  
cadatay á tattao á pacaisagutanna  
gapona nga ni Jesus inramanna ni Ina na  
nga umaoat mt ta binaonna  
ni arcangel Gabriel á in nangsubo qña....

Da Moises qñ profeta Elias  
nairamanda mt dita á immaoat  
tapno quireda mt á sibibiag,  
ngm cadaguiti sisasaclang dita á saad  
aoan nacaquita cadacuada nacamatmat.

Daytoy ti pacapnecan nga agpayso  
iti ayat ti Dios cadagti tattao  
á mayat Qña á umamo  
ta intedna cadatay ti Sacramento  
á paraborna unay á nasungdo.

ISISINA NI JUDAS ISCARIOTE IDI CENACULO.

Ngm nupay casta ti ayat ni Jesus  
saanna lñg á pinampanunot  
ni Judas Iscariote á nadañgcoc,  
ñgm ti nacaro ñga panañgilood  
ti di lñg quencuana naipusót.

Ti demonio á limmugan iti cararua  
daytoy Judas Iscariote á nadamca  
dinagdagna á simmina qñ Maestrona  
tapno inna sapulen ti yanda  
dagti mañgtilio á quinatulagna.

Daguitoy naulpit á cas qña  
nalaos unay daydi ragsacda  
idi nga ni Judas imbagana  
ti rumbeñg á panañgtilioda  
tapno di macalapsot daydi tel-lañgenda.

Daytoy Judas Iscariote á caulpitan  
á di ammo á tao ti inna nagtaudan  
quinuyogna dagdi pada na á saliaoán  
qt inturongna ida ti ammona á papanan  
ni Maestro na ñga nalpas inlaconan....

PANAGCARARAG NI JESUS SADI GETSEMANI.

Ni Jesu-Cristo qñ Discipulosna  
idi nacayamanda iti Dios ti parabor na  
maipoon iti daydi panangmalemnda  
iti bantay Olivete ti rapananda  
qt idi dalan linioliao na dagti caduana.

Quinonana pay: oh pinilic á Discipulos co,  
iti daytoy á rabi-i di lumbes itarayandacto  
ta inton tilioendac umayto ti buteng yo  
quet cas cay ovejas á maoraoaranto,  
“dispergentur oves gregis” cas naipadto.

Ni Pedro idi casta ti matimodnan  
quinonana: Maestro, no inda canto itarayan,  
siac ti agcarí á di canto panaoan  
ta iti rigat qñ tooc mo innac rumaman  
ta uray no mapucaoacto met ditan.



Maicari unay nga agpayso  
daydi á sinaó ni Pedro,  
ngm, aguinayadca, Pedro, cona ni Jesucristo  
ta diac ammo no saom ti matungpalmo  
iti tengnga toy rabi-i nga yan tayo.

Ti caoitan dinto pay ngata tumaraoc  
no mamitlo na con á ilibac, ilicod  
ta naquem monto ti mapatacrot  
no inda quencia agsaludsod  
no pagayam ca oenno quinacuycuyog . . . .

Nagnadan quet linasatda  
ti Torrente nga oaig ti Cedron dita  
arnged ti Olivete á bantay dayta  
quet idinton ta macabalioda  
napanda iti Getsemani nga huerta.

Quinona ni Jesus: ditoy agsardengtayo  
ti agcararag qñ Ama cayateo;  
quet incuyogna dita nga inyadayo  
da Pedro, Juan quen Santiago  
qt binay-anna dagti dadduma á Discipulo.

Idi ta naisinada cadaguiti dadduma,  
ni Jesus cadagtoy tal-lo quinonana:  
“usque ad mortem tristis est anima mea”,  
inggana qñ patay sililiday toy cararua,  
qt aguraycay ditoy ta agcararagac qñ Ama.

Ngm sana quinona: “Vigilate” agannadcayo  
“et orate” iti Dios cumararagcayo  
“ut non intretis in tentationem” tapno dicay masairo,  
sa idi yanda bassit immadayo  
iti rebbeng á mabato ti tao.

Nagparintumeñg á nagdumog dita  
á nagcararag qñ napateg nga Ama na:  
“Pater mi, si possibile est” quinonana,  
“transeat á me calix iste” iliclic mo coma  
daytoy caliz ti pait á innac masagaba.

Ngm nupay casta ti iquiddaoco  
dayta mt la quedngam ti tungpalecto  
ta sica ngad ti Ama’c á pudno  
qt aoan aramiden toy Anac mo  
no di mt la sumurot ita cayatmc.

Idi nalpas daydi cararagna  
immasideg cadagdi tal-lo á caduana  
qt riniingna ida tapno agcararagda

tapno di nalaca á masairo ti naquemda  
cadagti naruay unay á siba ti cararua.

Nagsubli mt la idi inna pagcararagan  
qt indaodaoatna dita ni Ina nan  
tapno panañgliolia qña't dina sardayan  
castamet daguiti Apostoles na qñ papagayam  
qt pacaoanenna mt ti sañgaluboñgan.

Qt no ti irot ti panagcararagna  
á maipoon iti dagsen ti basol ti parsua  
qñ itinto panagsingpet dagti tattao coma  
nagling-et iti dara ni Jesus dita  
qt cas mapulcocan ti naquem na.



Agsipod iti casta naiparbeñg  
á impan Qña ni San Gabriel Arcangel  
ña iti maysa á caliz dita si-igguem  
tapno liolia ti sililiday á naquem  
ni napateg á Jesus á daydayaoen.

Quinonana mt á imbisic  
á capilitan á inumenna ti pait  
ta dagti tattao napalaloda iti quinadaques  
qt aoan cadacuada ti macaimet  
no di la ni Jesucristo ta nupay tao, Dios á nabileg.

Quet daguiti idaodaoatmo  
á di pannacairubo dagti Discipulos mo  
oen, annugoten ti Dios Apo,

ngm saan quet á maaramidto  
á maisalacan amin daguiti tattao.

Ti saan daytoy á pacaannugotan  
agsipod iti Pastor ca á mainaganan  
quet daguiti di sumrec iti pagacayan  
saanda á napaypayso nga paiturayan  
iti santa Iglesia Catolica á naituyang.

Nagpucao daydi Angel'en á immadayo  
quet ditan ni Apo tay á Jesu-Cristo  
ricna ti bagui nan ti arig á nasdó  
gapo iti caasi na cadaguiti tao  
á dida la umasideg iti Dios Apo.

Nagling-et manen iti dara  
qt dagdi bulbulong á naparsiacan dita  
nasuratanda iti: daytoy pusoc qñ ricna  
nalapunos da iti ladingit á nacana  
gapo iti caasic iti tao nga salioaoá.

Quet idi ta nalpas ti cararagna  
inna rini-ing dagti Discipulos na:  
bumañgon cayon ita turog á naiduma  
ta itan quet ditoy sumuñgadda  
dagti mangtilio á sisasagana.

Agpayso adda da idi arpad dan  
daguiti soldados á di mabilang,  
Escribas qñ Fariseos ti cacuyogdan  
quet paluño da á mañgidalan  
ni Judas Iscariote á caguliban.

Daytoy insigodna á imbagá  
cadaguidi nadangcoc á cacuyogna  
á ti taonto nga agcanna dita  
iso ti dida ingraran á tilioenda  
ta iso ti Jesus á sapulenda.

Quet idi umadani dagtoy nadangcoc  
á si-igam da iti nacaquigquigtot  
nagsaludsod cadacuada ni Jesus:  
jasino ti sapulenyó ditoy á suquisoc  
ta igam man dagti incay intugot?

Simmungbat da Quencuana:  
ni Jesus Nazareno, conada;  
quet ni met Jesus quinonana:  
“Ego sum”, siac ngarod no casta,  
quet dagdi nagbiroc natuang da.

Napucac daguiti ricna da  
ta bileg ti Dios ti nangicasta  
tapno bigbiguenda't pannacabalin na  
quet idinton ta caasianna ida  
pimmulang met la ti quireda.

Bimmangon da met la amin  
ngm dida pinanunot daydi naaramiden  
a inted ti Dios a Mannacabalin  
tapno inda coma babaoienen  
daydi nadangques unay a gaguem.

Quet idi ta pinidua ni Jesus  
ti in cadacuada nagsaludsod  
no ania ti cayatda a sipupungtot  
sinungbatanda dita nga dagos:  
ni Jesus Nazareno a masnoc.

Quinona cadacuada ni Jesu-Cristo:  
siac dayta Jesus Nazareno  
qt tilioendac lng no iso ti cayatyo  
ngm diyo iramraman dagti Discipulos co  
ta ilac-amco amin ida nga agpayso.

Ni nagulib a Judas dita  
immasideg quen Jesus a sitatalna  
quet dagos a inagcan inaracupna  
sa nagdaydayaoen a nagconá:  
"Ave rabbi," Maestro cablaaoanca.

Quinona quencuana ni Jesu-Cristo:  
"amice, ad quid venisti?" ania ti gagarayo?  
quet dimmuclos daguidi soldado  
ta iniggaman nga agpayso  
ta tilioenda a cas daques a tao.

Ni Pedro inasutna daydi Espada  
quet tinagbatna daydi maysa  
qt daydi lapayag ni Malco naisina  
quet ni Jesus idi maquitana't casta  
dagos a ni Pedro tinubengna.

Conana: Pedro, agtalinacan  
quet daytoy saoc tandaanam  
a ti mangpapatay iti igam  
igam met la ti innanto pacatayan  
qt no mangutangca iti biag incanto mt bayadan.

Siac no cayatco coma ti lumisi  
itoy rigat qn tooc a manappitappi  
ayabac coma dagti Angeles a umadani

tapno rebquenda toy lubong á natiri  
ngm saan tapno maisalacan quetdi.

Dayta lapayag á naisina  
naimbag no ipulang met la coma  
quet agpayso apaman á naidinna  
quimpet á cas met la idi cagagapona  
ta naquem ti Dios inguet asi na.

Sa quínona ni Jesus cadagdi tao:  
daques'ac aya ti panañgipagarop yo  
ta immay dac tinilio ñga agpayso  
á naruary ñga igam ti binalon yo?  
ania aya caniac ti ipabasol yo?

Cona pay ni Jesus á nasungdo:  
inaldao-aldao naguianac iti templo  
quet ñgaman pay á di coma iso  
ti nañgalaan caniac nangtilioanyo  
no pudno ñga adda basol co?

Rineppetda ditan á sirurungsot  
ni nasam-it unay á Jesus  
quet nagtaray amin daguiti Discipulos  
ta naquemda ti napaquigtot  
cadaguiti siigam á nadangcoc.

Ngem idinto ta madamdama  
nagtuquiad ni Pedro á nagbuya  
nupay adayo la daydi yanna  
tapno paliioen quitaenna  
ti banaguen piman ni Maestro na.

Quet idinto ta ipanda iti ciudad  
ni naDiosan á Jesus á nadayag  
simmurot met ni Pedro á siannad  
quet daguidi Fariseos quen Escribas  
nagbilinda á dumagasda quen Anas.

Daytoy Anas á masarita  
nag-pontifice met idi cua,  
catugañgan ni Caifas á nadamca  
iso ñga pontifice ñga agdama  
idi ñga ni Jesu-Cristo tinilioda....

Quet idi adda iti saño ni Anas  
ni Jesus á poon ti imbag  
nagsaludsod itoy naasi ñga Mesias  
no adino ti yan da iti daydi ñga horas  
daguiti cacanutongna á naoadoad.

Conana: itan ta addaca iti ima  
iti agtengngel iti quinajusticia  
;apaya iti binaybay-anda ca  
daguiti naruary nga agdengdengngeg qñca,  
no di quet ulbod ti isursurom cadacuada?

Al-al-lilaoem daguiti tattao  
cadagti ur-uray á iadadalmo  
ta maisaluñgasiñgda á pudno  
cadagti daan á insursuro  
ni Moises á inguet sungdo.

Qt iti casta nga aramidmo  
maaoatan á ti gaguem mo  
sica ngata ti mamaluño  
cadagti naruary á tattao  
á magargarim ita pañgiculbo.

Nalaiñg qt ni Judas  
ta nadlaona piman daras  
dayta panañgiculbom á nasicap  
tapno di mairaman iti rigat  
á di bumurong Qca ita á maisaad.

Dayta ti maysa á mañgipadlao  
á ti isursurom panañgal-lilao  
qt mamatida ita quinasalaoasao  
ta panunotda mt ti palaoapao  
á sumurot iti aniaman nga arimbañgao.

Ibagbagam cano á sica ti Mesias  
tapno nalacam ti mangpadaedac  
cadagti tattao á di agannad  
qt no Dios ca coma ;apaya á dica maucas  
dagta reppet mo tapno mabalinmo't maipatac?

Ni nasam-it á Jesus di lñg simmungbat  
cadagti macasair á balicas  
qt nagbilin ditan ni Anas,  
conana: ipanyo ala qñ Caifas  
daytoy mauyong á immayyo indatag.

Dagti mamasirib dagdi Judios,  
Escribas qñ Fariseos  
aguisaoañgda dita iti agcacabantot  
qt impanda á sibabalud ni Jesus  
iti balay ni Caifas á sumangcadañgcoc.

Qt idi maidateñgda ti Mesias  
iti balay ni naulpit á Caifas  
daytoy nagsaludsod qñ Jesus daras

maipanguep cadagti agoarnac  
á isursurona cadagti di agannad.

Simmuñgbat ditan á dagos  
ni nadayag unay á Jesus  
cona toy Apo á inguet anus;  
no Siac napatac ti panañgisuroc  
aoan la ti inlimlimedco á pulos.

Saludsudem la cadagti tattao  
dagti innac cadacuada isursuro  
tapno isoda ti mangipalaoagto  
no adda maisupadi iti linteg á pudno  
oenno macaited ririboc oenno quil-lo.

Idi maisao ti casta ni JesuCristo  
tinungpa daydi maysa nga tagabo,  
quinonana: ¿casta ti isungbat mo  
iti pontifice nga nañgato  
no adda coma bassit á bain mo?

¡Oh tao! uray asino ca man,  
panunutem ala ti cas-ang  
ti casta nga inda ipalac-am  
qñ JesuCristo á casam-itan  
ta iti rupa na inda inimaan!!

Idinto ta ti Dios unay á nadayag  
isona la á quinonana nga insuñgbat  
no daques ti sinaoc, inca ala ibatad,  
qt no pudno da qñ naimbag,  
¿apaya á casta ti inaramidmo caniac?

Daydi nagamrang á timmungpa  
nga iti saclang ti turay di immaripapa  
di laeng naguni metten dita,  
castamet á dina la dinusa  
gapo iti lucsao da qñ Jesus á cagurada.

Daguidi nagulib á Fariseos  
qñ Escribas á nañgidarum qñ Jesus  
nangtulagda iti sacsi nga agulbod,  
ñgem daguitoy dida met agtutonos  
iti palaoagda coma nga naurnos.

Quinona daguidi dadduma á sacsi:  
daytoy á Jesus imbagana idi  
á tuañgen ti Templo á nataraqui  
tapno iti las-od tal-lo nga aldao inna isubli  
no di quet tao daytoy á natiri.

Quet iti uray daytoy á palaoagda  
di pay la agtutunos dagdi sacsi da,  
nupay casta ni Caifas nagsaó dita'  
jaolan la ti isungbatmo uray ania  
cadaguita amin á idarumda Qca?

Iti nagan ti Dios á sibibiag  
isapataanca nga inca ibatad  
no pudno á Sica ti Mesias  
oenno Cristo nga anac ti Dios á nagasat  
á ururayen idin á nabayag.

Simmungbat ni Jesus á nasungdo,  
quinonana: Siac dayta inca sinaó  
quet maquitayonto ti Anac ti tao  
nga agtutugao iti macanaoan ti Dios Apo (1)  
nga aggapo lañgit nga umay ditoy daga mañgocomto.

Daguitoy á saó idi mañgeg ni Caifas  
caoes na daguiti inna rinay-ab  
tanda ti pungtot na á gumilayah,  
quinonana: nagbassaoang iti napatác,  
cas natimodyo met á cas caniac.

Iso ti gapon na nga di masapulen  
dagti sacsi nga agpalaoag pay laeng,  
anansata mabalinyo á iqueddeñg  
ti dusa na quetdi nga rumbeng;  
quet simmungbat ti Consejo: "papatayen."

Idi castan ti impuccaoda  
maysa maysa ti cumabil dita  
quen Jesu-Cristo Dios á nañgina  
adda dumanog, adda cumugtar, adda tumungpa  
quet, no mabalin la coma, sidaenda.

Nagrarañgasanda ni Jesu-Cristo  
nangrona cadacuada ni Malco  
ni Malco idinto ta iso daydi tao  
á ti lapayag na impulang á pudno  
ni nasam-it á Jesus nga Apo tayo.

Gapo iti napuyatan dagtoy nadaoel  
quet ti horas natalna unayen  
cadagti balbalay da inda nagaoiden,  
quet ni Jesus intalecda nga imbatin  
cadagdi guardias dita á nalaing.

---

(1)—Agtutugao iti macanaoan ti Dios caipapananna  
ti dacquel á bileg qñ pannacabalin.



Inraquedda ni Jesus á nafigina  
iti maysa nga adigui idi siroc á nalaoa  
daydi palacio ni Caifas á sacerdote da  
quet daguidi agbantay á imbatida  
nagpatnag dita ni Jesus á rinabrabacda.

Ti napateg á rupa ni Jesus inabbonganda  
iti lupot á nalaos ti ruguitna  
sada tupraan, sintoquen, tungpaenda  
quet inda pay pagpadlesen dita  
no asino ti quimmabil Quencuana.

Conada pay: daytoy aguin-ari;  
anansa coma ta maicari  
á iccan tay coma quetdi  
iti balañgat quen cetro á nasudi  
uray si-it quen taguinting á narasi . . . .

Naruay pay quet nadumaduma  
daguiti tooc á impasagaba da  
á diac mailanad, cas rebbengna,  
ngm no daguidi impalacamda Qña  
nacaalalinguec, aoan pada na.

Rabi-i daydi á cangronaan  
iti pait, liday quen cas-ang  
ta ni Jesu-Cristo, Dios á pagraeman  
pinagbalinda nga aoan capapaayannan  
ta nasursuroc, ngem sairo dagdi nangdusan.

¡Oh Dacay amin á parsua  
tattao, Angeles, lañgit quen dagá,  
caycayo, danum, taao quen dadduma!  
¡mabalinyo nga buyaen ngata  
dagti tooc ni Jesus á sagabaenna?

Castamet á saludsudenyó  
no ania ti napaypayso á gapo  
ti casta unay á pannacatotooc ni Jesu-Cristo  
ta aoan sabali no di ayatna á napalalo  
tapno maisalacan la coma ti tao.

#### PANAGLIBAC NI PEDRO

Iti daydi rabi-i á nadaguensen  
á ni Jesus daydi aguitureden  
cadagti saludsad qñ saó á barengbareng  
idi balay ni Caifas á tuggareng  
lam-ec mt daydi nacana á ricnaen.

Gapona nga iti saño daydi balay  
nagpoor da iti di narayray  
tapno aguinnode daguidi agururay  
iti banaguen daydi naiparasay  
á maaramid dita á nacalidliday.

Ni Pedro á simmurot qñ Maestro na  
tapno paliioenna ti banaguenna  
nupay dacquel daydi butengna,  
simrec met idi patio á yanda  
dagdi aguinnode qt immabay cadacuada.

Quet idinto ta maquita  
daydi baba-i met dita á maysa  
quinona daytoy: no sica ammoca  
tao daydiay Nazareno á insaclangda  
gayyem á cacucuyogna ca.

Ni Pedro á nacamod iti casta  
immapay ti dacquel á butengna  
quet dagos la nga sinungbatanna:  
saan, diac amammo dayta,  
quet nalabit maal-lilaoca.

Idi maisaona ti castan  
timmaraoc daydi caoitán  
quet daydi sarita naiaoaan  
ta ni Pedro timmacder ditan  
á cas saad ti agpalpalioan.

Quet idinto ta madamdama  
adda man judion á maysa  
quinonana: sica, gayyem, caduanaca  
daydiay Jesus á pagsalsaludsudanda.  
quet cona ni Pedro: diac ammo dayta.

Iti daytan ado ti immadani cadacuada  
quet conada: oen, daydiay caduanaca  
ta dayta bengñatmo nga agsarita  
iso ti mañgipanecnec mañgibagá  
ta galileo ca á cas quencuana.

Idi castan quimmaro ti buteng  
ni Pedro á puso na idi ti natangquen  
gapona nga impapilitna laeng  
qt dita sinapsapataanna payen  
á ni Jesus dina amammo á pulosen.

Apagyebcas na daydi sapatana  
nagtaraooc daydi manoc dita  
qt iso metten ti pannacquitana

nga ni Jesus nanipod iti daydi yanna  
ni Pedro piman tinaliaona.

Idi ta castan naipalaguip qña  
daydi sinaó idi ni Maestro na  
quet iti saquit ti naquem na  
rimmuar á immadayo dita  
qt nagsaagit iti napait á lulua.

Casta ti inaramid ni Pedro á nagasat,  
basol na ti binabaoina't daras,  
ngm naiñget unay, saan á rabrabac  
ta curangna la ti mapugsat  
ti aages na idi saibbec nga aoan pumadpad.

Sangsaagit aoan ti pada  
ti inaramid ni Pedro dita  
ta nairot ti panagbabaoi na  
iti daydi naalas á panañgilibac na  
á dina amammo ni Maestro na . . . .

Quet idinto ta cabigatan daydin  
nagtipon da iti balay ni Caifas manen  
daguidi amin á mañgirurumen  
quen Apo Jesus á daydayaen  
ta patay nan ti inda iqueddeng.

Iti daydi Sanedrin á nagtitiponanda  
ni Jesus manen pinatbagda  
no patalguedanna daydi saó na  
nga Anac ti Dios á quinonana  
qt simmungbat ni Jesus: oen, incay nasarita.

Quet idinto ta mañgeda ti casta  
namimpinsan da á nagcona:  
iti patay iso ti caicarianna;  
qt ni Caifas nagbilin dita:  
ipanyo qñ Pilato tapno itnagna't sentencia.

Impagnada ditan nga agpayso  
ni naanos unay á Jesu-Cristo  
tapno inda aoaten quen Pilato  
ti queddeng á pait na ti nacaro  
á panangpapatay da nupay di mainumo.

#### PANAGBECQUEL NI JUDAS ISCARIOTE

Ni Judas idi maimatañgan na  
ti pannacairurumen á nacaba  
ni naimbag á Jesus á Maestro na

nagpanunot quet quinonana:

ti aramid co nacasang aoan pada na.

Conana pay: naimbag no ipulang  
daytoy pirac á innac nañgilacoan  
iti Dios co á caduduñgoan

quet agpayso saan á nagtantan  
napanen quet dagos simmaclang.

Quinonana cadacuada: oh agcacañgato,  
umayco ibabaoi ti inaramid co  
á panañgilacoc quen Jesu-Cristo  
quet addaytoy amin tay pirac yo,  
agraman Escritura á finirmaantayo.

Fariseos qñ Escribeas simmungbatda:  
nay, Judas, saan á mabalin ti casta,  
ti nalpas á tulag saan á mabuca  
ta di cam ubbing á naquigatang qca,  
cucua min ti binayadan mi, qt pumanaocan ala.

Ni Judas idi mañgegna ti casta  
nacusocuson daydi naquemna  
qt idi simbaan ti napananna  
ta daydi pirac ditan impuroacna  
ta conana: ¿pagan-anoc pay dayta?

Ammona á daques ti inaramidna  
ñgm dina mt babaoyen á saquiten ti naquem na  
tapno pacaoanen mt la ti Dios coma  
ñgm nagbecquel qt ti napanunotna  
tapno manungpalacon, quinonana.

Iti ruar ti paguilian tinuroñgna  
qt immoli iti cayo á maysa  
siniñgdananna daydi teñgñgedna  
ta nagbecquel ditan, qt daydi bangcayna  
sinda dagti tumatayab nadumaduma.

Daydi tian na idi á bimtac  
bagbaguisna ti naioarsi naipororoac  
qt daydi cararuana á dacsangasat  
naipan sadi infierno á nacaamamac  
tapno matotooc ñga agnanayon, di mababas.

Dina la piman napanunot  
á dagti basbasol uray casaño da iti bantot,  
no iararao á babaoien ida qñ Apo Dios  
pammacaoan na ti inña iannugot  
ta asi na ñgarod ti di mabubos.

--368--

Qt idi maammoan daguidi Judio;  
á ni Judas imperoacna daydi pirac iti templo  
quinonada saan á mainumo  
á dayta á pirac ilaoc iti tesoro  
ta naalas unay nga agpayso.

Iti qt runbeng quencuana  
igatang iti sangcadisso á dagá  
tapno daguiti gangannaet ti pacaipaayanna  
á pacaitabonan ti matay cadaacuada,  
tapno dayta á pirac adda pacaicanna.

Gapona nga Haceldama ti impanaganda  
iti dayta masasaó nga guinatangda  
iti tao nga agararamid iti banga  
iso nga olleró nga conada  
daguiti agsasao iti quinacastila.

PANNACAIISACLANG NI APO TAY A JE-  
SUCRISTO QN OCOM A PILATO.

Daguidi agcacaupit á Judios  
Escribas dita qñ Fariseos  
tabtabbaaoenda ni Jesus  
á insaclangda nga dagos  
quen Ocom da á ni Pilatos.  
Conada: adtoy á yegmi qca  
daytoy tao á mañgibagbagá  
nga Anac cano ti Dios á maymaysa  
qt sana pay ipapati-ioaroará  
nga Ari daguiti tattao iti Judea.

Quet maipoon cadaguitoy á saó  
pilit á maririboc daguiti tattao  
ta al-lilaonna ida nga iculbo,  
anansata urayenmi ti pangngeddengmo  
tapno papatayen comá, cas mainumo.

Ni Pilatos simmungbat cadaacuada:  
oen, papatayen no caicarianna.  
ngm isardengyo pay ta ungetyo Qña  
ta agsaludsudac pay á omona  
ta ti natacneng á linteg casta't conana.

Iti casta nga insungbat ni Pilato  
cas nabainan daguidi Judio,  
quinonada: no aoan basol toy tao

dicam idarum ita biang mo  
ta natacneng cami á di mañgiculbo.

Ni Pilato cadacuada sinmungbat:  
ita pateg qñ tacnengyo siammoac  
ngm sináo ti linteg ti pagsurotac  
tapno iti bilipna nga nacanata  
ti tungpalec á maalagad.

Anansata agtalna, aguraycayo  
ta agsaludsodac, cas mainumo,  
;no asino nga Ocom ti nañgipato  
á rineppet quen quinabcabilyo,  
sacay inyeg ita ditoy yan co?

Conayo á babacnang cayo á natacneng  
qt casta man ti incay aramiden  
á dicay nagpannuray coma pay lñg  
iti ocom coma Qña á mañgeddeng  
iti sacop ti Roma á daydayaoen?

Nasingpet, naemma daytoy tao  
iti adda Quencuana á mabigbigco;  
nupay casta, ala man ipalaoagyo  
;no ania ti basolna á conayo  
á casta la unayen ti uñget yo?

Daguidi siuñget á nañgidatag  
quinonada: daguitoy sumaridat  
isoda ti basol á lingac  
daytoy nga mañgipadacdac  
iti nauneg unay á panagsicap:

Daytoy á tao aguinnanacman  
tapno ado daguiti mailao-an  
á maaois quen maayayohan  
á sumurot Qña iti dalan  
á sumaluñgasing iti pagalagadan.

Daguiti isursuro na pasig á ururay  
maiduma, maisupadi la unay  
cadaguiti linteg á nadarisay  
á inted cadacam impaay  
ni Moises á naisagsaguday.

Daguiti mapasurot nan naruay  
ta naimbag á manglinglingay  
cadaguiti saó na nga naalumamay,  
ngm mañgiculboda á mañgilumay  
cadagti di agpanunot, cas maipaay.

Daguiti tattao inna sulsulboguen  
á buis da ti di can itden  
qñ Cesar Tiberio á daydayaoen  
quet, iti casta saan á rumbeng  
á dayta aramid na di tubñgen.

Ioaroarnacna pay á sasaoén  
ñga iso can ti ari ti Israel  
á iso can ti Mesias á ur-urayen,  
quet daytoy á tao dicam duaduaen  
ti casasaadda á di met natacneng.

Dacami saan cam ñga agduadua  
á ti Mesias no dumteng ti yaayna  
ado ti pacdaarto á pacpacaona na,  
quet daguitoy aoan pay naquita  
¿di cad maaot á tiri daytoy ti saóna?

Ammomi daguiti cacabaguianna  
castamet daguiti naganac Qña  
napanglao unay ti biag da,  
quinaal laoagui la ti pangguedan da  
aoan met madamag á nagsursuroanna.

Profeta cona met coma Qña  
no adda ammo coma á sursurona  
ñgem aoan pay ñgarod agpapan ita  
ti profeta á limtuad idiay ili na  
ta daytoy napalalo ti numo na.

Idi matimod ni Pilato dayta  
ni Jesu-Cristo nagsaludsodanna:  
¿daguiti Judio ari da ca aya?  
simmungbat ni Jesus: oen quinonana  
pudno dayta sinaom á casta.

Conan Pilato: ¿apaya á idarumda ca  
daguitoy agquiddao á papapatay ca  
no pudno met la á sica ti arida?  
¿ania met ti pudno á casasaadmo aya?  
¿Dios ca ñga agpayso oenno táo ca?

Ni Jesu-Cristo simmungbat dita:  
saanac la á taò ñga cas quencia,  
quet ti pagariac saan á ditoy daga  
no di idiay lañgit inguet ñgato na,  
ñgem patay co laeng ti daoatenda.

Quinona manen ni Pilato:  
¿ari ca ñgarod á napaypaysol  
quet simmungbat qña ni Jesu-Cristo:

lañgit ti nañgitalucatic ita saó  
ta tumutop á insaoangmo.

Dayta ti gapona nga immayac  
dito dagá tapno mayanacac  
tápno ti pudno iso ti panecnecac  
quet daguiti sumurot iti pudno, nalaoag,  
á isoda ti napaypayso nga iturayac. (1)

Cas di naaoatan ni Pilato toy á saó  
ta quinonana: jania ti pudno?  
sana imbagá cadaguidi Judio:  
aoan masaracac á basol toy tao  
tapno malais iti linteg qt papatayenyo. (2)

Napalalo ti gura daguidi Judios  
iti casta á cona ni Pilatos  
conada pay quet á ni Jesus  
ti ocom innansa quet tinaguiroot  
cadaguiti saó na á pañguy-uyot.

Gapona á ni Pilato patupequendan  
iti saó tapno pilit á ni Jesus padusanan-  
ta conada mangririboc iti paguilian  
idinto ta nanumo á tao ta capanglaoan  
iti Galilea nga pagturayan.

Idi castan nagsaludsod ni Pilato  
quen/ pabasolenda á Jesu-Cristo  
no pudno nga iso Galileo  
quet: oen quinona ni Apo tayo  
táo'ac sadiay nga agpayso.

Ni Pilato nabang-aran ti puso na  
quet cadaguidi Judios quinonana:  
sres, daytoy tao saan á siac ti agturayna  
ta ni Herodes ti aquinsacop qña,  
anansata iso ti pañgipananyo ala.

Malucsao daguidi Judio  
ta di pay la quedñgan dita ni Pilato;  
quen Herodes impanda ni Jesu-Cristo  
quet ni Herodes adda met idi á tiempo  
sadi Jerusalem ta naquipascua cano.

Quet idi á ni Jesus maisaclangda  
quen Herodes nga ari ti Galilea  
nalaos daytoy ti ragsac na

---

(1)—Omnis, qui est ex veritate, audit vocem meam.

(2)—Ego nullam invenio in eo causam.



ta nabayag idin á madamdamagna  
á ni Jesus milagro ti araramidenna.

Gapona binugtacna nga dagos  
daguidi Judios á nañgitulod  
conana: jaon man asi yo á pulos  
itoy tao á inguet anos  
ta quinabcabilyo á sibabalod?

Nagcorona, nageetro idi trono na  
sa nagsaó qñ Jesus á sinañgona:  
yamanec ta itan agsarac ta  
ta cayatco ti cumita coma  
iti milagrom uray maymaysa.

Nadumaduma ti nangnañgegco  
á nacascasdaao inaramid mo,  
anansa coma ta ipabigbigmo  
ti conada nga pannacabalin mo  
tapno mamatiac nga agpayso.

No tungpalem toy á ibagbagac  
itdec met quenca ti pagsupapac  
ta uray cagudua ti pagariac  
mabalinco quenca nga yaoat;  
ita mt ipabasolda Qca inca mañgabac....

Ala comã sumungbatca  
cadagtoy innac Qca isarsarita . . . .  
ñgem ni Jesus aoan dita ti uni na  
ta saan á rumbeng Quencuana  
daguidi saó nga mañgegna.

Gapo iti casta cona ni Herodes:  
daytoy tao impatoc no nasingpet,  
ñgm itan, agpayso innac mapnec  
á mauyong quen macapauñget  
ti cababalin na á nadangques

Anansata ditan pinacaoesanna  
iti napudao á pangrabrabac Qña  
sana imbilin met la nga isublida  
iti biang ni Pilato tapno itinnagna  
ti pagarupenna á maipaay á sentencia.

Imbilinna pay ti inna pannaquiamo  
idi panagguinnurada quen Pilato;  
qñet daguidi nadaoel á Judio  
guinuyodda á impagnan ni Jesu-Cristo  
ta ganatda unay ti napalalo.

## PANANGISUBLI DA QUEN PILATO.

Quet idi maisangpetda qñ Pilato  
ni naanos unay á Jesu Cristo  
conana: ¿apaya manen á inyegyo  
idinto ta sinaccon cadacayo  
nga aoan, pilaoec iti daytoy tao?

Inintuodco cadacay á babacnang  
daguiti conayo á pangpabasolan  
quet aoan met innac nasaracan  
á umiso Quencuana á pangpattugan  
cadaguiti linteg á pagalagadan.

Gapona tapno mapneccayo  
idiay arina pinaipanco cadacayo  
tapno iso la coma ti macaammo  
á mañgeddeng coma iti mainuino  
quet pinaisublina met itoy biang co.

Quet agsipod iti aoan maquitac  
á basol toy tao á pangdusaac  
mapanunotco nga naimimbag  
no baguinan ti ibbatac  
ta casta't linteg á nacanatac.

Daguidi Judios simmungbatda:  
no coma no aoan basolna  
dicam coma daoaten quenca  
ti naiñget á pannacadusa  
toy tao nga iti ili riribocquenna.

Quinona met dita ni Pilato:  
adda iti cadaoyan á sursurotenyo  
á iti Pascua iti tinacoen ibbatanyo  
ti maysa nga balod á tao,  
anansata ibbatantay ni Jesu-Cristo.

Daguidi Judios simmungbatda:  
pudno nga no castoy á Pascua  
ibbatan ti balod á maysa,  
ngem dicam cayat á ni Jesus ita  
ti maibatanan ta daoaten mi ti patay na.

Caycayatmi á ni Barrabas ti ibbatan  
nupay nadangques á napeclan  
ta basolna cadacam ti nalaglag-an  
ngm iti daytoy mangrriboc iti paguilian  
qñ tapno turay ti Roma ti di madangran . . .

..369..

Ni Pilatos dina sinungbatan ida  
ta panunoten na ti aramidenna  
quet iso metten ti pannacaurayna  
iti pinaibaga ni Procle nga asaoa na  
á dina biañgan ti panguap ni Jesus coma.

Natagtagainap naparparmata na  
nga ni Jesus, tao nga aoan basolna  
anansata pinaibagana qñ Pilato ita  
tapno saan á mailaoan á mangsentencia  
iti macaited Qña iti dusa . . . .

Ngem daguidi Judios inda ululitan  
á ni Barrabas ti maibbatan  
quet ni Jesus ti pilit madusaan  
quinonada qñ Pilatos: ilanzam, ilanzam  
dayta macariboc iti paguilian . . . . (1)

Ni Pilatos napali-ionan  
á daguidi Judios á nagamrang  
ni Jesus dida laeng ingranan,  
napanunotna á quinedngan  
ti dusa á nacaapaprang.

Conana: tapno mabaoasan ta gura yo  
alaenyo á sapliten ni Jesu-Cristo,  
quet apagdengngeg daguidi Fariseo  
innalada á inracos ni Jesu-Cristo  
iti adigui sa sinaplit dagdi verdugo.

Casta unay ti pananggagarada  
ta manipod olo inggana iti saca  
napidipid, nagsusucot ti saplit na  
quet dagti laslasag nasayyasayya,  
nagbalin á maymaysa á sugat daydi bagui na.

Amin nga adda sadi langit  
padapada da ditan nga agsangsangit  
iti casdi piman á pannacasaplit  
ni na-Diosan á Jesus á nasam-it  
á inruba unay ti quinaulpit.

. . . . .  
. . . . .

---

(1)—Crucifige, crucifige cum.



Naminano á nagluncos ti añges na  
ni na-Diosan á Jesus á sinaplitda  
quet idi maumadan á mangdusa Qña  
binucaanda daydi pannacairacos na  
quet dagos á natuang, napasag iti dagá.

Qt idi macabañgon toy nasam-it  
naguin-inayad nagardang sagbabassit  
innalana daydi inucsobda á caoes  
ta pinagpunasna piman iti ling-et  
sana incur song nupay apagbi-it,

Apagbi-it ta dagdi nadamca  
á Judios inguet ranggas da  
adda manen napanunotda  
á inda qñ Jesus pangdusa  
qt daydi caoes manen inucsobda.

¡Oh! tao inca man ala panunoten  
no casano dita ti sagabaen  
ni Jesus, Dios á daydayaoen  
ta idi caoes na ti inda ucsoben  
quimmuyog dagdi lasag á quimpeten.

Agtabtabbaao dagdi naranggas  
qt iti daydi caoes inda insucat  
ti nalabaga á rutrot, naruguit, naalas

sada pinagtugao iti banco á narucop, maracracao  
tapno imamecda ti si-it á balañgat.

Impaigguemda mt Quencuana  
ti tanabog ti taguingting á cona  
ta iso can ti pannacacetrone  
ta rabrabaquenda nga sinin ari conada  
qt agparintumengda á cumablao dita.

"Ave rex Judeorum: conada,  
ti Dios aluadanna lng coma,  
joh! ari dagti Judios á nañgina,  
ta casta piman ti cayatmo ngata,  
patotooc cadagti Judios á inguet damca!

Sinsintoquen cabcabilenda  
nga cas aoan capapaayanna  
pagpadpadlesen rabrabaquenda,  
qt idi maquita ni Pilato ti casta:  
ioliyo man ditoy, quinonana.

Qt idi maiolida ni Jesucristo  
impatan-ao ni Pilato cadaguiti tattao  
sana quinona dita á sinao  
ti nabagas unay nga: ECCE HOMO,  
adtoy ti tao á dusdusaenyo.

Daguidi naruay á nacabuya  
immicquisda nga nagarioaoa  
tol-le, tol-le, crucifige eum, conada  
pailansam ala di maitungcua  
dayta tao nga salioaoa.

Quinona cadacuada ni Pilato:  
japayapay á pailanzayo ti ari yo?  
qt simmungbat dagdi Judio:  
no ti ari mi á maymaysa qñ pudno,  
saan á dayta ta ni Cesar Tiberio.

Idi capnecan unay ni Pilatos  
daydi siguiguilayab á pungtot  
daguiti natabilang á Judios  
naquem na piman ti sidudocot  
gapona naquisao manen qñ Jesus:

Gayyem co unay, siammoca  
iti napalalo á ungetda Quenca,  
anansata saoem ti pudno ala  
no adino ti ilim tapno ibbatanca,  
ammom met toy pannacabalenco ngata.

Simmungbat ni Jesus quinonana:  
dayta pannacabalin nga adda qca  
aoan sabali no di laŋgit ti naggapoanna,  
anansata icutam ala, cas rebbeng na,  
dica ituloc nga agpalaloda qña.

Ni Pilato mālagaoan ti ñaquemna  
quet nagtugao idi Lithostrotos á cona,  
sa cadaguidi Judios quinonana:  
ti ari yo quitaenyo man ita  
ti nacalcaldaang á banag na.

Simmungbat qña daguidi Judio:  
bumiddotca ita panagsaó  
ta ti ari mi ni laeng Tiberio  
quet nó maammoan na, agpayso,  
á gura nanto quenca ti mauraymo.

Nagbuteng dita ni Pilato  
quet saanen á nacasaó;  
sa nagpaala iti danum ta agbuggo,  
paŋgipaadatna cadaguidi tattao  
nga aoan ti basbasol na cano.

Conana: no siac aoan aoan basol co  
iti panagpatay yo itoy tao  
ta ibbatac coma ti panguap co  
quet ni coma Barrabas ti patayenyo  
ta nadangques unay á pudno.

Daguidi Judios simmungbatda:  
oen, ni Barrabas ti maitdan oayaoayá,  
quet ni Jesus papatayen á ilanza  
quet accoen mi á basol ti dara na  
agpapan appo dagti appo, aoan inggana.

Castá ti panagcarí dagdi Judios  
quet agpayso icarcaroda á di maputpot  
inggananto iti daytoy lubong agguibos  
ta daydi gura da unay quen Jesus  
aoan la ti paŋgipadpadan á pulos.

Idi castan nagtugao idi sitialna  
ni Pilato ta itnagna ti sentencia  
ta napabutŋan ti naquem na  
quet castoy daydi inqueddengna  
quen Jesu-Cristo tapno yaoatna.

Siac ni ocom á Poncio Pilato  
iti turay ni emperador Tiberio:  
iti panangyasog caniac daguiti Judio

iti tao nga agnagan Jesus Nazareno,  
quedngac toy sentencia á sumaruno:

Agsipod iti mapaneenecan  
á daytoy Jesus á naisaclang  
ririboquenna ti paguilian  
ta balbalioanna ti cadaoyan,  
patay quencuana ti maituyang.

Quet iti dusa á pacatayanna:  
iti maysa nga cruz maipadeppa  
quet agtengnganto cadaguiti dua  
á mannanacao á mailanza  
iti bantay Calvario á cona. . . .

Idi daytan ti mañgeg daguidi Judio,  
rinabsotdan ni Apo tay á Jesu-Cristo  
imima nan ti inda pinuñgo  
quet impabaclayda Quencuana nga agpayso  
ti cruz á dagsenna ti napalalo.

Inoccoranda iti tali ti tengngedna  
cugtaran, danoguen, sipatenda,  
ti tagari dita aoan ti pada,  
quet adda met mañgipuccao, mañgioará  
iti naiqueddeng á castoy ti caipapananna:

Ni Jesus Nazareno á mañgibagbagá  
á daguiti Judio iso ti ari da,  
nagulib ta daguiti tattao iculbona ida  
á sumurot iti sabali á lintegna  
ta bilin ni Moises ti saluñgasiñgenna.

Ibagbagana met á iso ti-ari ti Israel  
quet iti casta maaolat á inna sigpen  
ti umagao iti turay á daydayaoen  
ni Cesar á maquinsacop iti Jerusalem,  
anansata dusa quencuana ti naiqueddeng.

Iti Calvario oenno Gólgota  
ti pagtungpalan pacailanzaanna  
iti nagbaetan dagti mannanacao á dua  
tapno pacapabutngan ti macaquita  
á tumultuladto quet quencuana.

Ipagnada á cuyoguen ni Jesus  
siaoit iti inguet dagsen á cruz  
á ti tadem ti iquingna naisugat á dagos  
iti abaga na á ti dara agararubos  
quet idi napacapuyen naidaramodom naigusugos.



Idi bumañgon iti pannacapasagna  
manayegteg daguidi sacsaca na  
sada piliten manen á mañgipagna  
iti daydi cruz inguet dagsenna  
cusayanda pay á cabilen iti nagagara.

Quet idi maysa nga langsañgan  
ado daguidi inna malabasan  
á babba-i á lulua da ti agarimayang  
ta asino man qñ Jesus ti macaimatang,  
saan á mabalin á puso na't di lumdaang.

Idi maquita ida ni Jesu-Cristo  
conana: saan á Siac ti sangsañgitanyo,  
no di met la daguita biang yo  
agraman daguiti annac yo  
ta lacamenyonto ti ladingit á nacaro.

Dinto bumurong ti aldao á nacana  
á daguiti Judios to piman caycayat da  
á cadaguiti bambantay magaboranda  
ngm iti nacaalalinguec á panagsagabada  
iti tooç quen paguel nga aoan ti pada.

Quinona pay ni Jesu-Cristo:  
no Siac pay ta aoan basol co  
castoy ti tooç á malacam co,  
casanonto cad quetdin ti caro  
ti sagabaen ti adda basolna nga tao?



Iti maysa nga iguid ti calzada  
naquitana ni Virgen Maria á inana  
agraman met cadaguidi quinacuyogna  
quet no casano ti naaramid dita  
di masurotan á saoén á isaggaysa. (1)  
Isona la ita nga ipalaoageo  
á cas matunao dagdi dua nga puso  
daguitoy ag-ina nga nasungdo  
ta nacaladladingit nga agpayso  
ti capayan ni Apo tay á Jesu-Criso.

Amin daguiti macabuya  
aoanan quen addaan man ricna  
padapada nga sumnec ti caasida  
malacsid daguiti Judios á nadamca,  
Fariseos qñ Escribeas á mangdusdusa.

Pacapnecan laengen ti quinacacaasi  
ni Jesu-Cristo á matotooc idi  
saan á naturayan ti maysa á baba-i  
ti nagsaracusoc piman á rimmubsi  
tapno idi yan ni Jesus macaadani.

Daytoy baba-i inguet gasatna  
pinunasanna daydi napateg á rupa  
ni nasam-it á Jesus ta naquitana  
á di mailasinen iti pannacaritorna  
cadaguiti tooc nga aoan ti pumada.

Ni nasingpet á Verónica  
á sipod ubing pay á maladaga  
manangngaasi á naiduma,  
iso daytoy baba-i á masarita  
á immadani itoy Namarsua.

Qt iti gunguna toy nagasat  
cararuana ti nacaragpat  
cadagti caasi ti Dios á naoadoad,  
qt daydi inna qñ Jesus panangpunas  
nacascasdaao aoan pumadpad.

Idinto ta tal-lo ti cupin na  
daydi abel á impunasna iti rupa  
ni Jesus unay á quinaasianna  
nailadaoan cadaguidi cupin á padapada  
ti rupa ni Jesus á nangina.

---

(1)—Sabalinto á disso ti pacabasaan á nalaing itoy á  
panagsarac da nga ag-ina.

Qt idi ta ni Jesus impagnada  
cas matunao ti puso ni Veronica  
iti daydi nacacaasi á quita  
ni JesuCristo á dusdusaenda  
á casla saan á tao ti pañgipapanda.

Qt idi ta iruarda ni Jesus  
iti daydi ciudad á nadangcoc  
arimbangao dita ti napalaos  
ta uni ti tambor qñ trompeta tj di agpugsot  
qt no ti tagari macapaquigtot.

Naminano daras á naiduquem  
ni Divino Jesus gapo iti dagsen  
daydi cruz á inna baclayen,  
sana maricna ti oáo qñ bisin  
qt cabatoan ti dalan sapay sangáten.

Maiparasisi maitublac dita  
qt daydi cruz cacuycuyogña  
qt no adda bassit á inaná na  
sa tumacder qt ipabaclayda Qña  
daydi cruz á inguet dagsenna.

Dagdi bato á inna nacaidumuduman  
nabati cadacuada ti ladaoan  
daytoy napateg á Nangisalacan  
qt agpapan ita dida pay naaoan  
tapno isoda ti pacalaglaguipan.

Mamaypayegpeg á umaddang  
daytoy Dios Apo á nasgang,  
ñgem ti tooc sagabaenna á icarigatan  
gapo iti ayat na á maisalacan  
ti tao piman á inna pacaipaayan.

Gapona á ti tao utangna  
á di lipaten daguiti sinagaba  
ni Jesus Dios á Namarsua  
ta maipoon la iti ayat na  
tapno ti tao aguimbag coma.

Ditay punasen iti laguip  
daydi naminano á inna imbisic  
“¿quid feci tibi?” ania’t innac inaramid  
tapno matotoocac iti naiñget?  
“responde mihi” sungbatam toy saludsudec.

Tunggal tao panunotenna ala  
no ania ti mabalin á isungbatna  
quen Divino Jesus á nañgina

ta iti laeng tao ti nacaipoonanna-  
dagti nacaal-alinguec á sinagabana.

Iti ruar met la daydi ciudad  
daguidi Judios inda immatap  
á di macadanon idi Golgota á saad,  
ta ni Jesusen dina maisacad  
daydi sagabaenna nga nalaos á rigat.

Gapona nga inda pinatuloñgan  
nga aguimet idi cruz á cadagsenan  
daydi lalaqui á inda nasaracan  
ta tapno innanto mt la baybay-an  
no ni Jesus ta mapauñgaran.

Agpayso sinublatan ni Simon Cirineo  
nga ama da Alejandro qñ Rufo  
á Discipulos mt la ida ni Jesu-Cristo  
ngem apagbibi-it mt laeng, apagcanito  
ta daydi cruz bantot na ti napalalo.

Inanosan ni Jesus á indanonen  
idiay bantay Calvario á nasaém  
á iso daydi bantay Moria mt laeng  
á pañgidatonan coma ni Abraham qñ Isaaken  
no daydi Angel dina coma tinubeng.

Quet idi ta madanonna iti Gólgota  
linabosda qñ Jesus daguiti caoesna  
quet nañgabaroonan manen Quencuana  
daguidi nagcacamang á sugat na  
ta maipapilit piman á masair da.

Nupay casdi unay ti sanaang  
daydi maricna ti Nañgisalacan  
di laeng nagtimec apagapaman  
nga dipay simmardeng dita piman  
ti nacaro á inda ipalac-am.

Napanunot da á painumen dita  
iti arac, apro quen mirra  
ngem idinto ta ni Jesus maramananna  
dina cayat á ininum dayta  
quet dida met impapilit Quencuana.

Quet idinto ta maabotánda  
daydi cruz á pañgipadeppaanda  
daytoy naanus á Jesus imparabaoda  
quet immona nga inlanzada  
daydi macatiguid á ima na.

Quet gapo iti di umabot  
daydi macanaoan iti daydi abot  
binennatda quet pilit nasulnot  
daguiti tactaquiag ni Jesus  
á cas biagna ditan ti mauyos.

Idin ta mailanza daguidi imima  
insublatda met daguidi saccaca  
sada pinacleb iti dagá  
tapno ipiconda daguiti lanza  
quet naigusogos manen daydi rupa.

Daguiti tumeng quen imima  
ta naerteng daguiti ururatda  
pulos á dina magunay ida  
á maipoon iti bileg ti damca  
daguiti tattao á mangtotooc Quencuana.

Quet idinto ta casta't sagabaen  
ni nasam-it á Jesus á daydayaoen;  
iti tao á ispalenna diman agquir-in  
iti panagpaternecha iti barengbareng  
á pampanunotenna nga aramiden?

Idi castan daydi cruz binañgonda  
ta iti abot iso ti pañgipatacderanda  
quet iti pigsá ti pannacairusodna  
nagariguenguen daydi baguí á nañgina  
quet nabriat amin á ururat qñ tulang na.

Idi ta iti cruz napatacderda  
inlanzada mt dagti mannanacao á dua  
qt idi yan ni Jesus pinagsinnungbañgirda  
tapno daguiti macaquita conada  
á ni Jesus palungo dagti nadamca.

Daydi caoes ni Jesus á nadayag  
nagbibinglayan dagdi Judios á uppat  
á nagamrang di lñg nagamac  
á cadagdi ima ni Jesus nañgbenbennat  
qt dagdi dait inda sinaratsat.


Ngem daydi napateg á Túnica  
nga aoan á pulos ti nagdaitanna  
dida bininglay ta quinailalaanda  
qt sinugalda tapno ti adda gasat na  
iso ti mañgala qñ agtaguicua qña.

Ado cadaguidi adda dita  
rabrabaquenda ni Jesus qt conada:  
sica nga aguin-diDios á nagcona idi cua

-379-

á ti tal-lo nga aldao ipulangmo ti templo á marba  
dayta baguim ispalmo coma iti rigatna ala.

Ni Pilato pinaisaadna ti ROTULO  
á uppat á letra I. N. R. I. nagsasaruno  
á no basaen: JESUS NAZARENO  
nga ARI daguiti JUDIO  
qt daguiti Judios ringorda ti napalalo.



Ngm ni Pilato dina la pinaiccat  
ta conana ti naisuraten naisurat  
quet di laeng naisupiat  
daguidi Fariseos quen Escribas  
daydi cayatda coma á mapunás.

No pudno á ti Dios Anac na ca,  
ala ita cruz bumabaca ala comá  
ta tapno dacami patienda ca  
yantañgay qt dagti tattao conada  
nga isalsalacanmo can dagti dadduma.

Ngem ni Jesus á nasungdo  
agdaodaoat iti Dios á nadungño  
conana: Amá, pacaoanem dagti tattao  
ta aramid da ti dida ammo  
nga iti cararuada coma mainumo.

Daydi manñanacáo á maysa  
† mangrabrac met qñ Jesus ta conana:

no Anac na ca ti Dios ala lumapsotca  
quet ilapsotna cam met comá  
itoy pacatoocan tay á padapada.

Daytoy babalaoen daydi maysa  
conana: ¿apaya á casta ti conam Qña  
dica man agbuteng iti Dios aya?  
datá caicarianta ti madusa,  
ngm daytoy aoan á pulos ti basol na.

Quet idi maisaó ti casta ni Dimas  
iti daydi cadua na nga Gestas  
timmaliao qñ Jesus á nañgibatad:  
daoatco, Apo nga laglaguipen nac  
no addaca iti pagariam á nadayag. (1)

Iti daytoy napacumbaba nga saó  
á binuyogan ti panagbabaoi á pudno  
cadagti amin á basbasol nga ado  
sinungbatan ni nasam-it á Jesu Cristo:  
ita umaycanto caniac idiay nailańgitan á Paraiso.

Iti baba met la daydi cruz  
adda ni Virgen Maria á iti ladińgit silalapunos  
quet quinona quencuana ni Jesus:  
“Mulier, ecce Filios tuus”  
addayta ti anac mo á situtuloc  
á iso ni Juan á inguet anos.

Quinonana mt qñ Juan Evangelista:  
addayta ni ina'm: “ecce mater tua,”  
quet ibilbilinco unay quenca  
á uray caano dicanto isina  
ti panańguycuyogmo quencuana.

Iti tengnga ti aldao á iso ti hora sexta  
nagsipńget iti aoan ti pumada  
qt nagpaot iti tal-lo nga horas dayta  
ta ti init quen dadduma á parsua  
imparangda ti nalaos á ladińgitda.

Quet iti pay cona dita ni Jesus:  
“ut quid dereliquisti me, Deus meus?”  
oh Dios co, ¿bayán nac man itoy á tooc?  
qt idi mańgeg ti casta dagdi Judios  
quinataoaanda iti macaparurod.

Saan á nabayag dita nagsaó  
ni siririgat unay á Jesu-Cristo:

(1)—Domine, memento mei, cum veneris in regnum  
tuum.—Luc-23.v. 42,

maoaoac, conana: "Sitio,"

ngem ti pacaoaoanna á pudno  
iti met la pannacaisalacan ti tao.

Daydi soldado dita á maysa  
usang ti imbabasana iti sucá  
iso ti inyugnay á ingao-at insubona  
quet ninanam piman ti Namarsua  
nupay napait ta iti apro linaocan da.

Quet idinto ta mainum na  
daydi naglaoc nga apro qñ sucá:  
"consummatum est" quinonana  
natungpal aminen á impadtoda  
daguidi agcacasingpet á Profeta.

Caudianna: "Pater," cona ni Jesu-Criston  
"in manus tuas commendo spiritum meum"  
Ama, yaoatco Quenca toy cararua'con  
tapno Sica quencuana ti macaammon  
iti napateg'unay á panañgipatom.

Idi ta maisao ni Jesus ti casta  
nagtunglaben ta simmina ti cararua na,  
nagsaluñgayngay metten daydi olona:  
quet dagup amin daguiti parsua  
nagladiñgitda dita á nangricna.

Daydi abbong ti tabernaculo it' templo  
nagpiguís á isisó nangruguí iti ñgato,  
nagguinguined nagtitim-og dagti batbató  
naguñgor ti lubong, ado ti naguñgar á tattao  
á rimmuar cadagdi tanemda nga agpayso.

Dagti bambantay cas da matuang  
nagcuyém dagti bitbituen quen bulan  
aoan parsua dita á di madanagan,  
ngm daguidi Judios á dacsan-gasatan  
isoda la ti di ñgata ti nangricnan.

Anansata ti di bumuyog á tao  
nga agladiñgit nga agpayso  
cadaguiti basbasol na nga ado  
mayarig, maipada cadagdi Judio-  
á nangtotooc qñ Apo tay á Jesu-Cristo.

Utang ti tao á pampanunoten  
á iso ti nacaipoonan laeng  
iti inayan ni Jesus á pinatotooquen  
tapno iti pannacaisalacan ti tao aoan macatubeng  
no basbasol ti pudno á inna babaoyen.

Daydi Centurion á turayen dagdi soldados  
nga agbantay dita quen silalanza á Jesus  
idi maquitana dagdi naaramid á nacaquigquigtot,  
quinonana: "Vere hic homo erat justus"  
pudno á daytoy natay: Tao nga Dios.

Ni San Dionisio Areopagita  
nga adda sadi Atenas idi maaramid ti casta  
idinto ta itneg pay la idi, quinonana:  
oenno daytoy luboñgen marba  
oenno ti Namarsua qña adda nga agsagaba.

Daguidi tattao dita á nagbuya  
sadi Jerusalem nagsublida  
aoan quet tagtagarida  
quet daguiti barucongda dandanoguenda  
ta sidadanagda unay ngata: . . .

Idinto ta malem á castan  
nagbilin daguidi Fariseos á cadaoelan  
nga luppo daguiti nailanza ti maetetan  
tapno di bumurong dita ti ipapataydan  
quet maiccat met ti duaduá dan.

Daguidi nabilin napanda idi Calvario  
quet idi capnecanda á natayen ni Jesu-Cristo,  
daguidi caduana á silalanza ti inetetanda iti luppo,  
quet idi matay daguitoyen nga agpayso  
napan ti cararua ni Dimas idia Paraiso.

Daydi capitan daguiti soldados  
nga agnagan iti Longinos  
tinudocna ti bacrang ni Jesus  
quet dagos quencuana á nagburayoc  
ti dara quen danum á nadalos.

#### PANAMACSO DA QUEN JESUS QUEN PA- NANGIPONPONDA QUENCUANA

Iti daydi á malem, agpayso,  
napan dimmanon quen Pilato  
ti maysa á nasingpet á tao  
dinaoatna ti bangcay ni Jesu-Cristo  
tapno pacsoenda á ipompon cas mainumo.

Ni Pilato aoan iquequedquedna  
á nañgipalubos qñ José de Arimattea  
á ti bangcay ni Jesus pacsuenda



quet nagyaman aoan ti pada  
toy Discipulo á natanóc qñ nasanicua.

Nicodemo ti nagan daydi cadua na  
quet nañgicuyogda cadaguiti masapolda  
iti panguép nga aramidenda  
agraman bangbanglo quen sávana  
á idi bangcay pamuñgonda.

Daydi nga inda pammacso  
iti napateg á bangcay ni Jesu Cristo  
impacada da met nga agpayso  
qñ Virgen Maria á nasungdo  
tapno masurot ti mainumo.

Ni José inagdananna ditan  
iti batog daydi ima á canaoan  
castamet daydi bañgir nan  
quet immona á linapsotdan  
daydi Rotulo qñ balañgat á caulpitan.

Daydi abel insarucangda  
idi nasantoan unay á bagui na  
sada sinucto daguidi lanza  
quet siraraemda á mañgibaba  
idi bangcay á inyaoatda qñ V. Maria.

Aoan pluma á macaiburic  
no casano ti nasaem á ladiñgit  
daytoy Vitgen nga agsasaibbec  
ta amin á parsua nga i-lañgit  
bimmuyogda quencuana nga agsañgit.

Cadaguiti amin á tattao dita  
aoan mt ti di agsañgit, silulua,  
nangrona da Juan Evangelista  
qñ naldaang unay á Magdalena  
ta cas marunao piman ti puso da.

Cona toy baba-i nga nagasat:  
oh Maestro, qñ Dios co á naayat  
¿casanonto pay toy cararua qñ biag  
no aoanca metten á maquitac  
á mañgisuro cadacam iti imbag?

Oh Dios co, ¿asinonto pay aya  
ti amañgan mi á daoatan liolia  
cadaguiti mapagtengmi qñ Marta  
no pacaducotan mi ti adda  
ta panaoanna cam metten á isina?

Quet nupay no di nagguibos  
ti dung-ao á nacapalpalaos  
immasideg da José qñ Nicodemus  
qñ Virgen María á inguet dalos  
tapno ipaayna là ti anos.

Conada itoy naladiñgit á Ina:  
dicam duaduaen, oh señoira,  
dayta ricnaem inguet cana,  
ñgem turdanmi á daoaten quença  
ta pammalubos mo á nañgina

Iannugotmo coma ala cadacamin  
á incam coma ita idulin  
daytoy bangcay ni Maestro min  
tapno ditay coma ururayen  
ta rabi-i ta ti init lumnequen.

Ni Virgen Maria á sileleddaang  
no mabalin dina, coma ibbatan  
daydi bangcay ni Jesus á capatgan  
ñgm inyannugotna met la piman  
tapno inda ipompon cas rebbeng nan.

Nagparintumeng daguidi tao  
á immaoat quen Apo tayo  
sada inaramid ti mainumo  
á panañgibuñgon idi sudario  
cas cadaoyanda sadiay á disso  
sada binuñgon iti ules á baró.

Ti nasam-it á banglo agadioára  
quet dagti Aogeles bimmabáda  
á naquipañguyog cadagdi magna  
á in mañgidulin iti bangcay na  
ni Apo tay á Jesu-Cristo á nañgina.

Naruay met daguiti tattao  
á quimmuyog ñga agpayso  
iti pannacaitulod á mainumo  
ti bangcay ni Jesu-Cristo  
quet nadaeg nupay ladiñgit ti napalalo.

Iti asideg iti daydi Calvario  
adda guinatang ni José á disso (1)  
idi saan pay á matay ni Jesu-Cristo  
quet insagotna ñga siayat ñga agpayso  
á pacaitabonan toy napateg ñga Apo.

---

(1)—Ni José de Arimatea ta nasanicua ngarod.

Quet idi á maidanondan  
daydi bangcay iti inna pacaídulinan  
indissoda á siraraem sipapacurang,  
quet idi nalpas sada quinaloban  
iti bató nga marmol á calinisan.

Daytoy nacaitabonan á masasaó  
ni napateg nga Apo tay á Jesu-Cristo  
aoan pay nailas-od uray asino  
tapno maiparañarang ti dalos á mainumo  
ti pagsaadan ti bagui ni Apo tayo.

Quet idi nalpas ti pomponen  
daguidi tattao pimmanaoda metten  
quinuyogda nga inyaoiden  
ni natan-oc á María Virgen  
nupay no di coma pumanao no mabalin. . . .

#### PABANTAYAN DAGDI JUDIOS TI NACAI- TABONAN NI JESU-CRISTO.

Iti cabigatan ti pompon ni Jesus  
nagtitipon daguidi Judios  
iti saclang ni ocom á Pilatos  
tapno pabantayan da daydi abot  
cadaguiti talquenda á soldados.

Idi ta palubos ti inted ni Pilato  
dinutoc metten daguidi Judio  
ti agturay á bagnos daguidi soldado  
quet pinusganda ni capitan Longino  
ta maiñgel qt talquenda nga agpayso.

Conada qña: ita saguday á nasudi  
quen iñgel mo nga lalaqui  
iso ti masapol á talquenmi  
á turayen daguiti baonenmi  
nga mapan agbantay itay igagami

Igagami á iruar dagti tattao  
ti bangcay ni Jesus Nazareno  
itay nacaitabonan na nga bató  
tapno dida pañgulbod, pangbal-laibo  
á naguñgar la nga agpayso.

Siayat unay á immannugot  
ni maiñgel á capitan Longinos,  
á quimmuyog cadaguidi soldados

á mapan agbantay iti abot  
á nacaitabonan piman ni Jesus.  
Dinagosda ditan ti nagna  
á nagtulong iti nacaibaonanda  
quet naiñget ti panagbantay da  
iti daydi tanem á tinugaoanda  
tapno aoan can macalucat qña.

### PANAGUNGAR NI APO TAY A JESU-CRISTO.

Sipod idi ipapatay ni Jesu'en  
cararua na á sidi-Dios ti napanen  
idi Seno ni Abraham, á di duaduaen  
quet ti bangcayna ammotay metten  
nagbati iti daydi tanem.

Iti daydi napateg á Seno ni Abraham  
innalana amin daguidi cararuan  
ta inna inyoli ida sadi Glorian  
tapno mairanodda ñgá aglac-am  
iti parabor ti Dios á casasm-itan.

Diac palaoaguen ditoy á isaggaysa  
ti ragsac dagdi sa Santos á inaona  
ta daydi limbo ditan panaoanda  
ta inda nanainen ti Gloria  
á iso ti panagayayát ti cararua.

Quet idi ta agbannaog iti daya  
iti maicatlo ñga aldao ti ipapatayna  
ni na-Diosan á Jesus á impomponda  
nagguinguined ti dagá iti napigsa  
quet ni Jesus rimmuar idi tanem na.

Idi nagtipon á baguí qñ cararua na  
sicacaoes iti raniag ti Gloria  
quet Angeles daguidi cacuyogna;  
nagluat daydi tanem á rinuaranna  
qt daguidi agbantay aoan nabalinda.

Naipal-ladaoda ñga naiparparasisin  
daguidi agbantay á natuding  
ricnada ti napucaq qt casda natayen,  
qt apaman á nacuñgarda pimanen  
nagtatarayda ñga dita pimmanaoen.



Angel á pudaona ti di maperreng  
ti nagtugao iti calob daydi tanem  
qt daguiti soldados ta pagnada ti nacarting  
inoarnacda daydi á naaramiden  
ta nalaos cadacuada ti buteng.

Quet idi ta maammoan ti casta  
daguidi Fariseos quen Escriba  
nalaos met daydi danagda  
quet inda napanunót á tulaganda  
daguidi soldados tapuo dida agsarsarita.

Tinangdananda ida iti pirac nga ado,  
ngm no maipapan quen Longino  
di immannugot nga agpayso  
ta conana: saeec ti pudno  
nga Dios ni Jesu-Cristo.

Nalagda ti pammati na iti Dios  
daytoy nagasat á Longinos  
dita metten inna inlicod  
daguiti pañgayayo pañgituggod  
daytoy lubong á naulbod.

Conana: uray iccatenda toy biagco  
patiec ti quina-Dios ni Jesu-Cristo  
ta toy biag diac paganano

no maragpat la qt á malac-amco  
ti Gloria ti Dios á napaypayso.

Quet idi maisaóna ti casta  
daguidi mañgoyot pinanaoanna  
quet amin á tao á masaracna  
ti pudno saocenna cadacuada  
tapno iti pudno á Dios surotenda.

Quet idi ta maimatañgan  
daguidi Fariseos quen Escriban  
á ni Longinos dida matulagan  
dagos dita á pinatiliogan  
tapno dusaenda iti pagayatandan.

Quet idi ta reppetenda  
aoan la ti quitaquit na  
ta ni Jesu-Cristo napanunotna  
nga aoan la ti isusuquirna  
á dinusdusa pinapatayda.

Cadaguidi quet soldados quinonana:  
cacabsat co, toy saocé timodenyo ala  
ta saan cay met nga agduadua  
á bulsecac piman á naparsua  
castamet unay daytoy cararua.

Ngem idi natotooc ni Jesus á nanursuro  
nasilaoan toy panunot co,  
naagasan met daydi quinabulsec co  
idi naparsiacan toy matac idi napagparuepocco  
ti dara qñ danum iti bacrang ni Jesu-Cristo:

Napnecac met iti quina Diosna  
ni Jesu-Cristo á immay namagbagá  
ta idi naguñgar á rimmuar idi tanemna  
nasursuroc ngem init ti raniagna  
ta napurar daguiti nacabuya Quencuana.

Gapona uray tangdanandac rinibribo  
tapno quina-Dios na la ti ilibacco  
diacto annugoten uray caano  
ta ti pudno la ti palaoaguecto  
uray papatayendac á irubo. . . .

Sa immararao iti Dios qt quinonana:  
oh Dios co, iaoatco Qñca toy cararua  
ta, uray pay no aoan caicarianna,  
asin, Apo ti urayec á tungpalna  
ta sica met la ti naggapoanna.

Idi nalpasna ti cararag nan  
ni Longinos dita pinutulandañ  
quet Angeles ti nañgala idi cararuanan  
tapno iti agnanayon mapan aglacám  
iti Gloria ti Dios á casam-itan.

Ti tao á pudno á Cristiano  
utangna á tuladen ni Longino  
iti panañgibunannag qñ Jesu-Cristo  
ñga agpayso á Dios quen tao  
á immay nañgisalacan cadatayo.

### PANAGPARANG NI JESU-CRISTO QUEN VIRGEN MARIA.

Ni Jesu-Cristo idi rimmuar iti tanem na  
napan nagparañgen quen Ina na  
idi Cenáculo met la ñga yanna  
quet sipuponno iti ladiñgit na  
idi á dumteng ni Jesus quencuana.

Quinona ni Jesus: oh Ina á nainggasatan,  
agayayat ala agragragasaccan  
ta nalpas ti pannacasubbot dan  
dagti putputot da Eva quen Adan  
ta natayac qñ naguñgaracon, cas mabuyam.

Simmungbat dita ni Virgen Maria:  
oh Anac co, á biag toy cararua,  
nacaguinaoacon ta naquita ca  
quet daydi ladiñgit co nasuctan liolioa  
ta impaay ti lañgit á casta.

Idi castan, pimmanao ni Jesus dita  
ta inna met piman liniolioá  
daguidi nacaro ti ledldaang da  
á maipoon iti ipapatay na  
á nacaladladiñgit aoan pada . . . .

Quet daguidi tal-lo á Maria  
á nacalaguip idi ipapatay ti Namarsua  
iti agsapa iti domingo napanda idi nacaitamnanna,  
incienso, bangbanglo qñ sagad intugotda  
tapno yuboob quen iruchabda.

Magmagnada ñga siraragsac,  
conada: ¿asinonto ti bumagcat  
itay calob á bató á dalumpinas?

quet nupay napalalo da't pardas  
nadanonda daydi tanemen á silulucat.

Nalaos ti liday ni Magdalena  
gapona pimmanao á dagos dita  
ta inna idamag met ti casta  
cadaguidi Apostoles tapno ammoda  
quet nabati daguidi dua á María.

Daguitoy dua ditan á María  
naquitada ti Angel á naraña  
qt daytoy quinonana cadacuada:  
dicay agbuteng ta ibagác ita  
á ni Jesus naguñgaren aoan curangna.

Pimmanao ditoy nacaipomponannan  
quet agaoidecayon iti paguilian  
ta dagti Apóstoles incay padamagan  
á ni Jesu-Cristo á pagrucbaban  
nalpas di impadtona á panaguñgarnan...

Ni nagasat á Magdalena conana:  
idi ni Pedro qñ Juan masaracna  
ti bangcay ni Maestro á nañgina  
aoanen idi nacaipomponanna  
ta iso toy naggapoac ita.

Quet tapno itoy saóc mapneccayo  
cumuyogcay caniac ta intayo  
idi nacaitamnanna á pudno  
tapno maiccat ti duaduayo,  
quet napandan á tal-lo.

Agpayso idi á nacadanondan  
idi tanem á guinagaradan  
aoan la ti inda natumpongan  
no di daydi ules á inna nacaboñgonan,  
qñ sudario; gapona silaladiñgitdan.

Qt agsipud iti castan pimmanaoda,  
da San Pedro qñ San Juan Evangelista  
iti paguilianen nagsublida  
quet nabati ni Magdalena  
ta ni Jesus biroquenna dita.

Qt idinto ta adda dita ni Magdalena  
á cas agmauyong ti ladiñgit na  
immasideg qña ti Angel á maysa  
qt sinaludsodna no ania ti gapona  
á casdi unay ti sangsañgit na.



Ni Magdalena simmungbat qña:  
diac maibtor á ti Dios tinacaoda;  
qt apagsaóna ti castan nagpaquita  
ti tao nga hortelano á maysa  
nagsaludsod: nay baba-i apayapay agsangsañgitca?

Nagsaludsod itoy tao ni Magdalena:  
¿sica ti nañgala quen Maestroc aya?  
quet daydi tao simmungbat quencuana:  
siac ti sapsapulem, Maria,  
quet ni Jesu-Cristo daydi casasaona.

Ni Magdalena ditan napno iti ragsac....  
quinonana: Maestro, dagta sacam agcac,  
quet ni Jesu-Cristo qña simmungbat:  
saan, Maria, ta diac pay napan qñ Amac,  
quet alá inca ioarnaquen á naguñgarac.¹

Ni Jesu-Cristo nagpucaoen dina naquita  
quet nagna metten ni Magdalena  
ta daguidi Apostoles padamaganna;  
dua nga Discipulos, Emaus ti nagturoñganda  
quet ni Jesus adda met idi licudanda.

Toy Maestro quinonana: masdaaoac  
¿ania aya ta pagleddaañganyo á maquitac?  
quet simmungbat ni Discipulo á Cleofas:  
¿apaya ti naaramid Jerusalem dica nadamag  
á inlanzada ti immay timmao á Mesias?

Ngem, nupay natay nga agpayso,  
aguñgar coma iti aldao á maicatlo  
quet agpapan ita dicam pay ammo  
ti pannacatungpal daydi á saó  
quet siddaomi toy napalalo.

Ti insungbat ni Jesus cadacuada:  
¿oh tattao, á nacurang panunot na!  
¿duaduaenyo man ti imbagá dagti Profeta?  
ti saó ti Dios aoanto ti ibuburongna  
uray agsucát ti lañgit quen dagá. . . .

Idi ta iti ili sumrecdan  
quet maquisina coma cadacuadan  
inañgayda iti balay á inda papanan  
quet ni Jesus inna ida inannugotan  
ta isoda ti guinagarana ñgarod piman.

Quet idi ta nacasañgodan á mañgan dita  
binendicionan ni Jesus di tinapay á iniggamanna  
sana pinispisi á imburay cadacuada

quet iso daydi pannacabigbigda  
á ni Jesus daydi ccsacsacangda.

Nagpucao ni Jesus dita cadacuadan  
quet quigtotda ti napalalan,  
ni Jesus daytay gayam! conconadan  
quet ditay la nabigbig á nasigodan  
idinto ta quinasarsarita tay iti dalan.

Timmacderda ditan ta napanda  
á in nañgibunannag iti naquitada  
conada: naguñgar ti Maestron, incam quinasarsarita;  
quet iti daydi balay á inolianda  
rinipcandan daguidi ruañganna.

Quet idinto ta adda dita  
pagamoanen adda iti yan da  
ni na-Diosan á Jesus á nagcona:  
‘talna ti adda coma lng cadagta cararua’  
quet apayapay á sibubutengcay á casta?

Tapno mapunas cadacay ti duadua  
quitaenyo dagtoy imimac qñ saesaca  
ta siac ni Maestro yo á quinadindinna,  
quet ditan aoan nacatimec cadacuada  
ta nalaos la piman ti siddaao da.

Insaridatna ti naguimtood dita  
no adda canen á pangmalemnda,  
simmungbat ni Pedro: oen, Maestro, adda  
qt quinona ni Jesus cadacuada  
idataryo ta mañgantay ala.

Insaclangda dita Quencuana  
ti ican quen tinapay á quinnanna  
qt idinto ta nayaoatna daydi tidda na;  
quinonana: no itan matungpal da  
dagti impadto dagdi Profeta.

Insaruno á pinuyotan ni Jesu-Cristo  
ti rupa daguidi Discipulo,  
quinonana: “aoatenyo ti Espiritu Santo”  
iti tao á basolna ti bocaanyo,  
sadi lañgit dinto agcurang bucaacto. (1)

Quet itinto diyo bucaan  
ta ti panagbabaoi na nacurang  
baybay-acto met dita piman

(1)—Accipite Spiritum Sanctum. Quorum remissionis peccatum . . .

quet idi á maisaóna daguitan  
nagaoanen á dida dita naquitán.

Ngem daydi á panagtitiponda  
aoan ni Tomas idi á nairana  
qt idi ta nasaóda á naguñgar ni Maestro da  
daytoy Tomas quinonana cadacuada:  
diac patien á naguñgar no diac maquita.

Qinona pay dita ni Tomas:  
no diac maaricap daguiti sugat  
ni Maestro tayo nga naayat  
diac patien daguita binalicas  
á naguñgaren ni Jesus á nadayag....

Idi malabes ti mano nga aldaoen  
nga dagdi Discipulos natiponda manen  
pagammoan adda man ni Jesus'en,  
quinonana: cappia ti adda cadacay ling  
á manacunaynay sitataliñgenñgen.

Sana quinona: Tomas, umasidegca  
ta dagtoy sugsugat co aricapem ida  
tapno maiccat quença ti duadua  
quet patiemto met ti panaguñgarna  
toy nagtutooc qñ natay gapo iti parsua.

Idi naquita ditan ni Tomas  
namati quet dagos nagruebab  
quinonana: oh Dios poon ti imbag,  
iti curang ti pammatic pacaoanennac  
quet diacto coma mapucaoen bayat adda biag.

Ti insungbat ni Jesu-Cristo dita:  
nagasat dagti nalagda ti pammati da  
á di laeng caniac agduadua  
nupay no didac pay la naquita  
cadaguiti matá ti bagui da.

Quet idi masaó ti castan  
ni Jesu-Cristo á nañgisalacan  
nagpucao á dida napopootan  
ta sabali manen ti inna napanan  
tapno patienda no agparang.

Qt idi calpasan ti uppat nga aldaoen  
sipod panaguñgar ni Jesu'en  
napan man nagpaquita nagparañgen  
cadagdi Discipulos á natiptipon manen  
iti daydi ciudad á Jerusalem,

Quinonana: Apostoles, pinilicayo  
á sacsi daguiti amin á inararamidco  
tapno daguiti tattao sursuroanyo  
cadaguiti aramid á mainumo  
tapno dida mairurumen mairubo.

Daguiti met masaracanyo  
nga mamati iti icascasabay  
ipaoatyo ti buniag á Bautismo  
tapno mabalinda ti sumrecto  
idiay nailangitan á Paraiso.

Itinto madi nga umaot  
cadaguiti nalaing quen naimbag  
á isursuroyo ipalpalaoag  
diacto met ida cayat  
quet mapandanto iti apoy á siguiguilayab.

Itdec met cadacayo  
ti dacquel á pannacabalinyo  
á bilegyo á maquisasaó  
cadaguiti agturay uray asino  
no linteg la quet ti surotenyo. . . .

Quet idi maisaona daguita  
bantay Olivete ti napananna  
quimmuyog met Quencuana  
daguidi amin nga Apostolesna,  
agraman babba-i á naruyda.

Quet idi ta idi bantay addada  
binendicionanna amin ida  
ngimmato met ti baguí na  
quet amin á tattao á nacaquita  
nagparintumeng siraraemda.

Daguidi nalaoag unay á ulep  
á nangtapaya cas nangbitibit  
itoy Dios ti dagá quen langit  
pimmuscolda á ngimmisit  
idi nangato unayen á nailinged.





Daguiti Angeles á nañgîngato  
quen amin idia y nailangitan á Paraiso  
ragsacda unay ti nacapalpalalo;  
ñgem daguidi nabati ditoy dagá á tattao  
liday da met ti di maisao. . . .

Dua ñga Angeles ti bimmabá  
á bumaro tao ti lañgada  
conada: oh lal-laqui á taga Galilea  
ñania ti quitquitaenyo iti ñgato aya?  
ni Jesus umayto met mañgocom ditoy dagá.

Daguidi Angeles idi masaóda ti castan  
nagpucaoda met daras ditan,  
daguidi Discipulos nagragsacda, nagyaman  
quet idi Cenaculo ti inda napanan  
tá iti Espiritu Santo idia y ti inda pañgurayan.

Quet idi nacaoli sadi lañgiten  
ni Jesu-Cristo á daydayaoen  
daguidi Discipulos qñ Maria Virgen  
aglulualoda inggana iti dimteng  
ti Espiritu Santo ñga ururayen.

Quet idi maicasañgapolo ñga aldaona  
ñga immoli ni Jesusen sadi Gloria  
immulog met ditoy dagá  
ti maicat-lo ñga Persona  
á Espiritu Santo á mangliolioa.

Cadaguidi Discipulos ti napananna  
agraman quen Virgen María  
quet cas la dila nga apoy ti quitana  
á nagdisso cadaguidi ol-olo da  
ta na-Diosan á silao ti isip da.



Sipod idin ammodan  
amin á pagsasaó uray aniaman  
ta Espiritu Santo ti adda cadacuadan  
quet nanipod Cenaculo nagluasdan  
á napan cadagoiti disso á namagbagán.

Aoan ditan ti buteng da  
uray asino ti casasaó da  
ta Espiritu Santo á nañgina  
ti mangpabileg iti naquem da  
qt masmasdaao ti macaquita cadacuada.

Ngem dagdi Judios á nadamca  
tinulaganda daguidi cacailianda:  
dicay patpatien dagta conconada  
ta uray bigbigat agbartecda  
á dida ammo ti sasaoenda.

Ngm nupay ado ti inda pamadpadaques  
cadaguidi nagasat nga Apostoles  
naruay mt la dagti mamati, dumñgeg  
iti icascasabada á macailangit  
cadaguiti tattao nga agsingpet.

Quet idin ta nasinasina  
daguidi Apostoles á in mamagbaga  
sadi Jerusalem nagtaeng ni Virgen Maria,  
dagdi met tattao sursurcanna ida  
iti umiso á macapalaing iti cararua da.

Inaldao inna quitquitaen ida  
dagdi dalan á nagnagnaan di Anac na  
qt adda nasingpet á babba-i á caduana  
á in sumucnal cadagti nasantoan á dagá,  
di met agsarday ti panagcararagna.

Daodaoatenna ti pannacaitiponna  
iti yan ni nasam-it nga Anac na  
ta inggana iti di mayarpad Qña  
gagar ti puso na ti di agtalna  
anansata daoatenna ti Gloria.

Quet idi ta madanonanen  
ti aldao piman á naiqueddeng  
á inna mt sadi lañgit pannacayolin  
napan qña ti maysa nga Angel  
quet nalaos ti yaman ni Maria Virgen.

Idi Angel imbagana imbisic  
nga agpacada ti cayatna met  
cadaguidi nagasat nga Apostoles,  
quet nupay adayoda á di malimed  
iti daydi nga aldao inda nagsangpet.

Quet idi ta adda da iti Cenaculo  
agraman dadduma pay á tattao  
binagbagaanna ida iti mainumo  
inna met cadacuada inyammo  
á, nupay pumanao, di laeng malipatto.

Adayonto la nga baybayanna  
ti panañgidaodaoatna iti Dios á nañgina  
iti amin á tao ta annac na ida  
aglalo dagti tumaclin quencuana  
nga iti peggad quen daques paigaga.

Idi castan pagammoanda  
intednan daydi bendicionna,  
cas naridep ti panagquita quencuana  
quet iso met daydi isisina  
daydi napateg á cararua na.

Dagdi Apostoles á nainggasatan  
quen amin nga adda ditan  
lulua da ti agarimayang

iti ladingit da á napalaloan  
ta natay piman toy ina dan.

Maysa quen maysa cadacuada  
idatagna dita ti araraona  
á buyogan dagti sasainnec da  
á maipoon iti inda pannacaina  
quen nasam-it unay á Virgen Maria.

Ti rupa ti bangcay ni Virgen Maria  
nasin-ao á cas sibibiag met la dita;  
quet no ti banglo agadioara  
á macabang-ar iti ricna  
asinoman á macasay-op quencuana.

Daguiti amin á i-lañgit  
canta da dita ti nasam-it  
ta pagdayao á inda ited  
itoy natanóc á emperatriz  
á cararua na ti calinisan ti nalinis.

Quet idi ta maitarimaandan  
dagti panañgisagaman á cadaoyan  
iti maipompon á padayaoan,  
daydi bangcay inyulogdan á impan  
idi rumbeng á inna pacaitamnan.

Naruay dagdi quimmuyog qña  
quet aoan naiddep á candela,  
matimod met dagti nasam-it á canta  
ta dagti Angeles addada dita  
á mañgidanon ayamoom á irucbabda.

Daguidi tattao agdudung-aoda,  
cadaoyan ti agpasina iti ilalaenna  
nangrona idin ta itabonda  
quen daydi abot ta calobanda  
iti bató á dalumpinas á nañgina.

Pito polo quet dua ti taoenna  
ni napateg á Virgen Maria  
idi nadanon ti ipapatay na,  
ñgm idi maicatlo ñga aldao dita  
naguñgar ta nagpulang ti cararua na.

Iso daydi panangyoli dagti Angeles  
iti nañgato unay á lañgit  
itoy Virgen á inguet sam-it  
intarosda ñga indanon met  
iti saclang ti Dios á napateg.



Saan nga ammo ti aridenggan  
cadagti panagdayao á casam-itan  
itoy Virgen á nainggasatan  
á umiso dita á balañgatan  
ti Santisima Trinidad á pagrucbaban.

Ti maicadua á Persona  
sabtenna dita ni Ina na,  
quet ti trono á pañgisaadanna  
nañgatñgato ñgem iti yanda  
ti init, bulan qñ bituen nadumaduma.

Itoy Virgen naited á caoes  
ti di magatadan iti pateg  
ta ti naraniag unay á init  
maatío pay la iti daeg  
casta met ti bulan quen bituen á nañgayed.

Bituen á sañgapolo quet dua  
daguiti naisaad á balañgatna  
quet ti silnag quen rimatrimat da  
aoan cadacuada ti pumada  
ta intalugading ti Dios á casta.

Quimmablaao ti Dios Ama  
itoy Virgen nga anac na;  
quet ti maicadua á Persona  
quinonana: oh patguéc á Ina  
quinasaranay co á nanubbot iti parsua.

Ti met Persona á maicat-lo  
nga iso ti Dios Espiritu Santo  
cablaaona itoy Virgen á nasungdo:  
oh Esposac á dinungdungño  
aoan pumada ita dalos mo.

Amin daguiti Gerarquias  
daguiti Angeles á nagasat,  
Patriarcas quen Profetas  
Sasantos quen Sasantas  
napno da amin iti ragsac.

Conada: oh napateg á Sagrario  
ti Santisima Trinidad nga Apo,  
cumablaaocam itoy idadatengmo  
tapno agnananay ti naiparungbo  
á lac-amen ditoy Paraiso....

Aoan tao ditoy rabao ti dagá  
á macaibos á mangsarita'  
ti nagsabrayan á ragsac da

daguiti aglac-ám iti guinaoa  
iti namayengmeng unay á Gloria.

Anansa, ñgarod, ta naibatad  
ti panagdayao panagrambac  
iti fiesta toy Ina ti Dios Anac  
á iso ti "Asumpcion" á nairacurac  
ni Virgen Maria á nadayag.

Ngem ammoen tay met ita  
á idi natay ni Virgen Maria  
ni Tomas apostol aoan á nairaná  
gapona ñga nalaos ti ladingit na  
idi aoan ni Virgen Maria á nasangpetanna.

Dinaoat ni Tomas qñ Pedro ñga amaenda  
á daydi tanem ni Maria Virgen luctanda coma  
tapno umaguep coma cadagti sacsaca na,  
qt agpayso naipalubos qt daydi calob linuctanda  
ngm aoan metten daydi bangcay ni Ina da.

Daydi la sapot ti bangcay ti addan  
gapona ñga pinatida á di nagduaduaan  
á ti baguí ni Virgen Maria á nasgang  
nayoli sadi Gloria aoan quet curang  
quet ni Tomas ditan nabang-aran . . .

Quet idinto ta nalpas daguita  
daguidi Apostoles nagsisinada  
ta tunggal maysa tungpalenna  
ti annong á naipato quencuana,  
cas imbilin ni Jesu-Cristo á nañgina.

Rebbengtay ñga ammoen met  
á idi ta nacaoli ni Jesus sadi lañgit  
quen di pay nagsisina dagdi Apostoles  
namagbagada qt ado ti agdengdengngeg  
iti dayti bonggoy á umarioecoec.

Quinona ni San Pedro á paluñgoda:  
oh taga-Israel bigbiguenyo unay ita  
á ni Jesu-Cristo á pinatayyo á inlanza  
pudno unay ti panaguñgarna  
qt immoli sadi lañgit á sibabaguí sicacararua.

Ti quinapudno daytoy sipapatác  
ta naruay ti tao á nacamatmat  
saan la ñga dacami á nayarpad,  
quet ti Dios inna met imbatad  
cadagti milagros á inaramidna á naoadoad . . .

Daguita á saó naisugat iti puso  
dagdi agdengdengñeg á naruay á tao  
ta pudno daguidi sinaó ni Pedro,  
qt dagdi tattao nagsaludsodda no casano  
ti aramidenda met piman á mainumo.

Ni S. Pedro simmungbat cadacuada:  
agbabaoicay cadagti basbasol yo alá,  
aoatenyo mt ti Bautismo á nañgina,  
cas bilin ni JesuCristo á imbagana,  
qt aoatenyonto mt ti Espiritu Sto á sipipigsa. ....

Iti daydi nga aldao mt laeng  
tal-lo ribo á tao dida intantanen  
inaoatda ti Santo Bautismo metten,  
qt innaldao á inda dendenguen  
dagti bilin ti Religion Catolica á singengenñgen.

Inaldao met ñga agtitiponda  
iti santo á Simbaan á pagcararaganda  
quet inaldao met piman á umadoda  
ta ni Apo Dios pataliñgenñgenenna ida  
iti santa ñga Pammati qñ inanama.

PANNACAAGAS TI TAO A DI MACATIG-  
NAY.-S. PEDRO QN S. JUAN ITI SANEDRIN.

Da San Pedro qñ San Juan  
napanda idi Templo iti naminsan  
quet adda nasaracda idi ruañgan  
á uppat á polo á taoen á sagabaennan  
ti dina pannacagunay iti baguinan.

Adda piman idi ruañgan toy tao  
ta maquipalpalama dita ñga agpayso  
quet idi mabatogan da Juan qñ Pedro  
dumaoat met cadacuada, cas mainumo,  
quet ni apostol San Pedro nagsao:

Aoan balitoc oenno pirac co,  
ñgem ti adda caniac itedco,  
iti nagan ni Jesus Nazareno  
tumacderca ala quet al-legmo,  
magnaca metten ñga agpayso.

Iniggaman ni S. Pedro ti ima'n  
daydi masaquit á casasaónan,  
quet daytoy timmader di nagtantan

qt siraragsac á simrec mt idi simbaan,  
ta iti Dios Apo nagyaman.

Daguidi tattao á nacaquita iti dayta  
nalaos daydi pannacasdaoda,  
qt ni S. Pedro quinonana cadacuada:  
saan á dacam ti nagtaodan ti ipipia na  
no di iti panañgaoagmi qñ Jesus á nañgina.

Ni Jesu-Cristo ta diyo ammo ti quina-Dios na  
pinatayyo laeng á inlanza;  
ñgem daguiti basbasolyo babaoienyo ala,  
qt agpayso narua ti namati cadacuada,  
qt daguidi limaribo á tattao nagbuniagda.

Agdama pay la dagti Apostoles á mañgascasabá  
idi immadani dagti nañgibalod cadacuada  
qt idi ta addada iti saclang dagti nagpaala  
quinona ni Pedro: ni Jesus á nailanza  
ti nañgagas itoy nacacaasi á pimmiá.

Ni Jesu-Cristo á linaisyo qñ dinusdusa  
ti tao á macaited pannacabalin á naiduma  
tapno maisalacan ti umararao Quencuana,  
qt ti madi á mamati iti isurona  
aoanto laeng ti pannacaisalacanna. . . .

Dagti Jueces dagdi balod pinayadayoda  
sada nagtutulag á isisoda dita:  
dito Jerusalem no ti milagro sididiaya,  
ñgem iparittayo ñga aoan mangsarsarita  
iti nagan ni Jesus qñ inaramidna. . . .

Quinona da S. Pedro qñ S. Juan:  
ocomenyo met laeng no inna carbeñgan  
no adadda á pagraeman daguita biang  
ñgem iti Dios á pudno á carimbaoan  
ta dacami ioarnacmi lñg ti incam naimatañgan. . . .

Dagdi Jueces quinarianda da S. Pedro  
quet rinucatanda ida ñga agpayso,  
dida, naitured á dinusa inanano  
ta mabutengda cadaguidi tattao  
ania ta isoda cadacuada ti mañgibalesto.

#### PANNACATIPON DAGUIDI APOSTOLES SADI JERUSALEM.

Limapolo á taoenen ti limmabas  
sipod yaay ditoy dagá ti Mesias

idi adda susic á timboac  
daguidi cristianos á nabatad  
sadi Antioquia nga saad.

Quet agsipod iti dida macapagtutunos  
natulagda amin á napanunot  
á ti colcol da naimbag no masurot,  
qt napan da't Jerusalem á nataltal-laogod  
tapno ni S. Pedro cadacuada ti mañgibagnos.

Agpayso idinto ta maimatañgan dita  
ni San Pedro daydi colcol da  
timmacder toy paluño ti santa Iglesia  
quet amin dagdi naiguimong siulimecda  
á dimñgeg quen Pedro idi saó na.



Cona cadacuada ni San Pedro:  
cacabsat co, ala siammocayo  
á pinilínac ti Dios Apo  
á mañgicascasaba iti Evangelio,  
cadaguiti itneg pay la á tattao.

Ti Dios ta piman ammona  
ti puso ti tunggal maysa  
intedna cadatay á padapada  
ti Espiritu Santo á nañgina  
idinto ta Pammati tay ti maymaysa.

Anansa, ñgarod, ta di masapulen  
á daguiti sumurot itdan pay laeng  
iti pacagugoranda á nadagsen  
idinto ta pannacaisalacantay ti inanamaen  
gapo qñ Jesu-Cristo á daydayaoen.

Cadagdi naruay á tao aoan nacatimec  
iti daydi saó ni Pedro nga napateg  
ta inanamoñganda aoan nagquitaquit,  
quet ni apostol Santiago castamet  
pinasinquedan na di saó á inda nañgeg.

Nanungpalanna, natinóng ti Asamblea (1)  
á mañgibaonda iti surat sadi Antioquia  
iso á nañgibagaanda cadagti Cristianos idiay á dagá  
á daydi linteg ni Moises saanen á maicanada  
cadagti Cristianos itoy tiempo ñga agdamá...

#### PANNACARBA TI JERUSALEM.

Tal-lo polo quet pito á taoenen  
á immoli ni Jesus sadi lañgiten  
idi mauray ti Jerusalem  
ti tungpalna á pannacairurumen  
qt pannacaaramid na ti nacabutbuteng.

Idi saan pay á naaramid toy nacaquigquigtot,  
iti naminsan á fiesta dagti Tabernaculos  
naruay daguiti tattao á nagdadagop,  
pagamoanen nabatad á natimod  
ti natebbag á timec ñga nagogaog.

Quinonana: ¡ay! ti Jerusalem!  
¡ay! ti simbaan! ¡ay! toy ilin!  
quet nanipod ditan saan á nagsardeng  
agtartaray cadagti plaza qñ daldalanan  
uray aldao, uray rabi-in.

Nasuroc á pito á taoen á casta  
á di laeng nagpaparao ti uni na  
quet cadagdi naudi á taoen napapagna  
ti isusupring ti Jerusalem idi agturay na  
á iso daydi nabileg á imperio ti Roma.

Gapo iti isasalungasing da iti Roma'n  
daydi Gobernador romano qñ cadua nan  
Jerusalem ti inda pinanaoan

(1)—Guimong, tipon.

tapno peggad ti inda maadayoan  
cadaguidi Jndios idi paguilian.

Ti Roma nga naiduma iti bileg  
nagbaon ejercitos á umarioecoec  
á in manglacob ~~quen~~ mangrebbec  
iti daydi Jerusalem á nasuñgit  
á iti turay ti Roma agquitaquit.

Quet idi silalacob nga agpayso  
cadaguidi soldados ni general Tito  
nagringgor met iti napalalo  
daguidi adda iti ciudad á Judio  
ta aguinagaoda iti turay á nañgato.

Ngem idi saan pay á nalacob ti ciudad  
pimmanao qñan á di nagtactac  
daydi apo Obispo idiay á saad  
agraman tattao nga naimbag,  
ta cas da qñ Lot á mailisi iti peggad.

Iti uneg daydi ciudad dagdi Judio  
bonggoy piman ti nagcatlo  
quet isoda met laeñgen nga agpayso  
ti nagpipinnatay unay iti nacaro  
qt linaclacsa dagti napucac á tattao.

Maipoon iti bisin á sagabaenda  
ado ti agtatacao, agararang dita  
adda pay agsidan iti anac na  
agsipod iti aoanen á pagbiagna  
ta ti rigat dita aoan pada.

Nanungpalanna iti naminsan nga aldaoen  
daydi agpucpuccao á di agsardeng  
quinonana: ¡ay! ti Jerusalem  
¡ay! ti simbaan! ¡ay! toy ilin!  
innayonna pay ti ¡ay! ayac metten!!

Apagsaóna piman ti casta  
nadungpar ti dacquel á bató daydi olona  
ta dagdi nanglacob iti ciudad aguipal-ladaoda  
cadagti amin á mabalin á pangranggasda  
cadaguidi adda iti uneg á cabusor da.

Quet iti saan á panañgannugot  
daguti Judios ti inda itutulóc  
iti pammacacuan cadacuada dagdi Romanos,  
ti Jerusalem nagbanag iti tooc  
á dina nalisianen á nañgilood.

Daguidi Romanos iti pannacaomsi da  
iti daydi pammacaoan á inggayátda  
daguidi Judios pinaguicaroda ida  
iti nacaarariec unay á pannusa  
ta dagti saan á natay inadipen, inlacoda.

Pispisos la nga agpayso  
ti bayad ti tal-lo polo á táo  
ti panaguilaco daguidi Romano  
cadaguidi adipen dan á Judio  
gapo iti tal-lo polo ti nañgilacoanda qñ Jesu-Cristo.

Daydi agdindinamag á templo  
saan á pinadadael ni gral Tito  
ngem sinilmotan ti maysa á soldado  
gaponá nga nauram nga agpayso  
qt aoan ti nacaicanaoa nga uray asino.

Ti unget ti turay ti Roma  
cadagdi Judios inguet cuspag da  
pinadupracda daydi simbaanda  
castamet amin á balbalay dita  
tapno daydi á pagarianen macará.

Agpayso nanipod idi agpapan ita  
daydi á pagarian nga narba  
saan á macabañgonen qt dagti tao na  
cadagti naruay á disso naioaroarasda  
ta pangdusa ti Dios cadacuada.

Ti lagda daydi á reino  
idi naquita ni gral Tito  
quinonana: no saan á Dios ti nañgipato  
saan á naparmec daguiti Romano  
ngem nauraynan ti tungpal na nga agpayso...

ISUSUCNAL NI EMPERATRIZ ELENA IDI  
NACAICALIAN DAYDI CRUZ QN LANZA  
NI APO TAY A JESUCRISSE.

Dagdi naulpit unay á Judios  
nasicap ti cadaoyanda á sigod  
ta no adda patayenda iti tooc  
icalida ti inaroatda á pinagbugsot,  
qt casta ti inaramidda quen Jesus.

Daydi cruz quen lanza á inaruatda  
incalida met amin ida  
sada nagbañgon iti simbáa á maysa



iti rabao daydi naguicalianda

qt simbaan ni Venus daydi imparabaoda.

Iti pannagna ti aldao sinacop ni Constantino

daydiay Jerusalem qñ dadduma á disso

quet daydiay ari á nageristiano,

anac ni emperatriz Elena á nasungdo

qt daytoy napan Jerusalem nga agpayso

Idi naammoanna ti yan daydi Cruz qñ lanza

naquisao qñ S. Macario á obispo sadiay idi cona

qt daydi simbaan ni Venus pinatobtobda

tapno daydi Cruz qñ lanza alaenda

qt agpayso napatuloy laeng á casta.

Daydi Cruz ni Jesus dida ammo

no asino cadagdi nasaracda á tal-lo,

ngem napnecda cadaguidi milagro

ta adda natay qt naguñgar apagcanito

idi nayasideg qña daydi Cruz ni Cristo.

Saan nga ammo no ania daydi á cayo,

ngm nalabit unay á quitáquitá oenno Cedro

quet daguidi met lanza nga masasao

cona ni santa Elena nga uppatda á pudno

ta ti maysa adda sadi Carpentras cano.

Ti maicadua cadaguidi lanza

simbaan sadi Milan ti yanna

ta ni S. Carlos Borromeo ti nañgala

qt daydi maicat-lo ni mt la sta Elena

ti nagpaisaad idi diadema na.

Ti maicapat cadaguiti lanza

iti tao Adriatico pinaibacalna

idi nagbaguio iti napigsa

qt daydi daoel ti tao nagtalna,

ngem saan á limned, timpao dita.

Iso ti gaponá á naipan

sadi Paris iti simbaan

ni San Dionisio á pagraeman,

quet daydi quen santa Elenan

sadi Roma ti yanna itan.

PANANGOCOMTO NI APO TAY A JESU-  
CRISTO CADATAY AMIN A PARSUA.

Mabasa iti santo Evangelio

á ni Apo tay á Jesu Cristo

sumublinto ditoy dagá á mañgocomto  
cadaguiti amin, amin á tattao  
qt innton mapagteñg dayta adó ti pacdaarto.

Maquitanto á pagbutbutñgan  
ti maysa ñga tao á nagpuniponan. . (1)  
dagti quinadañgques, calalaadan  
qt naruayto dagti mailaoán  
á sumurot qña iti cadaoyan.

Idinto ta cabusor ni JesuCristo  
ibagbagananto cadagti tattao  
á iso ti napaypayso á cristiano  
qt dagti di sumurot iti inna isuro  
dusdusaennanto ida iti nacaro.

Qt inton adda tal-lo á taoenen  
á mañgilao-an iti barengbareng;  
agparangto á mañgisuro iti nalaing  
da Enoc qñ Elias á nailemmeng  
ñgm ni Antieristo innanto ida papatayen.

Daytanta ti pacaupayan dagti tattao  
ña agtalinaed iti nalaing á pudno,  
ñgm da Enoc qñ Elias aguñgardanto  
tapno ipasinquedda ti naimbag á sursuro  
á pacaisalacanan ti cararua á mairubo.

Ni San Miguel aggaponto mt sadi langit  
ta iti olo ni Anticristo iso ti mamuted  
qt inton mano polo ñga aldao ti malabes  
isonto ti panagguibos toy dagá á marbec  
cadagti maaramidto ñga nacaarariec.

Agquimát, agsal-it, aggorroodto  
agguinguined mt qñ agbaguio,  
ti baybay aguñgorto iti nacapalpalalo,  
aglayosto mt gapo iti napigsa á todo  
qt amin á sibibiag agquigtot to.

Nacaro nga apoy ti aggaponto iti langit  
tapno amin ñga adda ditoy dagá macset,  
marba mapucaoto amin á patacderen á nabileg  
sa uninto ti trompeta ti mañgeg  
tapno amin á parsua inda agulimec.

Ditanto ti panagcona ti Angel á umayab  
conananto: dacayo á natnatay bumangon cay daras

---

(1)—Anticristo ti naganna ta aramidna ti casupadi  
dagti pudno á insursuro ni Apo ray á Jesu-Cristo.

ta incay iti pangocoman ti Dios idia y tay-ac (1)  
tapno sadiayto ti pacaquitaan iti napatac  
iti aramid ti tunggal maysa, daques oenno naimbag.



Dagti bangcay mabuqueldanto mt lñg  
uray nagsisinadan á timmaptapoc payen  
ta naquem ti Dios á Mannacabalinamin  
sa tunggal cararua maitiponto metten  
tapno pudno á tao á maocomto manen.

Inton matipon aminen dagti tattao  
maquitanto ti Cruz ñga aggapo iti ñgato  
sa pinañgempañgen ñga Angeles ti sumaruno  
ta cuyoguenda ti naiñget á ocom á iso ni Jesu-Cristo  
á tumugaoto iti naraniag unay á trono.

Addanto met iti trono á cadinnana  
ni napateg unay á Virgen María ñga ma na  
naintarto met dagti tugao á sangapolo qt dua (2)  
á tugao dagdi Apostoles ta isoda ti saesi na  
itoy naiñget unay á panañgocom na.

Mauprad á mabasanto dita ti libro  
á nacailanadan ti aramid dagti tattao  
tapno maipatac ti sentencia á mainumo

(1)—Valla de Josafat.

(2)—San Matias ti suno ni Iscariote.

qt iti muguing maiburicto nga agpayso  
dagup ti pinanunot, inaramid qñ sirasaó.

Ngm dagti uray casano ti inaramidda  
no nagbabaoi la quet di qñ napacaoanda  
saanto met la á maipatac ti basolda  
ta napunas quet aoandan á mabasa  
ti libro á nacaiburicanda idi cua.

Qt inton malpas dayta panagsuquimat  
daytoy pudno á Ocom conananto ti agbalicas  
dicayo nga nasingpet á nagbiag  
umaycay iti guinaoa á di agresat  
idiay nailangitan á Paraiso ti ragsac. . . (1)

Sa tumaliaoto cadagti adda iti catiguid  
quet conananto cadacuada á siuñget:  
umadayocayo caniac, dacay á nadangques,  
incay iti tooc nga nga agnanayon á di maiddep  
ta supapac ti suquir yo á di caniac dimñgeg.

Intedco cadacay dagti Bilin á suroteyo,  
imbaonco dagti mañgipalaguip cadacayo  
iti panagtungpal yo coma iti rebbeng yo  
ngem dicay la ida incancaho  
ta nalaos ti suquir qñ hoay yo . . . .

Ti daga á yanda dita agbirrinton  
tapno iso cadacuada ti mañgalonón  
ta maitaragotogda nga agdidinnuron  
inggana sadi infierno iti tooc nga agnanayon  
ta dida nagbiag á nasingpet ditoy lubong . . . .

¡Oh! Santo Dios! pudno á sica, Apo,  
ti nasam-it nga Ama ti nalaing á tao,  
ngm naiñgetca nga ocom á mangdusanto  
cadagti nasuquir nga agtungpal Bilin mo,  
ta sica ti linteg ngarod á napaypayso.

#### LADINGIT

ni apo Santa Maria idi panagtotooc ni Apo tay á  
Jesu-Cristo.

Nanipod idi panagpacada ni Jesus qñ Ina na  
daytoy Virgen di nagsarday ti panagcararagna  
iti Dios Apo nga Namarsua,  
ngem di met naisina ti laguipna  
quen Jesus nga Anac dungdongoenna.

(1)—Venite, benedicti Patris . . . .

Qt idi, ta tooc ni Jesus ti nangruguin  
cas marba ti barucong ni Maria Virgen  
ta nagparicna quencuana ti nacabutbuteng  
á tooc quen rigat á sagabaen  
ni Anacna á Jesus á daydayaoen.

Quet ni San Juan Evangelista  
á nadquet cadacuada nga ag-ina  
idi á maquitana ti capayan ni Maestrona  
saan á masaó ti nalaos á ladingit  
dinagosna á inyammo qñ Virgen Maria.

Idi, matimod dayta ni Virgen Maria  
nasdeman iti ladingit, cas nalcet ti biagna,  
aglalo manen idi immasideg quencuana  
ni naayat unay á Magdalena  
ta daydi saó ni Juan panecnecanna. . . .

Coná ni Virgen Maria ditan;  
amañgan á nalcana ti castan!  
intay quitaen ala, quet sica, Juan,  
ti mañgibagnos cadacam iti dalan  
tapno iti mabi-it intay matumpongan.

Simmungbat ni Juan: ala oen, Señora,  
nupay di duaduaen ti yanna  
ta daguiti nagtedtedan ti dara  
iso aoan sabali ti nañgipagnaanda  
quen Maestro mi á nañgina.

Sipapardasda dita á nagnan  
ngem ni Virgen Maria á sileleddaang  
arig á dina masurot ti aramidnan  
ta pasaray nacadomog la iti dalan  
pasaray ngato ti turongen dagti matanan. . . .

Pasaray agalaleg á magna,  
pasaray agarimadeng iti dalanna  
pasaray agparintumeng no maquitana  
daguiti nagtaredted á Dara  
ta conana nga Dara dayta ni Anacna. . . .

No mañgegna ti uni ti trompeta  
agsaludsod: aniansa ti caipapanananna  
daydiay aoeng ta pagtibayoenna  
daytoy barucongco á cas marapá  
ta daytaysa Anac co ti patayenda.

Oh dacay amin á malabasac  
nangrona cayo amin nga adda-an anac  
quitaenyo man toy tooc á calac-amac

no adda umasping oenno pumadpad  
iti tócoò ni paguel á pacairemremac.

No adda tao á masaracna  
agsaludsod: tay Anac co ¿diyo naquíta?  
qt no conada ¿casano aya ti lañgana?  
sumungbat: cas rosas dagti pingping na,  
corales dagti bibig, bul-lalayao dagti quidayna.

Dagti booc na pañgoloten á lumabaga,  
natarnao á manacman dagti mata na,  
nalaog á nasam-it ti panagsasaó na,  
quet nataer á nasudi ti lañgana  
á liolico iti ladingit toy ina na.

Simmungbat ti maysa á iso ni Veronica:  
sra, aoan limmabas ditoy á casta't lañgá na  
ta ti naquitami nacaay-ay-ay aoan padana  
ta saan á pangdusa iti tao ti sinagabana  
quet adtoy á ipabuyac ti rupa na. . .

Itoy dalongdongco á impunasco qña  
ta naquitac ti nacalcaldaang á nacapayanna  
imbatina á nailadaoan aoan corangna . . . .  
qt apaman á naquita ni Virgen María  
istay no natayen iti pannacademna.

Quet idi agpulang dagdi ricna nan  
quinonana: ¡oh rupa á na-Diosan,  
castoy man aya ti nagbanagam!  
idinto ta dagti lañgit inda ca pagraeman,  
no cadagti tattao ¿aoan man aya ti capaayam?

Al-locodenda á ipagna toy Virgen . . . .  
qt idi ta yan ni Jesus ti inna magteng,  
rigat qñ tooc nan ti di mabalin á saén  
quet tunggal maysa inna pampanunoten  
no casano ñgata piman ti inna sagabaen. . . ,

Conana: ¿Anac co, ania aya ti basolmo  
tapno madusaca iti casta iti caro?  
ibbatam ta Cruz ta siac ti mainumo  
cadaguít pangtotoocda qca, Anac co,  
tapno nalaglag-an ti sagabaen toy puso. . . .

Dayta maquitac á tooc mo  
cas pana á maipalay itoy puso,  
ta ammom ti ayatco qca, Anac co,  
gapona á itdem caniac ta aoitmo  
qt dimo paiden toy daoatco.

Ni Jesus sinungbatanna ni inana:  
saan á mabalin, Ina, á casta  
ta ni Amac á Dios inqueddengna  
á Siac la ti macaisalacan iti parsua  
iti panagtotooc á innac masagaba . . . .

Iti cas pannacatubeng ti pannagna  
ni Jesus á naquisao qñ Ina na  
daguidi Judios indaronda ni Virgen Maria  
qt ni Jesus á nacasipot iti casta  
naiduquem gapo iti caasina

Napasag mt dita ni Virgen Maria  
iti pannacaiduquem ni Jesus na,  
qt ala, Cristiano, bañgonem coma ida  
daguitoy napasag gapo iti dagsen na  
ti basolmo á icaroda tapno umimbagca.

Cona ni Jesus qñ Virgen Maria  
Ina, idatonmo iti Dios dagta masagaba  
qt pabilguem dayta naquem, umingelca,  
saan á naisagsaguday ni Judit ñgm iti sica,  
di mt naturtured ni Ester á nañgispal iti ilina.

Laglaguipem mt ní Abraham  
á di limmucneñg ti naquemnan  
idi bilin ti Dios á idatonna coman  
ni Isaac á inna nañgipabaclayan  
idi cayo á inna nacaiparabaoan . . . .

Quet idi macagtengda  
idi bantay Calvario á nañgipananda  
casano ti panañgibalicas ngata  
cadagti tooc á rienaen ti puso da  
daguitoy nasam-it unay ñga aguina?

Diac maibusan ditoy á iburic  
daguiti sagabaenda dita á ladingit . . .  
ñgm daguitoy aguina tumañgadda sadi lañgit  
tapno Dios Ama cadacuadat dumñgeg  
qt dagti amin á parsua mañgrienada mt . . .

Ngm daguiti maquipagladingit á parsua  
iti nacaro á pannacatotoc ni Jesus dita  
aoan pumadpad iti tured ni Virgen Maria  
ta isiso ti aquinanac qñ Jesus na  
á pagdussooran ti pungtot dagti nadamca.

Narucbos á caycayo qñ mulmula  
ti ayamoom dagta sabsabong incay ipeca  
ta ipasayopyo qñ Maria tapno maliolica

ta dunteng ti horasen á matay ngata  
gapo ta ni Jesus sumina ti cararua na. . .

Ti init, astros, bulan quen bituen  
rangcap da iti Dios ditan ti agmayeng,  
amin á parsua maringgoran metten  
ta daytoy pay dagá agpiguergueren,  
quet dagti-la nadangques ti di agbuteng.

Ni ~~nacaro~~ unay á Virgen Maria  
agraman daguidi cacuyogna  
denguem, oh tao, ti dung-ao da  
bareng panangngasim ti maduca  
no pudno nga adda puso quenca.

Cadaguidi cadua ni Maria Virgen  
naipangrona iti ladingit á sagabaen  
ni San Juan Evangelista á talquen,  
castamet ni Magdalena, di duaduaen,  
gapo iti pammati da á sitatalingnengen..

Qt idi ta inyaoatda qñ Virgen Maria  
daydi pinacsoda á bangcay ti Anac na  
cas amin á pait toy lubong ti nayaoat qña  
iti nacaro unayen á sagabaenna  
ta malmes piman á di macabitla.

Ngem idi ta macaunin quinonana;  
oh Anacco! ania ti namayanda Qca!  
castoy man aya ti pagsubalitda  
idi ayat quen bannogmo á naiduma  
á nangted parabor á ninanamda!

¡Oh! amañgan á quinadangques ti tao  
ta naulpit unay á managuindidiammo  
cadagti naruay á imbag á impapaaymo  
qt dida mabalin á limden ta agpayso  
daguiti di magatadan á parabormo.

No dida ammoen ti quina-Sica'm  
nga Anac ti Dios á pagrucbaban  
aramidmo coma ti inda imatañgan  
nga aoan sabali á tarigagayam  
no saan á ti inda pannacaisalacan . . .

¡Oh! rupa, á nagsiddaaoan raniagna  
idiay bantay-Tabor á naisalumina!  
castoy man aya ti namay-anda quenca!  
oh dacay á imima quen sacsaca  
á pacaisagutan la ti tao ti inararamidda!



¡Oh! barucong á naiduma't dungngo,  
loh nasam-it quen sidi-Dios á Puso,  
á nauram iti ayatmo iti tao  
tapno maisalacan ti cararuana iti inferno,  
maranudac cad met ita rayray mo!

¡Oh Jesus co! nga inay-ayat  
¡amañgan daytoy ti ina pannacal  
iti daydi imaray canac á ragsac  
idi ta impaymo ti nayanac  
quen idi ni Isabel sinuculan naci.

¡Oh Isaac á napaypayso  
á naidaton ditoy Calvario,  
oh José á inda inlaco  
daguiti cacabsatmo á Judio  
¡amañgan ti castoy á casasaadmo!

Idi ta mumaalem unay ditan  
iti daydi saad á nacaitamnan  
ni Jesu-Cristo nga casasam-itan,  
immasideg qñ Virgen Maria ni Juan  
quinonana: señora, agaoitayon iti paguilian.

Ti ipapanaomo ditoy narigat, di duaduaen,  
ngem ti panagbatim ditoy di mt rumbeng;  
anansata timmuloc mt la toy Virgen  
á panaoanna piman daydi tanem  
nupay dina coma adayoan no mabalin.

Mauyos man la ditan ti biagna  
daytoy nasam-it unay nga ina  
qt inarayát á sinaranay da Magdalena,  
sada quinibin á siraraem impagna  
qt quinonana nga idi Cruz agpacada. . .

Idi poon ti Cruz nagparintumeng ni V. Maria  
ta cadatay á tattao pagpatuladna  
quinonana: sica ti pañgabac á bandera  
daguiti cristianos quet sica ti ulianda  
á macaragpat to iti agnanayon á Gloria.

¡Oh! ¡Cruz á inguet pateg  
ta abacmo daydi vara ni Moises  
sicanto ti manaraon, mamabileg  
iti pammati ti tao á sumgued  
iti ayat iti Dios á unmasideg!

¡Oh! ¡Cruz ni Jesus co á nasgang,  
sica ti taoid á capatgan  
daguiti amin á putot ni Adan

